

ბ. ნადირაძე

ნიკოლოზ ურბნელი—
საქართველოს
ისტორიის მკვლევარი

თბილისის უნივერსიტეტის გამომცემლობა
თბილისი 1973

901 (c41)
90(17.922) (ურბნელი)
6 162

მიძღვნილია შოთა
მესხიას წათელი
ხსოვნისადმი

ნაშრომში გაშუქებულია ცნობილი ქართველი მეცნიერის — ნიკოლოზ ურბნელის საზოგადოებრივ-პოლიტიკური შეხედულებები, ისტორიული კონცეფცია, კვლევის მეთოდები, ნაჩვენებია მისი მეცნიერული შემკვიდრების მნიშვნელობა საქართველოს ისტორიის შესწავლისათვის.

წიგნი განკუთვნილია საქართველოს ისტორიის საკითხებით დაინტერესებულ მკითხველთათვის.

© თბილისის უნივერსიტეტის გამომცემლობა, 1973

წი ნ ა ს ი ტ უ მ ა ო ბ ა

ქართულ ისტორიულ მეცნიერებას მრავალსაუკუნოვანი და მდიდარი ტრადიციები გააჩნია. ამის დადასტურებაა ძველი ქართული საისტორიო მწერლობის ისეთი ბრწყინვალე ნიმუშები, როგორცაა „ქართლის ცხოვრებაში“ შესული თხზულებები დაეით აღმაშენებლის ისტორიკოსისა. თამარის ისტორიკოსებისა. უამთააღმწერლისა და სხვ.

ქართველი ხალხი თავისი ცხოვრების ყველაზე უფრო ძნელბედობის ხანაშიც ახერხებდა ეროვნული საისტორიო მწერლობის შექმნას. XVIII საუკუნეში ვახუშტი ბაგრატიონის მეცნიერულმა ნაშრომებმა ახალი მიმართულება მისცა ქართულ ისტორიოგრაფიას. მაგრამ სამშობლოდან მოწყვეტილ ვახუშტი ბაგრატიონსა და მის თანამოაზრეებს არ შეეძლოთ აქტიურად შეეწყობთ ხელი საქართველოში ისტორიკოსთა ახალი თაობის აღზრდისათვის. „ძნელბედობასთან ერთად ეს გახდა იმის ერთი მიზეზი, რომ ვახუშტის შემდეგდროინდელმა ისტორიკოსებმა მისი მდიდარი ტრადიციები ვერ აითვისეს. ქართული ისტორიოგრაფიის განვითარება შეფერხდა. ასე გაგრძელდა XIX ს-ის 40-იან წლებამდის“.¹

მიუხედავად ამისა, მეცნიერული საქმიანობა საქართველოში საე-სებით როდი გაიყინა. ამის დადასტურებაა დაეით და ბაგრატ ბატონიშვილების შრომები საქართველოს ისტორიის საკითხებზე, შენდგომ კი ნ. დადიანის მოღვაწეობა. რომლის შრომასაც („ქართველთა ცხოვრება“) დიდად აფასებდა აკადემიკოსი ს. ჯანაშია².

განსაკუთრებით აღსანიშნავია თეიმურაზ ბატონიშვილის შრომები, რომლებშიც შეიმჩნევა „ვახუშტისაგან ნაანდერძევი ძველი

¹ შ. დ უ მ ბ ა ძ ე, ისტორიკოსი დიმიტრი ბაქრაძე, 1950, გვ. 93.

² ს. ჯ ა ნ ა შ ი ა, გიორგი შერვაშიძე. კულტურულ-ისტორიული წარკვე-
1946, გვ. 37—38.

მეცნიერული ტრადიციების აღდგენისა და მისი განვითარების ცდები“.¹

თეიმურაზ ბატონიშვილი სიფრთხილეს იჩენდა ისტორიული მოვლენების შეფასებისას. „მას მთელი არსებით შეგნებული ჰქონდა ამა თუ იმ ერის ისტორიის აღწერის სიძნელე, წყაროების გამოყენების და წესიერად მოთხრობის პასუხისმგებლობაც“.²

მ. ბროსე დიდ მნიშვნელობას აძლევდა თეიმურაზ ბატონიშვილის დამსახურებას. რუსეთის საიმპერიო აკადემიის საერთო კრებაზე 1838 წელს მარი ბროსეს განუცხადებია: „მე არ შემიძლია განუცვიფრებლად წარმოვსთქვა თეიმურაზის სახელი, რომელშიაც მაღალი ზნეობა შეერთებულია განათლებულ გონებასა და ვრცელ მეცნიერებასთან, რომელიც მწერლობით შრომაში პოულობს კეთილშობილურს გასართობს, რომლის მიზანი არის თავისი შრომით უკვდავყოს ხსენება თავის ერისა, რომლის მდებალ მოწაფედ სინდისის ქვეშ უნდა ვთქვა — აღვიარებ ჩემს თავს“.³

თეიმურაზ ბატონიშვილმა საქართველოს ისტორიის ბევრი ახალი საკითხის შესწავლა დააყენა დღის წესრიგში. მისმა შრომებმა მიუხედავად მნიშვნელოვანი ნაკლოვანებისა, ხელი შეუწყო საქართველოს ისტორიისადმი ინტერესის გაღვივებას. როგორც პროფ. შ. მესხია მიუთითებს, თეიმურაზი „საკმაო გავლენით სარგებლობდა სხვა მკვლევარებზედაც, თვით ბროსეზედაც“⁴; რაც ბროსეს ზემოაღნიშნული სიტყვებიდანაც ჩანს.

ჩვენი აზრით, სწორად მიუთითებს მ. დუმბაძე, რომ „თეიმურაზ ბატონიშვილი, ეახუშტი ბაგრატიონის შემდეგ, წარმოადგენდა ერთგვარ გარდამავალ საფეხურს ძველი ისტორიოგრაფიიდან ახალი ისტორიოგრაფიისაკენ“⁵.

როგორც პროფ. ა. კიკვიძე წერს, თეიმურაზ ბატონიშვილის დამსახურებაა „უცხოური წყაროების გამოყენება, კერძოდ, ბერძნული-სა. იგი იცნობს ჰეროდოტეს, სტრაბონს და კიდევ იყენებს მათ ცნობებს“⁶.

საქართველოს ისტორიის საკითხების შემდგომ კვლევას საგრძ-

1 მ. დუმბაძე, დასახ. ნაშრომი, გვ. 98.

2 შ. მესხია, თეიმურაზ ბატონიშვილის ცხოვრება და მოღვაწეობა: მასალები საქართველოს და კავკასიის ისტორიისათვის, 1939, ნაკვ. 1, გვ. 49.

3 ციტირებულია შ. მესხიას დასახელებული ნაშრომიდან, გვ. 19.

4 შ. მესხია, დასახ. ნაშრომი, გვ. 78.

5 მ. დუმბაძე, დასახ. ნაშრომი, გვ. 100.

6 ა. კიკვიძე, მასალები საქართველოსა და კავკასიის ისტორიისათვის, 1951, ნაკვეთი 29, XIX ს. ქართული ისტორიული აზროვნება, გვ. 2.

ნობლად შეუწყო ხელი პლატონ იოსელიანის შრომებმა. პლ. იოსელიანმა დიდი ყურადღება მიაქცია ძველი ქართული ძეგლების შესწავლას. იგი ცდილობდა მეფის რუსეთის ოფიციალური ისტორიოგრაფიის მოთხოვნები დაეკმაყოფილებინა, რაც, რა თქმა უნდა, ობიექტურობას უკარგავდა მის ნაშრომებს და, მიუხედავად ამისა, მისმა მოღვაწეობამ ხელშესახები ახალი მასალები შესძინა ქართულ ისტორიულ მეცნიერებას. იმ დროს, როცა საქართველოს ისტორიისათვის ახალი მასალების ძიებას და გამოვლინებას თითქმის არ ექცეოდა ყურადღება. პლ. იოსელიანის მოღვაწეობას დიდი მნიშვნელობა ენიჭებოდა.

ქართული ისტორიული მეცნიერების განვითარების საქმეში განსაკუთრებული ადგილი უჭირავს მარი ფელისიტე ბროსეს, რომლის სახელთანაა დაკავშირებული ქართველოლოგიის მეცნიერულ დისციპლინად ჩამოყალიბება ევროპაში. ბროსეს შრომები უდავოდ პასუხობს იმდროინდელი ისტორიული მეცნიერების განვითარების დონეს.¹ ბროსემ ყურადღება მიაქცია არა მარტო პოლიტიკურ მოვლენებს, არამედ სოციალურ ისტორიასაც. მაგრამ ისტორიის მთავარ შინაარსს იგი მაინც პოლიტიკურ მოვლენათა განვითარებაში ხედავდა. ქართული საისტორიო წყაროების კრიტიკაც ბროსესთან საკმაოდ მკრთალადაა მოცემული. ბროსეს მრავალმხრივმა და ნაყოფიერმა შემოქმედებამ დიდად შეუწყო ხელი ქართული ისტორიოგრაფიის განვითარებას, რამაც, ბუნებრივია, ნაყოფიერი ნიადავი შექმნა ქართული მეცნიერული ისტორიის ჩამოყალიბებისა და განვითარების საქმეში.

მარი ბროსესაგან დიდადაა დავალებული XIX საუკუნის მეორე ნახევრის ცნობილი ქართველი ისტორიკოსი დიმიტრი ბაქრაძე. რომლის მეცნიერული მოღვაწეობა 1850 წლიდან იწყება.

დ. ბაქრაძეს კარგად ესმოდა, რომ დრომ ახალი ამოცანები დააყენა საქართველოს ისტორიის ხკვლევართა წინაშე და ისიც თავდაუზოგავად შეუდგა აქამდე უცნობი მნიშვნელოვანი მასალების გამოვლინება-შესწავლას. „XIX საუკუნის ქართულ ისტორიოგრაფიაში დიმიტრი ბაქრაძე პირველი იყო, რომელმაც საფუძვლიანად გააჩნია მოპოვებული სიგელ-გუჯრები და შეუფარდა ისინი ისტორიულ სინამდვილეს“.²

დ. ბაქრაძე ისტორიული მასალების მხოლოდ შემგროვებელი

1 მ. ბროსეს მდიდარ მეცნიერულ მემკვიდრეობას შესანიშნავი გამოკვლევა უძღვნა შ. ხანთაძემ. იხ. შ. ხანთაძე, მარი ბროსე, თბ., 1966.

2 ა. კ. ი. ვ. ი. ვ. დასახ. ნაშრომი, გვ. 3—4.

როდი იყო. აგი ნიჭიერი და მეცნიერული ცოდნით აღჭურვილი მკვლევარია, რომელმაც საგრძნობლად გაუსწრო თავის წინამორბედ საქართველოს ისტორიის მკვლევართ. მისი ნაშრომების უმრავლესობა დიდი შენაძენი იყო ქართული ისტორიოგრაფიისათვის.

დ. ბაქრაძე იყო პირველი მკვლევარი, რომელმაც სერიოზული ნაბიჯი გადადგა საქართველოს მეცნიერული ისტორიის შესაქმნელად. „XIX საუკუნის მეორე ნახევარი საქართველოში ბურჟუაზიულ-დემოკრატიული მოძრაობის პერიოდი. რუს ხალხთან ეკონომიური. პოლიტიკური და კულტურული კავშირის შედეგად საქართველო ჩაება პროგრესული საზოგადოებრივი ურთიერთობის სისტემაში. სამოღვაწეო სარბიელზე გამოვიდა ბურჟუაზია. ახალმა კლასმა XIX საუკუნის 60-იან წლებში ბურჟუაზიის ნაციონალური საკითხი წამოაყენა. ამ პერიოდში ახლის მესიტყვედ გამოდის ილია ჭავჭავაძე და მისი ჯგუფი — თერგდალეულები. ისინი რუსეთის მოწინავე, რევოლუციურ-დემოკრატიული მოძრაობისა და პროგრესული აზროვნების, აგრეთვე, ქართული დემოკრატიული იდეების და პატრიოტიზმის დიად ტრადიციებზე აღიზარდნენ“.¹

XIX საუკუნის 80—90-იან წლებში თერგდალეულები განსაკუთრებულ ინტერესს იჩენენ საქართველოს ისტორიის პრობლემებისადმი. აკად. ნ. ბერძენიშვილის მოხდენილი თქმით, გლახობა „ქართლის ცხოვრებაში“ პირველად დიდმა ილიამ მოიკითხა². და მარჯალც. ილია ჭავჭავაძის მეთაურობით თერგდალეულებმა დიდი ყურადღება მიაქციეს ერის სრულყოფილი ისტორიის შესაქმნელად სოციალური საკითხის შესწავლას.

ილია ჭავჭავაძე კარგად იცნობდა თავისი დროის რუსეთისა და დასავლეთ ევროპის ისტორიულ მეცნიერებათა მიღწევებს. მას ისტორია როგორც მეცნიერება, ვერ წარმოედგინა არქეოლოგიის, ეთნოგრაფიისა და ლინგვისტიკის გარეშე და ეს იყო იმის მიზეზი, რომ ყოველი ღონით ზრუნავდა ამ დარგების განვითარებისათვის.

ქართველი სამოციანელები თავგამოდებით ილაშქრებდნენ ცარიზმის პოლიტიკის წინააღმდეგ. მათი მართებული აზრით, ასეთ ჰირობებში განსაკუთრებული როლი ენიჭებოდა ისტორიული მეცნიერების განვითარებას, რადგან ხალხის გათვითცნობიერებას დიდად შეუწყობდა ხელს საკუთარი ისტორიის შესწავლა-შეფასება.

რა თქმა უნდა, „სამოციანელები ისტორიული მეცნიერების მომარჯვებით არა მარტო ქართველთა ეროვნული თვითცნობიერების

¹ ი. კ ა ქ ა რ ა ვ ა, ქართული ისტორიოგრაფიის საკითხები, 1962, გვ. 37—38.

² აკად. ექვთიმე თაყაიშვილი, კრებული, 1966; ნ. ბერძენიშვილი, შესავალი, გვ. 7.

განმტკიცებას უწყობდნენ ხელს, არამედ წინ სწევდნენ და ავითარებდნენ ისტორიულ მეცნიერებას, განსაზღვრავდნენ მის საგანსა და ამოცანებს, მეთოდსა და მეთოდოლოგიას, იძლეოდნენ კონკრეტულ-ისტორიული საკითხების ბრწყინვალე გადაწყვეტის ნიმუშებს რევოლუციურ-დემოკრატიზმის პოზიციებიდან¹.

ილია ჭავჭავაძის თვალსაზრისი ისტორიული მეცნიერების მნიშვნელობის შესახებ ქართველ სამოციანელთა საერთო რევოლუციურ-დემოკრატიული აზრის გამოხატულებაა. ილია ჭავჭავაძის აზრით, ერის ისტორიის შესწავლით შესაძლებელია არა მარტო მოცემული ერის წარსულის ან აწმყოს შემეცნება, არამედ მომავლის გათვალისწინებაც.

ქართველი სამოციანელების უდავო დამსახურებაა, რომ მათ აუცილებლად მიიჩნიეს სოციალურ-ეკონომიური ცხოვრების შესწავლა და მტკიცედ დადგნენ რუსეთისა და დასავლეთ ევროპის მოწინავე ისტორიული აზრის პოზიციებზე.

მიუხედავად ცალკეულ საკითხთა ნათელი გაგებისა, ქართველ სამოციანელებს არ შეეძლოთ ისტორიის მატერიალისტურ გაგებამდე ამაღლებულიყვნენ და უტყუარი ქართული მეცნიერული ისტორია შეექმნათ. მაგრამ XIX საუკუნის მეორე ნახევრის სახელოვანი ისტორიკოსების თავდადებულმა და უანგარო შრომამ ქართული ისტორიოგრაფია ბევრი შესანიშნავი ნაშრომით გაამდიდრა.

ამავე ხანის ისტორიკოსების დიდ ღვაწლად უნდა ჩაითვალოს ისეთი შრომატევადი და რთული საქმის შესრულება, როგორცაა საქართველოს ისტორიისათვის სათანადო მასალების შეგროვება-გამოწზეურება. ამ მხრივ მათ უპირველესი და ფასდაუდებელი სამსახური გაუწიეს ქართული ისტორიული მეცნიერების შემდგომ განვითარებას.

XIX საუკუნის მეორე ნახევრის ისეთ სახელოვან ქართველ ისტორიკოსთა შორის, როგორცაა დ. ბაქრაძე, ა. ცაგარელი, მ. ჯანაშვილი, ა. ხახანაშვილი, ს. ბარათაშვილი და სხვები, განსაკუთრებული ადგილი უჭირავს ნ. ურბნელს, რომელსაც თავის დროზე სახელოვანმა ქართველმა ისტორიკოსმა დიმიტრი ბაქრაძემ სამართლიანად უწინასწარმეტყველა „დიდი მკვლევარის“ მომავალი².

ვფიქრობთ, წინამდებარე ნაშრომი განსაზღვრულ წვლილს შეიტანს ქართული ისტორიული აზრის განვითარების შესწავლის მნიშვნელოვან საქმეში.

¹ ი. კაქარაძე. დასახ. ნაშრომი, გვ. 17.

² მ. დუმბაძე. დასახ. ნაშრომი, გვ. 57.

შ ე ს ა ვ ა ლ ი

ნ. ურბნელი — ნიკოლოზ თადეოზის ძე ხიზანაშვილი, ცნობილი პუბლიცისტი, ისტორიკოსი, მეცნიერი და იურისტი — XIX საუკუნის უკანასკნელი მეოთხედის თვალსაჩინო მოღვაწე იყო. ნ. ურბნელმა დატოვა შესანიშნავი მეცნიერული მემკვიდრეობა, რომელიც დღემდე ინარჩუნებს დიდ ღირებულებას საქართველოს ისტორიის, ეთნოგრაფიის, იურისპრუდენციისა თუ ყოფის სხვადასხვა სფეროს მეცნიერული შესწავლისათვის. მისი ნაწერები, გარდა რამდენიმე ცალკე დაბეჭდილი წიგნისა, რომლებიც დიდი ხანია ლიტერატურულ იშვიათობას წარმოადგენენ, გაბნეულია 80—90-იანი წლების პერიოდულ პრესაში და ამდენად ძნელად ხელმისაწვდომია ფართო მკითხველი საზოგადოებისათვის.

ნ. ურბნელმა თავისი შესანიშნავი შემოქმედებით დიდი სამსახური გაუწია ქართული საზოგადოებრივი აზროვნების განვითარებას და ამ მხრივ ღირსეული ადგილი დაიკავა ილია ჭავჭავაძის, აკაკი წერეთლის, ნიკო ნიკოლაძისა და გიორგი წერეთლის გვერდით.

ძნელია დავასახელოთ იმდროინდელი საქართველოს ცხოვრების ისეთი მხარე, რომელსაც ნ. ურბნელი არ შეხებოდეს და სალი აზრი არ გამოეთქვას აღძრული პრობლემების შესახებ. იგი შესანიშნავად ერკვეოდა ეპოქის მოთხოვნილებებში და საკუთარი აზრი გააჩნდა საზოგადოებრივი ცხოვრების მიერ აღძრულ საკითხთა ირგვლივ.

ნათელი გონება, კარგი განათლება. შრომისმოყვარეობა, მხატვრული შემოქმედების ნიჭი ნ. ურბნელს საშუალებას აძლევდა მხარი აეხა ქართველი ხალხის იმ საუკეთესო შვილებისათვის, რომელნიც ქართული კულტურის სფეროში „თერგდალეულთა“ სახელით არიან ცნობილი.

ნ. ურბნელი ყოველთვის მზად იყო სამსახური გაეწია თავისი ერისათვის, თავი დაედო საერთო ეროვნული საქმისათვის, იგი დაუღალავად მუშაობდა მეცნიერების სხვადასხვა დარგში. თავგამოდებით თანამშრომლობდა ქურნალ-გაზეთებში და ეს მაშინ, როცა

ასეთი რთული საქმის შესასრულებლად ნორმალური მუშაობის პირობებიც კი არ გააჩნდა. ურბნელი წლობით მოწყვეტილი იყო დედაქალაქს და უბრალო მოხელედ მსახურობდა კავკასიის სხვადასხვა რაიონში, მაგრამ დიდი ენთუზიაზმი და საქმის სიყვარული იყო ის წყარო, რომელმაც განაპირობა მისი, როგორც მკვლევრის არა ერთი შემოქმედებითი გამარჯვება.

სამუშეობაზე, ამ დიდ მოღვაწეს ჯერაც არა აქვს მიჩენილი თავისი ადგილი ჩვენი სამშობლოს იმდროინდელ კვშმარტ შეილთა შორის.

ნ. ურბნელის ტრაგიკულად დაღუპვის ორი წლისთავზე გ. ყიფშიძე გულისტკივილით აღნიშნავდა „თავისი ერის უკეთესი წარმომადგენლის“ უხმაუროდ წასვლას ამ „სოფლიდან“, მის ჩუმ, ნაღვლიან დაკრძალვას. იმდროინდელი პრესის სიჩუმეს, მიუხედავად დიდი მამულიშვილის დაკარგვისა, მაგრამ იმედიანად კი შესცქეროდა ნ. ურბნელის მეცნიერული მემკვიდრეობის შესწავლის საქმეს მომავალში. დღემდე ამ მეტად საჭირო საკითხს საგანგებო ყურადღება მიაქცია აკადემიკოსმა გიორგი ჩიტაიამ, რომელმაც 1940 წელს ცალკე წიგნად გამოსცა ნ. ურბნელის „ეთნოგრაფიული ნაწერები“.

ნ. ურბნელის „ეთნოგრაფიული ნაწერების“ აკად. გ. ჩიტაიას წინასიტყვაობით გამოცემა იყო ერთადერთი სერიოზული ნაბიჯი შესანიშნავი მკვლევრის ნაშრომთა პოპულარიზაციისა და ამ ნაშრომთა შესწავლა-გამოყენების აუცილებელი და კეთილშობილური განზრახვის შესასრულებლად. მართალია, სხვადასხვა დროს ნ. ურბნელის შემოქმედებას ბევრი ქართველი მკვლევარი შეეხო და სამეცნიერო ლიტერატურაში არა ერთხელ არის უაჩყოფილი ან დამოწმებული ნ. ურბნელის ესა თუ ის შეხედულება, მაგრამ ეს, ასე ვთქვათ, კანტი-კუნტი შეფასება ძალზე მკრთალად წარმოგვიდგენს ნ. ურბნელის, როგორც მკვლევრისა და პუბლიცისტის. მნიშვნელოვნად სერიოზულ შემოქმედებას.

როგორც აღვნიშნეთ, ნ. ურბნელი მრავალმხრივი მკვლევარია. მან მეცნიერული ღირებულების ნაშრომები შექმნა სამართლის, ეთნოგრაფიის, ისტორიის დარგში და წლების მანძილზე ქართულ პერიოდულ პრესაში თანამშრომლობით გაბედული, ნიჭიერი, პატიოსანი პუბლიცისტის სახელი დაიმკვიდრა. ნ. ურბნელის კალამს ეკუთვნის მრავალი შრომა, რომლებიც გაბნეულია იმდროინდელ ჟურნალ-გაზეთებში. ცალკე წიგნად კი გამოიცა მისი შემდეგი ნაწარმოებები: „მეფე დავით აღმაშენებელი და მისი დრო“ (ისტორიული მონოგრაფია), ტფილისი, 1894 წელი; „გიორგი ბრწყინვალე, მეფე საქართველოსი“, ტფილისი. 1889 წ.. „ძეგლისდება მეფე გიორგი

ბრწყინვალესი“, ტფილისი, 1890 წ.; „ათაბაგი ბექა და აღბულა და მათი სამართალი“, ტფილისი, 1890 წ. და „ეთნოგრაფიული ნაწერები“. თბილისი, 1940 წ.

თავი რომ დავანებოთ ნ. ურბნელის მრავალმხრივ საინტერესო პუბლიცისტურ წერილებს, რომლებშიც მოცემულია განსხვავებული პროფილის მეცნიერული საკითხების გაშუქება, მისი ცალკე შრომებად გამოცემული წიგნების დასახელებაც ნათელს ხდის, რომ ჩვენ ვერ დავიკვებნით თითქოს ნ. ურბნელის შემოქმედება მეცნიერული სისტრულით გვეკონდეს შესწავლილი. ამჯერად ჩვენ მიზნად ვისახავთ მისი მეცნიერული ნააზრებისა და იდეური მემკვიდრეობის მხოლოდ ერთი უბნის შესწავლას, საკითხთა გარკვეული ნაწილის წარმოჩენით. მოცემულ პირობებში ჩვენ შესაძლებლად მივიჩნით განვიხილოთ ნ. ურბნელის კვლევის მეთოდები, ისტორიული კონცეფცია, საზოგადოებრივ-პოლიტიკური შეხედულებანი და, რაც მთავარია, საქართველოს ისტორიის მნიშვნელოვანი საკითხების ურბნელისეული კვლევის სიღრმე და მათი მეცნიერული მნიშვნელობა ჩვენი ქვეყნის ისტორიის შესწავლისათვის. მართალია, ნ. ურბნელის შემოქმედებას მკვლევარნი არაერთხელ შეხებიან, მაგრამ გაკერით, რაც ბუნებრივია, ვერ გვაძლევს სათანადო წარმოდგენას მისი. როგორც მკვლევრის, ავკარგიანობის შესახებ.

ჩვენი მიზანია გამოვიკვლიოთ ნ. ურბნელის მეცნიერული და იდეური მემკვიდრეობის ზემოაღნიშნული განსაზღვრული უბანი, რითაც, ვფიქრობთ, წვლილს შევიტანთ ნ. ურბნელის შემოქმედების შესწავლისა და სათანადოდ შეფასების აუცილებლად საჭირო საქმეში.

ვიდრე დასახული მიზნის განხორციელებას შეუდგებოდეთ, საჭიროდ მიგვაჩნია გავარკვიოთ და შეძლებისდაგვარად გავასწოროთ ზოგიერთი უზუსტობა, რომელიც ხელს უშლის ნ. ურბნელის ბიოგრაფიისა და შემოქმედების ნორმალურ შესწავლას.

ნ. ურბნელი — ნიკოლოზ თადეოზის ძე ხიზანაშვილი — დაიბადა 1851 წელს სოფ. მალღადოვლეთში, მღვდელ თადეოზ ხიზანაშვილის ოჯახში. ურბნელმა 1870 წელს დაამთავრა თბილისის სასულიერო სემინარია და 1871 წელს სწავლა განაგრძო ოდესის უნივერსიტეტის იურიდიულ ფაკულტეტზე. იგი უნივერსიტეტის დამთავრების შემდეგ სამშობლოში დაბრუნდა. ნ. ურბნელს თავისი პროფესიისათვის არასოდეს უღალატნია; მუშაობდა გამომძიებლად ზანგეზურში, ცხინვალში, სურამში, თიანეთში, სიციოცხლის უკანასკნელ ხანს კი თბილისში მომრიგებელი მოსამართლის მოადგილედ.

ნ. ურბნელი არ იყო, თუ შეიძლება ასე ითქვას, ისეთი უმნიშ-

ენლო მოღვაწე, რომ მკვლევარს, ვინც შეეხება XIX საუკუნის 80—90-იანი წლების ქართული აზროვნების საკითხს, მისი არცოდნა არცოდნად ჩაეთვალოს და მისი გვარის ან ლიტერატურული ფსევდონიმის წინ სხვისი სახელის დასმა ეპატიოს, რაც, სამწუხაროდ, ხდება ხოლმე. მაგალითად, პროფ. გ. ზარდალიშვილს დ. ხიზანაშვილი და ნ. ურბნელი (ხიზანაშვილი) ერთი და იგივე პიროვნება ჰგონია, იგი იხსენიებს „ივერიაში“ გამოქვეყნებულ წერილს „ზეზვა და ბახტრიონის აღება“ (უნდა იყოს „ზეზვა და ბახტრიონის ციხე“) და მის ავტორად დ. ურბნელს მიიჩნევს.¹ სინამდვილეში კი დავით ხიზანაშვილი სულ სხვა პიროვნება იყო, რომელიც კრებდა და იმდროინდელ პრესაში ბეჭდავდა ხალხურ ლექსებს (ეს ცნობა ნ. ურბნელსაც აქვს ერთ თავის წერილში).²

სწორედ ამ დავით ხიზანაშვილს აიგივებს პროფ. გ. ზარდალიშვილი ნიკოლოზ ხიზანაშვილთან (ნ. ურბნელი).

ქართულ ისტორიოგრაფიაში დღემდე არ არის დადგენილი, თუ როგორ უნდა იწერებოდეს ნ. ურბნელის გვარი. ზოგი მკვლევარი წერს ხიზანიშვილს, ზოგი ხიზანაშვილს. ძნელია წარმოვიდგინოთ, რომ ისეთ განათლებულ პიროვნებას, როგორც ნ. ურბნელი იყო, არ სცოდნოდა საკუთარი გვარის გენეალოგია და მართლწერა. მართალია, იგი ლიტერატურულ-სამეცნიერო ასპარეზზე ფსევდონიმებით მოღვაწეობდა, მაგრამ არსებობს საბუთები, რაზედაც მას ნამდვილი გვარი აქვს მოწერილი. მაგალითად, ხელნაწერთა ინსტიტუტში დაცულია დადგენილება ისტორიკოს დ. ბაქრაძის სასარგებლოდ შეკრებილი ფულის მოხმარების შესახებ³. აღნიშნულ ოქმს სხვა მოღვაწეებთან ერთად ხელს აწერს ნიკოლოზ თადეოზის ძე ხიზანაშვილიც. ხ ი ზ ა ნ და შ ვ ი ლ ი გადაბმული ასოებით წერია, ხოლო მათ შორის „ა“ თითქოს საგანგებოდაა გამოყოფილი. ჩვენ ვიცით, რომ ნ. ურბნელს თანამედროვენიც კი ზოგჯერ ხიზანიშვილად, ზოგჯერ ხიზანაშვილად წერდნენ. ბუნებრივია, ნ. ურბნელს არ სიამოვნებდა ეს გარემოება და შესაძლოა შემოაღნიშნულ დოკუმენტზე მის მიერ ხელის მოწერის დროს ასო „ა“-ს საგანგებო გამოყოფა სწორედ ამის შედეგი იყოს. ანგარიშსაწვევია ისიც, რომ ნ. ურბნელი თავის მოგვარე დავითსაც ხიზანაშვილად იხსენიებს, ვფიქრობთ. აღნიშნული არგუმენტები უფლებას გვაძლევს ნ. ურბნელის ნამდ-

¹ გ. ზარდალიშვილი, „ვინ თქვა — ადვილი“, ეურნ. „ცისკარი“, № 11, 1968, გვ. 157.

² ნ. ურბნელი, ეთნოგრაფიული ნაწერები. 1940, გვ. 110.

³ დიმიტრი ბაქრაძის პირადი სააქტივო ფონდი, № 11 (ყოფილ 5—5264), ხელნაწერთა ინსტიტუტი.

ვილ გვარად მივიჩნით ხიზანაშვილი და არა ხიზანიშვილი.

ნ. ურბნელი მოკლეს 1906 წელს, 28 დეკემბერს¹. იაკობ მანსვეტაშვილის „მოგონებათა“ რედაქტორის შენიშვნებში კი ვკითხულობთ — ნ. ხიზანაშვილმა ტრაგიკულად დაასრულა თავისი სიცოცხლე, 1907 წელსო.²

ვლ. აბრამიშვილი წერილში — „ილია ჭავჭავაძე და ნიკო ხიზანიშვილი“ — საესებით სწორად მიუთითებს, რომ ნ. ურბნელი სასიკვდილოდ დაჭრეს 1906 წ. 28 დეკემბერს და, ემყარება რა გაზეთ „მეგობრის“ იმავე 16 (29) დეკემბრის ნომრის ცნობას, იმასაც აღნიშნავს, რომ დაჭრილი იმ საღამოსვე გარდაიცვალა.

შემდეგ ვლ. აბრამიშვილი წერს, რომ წერაკითხვის გამავრცელებელი საზოგადოების კრება, რომელიც 1906 წლის 19 დეკემბერს ჩატარებულა, ილია ჭავჭავაძეს მწუხარედ გაუხსნია და დამსწრეთათვის ფეხზე აღდგომა უთხოვია ნ. ხიზანაშვილის ხსოვნის პატივსაცემად³. (ვლ. აბრამიშვილს ნ. ურბნელის გარდაცვალების თვის რიცხვი ახალი სტილით აღნიშნავს, წ.—კ. გამავრცელებელ საზოგადოების კრებისა კი — ძველი სტილით, თუმცა ამის შესახებ მითითებული არა აქვს).

1969 წელს გამომცემლობა „ნაკადულმა“ ცალკე წიგნად გამოსცა თედო სახოკიას „ჩემი საუკუნის აღმდინებელი“, რომელშიც თავმოყრილი მოგონებანი ავტორის მიერ სხვადასხვა დროს ცალ-ცალკე იყო გამოქვეყნებული პერიოდულ პრესაში. წიგნში აღნიშნულია, თითქოს ნ. ურბნელი და ილია ჭავჭავაძე 1903 წელს ერთად წასულიყვნენ საზღვარგარეთ⁴, რაც არ შეეფერება სიმართლეს. საყოველთაოდ ცნობილია, რომ ილია ჭავჭავაძე მხოლოდ ერთხელ იყო საზღვარგარეთ და ისიც 1900 წელს (გერმანიაში).

ნ. ურბნელი კი საზღვარგარეთ 1903 წელს გაემგზავრა. აი, რას გადმოგვცემს ამ ფაქტის შესახებ ნ. ურბნელის მეუღლე, ცნობილი ქართველი მსახიობი, ელისაბედ ჩერქეზიშვილი: „ნიკო ხიზანიშვილი უჩიოდა ავადმყოფობას, ასტმა ჰქონდა. ნიკომ გადაწყვიტა საზღვარგარეთ წასვლა სამკურნალოდ... ილიამ (ჭავჭავაძემ — გ. ნ.) და

1 იხ. გაზ. „მეგობარი“, 1906, № 68, 16 (29) დეკემბერი; იმავე წლის გაზ. „მეგობარი“, № 69, 17 (30) დეკემბერი; „ძველი საქართველო“, ტ. I, თბ., 1909, გვ. 8.

2 ი. მანსვეტაშვილი, მოგონებანი, თბ., 1936, გვ. 260.

3 ვლ. აბრამიშვილი, ილია ჭავჭავაძე და ნიკო ხიზანიშვილი. „მნათობი“, № 7, 1968, გვ. 141.

4 თ. სახოკია, ჩემი საუკუნის აღმდინებელი, თბ., 1969, გვ. 32.

ქვეყნდა ვლ. აბრამიშვილის წერილი „ვაჟა-ფშაველას ერთი ფსევდონიმისათვის“, სადაც სათანადო მასალებზე დაყრდნობით დასაბუთებულია გასაზიარებელი აზრი, რომ გაზეთ „დროებაში“ 1885 წელს 87-ე და 169-ე ნომრებში გელა ხინკალქამიაშვილის ფსევდონიმით გამოქვეყნებული ორი კორესპონდენცია სათაურით „თიანეთი“ და „ხმა მთიდან“ ეკუთვნის ნ. ურბნელს და რომ ეს კორესპონდენციები შეცდომით შეტანილია ვაჟა-ფშაველას ნაწარმოებთა X ტომში¹.

ჩვენ არ შეგვიძლია გავიზიაროთ არტურ ლაისტის აზრი, თითქოს ნ. ურბნელის „კრიტიკას სალიტერატურო მნიშვნელობა აკლდა ზომიერების უქონლობის გამო“ და თითქოს იგი „თუკი ვინმე არ მოსწონდა, დაუნდობლად შოლტაედა“².

შეიძლება, როგორც მოსაუბრე ნ. ურბნელი მართლაც ასეთი იყო, მაგრამ როცა მის კრიტიკულ წერილებს ვკითხულობთ, არ შეიძლება „ზომიერების უქონლობა“ ვუსაყვედუროთ. ეს რომ ქვეშარითყობაა, ამაში გვარწმუნებს ნ. ურბნელის კრიტიკული წერილების გულდასმით გაცნობა და ამ წერილების სამართლიანი და მოკრძალებული ტონიკ კი. მაგალითისათვის მოვიტანოთ ერთი ადგილი ნ. ურბნელის კრიტიკული წერილიდან ა. ხახანაშვილის „გუჯრების“ შესახებ, რომელიც იშვიათი ზომიერების ნიმუშად შეიძლება ჩაითვალოს: „ავტორის მოსაზრება ჩამაფიქრებელია და კამაჯისათვის დიდს ანგარიშს თხოულობს. ჩასაკვირველია, ცილობა შეიძლება, მაგრამ, რაც არ უნდა იყოს, თითოეული მთავარი აზრი ავტორისა პატივსადებია და საბუთებით შეიარაღებული“³.

ასეთი მაგალითების მოტანა მრავლად შეიძლება, მაგრამ, ვფიქრობთ, ესეც საკმარისია იმის ნათელსაყოფად, თუ როგორი პასუხისმგებლობით ეკიდებოდა ნ. ურბნელი სხვის კრიტიკას და რა მოთხოვნას უყენებდა საკუთარ თავს.

რა თქმა უნდა, სხვადასხვა ავტორის მიერ დაშვებული ზემოთ აღნიშნული ყველა შეცდომა უნებლიეა, მაგრამ ისიც ფაქტია, რომ ეს შეცდომები ხელს უშლის ნ. ურბნელის ბიოგრაფიის თუ მეცნიერული მემკვიდრეობის შესწავლას. სწორედ ამის გამო ვცანით საქიროდ საგანგებოდ გაგვემახვილებინა ყურადღება აღნიშნული საკითხის მიმართ და შეგვეტანა იგი შრომის შესავალში.

¹ ვაჟა-ფშაველა, თხზ., სრული კრებული 10 ტომად, ტ. X, კორესპონდენციები, პუბლიცისტური წერილები, სხვადასხვა დამატებანი, 1964.

² არტურ ლაისტი, საქართველოს გული, თბ., 1963, გვ. 25.

³ ნ. ურბნელი, „გუჯრები“ ა. ხახანაშვილისა, „ივერია“, № 63, 1892.

ნ. ურბნელის კვლევის მეთოდები, ისტორიული კონცეფცია.

ნ. ურბნელმა, როგორც ცნობილია, დაამთავრა ოდესის უნივერსიტეტი და არ გაუვლია, თუ შეიძლება ასე ითქვას, პეტერბურგის რევოლუციურ-დემოკრატიული „სკოლა“, რომელიც იმ დროისათვის რუსეთის თვალუწვდენელ იმპერიაში საზოგადოებრივი აზროვნების ცენტრად ითვლებოდა. მიუხედავად ამისა, ნ. ურბნელი რუსი რევოლუციონერ-დემოკრატების კეთილმყოფელ გავლენას განიცდიდა, რევოლუციონერ-დემოკრატებისა, რომელთა მებაირანტე იყო ჩერნიშევსკი, რომლის შესახებ ვ. ი. ლენინი საგანგებოდ აღნიშნავს: „ის რევოლუციურ გავლენას ახდენდა თავისი ეპოქის ყველა პოლიტიკურ მოვლენაზე, ატარებდა, მიუხედავად ცენზურის მრავალგვარი დაბრკოლებისა, გლეხთა რევოლუციის იდეას, ყველა ძველი ხელისუფლების დასამხობად მასების ბრძოლის იდეას“.¹

ნ. ურბნელი კარგად იცნობს დასავლეთ ევროპის განმანათლებლებს — ვოლტერს, რუსოს, მონტესკიესა და სხვებს. ბუნებრივია, ამ ფაქტსაც დიდი მნიშვნელობა ჰქონდა მისი. როგორც მოაზროვნის ჩამოყალიბებისათვის, მაგრამ ნ. ურბნელის მსოფლმხედველობის განმსაზღვრელი მთავარი ძალა მაინც მშობლიური ნიადაგი იყო. მის შემოქმედებას დიდ ზემოქმედებით ძალას ანიჭებდა თავისი სამშობლოს წარსული ისტორიის. თავისი ხალხის ზნე-ჩვეულებების ტრადიციების შესანიშნავი ცოდნა. რაც აუცილებელი პირობა იყო ყველა იმ ქართველი მოღვაწისათვის, ვისაც სურდა თვალნათლივ ეჩვენებინა მტერმოყვარესათვის ქართველი ხალხის მდიდარი ისტორიული კულტურა.

ილია ჭავჭავაძის უახლოესმა პირადმა მეგობარმა და მისი სულიერი დელის უმუალო მოწმემ ნ. ურბნელმა კარგად იცოდა, რომ

¹ ვ. ი. ლენინი. თხზ., ტ. 17. მე-4 გამოცემა, გვ. 129—130.

„დიდ-ბუნოვან კაცთა და სახელოვან გმირთა მაგალითებით ისტორია წურთნის ერსა, ზრდის, და დიდებულნი საქმენი კიდევ გულს უკეთებენ მოქმედებისათვის, აქეზებენ, ამხნეევენ“¹. იგი ხედავდა, რომ კოლონიური ჩაგვრის პირობებში ქართველი ხალხის ეროვნული თავმოყვარეობა შელახული იყო და ათასი ჯურის „ლიტერატორები“ თუ „ისტორიკოსები“ ქართველ ხალხს უკულტუროებსა და ველურებს ეძახდნენ. ასეთ პირობებში განსაკუთრებული მნიშვნელობა ჰქონდა ქართველი ხალხის დიდი კულტურული წარსულის მზის სინათლეზე გამოტანას, მისი გმირული ისტორიის პროპაგანდას. ამ კეთილშობილურ საქმეს მოახმარა თავისი შემოქმედებით მუშაობა ნ. ურბნელმა.

საინტერესოა ნ. ურბნელის, როგორც პუბლიცისტის მსოფლმხედველობის განვითარება. ნ. ურბნელი სამწერლო ასპარეზზე გამოსვლის პირველ პერიოდში აქტიური წევრი იყო ქართული ხალხოსნური ეურნალის — „იმედის“. ეურნალში ნ. ურბნელი სისტემატურად აქვეყნებდა წერილებს, რომლებშიც დიდ ადგილს უთმობდა ქართველი გლეხობის უფლებბრივი და ეკონომიური მდგომარეობის გაშუქებას. ნ. ურბნელმა ეურნალ „იმედში“ გამოქვეყნებული წერილებით ნათელი გახადა, რომ საქართველოში მუდამ არსებობდა წოდებათა შორის ბრძოლა, რომელსაც ეკონომიური ფაქტორი განსაზღვრავდა. ეურნალ „იმედის“ დახურვის შემდეგ ნ. ურბნელი „დროებაში“ თანამშრომლობდა და რადიკალურად ილაშქრებდა თავდაზნაურების წინააღმდეგ. მაგრამ გავიდა სულ მცირე დრო და ნ. ურბნელი სხვა რადიკალურ ხალხოსნურ მოღვაწეებთან ერთად ილია ჭავჭავაძის და მისი „იკერიის“ უახლოესი თანამშრომელი გახდა. და უკვე 900-იან წლებში, „ივერიაში“ „პლებსის“ ფსევდონიმით გამოქვეყნებულ წერილებში ნ. ურბნელი ამტკიცებდა, რომ წოდებათა არსებობა საზოგადოებრივ კანონს წარმოადგენს და ამდენად ბუნებრივი და მისაღებიაო. მსოფლმხედველობის ასეთი ცვალებადობა საერთოდ დამახასიათებელი მოვლენა იყო იმდროინდელი ქართული რადიკალურ-ხალხოსნური ინტელიგენციისათვის.

ნ. ურბნელი წინააღმდეგი იყო ყოველი აზრის, თუ შეხედულეობის უკრიტიკოდ მიღება-გაზიარებისა, წინააღმდეგი იყო უცხოურიდან საქართველოს სინამდვილისათვის შეუფერებელი საზოგადოებრივი მოვლენების მექანიკურად გადმოტანა-„შემოღებისა“. იგი ყოველთვის საგანგებოდ აღნიშნავდა, რომ მოღვაწემ, მეცნიერმა. თუ მას სურს იყოს თავის სამშობლოსათვის სასარგებლო, უპირვე-

¹ ი. ჭავჭავაძე, თხზულებათა სრული კრებული, ტ. II, 1941, გვ. 511.

ლეს ყოვლისა, უნდა შეისწავლოს კულტურა, ისტორია, ზნეჩვეულება, ტრადიცია თავის ერისა და ყველაფერი ეს გაითვალისწინოს ყოველივე ახლის შემოღება-დანერგვის დროს.

„ევროპული მეცნიერება მიუცილებლად საჭიროა, მაგრამ მართო ასეთი მეცნიერებით ჩვენებური მკვლევარი საქართველოს სოციალურ ევოლუციას ვერც თავს გაუჟიბს და ვერც ბოლოს“-ო¹, — წერს ნ. ურბნელი და დასძენს, — რომ „დიდად საჭიროა ჩვენი წარსულისა და აწმყო ცხოვრების შესწავლა და ცოდნა“.²

ნ. ურბნელი ეროვნული კულტურის აღორძინების უპირველეს პირობად მიიჩნევს ეროვნული ტრადიციების, წეს-ჩვეულებების, ადათების, ერთი სიტყვით, ყველა იმის დაცვა-შენარჩუნებას, რაც ერთ ერს მეორისაგან განასხვავებს. მაგრამ არა ყოველგვარი ეროვნული განმასხვავებელი ნიშნის დაცვა-გაძლიერებას, არამედ მხოლოდ ისეთებისა, რომელთაც პროგრესის მოტანა შეუძლიათ.

„იქნება გეგონოთ, რომ ჩვენ ვესტრს ყველა ჩვეულების დაცვა. არა, ჩვეულებასაც თავისი აზრი და მნიშვნელობა აქვს და, თუ იგი ხალხის ვინაობის გამომხატველია და ამასთანავე ზნეობით კანონს არ ეწინააღმდეგება, მისი დაცვა ყოველად საჭიროა. სხვათა შორის, სწორედ ასეთი ჩვეულება აძლევს ხალხს განსაკუთრებით ფერს, პიროვნულ ხასიათს. როგორც ყველა ცალკე პირისათვის საჭიროა მისი პიროვნული თავისებურება, ვინაობა, ისე ხალხისათვის საჭიროა გონივრული ხალხოსნური ჩვეულება. სადაც ასე არ არის, იქ არც პროგრესია შესაძლო“ — აცხადებს ნ. ურბნელი.

რა თქმა უნდა, მას, ისევე როგორც მარქსამდელ ყველა მოღვაწეს, არ შეეძლო წარმოედგინა ის დრო, როცა ეროვნებები აღარ იარსებებენ, როცა პატრიოტიზმისა და ინტერნაციონალიზმის ცნებები თავიანთ მნიშვნელობას დაკარგავენ და მსოფლიოს საერთო კულტურას დასაბამს მისცემს ყველა ერიღანი აღებული კულტურული საუნჯენი.

მიუხედავად იმისა, რომ ნ. ურბნელი თავის მეცნიერულ ნაშრომებში ძირითადად სალი აზრების და დებულებების ავტორია, არ შეიძლება არ აღინიშნოს, რომ ზოგჯერ მისი აზრები უარსაყოფი და მიუღებელია. ნ. ურბნელი განიცდის იმდროინდელი ბურჟუაზიული ისტორიოგრაფიის გავლენას. იგი „რუსულ და ევროპულ მწერლობაში გაბატონებული სოციოლოგიური და შედარებითი სკოლის და

¹ ნ. უ რ ბ ნ ე ლ ი, ჩვენი ცხოვრების ევოლუცია, „ივერია“, 1902, № 5.

² იქვე.

³ ნ. ხ ი ზ ა ნ ა შ ვ ი ლ ი, ეთნოგრაფიული ნაწერები, გვ. 4.

შეთოდის მიმდევარი იყო“¹ და ამ სკოლის როგორც უარყოფითი, ისე დადებითი გავლენა აშკარად შეიმჩნევა მის შემოქმედებაში.

იგი ადამიანის ჩამოყალიბებაში, მის სულიერ თუ ფიზიკურ ფორმირებაში გადაჭარბებულ მნიშვნელობას ანიჭებს ბუნებრივ-გეოგრაფიულ გარემოს. მაგალითად, როდესაც ფშაველის ან ხევსურის ცხოვრებას ეხება, მთიელი მას „უმანკო ქმნილებად“ მიაჩნია და ამბობს: „თავისი ხასიათით, მიმართულებით, მთელის თავის არსებით მთიელი ისეთივე უმანკო ქმნილებაა, როგორც მის გარშემო მოძრავი ბუნება“².

ნ. ურბნელი მათ მხარეზეა, ვინც თაყვანისცემით იხსენიებს იმ დროს „როცა კაცი ბუნებრივად ცხოვრობდა“³. მისი აზრით, „ბუნებრივი კანონების“ უპირატესობა ნათელია, როცა მთიელს და ბარელ გლეხს ერთმანეთს ადარებ და ეს იმიტომ, რომ ბუნება მათში ქმნის ადამიანის უმანკო და შეურყენელ ხასიათს. „ვაკე ქართლში გლეხი ყველას წინ კისერს იხრის, თუ შეტადრე იმის მოპირდაპირეს რაიმე ძალა და უფლება აქვს, მთიელზედ სულ სხვა უნდა ითქვას. აქაური თავისუფალი ბუნების შვილი ამპარტავეანია, თავის თავის უადრი იცის. ყველასთან და ყველგან თავისუფლად უქირავს თავი. თავისუფლად იქცევა, თითქოს ყველანი ერთნი იყვნენ... მთიელს ვერ შეაშინებს ვერც ძალა და ვერც უფლება“⁴ — წერს ნ. ურბნელი.

რა თქმა უნდა, გეოგრაფიულ გარემოს და კლიმატურ პირობებს მართლაც აქვს გავლენა ადამიანის ფიზიკურ ჩამოყალიბებაზე, მის ჩვევებზე, გემოვნებაზე, მაგრამ მთიელისა და ბარის გლეხის სულიერი სხვადასხვაობა ხსენებულ ეპოქაში უნდა აიხსნას, უპირველეს ყოვლისა, მათი სოციალურად განსხვავებულობით.

ნ. ურბნელი, მართალია, შესამჩნევად განსხვავდება ძველი სკოლის ისტორიკოსებისაგან და მიაჩნია, რომ ერის ისტორიაში უპირველესი ადგილი უნდა მიენიჭოს უბრალო ხალხის სოციალურ-ეკონომიური ცხოვრების შესწავლას. მაგრამ თავის შრომებში მან ვერ დააკმაყოფილა ისტორიკოსისათვის მართლაც და აუცილებელი ეს მოთხოვნა. მისთვის უცხო არაა ისტორიული მოვლენებისადმი ანალიზურ-სინთეზური მიდგომა. იგი არასოდეს არ შეზღუდულა მხოლოდ ფაქტების უბრალო აღწერით და მუდამ მიზნუ-შედევგობრივი

¹ ივ. ჭავჭავაძის, ქართული სამართლის ისტორია, წიგნი 1, 1928. შესავალი, გვ. 1.

² ნ. ხიზანაშვილი, ეთნოგრაფიული ნაწერები, გვ. 2.

³ იქვე.

⁴ იქვე, გვ. 4.

კავშირის მაძიებელი ისტორიკოსი იყო, მაგრამ ზოგჯერ თავს ვერ ართმევს ისტორიკოსისათვის დაკისრებულ რთულ ამოცანას. მართალია, ნ. ურბნელის მოღვაწეობის ხანაში „საისტორიო კვლევა-ძიება მეთოდოლოგიურად ძალიან დაქვეითებული იყო“¹, მაგრამ აღნიშნულ ფაქტს მართო ნ. ურბნელის, როგორც ისტორიკოსის, მეთოდოლოგიური სისუსტით ვერ ავხსნით. ამ შემთხვევაში აუცილებლად გასათვალისწინებელია იმ დროისათვის ისეთი დამხმარე მეცნიერების ძალზე სუსტი განვითარება, როგორიცაა პალეოგრაფია, დიპლომატიკა, ლინგვისტიკა, არქეოლოგია და ეთნოგრაფია. მართოს ფაქტი, რომ ქართული ისტორიული მეცნიერების განვითარების მთელ მანძილზე თვითონ ნ. ურბნელი იყო პირველი სერიოზული ეთნოგრაფი და „ქართული სამართლის ისტორიის ერთადერთი მკვლევარი“.² ბერს ლაპარაკობს მისი მუშაობის ძნელ პირობებზე.

ნ. ურბნელმა, როგორც ისტორიკოსმა, გამოამჟღავნა ისტორიული წყაროებისადმი კრიტიკული დამოკიდებულების შესანიშნავი უნარი. მან კარგად იცის, რომ ხელაღებით გამოყენება ამა თუ იმ საბუთისა, მისი უკრიტიკოდ მიღება და გაზიარება უიშვლო საქმეა. ამიტომ არის, რომ იგი „ქართლის ცხოვრების“ შესახებ ამბობს: „ქართლის ცხოვრება არ არის ჯერ კრიტიკულად განხილული და ამიტომაც ბევრი არა დაეჭვრება რაო“³.

ჩვენ სულაც არ გვსურს იმის თქმა, თითქოს ნ. ურბნელმა პირველად მიაქცია ამ საკითხს ყურადღება, მაგრამ ერთი უდავოა — ნ. ურბნელი ჩვენს იმ წინაპართა რიცხვს ეკუთვნის, რომლებმაც აღნიშნეს „ქართლის ცხოვრების“ უკრიტიკოდ სარგებლობის შეუწყნარებლობა და თავიანთი მუშაობით ამ მხრივ ხელი შეუწყვეს ქართული ხალხის შესანიშნავ ისტორიულ თხზულებათა კრებულის მეცნიერულად შესწავლა-დაქუთუბებას.

საერთოდ უნდა აღნიშნოს, რომ „ქართლის ცხოვრების“ შესახებ ნ. ურბნელს მეტად მართებული აზრები აქვს გამოთქმული. მან იცის, რომ ამ კრებულში „ჩვენს წარსულს შინაურ წეს-წყობილებზედ მეტად ცოტაა ნათქვამი და ნაამბობი. მათიანე უფრო პოლიტიკურსა და გარეგანს ცხოვრებას მოგვიასრობს“⁴. ნ. ურბნელს ესმის „ქართლის ცხოვრების“ ეს ნაკლი და აღნიშნავს კიდევ, როგორც ფაქტს. მაგრამ ამ ნაკლისათვის როდი საყვედურობს ძეგლის

¹ ივ. ჯავახიშვილი, დასახელებული ნაშრომი, შესავალი, გვ. 1.

² იქვე.

³ ნ. ურბნელი, მესხური კილო და მისი მოსარჩლე, „ივერია“, № 205, 1888.

⁴ ნ. ურბნელი, „გუჯარები“ ა. ხახანაშვილისა, „ივერია“, № 68, 1892.

ავტორებს. ჩანს, მან იცის, რომ: „ქართლის ცხოვრება“ მთლიანად და სავსებით ფეოდალური ისტორიოგრაფიის ნაყოფს წარმოადგენდა და იქ არც შეიძლებოდა ასეთი (ე. ი. სხვანაირი, ვიდრე არის — გ. ნ.) გაშუქება ყოფილიყო წარმოდგენილი“¹.

ნ. ურბნელს მიაჩნია, რომ ისტორია რთული მეცნიერებაა და ისტორიკოსისაგან მოითხოვს საზოგადოებრივი ცხოვრების მრავალი დარგის ცოდნას. იგი სამარო:ლიანად აღნიშნავს: „საკმაო როდია. როცა ქართველმა მხოლოდ თავისი პოლიტიკური თავგადასავალი იცის. არა, უფრო მეტად საჭიროა იმის ცოდნა. თუ რა ზნე-ჩვეულება, რა წესი და სამართალი, ეკონომიური განწყობილება, როგორი გამგეობა და მმართველობა ასულდგმულელებდა და ძალღონით ჰმოსაედა საქართველოს“².

ნ. ურბნელის მართებული აზრით, თუ კაცს ასეთი ცოდნა არა აქვს, იგი ვერასოდეს ვერ გაიგებს წარსულს, და თუ ასეთი უცოდინარი ან ნახევრადმცოდნე „მწერალიც“ არის, მაშინ იგი „მრუდე გზისაკენ მიჰმართავს მსმენელს საზოგადოებას“³.

ერთი სიტყვით, ურბნელი მოითხოვს, რომ ისტორიკოსს უნდა შეეძლოს „არა მხოლოდ მოვლენების გადმოცემა, არამედ მოვლენათა განსჯაც, — არა იმიტომ, სხვათაშორის, რომ ისტორიკოსს უნდოდა თავისი აზრი გამოეთქვა ამ მოვლენაზე, არამედ მხოლოდ იმიტომ, რომ მან ხელი მოჰკიდა მათს გადმოცემას“⁴.

ყურადღების ღირსია ნ. ურბნელის კრიტიკული წერილები ქართული მხატვრული ლიტერატურის შესახებ და ეს მით უფრო საინტერესოა, რომ იმდროინდელი ქართული სალიტერატურო კრიტიკა ერთგვარად ჩამორჩენილი იყო. ი. ჭავჭავაძემ ამ საკითხზე საგანგებო წერილიც კი გამოაქვეყნა ხათაურით „რა მიზეზია, რომ კრიტიკა არა გვაქვს“. აღნიშნულ წერილში ი. ჭავჭავაძემ მოგვცა ყოველგვარი „იზმებისაგან“ თავისუფალი, სადა და ნათელი განსაზღვრა ლიტერატურული კრიტიკის მაღალი მნიშვნელობისა: „ლიტერატურა თავისის ფართო მნიშვნელობით გონების ნაჭირნახულევი ხვავია, საცა წმინდა ზორბალიც არის და ბალახ-ბულახის თესლიცა, რაც ცხავია ხვავისათვის, ისიც კრიტიკაა ლიტერატურისათვის“⁵.

ნ. ურბნელს კარგად ესმოდა კრიტიკის ასეთი მნიშვნელობა. იგი ყოველთვის ცდილობდა ნაწარმოების ობიექტური შემფასებელი

¹ ე. გ რ ი გ ლ ი ა, ახალი ქართლის ცხოვრება, 1954, გვ. 83.

² ნ. უ რ ბ ნ ე ლ ი, „გუჯრები“ ა. ხახანაშვილისა, „ივერია“, № 68, 1892.

³ ი ქ ე ე.

⁴ ბ. ბ ე ლ ი ნ ს კ ი, რჩეული ფალსოფიური თხზ., თბ., 1948, გვ. 491.

⁵ ი. ჭ ა ვ ქ ა ვ ა ძ ე, თხზ., სრული კრებული, ტ. II, თბ., 1941, გვ. 112.

ყოფილიყო და მუდამ მზად იყო, მისეული კრიტიკა კეთილისმყოფელი „ცხავი“ ყოფილიყო ნიჭიერი ავტორის თხზულებიანათვის. აი, რას წერდა, მაგალითად, ნ. ურბნელი ალ. ყაზბეგის დრამის — „ქეთევან წამებულის“ შესახებ: „ზოგჯერ მის მოქმედ პირებს ეტყობათ ხასიათის შეუმუშავებლობა. ეს გარეგანი ლიტერატურული ფორმის ნაკლოვანებაა და მხოლოდ იმას ამტკიცებს, რომ ნიჭი ჩავს ბატონ მოჩხუბარიძეში ლიტერატურულ განვითარებას, გავარჯიშებას. საქმე ნიჭია, მკითხველო, და ლიტერატურული ფორმის შესწავლა, ხელოვნების თეორიის ყალიბზე წერა ადვილად შეიძლება... ნიჭი ხომ უხვად რგებია მოჩხუბარიძეს. აი, ეს არის ჩვენთვის ძვირფასი დიდი განძი“.¹

რასაკვირველია, ისეთი კრიტიკა, სადაც გარკვეულია ნაწარმოების ნაკლი, დანახული და შექმნილია ნიჭი შემოქმედისა, სასარგებლო იქნებოდა ავტორისთვისაც და მკითხველი საზოგადოებისთვისაც.

ლიტერატურა ნ. ურბნელისათვის ის იდეოლოგიური იარაღია, რომელსაც საზოგადოება პროგრესისაკენ მიჰყავს. მისი მართებული გაგებით, ლიტერატურა უნდა ემსახურებოდეს ერის სასიცოცხლო ძალების გამოღვივებას და იგი უნდა იყოს რეალისტური. მაშინ აქვს მას მოქალაქეობრივი უფლება და მისი დანიშნულება გამართლებულია.

როგორც ცნობილია, ქართველი სამოციანელები დიდ ყურადღებას უთმობდნენ ქართული სალიტერატურო ენის საკითხს. მათ კარგად ჰქონდათ შეგნებული, რომ „პირველი ნიშანი ერის ვინაობისა ენაა“ (ილია). ეს კეშმარტივება კარგად ესმოდა ნ. ურბნელს და მან თავის ნიჭიერად დაწერილ წერილებში დიდი ადგილი დაუთმო ქართული სალიტერატურო ენის საკითხს. უპირველეს ყოვლისა, ნ. ურბნელი მოხიბლული იყო იმ ფაქტით, რომ საზოგადოებაში „ტრიანგლებდა“ სჯა-ბაასი, კამათი ენის „გაფაჭიზებისა“ და „განკარგების“ შესახებ.

სალიტერატურო ენის შესახებ ნ. ურბნელი იმ აზრისა იყო, რომ ენა უნდა ვითარდებოდეს და იზრდებოდეს, რომ საერო სალიტერატურო ენა უნდა ითვისებდეს „სათემო კილოდან“ ყველაფერს კარგს. იგი წერდა, რომ: „საერო ენა, რაც კი რამ მუქენიერია საუთემო კილოში, ითვისებს, ისაკუთრებს. სხვათა შორის, ამ შეთვისებაზეა დამოკიდებული საერო ენის აღორძინებაც. საერო ენა მაშინ შედის წარმატებაში და ყოველთვის განკარგების გზას აღ-

¹ ნ. უ რ ბ ნ ე ლ ი, ლიტერატურული მიმოხილვა, „დროება“, 1883, № 112.

გია, როცა კავშირს არ სწყვეტს ხალხის ცოცხალ ენასთან".¹ ნ. ურბნელმა კარგად იცის, რომ სიტყვის შემოტანა სალიტერატურო ენაში დაუშვებელია, გრამატიკის კანონების გარეშე, დაუშვებელია. „ხალხური“ ენა, მისი აზრით, „მასალაა მწერლობისათვის და არა მზა იარაღი. იმას დაუშვებელია და განვითარება სჭირდება და უამოსოდ იმისი მწერლობაში ხმარება სრულიად არ მოასწავებს სამწერლო ენის განდიდებას და წარმატებას“.² ეს დღეისათვის კეშმარიტებაა, მაგრამ მაშინ, როცა აზრთა სხვადასხვაობა არსებობდა, და, ერთი იმდროინდელი მოღვაწის თქმით, ვინც რომელი კუთხიდან იყო, იმ თემის ენაზე წერდა და ასეთ „ქართულს“ აწვდიდა მკითხველ საზოგადოებას, გასაგებია, რომ ნ. ურბნელის ზემოაღნიშნულ მოსაზრებებს დიდი მნიშვნელობა ექნებოდა.

ნ. ურბნელი თავის პუბლიცისტურ წერილებში მრავალ საინტერესო საკითხს შეეხო და არასოდეს არ ჰგაედა იგი ფანტაზიასაყოლილ მწერალს. იგი ყოველთვის ცდილობდა, თუკი ამის რეალური შესაძლებლობა იყო, საბუთით განემტკიცებინა და ისე მიეწოდებინა მკითხველისათვის თავისი აზრები. საბუთიანობა არასოდეს უარგაედა მის ნაწერს მხატვრულ შნოსა და ლაზათს. თუმცა ზოგჯერ იგი არ უთითებს წყაროს, თუ საიდან სარგებლობს, მაგრამ მკითხველი გრძნობს, რაიმე ავტორს საბუთი მზადა აქვს.

საქართველოს ისტორიაში კარგად ცნობილი კრწანისის ბრძოლის ასი წლისთავზე „ივერიაში“ (№ 194) გამოქვეყნდა ნ. ურბნელის წერილი — „კრწანისის ბრძოლა“. აღნიშნულ წერილში ავტორი მკითხველს უსურათებს ალა-მაჰმადხანის ფიზიონომიას და წერს: „წარმოიდგინეთ სახე გამხდარი დაღმანკული უწვერულვაშო, თოთხმეტ-ხუთმეტი წლის ბავშვის მსგავსი მოხუცი, ყმაწვილობითვე დასაქურისებული; მუდამ ბრაზიანი, გულაღრენილი. . . ამას ზედ დაურთეთ უსაზღვრო თავმოყვარეობა, უზომო ბატონობის სურვილი, სიფლიდე, ყოველგვარი სიმზაკვრე და თქვენს წინ ალა-მაჰმადხანის ნამდვილი სურათი იქნება“.³

ალა-მაჰმადხანის ურბნელისეული დახასიათება თითქმის მთლიანად ემთხვევა ცნობილი ინგლისელი ისტორიკოსის მალკოლმის მიერ

¹ ნ. ურბნელი, ეხლანდელი ქართული სამწერლო ენა, „ივერია“, № 166, 1888.

² ნ. ურბნელი, ეხლანდელი ქართული სამწერლო ენა, „ივერია“, № 177, 1888.

³ ნ. ურბნელი, კრწანისის ბრძოლა, „ივერია“, № 194, 1895.

აღა-შაჰმადხანის გარეგნობის აღწერას, რომელიც პროფ. ი. ცინცაძეს საგანგებოდ მოაქვს თავის წიგნში¹.

ექვეგარეშეა ნ. ურბნელს ხელთ ჰქონდა წყარო, რომლითაც იგი ხელმძღვანელობდა აღა-შაჰმადხანის დასახასიათებლად.

წყაროებზე დაყრდნობა ნ. ურბნელისათვის, როგორც ისტორიკოსისა და პუბლიცისტისათვის, მიუცილებელ დამახასიათებელ თვისებას წარმოადგენს. ამიტომაც მისი ნაშრომები უმეტეს შემთხვევაში ნღობასა და მხარდაჭერას იმსახურებს.

ნ. ურბნელი დიდ ადგილს ანიჭებს საზოგადოებრივი იდეების როლს ადამიანთა საზოგადოებრივი ცხოვრების განვითარებისათვის, მისი გაკეთილშობილებისათვის, პროგრესისათვის. მას მიაჩნია, რომ ყოველი ახალი იდეა, ცხოვრებისეული საჭიროებით წარმოშობილი, აუცილებელი მოვლენაა, რომ სწორედ ძველი და ახალი იდეების ბრძოლა აძლევს სტიმულს საზოგადოების განვითარებას. მისი აზრით, დიდი იდეები შობენ დიდ საზოგადოებრივ მოვლენებს. მას მიაჩნია, მაგალითად, რომ „საფრანგეთის დიდი რევოლუცია ღვიძლი შვილი და მემკვიდრე იყო წარსული საუკუნის ფილოსოფიისა“². ნ. ურბნელმა კარგად იცის, რომ დროის ცვლასთან ერთად იცვლება ადამიანთა შეხედულებები. საზოგადოებაში ჩნდება ახალი მოთხოვნები და ეს მოთხოვნები აპირობებს ახალი იდეის წარმოშობას. მან იცის, რომ იდეები, მოთხოვნები, ღტოლვა კლასობრივ საზოგადოებაში სხვადასხვანაირია, მაგრამ მან ისიც იცის, რომ ახალი იდეები მხოლოდ მაშინაა გასაზიარებელი და მისაღები. როცა იგი გამიზნულია სრულყოფილი სოციალური ურთიერთობის დამყარებისათვის.

აი, რას წერს ნ. ურბნელი აღნიშნული მოვლენის შესახებ: „ცხოვრების მოძრაობას თან მოსდევს „თაობა“. რისთვის? მისთვის, რომ ცხოვრების ცვლილება ხალხის გულში და გონებაში შობს ახალ იდეალებს, აზრებსა და თვით თაობა მიუცილებელი შედეგია ცხოვრების ცვლილებისა“³. ნ. ურბნელმა იცის, რომ ძველისა და ახლის ბრძოლა საზოგადოებრივი ცხოვრების განვითარების აუცილებელი და უპირველესი ნიშანია. უამისოდ „მთელი საქართველო დიდ უბედურებაში იქნებოდა ჩავარდნილი“⁴. როცა ამას ამბობს ნ. ურბნე-

¹ ი ა ს ე ც ი ნ ც ა ძ ე, აღა-შაჰმად-ხანის თავდასხმა საქართველოზე, თბ., 1959, გვ. 71.

² ნ. უ რ ბ ნ ე ლ ი, საფუძვლები სახალხო განათლებისა: „რქედი“, № VII, 1981, გვ. 51.

³ ნ. უ რ ბ ნ ე ლ ი, ძველი და ახალი თაობა, გაზ. „დროება“, № 94, 1883.

⁴ ი ქ ე ე.

ლი, ცხადია, იგი სხვა ხალხთა საზოგადოებრივი ცხოვრების განვითარების შესახებაც ამავე აზრისაა. სადავო არაა, რომ ურბნელი ამ შემთხვევაში მტკიცედ დგას მატერიალისტურ პოზიციებზე და თითქმის ისეთივე შეხედულება აქვს საზოგადოებრივი აზრის ევოლუციის შესახებ, როგორც მარქსისტ მეცნიერებს.

5. ურბნელი თავგამოდებული ქომაგი და დამცველია ცხოვრების განვითარების მიერ ნაკარნახევი ახალი და პროგრესული იდეებისა იმ სამოციანელთა მსგავსად, რომლებმაც „არა მარტო განავითარეს თავისი დროისათვის მეტად პროგრესული შეხედულება საზოგადოებრივი იდეებისა და საზოგადოებრივი პრაქტიკის ურთიერთობის შესახებ, არამედ აღიარეს ამ იდეების მეტად აქტიური უკუქმედებითი როლი მათ წარმომშობ საზოგადოებრივ ცხოვრებაზე“¹.

5. ურბნელმა იცის, რომ საზოგადოებრივ ცხოვრებას თავისი კანონები გააჩნია და ამ კანონებს ემორჩილება ცხოვრების განვითარება. მან იცის, რომ ბუნების კანონების ცოდნა აუცილებელია ადამიანის მიერ ბუნების დამორჩილებისათვის და თავის სასარგებლოდ მისი გამოყენებისათვის.

5. ურბნელი საზოგადოებრივი საჭირბოროტო საკითხების გაშუქებისას წარმატებით აანალიზებს დასავლეთ ევროპის ქვეყნების შინაური ცხოვრების მაგალითებს და მათი მეოხებით საქართველოს სინამდვილისათვის დამახასიათებელი საკვანძო საკითხების გაშუქებას ცდილობს, რასაც არც თუ ისე იშვიათად წარმატებით ართმევს თავს.

5. ურბნელის აზრით, როცა ეკონომიური უთანასწორობა არსებობს, იურიდიული თავისუფლება კარგავს თავის ცხოველმყოფელ ძალას და ეს საერთო კანონია ყველა ერის საზოგადოებრივ ცხოვრებაში.

„რას იზამს საწყალი ხალხი თავისუფლების ძალით? რა ნაყოფი მოაქვს მას ხალხისათვის?“ — კითხულობს ნ. ურბნელი და თვითონვე პასუხობს: — „ბევრი არაფერი, თითქმის არა რაიმე და რომ ეს მართალია, აშკარად გვიმტკიცებს თითონ ინგლისი. იქ პოლიტიკურმა თავისუფლებამ (თუმცა ბევრი სხვა მიზეზითაც არის) საშინელი და საოცარი ეკონომიური მონობა დაბადა... ამგვარად თვით ეს თავისუფლება ღარიბი ხალხის დამჩაგვრელ ძალად გადაიქცა და

¹ ვ. დ. ნ. ა. ქ. ქართველი სამოციანელები ახალი ისტორიის პრობლემათა შესახებ, 1970, გვ. 65.

გსურთ კეშმარიტება? — ინგლისის საოცარი სიმდიდრე აშენებულია ხალხის სიღარიბეზე, მის სიღატაკეზე“.¹

როგორც ვხედავთ, ნ. ურბნელის კონცეფციით ეკონომიკაა საზოგადოების განვითარების მთავარი ძალა და თავისი მოსაზრების დასამტკიცებლად ინგლისის მაგალითს იშველიებს იგი.

ნ. ურბნელი თავის თხზულებებში მრავალჯერ შეეხო საკითხს, თუ რა როლს ასრულებს პიროვნება ისტორიაში, და მისდა სასახელოდ უნდა ითქვას, რომ ისტორიის მთავარ მამოძრავებელ ძალად მას ხალხის მასები მიაჩნია. ნ. ურბნელი არც ცალკეული პიროვნების როლს უარყოფს ისტორიაში. პირიქით, მის დამსახურებას ისტორიის წინაშე საგანგებოთაჲ კი აღნიშნავს, მაგრამ პიროვნების მოქმედებას და მის პირად წარმატებას ისტორიის ასპარეზზე არსებულ პოლიტიკურ-ისტორიული მომენტით ხსნის და აცხადებს, რომ „შეფისა თუ სხვა საზოგადოებრივის მოღვაწის საქმეთა განხილვა და განსჯა შესაძლოა ისტორიულ გარემოებათა მიხედვით. დროთა ვითარებას დიდი გავლენა აქვს საზოგადო ცხოვრების ბრუნვაზე“.²

როგორც ვხედავთ, ნ. ურბნელის კონცეფციით ისტორიის შექმნისათვის აუცილებელია არსებობდეს საზოგადოებრივი პირობები, შესაფერისი „დროთა ვითარება“. ნ. ურბნელის აზრი, ვფიქრობთ. საშუალებას გვაძლევს განვაცხადოთ, რომ იგი თავისი თვალსაზრისით ახლო დგას ისტორიის შექმნის მარქსისტულ განსაზღვრასთან: „ადამიანები თვით ქმნიან საკუთარ ისტორიას. მაგრამ ქმნიან არა თვითნებურად, არა ნებაყოფლობით, არჩეულ პირობებში, არამედ უშუალოდ არსებულს, მოცემულს და გადმოცემულ პირობებში“.³ ნ. ურბნელის აზრით, დიდი ისტორიული პიროვნება იმას უნდა ეწოდოს, ვინც თავისი მოქმედებით ხელს უწყობს საზოგადოებრივ პროგრესს, მხარს უჭერს საზოგადოების წინსვლას. ის პიროვნება კი, ვისი მოქმედებაც მიმართულია პროგრესის წინააღმდეგ, არ შეიძლება დიდი იყოს, მიუხედავად მისი ბუნებრივი ნიჭისა და დიდი გონებრივი პორიზონტისა.

ერთი სიტყვით, ნ. ურბნელის კონცეფციით დიდი პიროვნების როლი ისტორიაში მხოლოდ მისი მოღვაწეობის დიდი დადებითი შედეგებით ფასდება. წინააღმდეგ შემთხვევაში კი პიროვნება, მიუხედავად დიდი გონებრივი ნიჭისა, გასაკიცხი და შესაჩვენებელია. ამ თვალსაზრისიდან გამომდის ნ. ურბნელი, როცა იგი ნაპოლეონ ბო-

¹ ნ. უ რ ბ ნ ე ლ ი. საფუძვლები სახალხო განათლებისა, ეურნ. „იმედი“, 1882, № 10.

² ნ. უ რ ბ ნ ე ლ ი, მეფე დავით აღმაშენებელი და მისი დრო, 1894, გვ. 20.

³ კ. მ ა რ ქ ს ი, თერაპეტი ბრიუმერი ლუი ბონაპარტისა, თბ., 1932, გვ. 9.

წაპარტეს „გაიძვერა“ და „ფლიდ“ გმირს უწოდებს და კიცხავს იმოსათვის, რომ მან „დემოკრატის პანღური ამოჰკრა და საფრანგეთში დააარსა ისეთი პოლიტიკური სისულელე, როგორც ცეზარიზმი იყო“¹.

ნ. ურბნელს ხალხის სახელოვან შვილად მიაჩნია ისეთი პიროვნება, რომელიც შთამომავლობას უტოვებს კარგ მაგალითს თუ როგორ უნდა იცხოვროს, იშრომოს და რა სამსახური უნდა გაუწიოს ადამიანმა თავის სამშობლოს, თავის ერს. ასეთი პიროვნება, ნ. ურბნელის აზრით, შექმნილია მარადიული უკვდავებისათვის. იგი განაგრძობს სიცოცხლეს მომავალ თაობათა საზოგადოებაში, რადგან მის პატივსაცემად და საცნობლად მისივე „საქმენი დარჩენენ“².

ნ. ურბნელი ისტორიას, როგორც მეცნიერებას, დიდ საზოგადოებრივ მნიშვნელობას ანიჭებს. მისი აზრით, კულტურული ცხოვრებისათვის აუცილებელია „ჩანმრთელი“ სული. ადამიანის სულის გაკეთილშობილებას კი, პირველ ყოვლისა, ხელს უწყობს კაცობრიობის გამოცდილების ცოდნა. მისი აზრით, ისტორიის ცოდნა, წარსულის შესწავლა დიდი გარანტიაა აწმყოს უკეთ მოწყობისათვის.

ნ. ურბნელი ისტორიული მაგალითების შესწავლაში ხედავს „ახალი“ თაობის პატრიოტული სულისკვეთებით აღზრდის საუკეთესო საშუალებას და ეროვნულ დანაშაულად თვლის, როცა სამშობლოს საუკეთესო შვილების ღვაწლთა შესწავლა დაეიწყებულა თანამედროვე თაობისათვის. აი, რას წერს იგი კრწანისის გმირების შესახებ: „ჩვენთვის ღირს-სანატრელი და სამარადისოდ საგონებელია ის თავგანწირული, აღფრთოვანებული წმინდა მამულის-შეოღობა, რომელიც ჩვენმა წინაპრებმა კრწანისის ველზედ გამოიჩინეს და სათაყილოდ უნდა მიგვაჩნდეს მხოლოდ... როცა დუმბილი ფარავენ ერთგულთა ძეთა“³.

ნ. ურბნელი სიძულვილს ვერ მალავს მათდამი, ვისაც ისტორიის გაკვეთილი არაფრად უღირს. მისი აზრით, ასეთი პიროვნება ან „უმეცარია“, ან „მზაკვარი“⁴.

ნ. ურბნელი დაუნდობლად კიცხავს საზოგადოების იმ ნაწილს; ვისაც თავისი ცხოვრების მიზნად უნაზრო დროსტარება და ქეიფი გაუხდია, ვინც არ იცის და არც უნდა იცოდეს თავისი ხალხის წარ-

¹ ნ. ურბნელი, საფუძვლები სახალხო განათლებას, თურნ. „იმედა“, № VII, 1882, გვ. 65—66.

² ნ. ურბნელი, მეფე დავით აღმაშენებელი და მისი დრო, 1894, გვ. 113.

³ ნ. ურბნელი, კრწანისის ბრძოლა, ვახ. „ივერია“, № 194, 1895.

⁴ იქვე.

სული, მისი ისტორია და კრწანისის მიდამოებს მხოლოდ იმით იცნობს, რომ იქ საქეიფო ადგილებია.

„ბრძოლისა და ვაჟკაცობის ადგილი უაზრო ქეიფმა და სამარცხინო ხანჯლის ტრიალმა დაიჭირა... სალხინო და სასიამოვნო კრწანისის ბალები ყველა თბილისელმა იცის და ის კი არ ახსოვთ, რომ ასია წლის წინათ კრწანისის ველი, სადაც ეს ბალებია, წითლად შეიღება გმირთა უმანკო სისხლით, რომელიც სამშობლოსათვის დაინთხა. აქ ამ მწუხანე წალკოტთა ადგილას ძველმა ქართულმა გმირობამ და ქველობამ ააგო ის უხილავი ტაძარი, სადაც არა ერთი თაღადებული მამულიშვილი მდუმარებს“¹ — წერს ნ. ურბნელი და მკითხველისათვის ნათელი ხდება, თუ რა დიდ საზოგადოებრივ მნიშვნელობას ანიჭებდა იგი ისტორიას, როგორც მეცნიერებას საზოგადოებრივი ცხოვრების აწმყოსა და მომავლის დადებითი პერსპექტივისათვის.

ნ. ურბნელს თავისი გარკვეული აზრი აქვს სამართლიანი და უსამართლო ომების შესახებ. მას ბაჩნია, რომ ისტორია მართო გამარჯვებულებს არ აჩილდობს. მისი მართებული აზრით, გამარჯვება მხოლოდ მაშინ არის ზეიმის ღირსი, როცა გამარჯვებისათვის ბრძოლის მიზანი ჰუმანური და სამართლიანია. მისი კონცეფციით დამარცხება ზოგჯერ საპატიოა და ისტორია მას შარავანდელით მოსაყვს. გამარჯვებულს კი იგივე ისტორია კიცხავს, ვინაიდან მის მოქმედებას განაპირობებს მხოლოდ არაჰუმანური საწყისება. აღნიშნული საკითხის ასეთ გაგებას გულისხმობს ნ. ურბნელი, როცა წერს:

„თქვენ მიპასუხებთ, რომ კრწანისის ველზედ საქართველოს გმირობა შთაინთქა და დამარცხდა. თაყვანსაცემი აქ რა არისო. მაგრამ ამისთანა პასუხი ხომ უგნურება იქნება. დამარცხებაც სხვა და სხვა გვარია. ზოგჯერ დამარცხება უფრო შარავანდელს ჰქვენს თვით დამარცხებულს, ვიდრე გამარჯვებულს“².

ნ. ურბნელის აზრით, ისტორია როგორც მეცნიერება ყოველგვარი მეცნიერული დარგის განვითარებისათვის აუცილებელი წყაროა. ამა თუ იმ დისციპლინის განვითარება გარკვეულად დამოკიდებულია ამავე დისციპლინის განვითარების ისტორიის ცოდნაზე. ნ. ურბნელი მკაცრი სარკაზმით წერს მათ შესახებ, ვინც ნებისმიერი დისციპლინის აკვარგიანობაზე მსჯელობის დროს არ იცის ან შეგნებულად გვერდს უვლის სამსჯელო საგნის ისტორიის ცოდნას. მისი აზ-

¹ ნ. ურბნელი, კრწანისის ბრძოლა, გაზ. „ივერია“, № 194, 1895.

² იქვე.

რით, ვისაც ისტორია მკვდარი საგანი ჰგონია, მას საერთოდ არ აქვს გაგების უნარი.

1888 წელს ნ. ურბნელი „ივერიაში“ წერდა, რომ, როცა ქართული სალიტერატურო ენის ან საერთოდ ენის შესახებ ვმსჯელობთ და მისი „გაკეთილშობილება“-„განკარგებისთვის“ ვიბრძვით, აუცილებლად უნდა ვიცოდეთ მისი წარმოშობის დრო, პირობები, განვითარების საფეხურები, ერთი სიტყვით, ენის ისტორია. იმას კი, ვისაც არ „ეკაშნიკება“ ენის ისტორიაზე მსჯელობა, ურბნელის აზრით, არც უნდა ჰქონდეს პრეტენზია, საერთოდ, ენათმეცნიერების პრობლემებზე მსჯელობისა. ზოგიერთებს „არ ეკაშნიკებათ ბაასი ჩვენის ენის ისტორიაზედ!.. მკვდარი საგანია ვერა გავივით-რაო. საგნისა კი რა მოგახსენოთ და გაუგებრობა — კი დასაჯერებელია“¹ — წერს ნ. ურბნელი.

ნ. ურბნელი დიდ მნიშვნელობას ანიჭებს საზოგადოებრივი აზრის განვითარებისა და წარმატებისათვის იმ როლს, რისი შესრულებაც შეუძლია ხალხების ურთიერთკულტურულ გავლენას. მისი აზრით, ადამიანს უკვე ბავშვობის წლებში სკოლამ უნდა შეუქმნას სრული წარმოდგენა, თუ რა დიდი გავლენის მოხდენა შეუძლია ერთი ხალხის კულტურულ მიღწევას მეორე ხალხის კულტურულ ბედზე. სკოლა უნდა ეხმარებოდეს სხვადასხვა ხალხების „შეკავშირებას“.

„ისტორია ამტკიცებს, რომ თუ პედაგოგიურის გზით ერთი ხალხის შეკავშირება მეორესთან გვსურს, სკოლის საფუძვლად უნდა აღიარონ კულტურული გავლენა ერთი ხალხისა მეორეზე“².

ნ. ურბნელი დიდ ყურადღებას აქცევს ეკონომიურ ფაქტორს საზოგადოების ნორმალური განვითარებისათვის. მისი აზრით, გლეხი, რომელიც განიცდის მიწის ნაკლებობას. არ შეიძლება აღფრთოვანებული იყოს სოფლის მეურნეობაში ახალი ტექნიკის დანერგვით. 1883 წლის „დროებაში“ ნ. ურბნელი შეეხებ „ახალი გუთნების გასინჯვის“ საკითხს. ცხინვალის მაზრის ერთ-ერთმა მებატონემ სულხანოვმა ოდესიდან მიიღო გენის გუთანა და საჯაროდ გამოსცადა იგი იმ მიზნით, რომ დაემტკიცებინა ახალი გუთნის უპირატესობა ქართულ გუთანთან შედარებით. გამოცდას გლეხებიც დაესწრნენ და, როგორც ურბნელი აღნიშნავს, მათი დამოკიდებულება ამ გასინჯვისადმი გულგრილი იყო. „ამ გულგრილობით გლეხი პირდაპირ აცხა-

¹ ნ. ურბნელი, შესხური კილო დ. მისი მოსარჩლე: „ივერია“, № 205, 1888.

² ნ. ურბნელი, ქართული ენის შემოღების გამო, „დროება“, № 187, 1883.

დებდა, ოღონდაც მამული საკმარს მქონდეს და ახალი გუთანი საჭირო არ არისო“¹.

ნ. ურბნელი ასე აყენებს საკითხს: ეკონომია თუ აგრონომია — რა უფრო საჭიროა გლეხისათვის? და მიაჩნია, რომ, უპირველეს ყოვლისა, გლეხი უნდა დაკმაყოფილდეს მიწით. წინააღმდეგ შემთხვევაში განვითარებული „აგრონომია“ „ხელს უწყობს უამისოდაც შემძლებელს მებატონეებს“².

ნ. ურბნელი ხალხის ზნეობრივი აღზრდისათვის განუზომელ მნიშვნელობას ანიჭებს კანონებს. მისი აზრით. სახელმწიფოში მოქმედი კანონები პატივს უნდა სცემდეს ხალხის უფლებას, უნდა აკმაყოფილებდეს მათს საჭიროებებს, მოთხოვნილებებს. სამართალი უნდა გამოდიოდეს ჰუმანური საფუძვლებიდან. „თუ გსურთ ხალხის ზნეობრივი აღზრდა, თუ გნებავთ, რომ ხალხმა სისხლად და სორცად გარდაიქციოს სიუკარული თანასწორობისა, მიეცით იმას ისეთი სამართალი, რომელიც ხალხის გემოვნებას ეთანხმება, იმის საჭიროებას აკმაყოფილებს, ისეთი სამართალი. რომელიც ნამდვილ ხალხს სურს“³.

როგორც ვხედავთ. ნ. ურბნელის შეხედულებები, მისი ისტორიული კონცეფცია არაა შორს რევოლუციურ-დემოკრატიული მსოფლმხედველობისაგან. მის ნაშრომებში ხშირად ვხვდებით ისტორიული მატერიალიზმის მეთოდის მომარჯვება-გამოყენებას. იგი ზომსრეა ყოველგვარი პროგრესულისა. მას კარგად ესმის ხალხის მასების როლი ისტორიაში და შესანიშნავად აქვს წარმოდგენილი ცალკეული პიროვნებების როლი საზოგადოების განვითარებისათვის. მიუხედავად იმისა, რომ ნ. ურბნელი თავისი იდეური შემკვიდრებით ახლო დგას ქართველ სამოციანელებთან, მას ახასიათებს აზროვნების მტკიცე ინდივიდუალობა და თავისთავადობა, რაც, ბუნებრივია, ორიგინალობას ანიჭებს მის ნააზრევს.

ნ. ურბნელმა საქართველოს ისტორიის საკითხების შესახებ დაწერა შესანიშნავი გამოკვლევა — „მეფე დავით აღმაშენებელი და მისი დრო“ (რომელიც ქართულ ენაზე დაიბეჭდა თბილისში 1894 წელს).

აუცილებელია განვიხილოთ, რა წყაროებით სარგებლობს ავტორი თავისი შრომის წერისას და როგორია მისი დამოკიდებულება

¹ ნ. უ რ ბ ნ ე ლ ი, ეკონომია თუ აგრონომია? „დროება“. № 248, 1883.

² ი ქ ვ ე.

³ ნ. უ რ ბ ნ ე ლ ი, ჩენი გლეხაკობა და ახალი სამართალი, „იმედი“, № 3.

წყაროებისა და, საერთოდ, გამოყენებული ლიტერატურის მიმართ ან რამდენად სანდოა გამოყენებული წყაროები თანამედროვე ისტორიოგრაფიის თვალსაზრისით.

ნ. ურბნელს, როგორც დავით აღმაშენებლის ეპოქის მკვლევარს, უპირველეს ყოვლისა, სამართლიანად მიუჩნევია საყრდენად ერთადერთი ორიგინალური პირველწყარო — „ცხოვრება მეფეთ-მეფისა დავითისი“. ამ თხზულების ანონიმ ავტორს ქართულ ისტორიოგრაფიაში დავით აღმაშენებლის ისტორიკოსს უწოდებენ. დავითის ისტორიკოსი მეფის თანამედროვე და მის მიერ აღწერილი ბევრი ამბის მომსწრე და თვითმხილველია,¹ რაც აძლიერებს ნდობას მისი თხზულების მიმართ.

ბუნებრივია, მხოლოდ აღნიშნული მოტივი არ გამოდგება დავითის ისტორიკოსის თხზულების მნიშვნელობის წესაფასებლად. მაგრამ ამ წყაროდან კარგად ჩანს, რომ ისტორიკოსი განათლებული. შორსმკვრეტელი და, რაც მთავარია, ძირითადად ობიექტური და პრინციპული მეისტორიეა. როგორც აკად. ივ. ჭავჭავაძის მიუთითებს, „ჩვენი მემატრიანე მარტო თვით-მხილველი თანამედროვე კი არა ყოფილა, იგი, როგორც ეტყობა, მეფის მახლობელ კაცად უნდა ჩაითვალოს“.²

პროფ. შ. მესხია კი საგანგებოდ აღნიშნავს, რომ „დავითის ისტორიკოსი არა მარტო მეფის ახლობელი პირი ყოფილა, არამედ მის მომხრეთა დასის აქტიური წევრი და სამეფო ხელისუფლების პოლიტიკის თავდადებული დამცველიც. ისტორიკოსის ასეთი მიკერძობებული დამოკიდებულება მეფისა და მისი პოლიტიკისადმი, ბუნებრივია, დაღს ასვამს ამ საისტორიო თხზულებას და მონათხრობს იშვიათ შემთხვევაში ობიექტურობის ელფერს უკარგავს“.³

ნ. ურბნელი, როგორც დაკვირვებული და ნიჭიერი მკვლევარი, ითვალისწინებს დავით აღმაშენებლის ისტორიკოსის აღნიშნულ ნაკლს, მაგრამ მას სამართლიანად მიაჩნია, რომ ყველაზე სრულ და სანდო წყაროდ დავით აღმაშენებლის ეპოქის შესასწავლად მაინც რჩება „ქართლის ცხოვრებაში“ დატული თხზულება „ცხოვრება მეფეთ-მეფისა დავითისი“.

იგი წერს: „დროთა ვითარების გამო აქობამდე მაინც ეს მატინეა უმთავრესი მასალა და წყარო ისტორიკოსებრ ძიებისა ყოფისთ“.

¹ ივ. ჭავჭავაძის მიერ, ძველი ქართული საისტორიო მწერლობა, 1945, გვ. 14.

² იქვე, გვ. 209.

³ შ. მესხია, ლიდაგორის ბრძოლა, 1965, გვ. 5.

ვის¹. ნ. ურბნელს კარგად აქვს შემჩნეული, რომ დავითის ისტორიკოსის ცნობების სიმართლე ხშირად დასტურდება სხვა წყაროებთან შეჭერებით და მისგან განსხვავებული მონაცემები ძალზე ცოტა დავითის ეპოქის შესახებ არსებულ იმ შრომებში, რომლებიც უცხოელ ავტორებს ეკუთვნის. „მატიანე ნამდვილ ამბებს მოგვითხრობს და სინამდვილე ზოგჯერ სხვა საბუთებთანაც მტკიცდება“-², წერს ნ. ურბნელი. შემდეგ კი აღნიშნავს, რომ „უცხოელ მეისტორიეთა ნაწერებში, რაც არ უნდა იყოს, მეტად ცოტა ახალი ცნობები დავით აღმაშენებელზედ“³.

ნ. ურბნელმა, რა თქმა უნდა, იცის, რომ არაქართულ წყაროებსაც დიდი მნიშვნელობა აქვს საქართველოს ისტორიის საკითხების შესასწავლად, მაგრამ სამართლიანად მიუთითებს მათი შინაარსის არამთლიანობასა და ცალმხრივობაზე. იგი წერს: „სომეხთა და მანადიანთა ისტორიკოსებმა მცირე და ნაწყვეტ-ნაწყვეტი ამბები დაგვიტოვეს დავით აღმაშენებელზე. ეს ამბები უმეტეს ნაწილად მეფის სამხედრო მოღვაწეობას შეეხებიან“⁴.

ნ. ურბნელის აზრით, დავითის ისტორიკოსი განათლებული პიროვნებაა. იგი ისტორიკოსს მეფის მახლობელ კაცად მიიჩნევს და სწორედ ეს მახლობლობა მიაჩნია მას იმის ხელშემშლელ პირობად, რომ ყოველთვის ობიექტური იყოს მეფის ცხოვრების აღწერის დროს. „მემატიანე მეფის თანამედროვე და დაახლოებული კაცი ყოფილა. თუმცა ამ მემატიანეს არც სწავლა-განათლება აკლია, თითქო კლასიკური მწერლობაც უსწავლია და ისტორიის მკოდნეც არის... ცხადად ეტყობა, რომ მემატიანე იმდროინდელი რიტორი უნდა იყოს. „ქებათა-ქების“ კილოთი წერს. თუმცა დიდ ცოდვად კი მიაჩნია ტყუილის თქმაო“⁵, წერს ნ. ურბნელი და, ცხადია, ასეთი დასკვნის გაკეთება მას შეეძლო მხოლოდ დავით აღმაშენებლის ისტორიკოსის თხზულების დაკვირვებული ანალიზის შემდეგ, რაც ნათლად ჩანს ნ. ურბნელის შრომიდან, რადგან იგი დავითის ისტორიკოსის მიმართ თავისი შეხედულების დასადასტურებლად წარმატებით იმოწმებს მემატიანის თხზულებიდან ამოღებულ სათანადო ადგილებს. მაგალითად, როცა ნ. ურბნელი ამბობს, რომ მემატიანეს „დიდ ცოდვად—კი მიაჩნია ტყუილის თქმაო“, იქვე იმოწმებს იმ ადგილს ქართლის ცხოვრებიდან, სადაც წერია „და ვთქვა სხვაცა

¹ ნ. უ რ ბ ნ ე ლ ი, მეფე დავით აღმაშენებელი და მისი დრო, 1894. გვ. 4.

² იქვე.

³ იქვე. გვ. 5.

⁴ იქვე. გვ. 4.

⁵ იქვე.

საქმე... რომელსა შინა არა იყოს-რა ტყუელი, ვინაითგან წარსწყმდეს უფალი ყოველთა, რომელნი იტყვიან სიტყუესა“...¹.

როგორც ვხედავთ, ნ. ურბნელს მართებულად ესმის დავით აღმაშენებლის ისტორიკოსის თხზულების დიდი მნიშვნელობა დავითის ეპოქის შესასწავლად, მაგრამ მას არც ის ავიწყდება, რომ ისტორიკოსი მეფის ახლობელი პირია და უმნიშვნელო გამონაკლისის შემთხვევაში შეიძლება მაინც სუბიექტური იყოს მეფის მოღვაწეობის შეფასებისას. ნ. ურბნელი დავით აღმაშენებლის ისტორიკოსის ნაკლად მიიჩნევს რომ იგი მეფის ბავშვობის წლებისა და აღზრდის შესახებ არაფერს აღნიშნავს: „მატიანეში სრულიად მოხსენებული არ არის, როგორ აღიზარდა მეფე, რა გარემოებას ჰქონდა გავლენა იმის ხასიათსა და მიმართულებაზე, პატარაობისას რა მდგომარეობაში იმყოფებოდა, რანაირი იყო მისი საოჯახო ყოფა-ცხოვრება და სხვ. ეს ნაკლი მით უფრო სამწუხაროა, რომ მემატინე მეფის თანამედროვე და დაახლოებული კაცი ვოფილა“².

ნ. ურბნელს ვერ შეუნიშნავს ერთი მეტად მნიშვნელოვანი გარემოება. კერძოდ ის, რასაც აკად. ივ. ჭავჭავიძემ საგანგებოდ მიაქცია ყურადღება. სახელდობრ, ის, რომ დავითის ისტორიკოსის თხზულებების შესავალი და დასაწყისი დაკარგულია³. შეიძლება თხზულების სწორედ დაკარგულ ნაწილში იყო დაცული ცნობები მეფის ბავშვობისა და აღზრდის წლებზე. ყოველ შემთხვევაში, ნ. ურბნელს რომ თხზულების არასრულობა შეემჩნია, ასეთ ვარაუდს ალბათ არ გამოირიცხავდა.

ნ. ურბნელი იცნობს და თავისი შრომის გასამართლად⁴ დიდ მნიშვნელობას ანიჭებს ისეთ წყაროს. როგორცაა „ანდერძი წმიდისა მეფისა დავით აღმაშენებლისა, პანკრატონ დავითიანისა, რომელი წარმოუთხრა მოძღუარსა თვისსა არსენის ჟამსა გარდაცვალებისა თვისისა ყოველთათვის დიდებულთა თვისთა“⁵.

დავით აღმაშენებლის ეპოქის შესახებ საინტერესო ცნობები მოეპოვება XII საუკუნის პირველი ნახევრის პომეხ ისტორიკოსის მათე ურპაელს და უნდა ითქვას, რომ ნ. ურბნელი იცნობს და წარმატებითაც იყენებს მის ცნობებს. მაგალითად. როცა ნ. ურბნელი

¹ ნ. უ რ ბ ნ ე ლ ი, მეფე დავით აღმაშენებელი და მისი დრო, 1894, გვ. 4.

² ი ქ ვ ე, გვ. 3-4.

³ ივ. ჭ ა ვ ა ხ ი შ ვ ი ლ ი, დასახ. ნაშრომი, გვ. 13.

⁴ ნ. უ რ ბ ნ ე ლ ი, მეფე დავით აღმაშენებელი და მისი დრო, გვ. 10, 23.

⁵ ქრონიკები და სხვა მასალა საქართველოს ისტორიისა და მწერლობისა, შეკრებილი, ქრონოლოგიურად დაწყობილი და ახსნილი თ. ეორდანიას მიერ, 11, 1897, გვ. 51.

ებება დიდგორის ბრძოლაში ქართველთა ლაშქრობის რაოდენობასა და მისი ნაციონალური შემადგენლობის საკითხს, სამართლიანად იზიარებს მათე ურჩაელის ცნობებს, რომლებიც, ჩვენი აზრით, ყველაზე უფრო სწორია.

ნ. ურბნელი შესანიშნავად იცნობს სომეხ ისტორიკოსს ვარდახ ბარძრებრდესის წიგნს — „Всеобщая История“ და აჩვენებს იმოწმებს მას თავის შრომებში.

ჯვაროსნულმა ომებმა, როგორც ცნობილია, ერთგვარად გაარღვია შუა საუკუნეების ევროპის ზღუდეები და მისი ზალხები ახლო აღმოსავლეთის ქვეყნებთან მიიყვანა.

თურქ-სელჩუთა წინააღმდეგ ბრძოლის პროცესში გაიცნეს ერთმანეთი ევროპელებმა და ქართველებმა. ბუნებრივია, რომ ევროპელთა უძველეს ცნობებში საქართველოს შესახებ აღსახა სწორედ ამ ბრძოლის მომენტები... ანტიოქიის ჯვაროსნული სამთავროს კანცლერი, ანტიოქიის ომების მონაწილე გოტიე იძლევა დიდგორის ომისა და ამ ომში ქართველთა ბრწყინვალე გამარჯვების აღწერას¹.

ნ. ურბნელი იცნობს გოტიეს ცნობებს დიდგორის ბრძოლის შესახებ და საგანგებოდ და სამართლიანად მიუთითებს, რომ გოტიეს გაზვიადებული აქვს თურქთა კოალიციური ლაშქრის სიმრავლე დიდგორის ბრძოლაში².

დავით აღმაშენებლის პიროვნების დახასიათებისას ნ. ურბნელი იყენებს რუის-ურბნისის საეკლესიო კრების მიერ მიღებული ცნობილი „ძეგლის წერის“ ტექსტს და აღნიშნული ტექსტიდან იმომწმებს შემდეგ ადგარს: „მყუდრო და მშვიდ, სახიერ და ტკბილ, მოწყალე და ძვირ უხსენებელ“³.

უნდა აღინიშნოს, რომ დავით აღმაშენებლის ეპოქის შესახებ წყაროები მორაოვება არაბულ და ლათინურ ენებზეც კი. მაგრამ ნ. ურბნელს არ შეეძლო არსებული ყველა წყაროს გამოყენება. მაგრამ, როგორც პროფ. შ. მესხია სამართლიანად მიუთითებს, „ნ. ურბნელმა იმ დროისათვის მის განკარგულებაში არსებული წყაროების მიხედვით, საკმაოდ ვრცლად განიხილა დავით აღმაშენებლის მოღვაწეობის ყოველი მხარე“⁴.

როგორც ცნობილია, ქართველოლოგია ევროპაში დაკავშირებუ-

¹ შ. ხ ა ნ თ ა ძ ე, ნარკვევი ევროპული ქართველოლოგიის ისტორიიდან: ქართული ისტორიოგრაფია, 1968, გვ. 106.

² ნ. უ რ ბ ნ ე ლ ი, მეფე დავით აღმაშენებელი და მისი დრო, გვ. 65.

³ ი ქ ე ე, გვ. 17.

⁴ შ. მ ე ს ხ ი ა, დიდგორის ბრძოლა, 1965, გვ. 13.

ლია შესანიშნავი მეცნიერის — მარი ბროსეს სახელთან, რომელმაც სხვა დიდი მნიშვნელობის შრომებთან ერთად საქართველოს ისტორიის შესახებ თავის ფრანგულ ენაზე დაწერილ წიგნში „დამატებანი და განმარტებანი საქართველოს ისტორიის შესახებ“ გამოაქვეყნა სხვადასხვა ეროვნების ისტორიკოსთა ცნობები დავით აღმაშენებლის ეპოქის შესახებ. მიუხედავად იმისა, რომ აღნიშნული ცნობები ნაწყვეტების სახითაა გამოქვეყნებული ბროსეს ნაშრომში, ამ ცნობებს მაინც დიდი სამსახურის გაწევა შეუძლია აღნიშნული ეპოქის შესასწავლად.

ნ. ურბნელი, რა თქმა უნდა, იცნობს ბროსეს აღნიშნულ შრომას და სათანადო კრიტიკული ანალიზის შეძღვევას წარმატებით იყენებს თავისი შრომის შესასრულებლად. ნ. ურბნელის კვლევის შეთოდისათვის წყაროებზე დაყრდნობა აუცილებლობას წარმოადგენს; მას კარგად ესმის იმ სამეცნიერო ლიტერატურის გათვალისწინების აუცილებლობა, რომელიც ეხება დავით აღმაშენებლის ეპოქას და რომელიც, რა თქმა უნდა, მისთვის ხელშისაწვდომი იყო.

საყოველთაოდ ცნობილია, თუ რა დიდი ღვაწლი დასდო ვახუშტი ბაგრატიონმა საქართველოს ისტორიის საკითხების შესწავლას. მან თავის წიგნში „საქართველოს ისტორია“, რომელიც პირველად 1885 წელს გამოქვეყნდა, მნიშვნელოვანი ადგილი დაუთმო დავით აღმაშენებლის ეპოქას და, ბუნებრივია, ნ. ურბნელმა ეს წყაროც გამოიყენა თავის შრომებში. მართალია, ვახუშტიმ ძირითადად გაიმეორა დავით აღმაშენებლის ისტორიკოსის ცნობა, მაგრამ ზოგჯერ მის შრომაში ვხვდებით განსხვავებულ ცნობებსაც, რისი აღნიშვნაც ნ. ურბნელს საკმარისად მიუჩნევია.

ვახუშტის „საქართველოს ისტორიის“ დართული აქვს ცნობილი ისტორიკოსის დ. ბაქრაძის განმარტებები და შენიშვნები, სადაც გათვალისწინებულია საქართველოს ისტორიის შესახებ ახლად მოძიებული მასალები.

ნ. ურბნელი დიდ მნიშვნელობას აძლევს დ. ბაქრაძის აღნიშნულ შენიშვნებს და სათანადო ანგარიშს უწევს მათაც. მაგალითად, როცა მას სურს დაამტკიცოს, რომ დავით აღმაშენებლის ანდერძში მოხსენებული ცვატა უფლისწულ ვახტანგის პატარაობის სახელია, იშველიებს ბაქრაძის მოსაზრებას¹, რომელიც შეტანილია სწორედ ვახუშტის საქართველოს ისტორიის შენიშვნებში². საერთოდ, უნდა აღინიშნოს, რომ ნ. ურბნელი განსაკუთრებული გულისყურით

¹ ნ. ურბნელი, მეფე დავით აღმაშენებელი და მისი დრო, გვ. 20.

² ვახუშტი, საქართველოს ისტორია, 1885, ტფილისი, გვ. 187.

ეკიდება დ. ბაქრაძის მეტად საყურადღებო ნაშრომებს საქართველოს ისტორიის საკითხების შესახებ და არაერთხელ მიუთითებს მათ ავ-კარგზე თავის შრომებში.

ნ. ურბნელი კარგად იცნობს მ. საბინინის წიგნს — „საქართველოს სამოთხე“, რომელიც 1882 წელს დაიბეჭდა. იმ წერილში¹, სადაც ნ. ურბნელი მსჯელობს რუის-ურბნისის საეკლესიო კრების მნიშვნელობის შესახებ, სამართლიანად არის გაკრიტიკებული „საქართველოს სამოთხეში“ მოცემული ზოგიერთი დებულება.

წიგნში — „მეფე დავით აღმაშენებელი და მისი დრო“ აშკარად ჩანს, რომ ნ. ურბნელი კარგად იცნობს თავის წინამორბედ ქართველ ისტორიკოსთა შრომებს, შესწევს უნარი სათანადო მეცნიერული ანალიზის შემდეგ მიიღოს ან არ მიიღოს აღნიშნულ ისტორიკოსთა თეალსაზრისი საკვლევი საკითხის შესახებ და გამოიტანოს თავისი (უმეტეს შემთხვევაში — მართებული) დასკვნები.

¹ ნ. უ რ ბ ნ ე ლ ი, ჩვენი საეკლესიო სჯულმდებლობა „ქველის წერა“, „ივერა“, № 46, 1888.

**ნ. ურბნელის საზოგადოებრივ-პოლიტიკური
შეხედულება**

ნ. ურბნელის ნიჭმა მის სიცოცხლეშივე პოვა აღიარება. სი-
ცოცხლეშივე შეიძინა მან თაყვანისმცემლები, რომელთა შორის
ერთ-ერთი ილ. ჭავჭავაძე იყო — „ეს დედაბოძი ჩვენი გონებითი
მოდრაობისა“ (ურბნელისეული გამოთქმა); ილიას აზრი ნ. ურბნე-
ლის შემოქმედებაზე კარგად არის გამოხატული ურბნელისადმი
გაგზავნილ მისსავე ბარათში, რომელიც საგანგებოდ გვინდა მოვი-
ტანოთ:

„მოწყალეო ხელმწიფევე! გაზეთებიდან მოსსენებული გექნებათ.
რომ პირველი იანვრიდან 1866 წელს გამოვა ყოველდღიური ქარ-
თული გაზეთი „ივერია“, რომლის რედაქტორობა ვიკისრე მე. რა-
საკვირველია, ამისთანა მძიმე ტვირთს მე ვერ ვიკისრებდი თუ სახე-
ში არ მქონოდა დახმარება და შემწეობა თქვენისთანა პატივცემულ
მოდრაობათგან, მე დარწმუნებული ვარ, რომ ეგ იმედი, რომელმაც
ასეთი მძიმე საქმე გამაბედინა, არ გამტყუნდება. გაზეთის საქმე
საერთო საზოგადო საქმეა, იქნებ სხვაგან ისე არა, როგორც საკუთ-
რივ ჩვენში. თქვენი წარსული, თქვენი ყოფილი მოღვაწეობა ჩემთ-
ვის უტყუარი საბუთია მისი, რომ სადაც საერთო, საზოგადო საქ-
მეა იქ თვითონ თქვენი გული იძულებულგყოფთ მხურვალე მონა-
წილეობა მიიღოთ. მამასადამე აქ თხოვნა მეტია. მე მარტო საკვიროდ
ვრაცხ მოგახსენოთ, რომ თქვენი კალმის ნაწარმოებისათვის ჩვენი
რედაქციის კარი ყოველთვის ღია იქნება და თქვენი თანამშრომლო-
ბა ყოველთვის სასიამოვნო და სასურველი.

გაზეთი გახლდებათ „დროებაზედ“ უფრო მომეტებულის ზომი-
სა. თქვენდა საყურადღებოდ მომირთმევია პროგრამა გაზეთისა.

თქვენი თანამშრომლობის მოიმედე
თქვენი გულითადი პატივისმცემელი ილია ჭავჭავაძე (1885 წ.)¹.

¹ ელ. აბრამიშვილი, ილია ჭავჭავაძე და ნიკო სიზანაშვილი, „მნა-
თობი“, 1968, გვ. 131.

ასეთი წერილებით მიმართა ილია ჭავჭავაძემ 1885 წელს იმ-
დროინდელ ზოგიერთ ქართველ მოღვაწეს და მათ შორის ნ. ურბ-
ნელსაც, როცა „ივერია“ ყოველდღიურ გაზეთად გადაკეთდა.

ცნობილია, რომ ილია ჭავჭავაძე დიდი სიფრთხილით და დაკვირ-
ვებით ეკიდებოდა თავის ყოველგვარ ნაწერს, თხზულება იყო ეს,
პუბლიცისტური წერილი, თუ პირადი ბარათი.

იგონებს რა ილიას ამ საუკეთესო თვისებას, ე. თაყაიშვილი თა-
ვის „მოგონებებში“ წერს: „მანსოვს გიორგი ჟურულის ნაამბობი
(გიორგი ჟურული ილ. ჭავჭავაძის ახლობელი კაცი იყო. ილია მას
ძალიან მფარველობდა, თან წაიყვანა პეტერბურგში, სახელმწიფო
საბჭოს წევრად რომ აირჩიეს).

„ერთხელ ილიასთან ვიყავი, იაკობ გოგებაშვილის წერილი
მოუვიდა. რალაცას ეკითხებოდა და მაშინვე უნდა გაეცა პა-
სუხი. დაჭდა ილია. დაწერა ერთი პატარა წერილი და დახია.
დაწერა მეორე და ისიც დახია. მე ვუთხარი რა ამბავია ამ
ერთი ბეწო წერილისათვის ამდენი წვალება მეთქი? მიპასუხა
„კაცო პატარაა თუ დიდი, მაინც დოკუმენტია და ზერეღედ
წერა არ შეიძლებაო“¹.

რა თქმა უნდა, ილია ჭავჭავაძე გრძნობდა თავის ავტორიტეტს
და კარგად ესმოდა, რა პასუხისმგებლობა იყო საჭირო მისი თითო-
ეული სტრიქონისათვის. ამიტომ საჭიროდ მივიჩნიეთ საგანგებოდ
მოგვეტანა ილიასეული წერილი ნ. ურბნელის. როგორც მოღვაწე
მამულიშვილის, დასახასიათებლად.

ვინც ცოტათი მაინც იცნობს ნ. ურბნელის შრავალმხრივ შემოქ-
მედებას და რაიმე დაუწერია მის შესახებ, ერთხმად აღნიშნავენ მის
დიდ ნიჭიერებას, ფართო განათლებას, მკვლევარისათვის აუცილე-
ბელ ალლოსა და პოლემიკის საოცარ უნარს. ნ. ურბნელის თანამედ-
როვე ჟურნალისტი და ლიტერატურის კრიტიკოსი ხომლედი (რო-
მანოზ ფანცხავა) უდიდეს შეფასებას აძლევდა მას, უწოდებდა რა
„ახალი ქართული ლიტერატურის მნათობს“ და ასახელებდა ი. ჭა-
ვჭავაძის, ა. წერეთლის, ნ. ნიკოლაძის გვერდით.

მოუხსმინოთ ხომლეღს: „1894 წლის იანვრის თვიდან, ჩვენ
მიერ დაარსებულმა „ქართული წიგნების გამომცემელმა ამხანაგო-
ბამ“ დაიწყო თბილისში თვიური ჟურნალის „მოამბის“ გამოცემა.
1885 წელს რომ ილიას ჟურნალი „ივერია“ მოისპო, მას შემდეგ
ქართველებს თვიური ჟურნალი არ ღირსებია 8 წლის განმავლობა-

¹ ე. თაყაიშვილი, მოგონებები. „მნათობი“, № 1, 1959, გვ. 167—168.

ში, 1894 წ-მდე. ახალ ჟურნალს ქართველობა შეხვდა ისე, როგორც არაბეთის უდაბნოში ქარავეანი შეხვდება წყალს.

ახალი ქართული ლიტერატურის დიდი მნათობნი ერთად თავ-მოყრით მოგროვდნენ ამ ახალი ჟურნალის ირგვლივ. ჟურნალში დიდი ხალისით თანამშრომლობა დაიწყო: ნიკო ნიკოლაძემ, ილია ჭავჭავაძემ, აკაკიმ, პროფესორმა ვასილ პეტრიაშვილმა¹, ნ. ურბნელმა².

დიდი ივანე ჭავჭავიშვილი, რომელსაც ცუდ-უბრალოდ სიტყვა არ დასცდენია თავისი დიდებული მოღვაწეობის გრძელ გზაზე, ნ. ურბნელის შესახებ თავისებური მეცნიერული სიტყვებით წერს: „ნ. ურბნელი (ხიზანიშვილი) იყო XIX საუკუნის 80-იანი წლების მოღვაწე, რომელმაც ქართული სამართლის ისტორიაში არა ერთი მონოგრაფია გამოაქვეყნა. იგი ნიჭიერი დამკვირებელი იყო. მის ნაშრომებში არაერთი საგულისხმო საკითხია გაშუქებული“³. ივ. ჭავჭავიშვილისეულ ამ შეფასებას ჩვენ ვკითხულობთ: მისივე წიგნის „ქართული სამართლის ისტორიის“ შესავალში და, გასაგებია, რომ ამ შემთხვევაში ურბნელი დახასიათებულია, როგორც სამართლის ისტორიის მკვლევარი.

1940 წელს პროფესორმა გიორგი ჩიტაიამ ცალკე წიგნად გამოსცა ნ. ურბნელის „ეთნოგრაფიული ნაწერები“. ამ წიგნის წინასიტყვაობაში პროფესორი გ. ჩიტაია დიდ შეფასებას აძლევს ნ. ურბნელის შრომებს ეთნოგრაფიის დარგში და იმ პერიოდის „ყველაზე თვალსაჩინო“ წევრს უწოდებს: „ნ. ხიზანიშვილი ქართველი ეთნოგრაფების იმ პლეადას ეკუთვნოდა, რომელმაც ი. ჭავჭავაძის ხელკურთხევით დაიწყო მოღვაწეობა და ქართული ეთნოგრაფიის გაუტეხელ ყამირს ღრმა კვალი გაავლო. ეს ადამიანი, მისი ღრის შესაფერისად კარგად მომზადებული, რომელსაც ჭკუა და ნიჭი უჭრიდა და კალამი ემორჩილებოდა, რომელიც ხალხის ზნე-ჩვეულებების ოსტატი-დამკვირებელი და გონებამახვილი მკვლევარი იყო. ამ პლეადის ყველაზე მეტად თვალსაჩინო წევრია. ამიტომ არის.

1 სხვათა შორის, ვ. პეტრიაშვილის მოღვაწეობას უდიდეს შეფასებას აძლევდა აკადემიკოსი ივ. ჭავჭავიშვილი — „ქართულ ენასა და მწერლობას მაშინ გაუმჯობესებდა ნიადაგი, თუ ჩვენი ახალი თაობა პატ. პროფ. ვ. პეტრიაშვილს მობაძავს. გულწრფელად და თავგანწირულად ეცდება ქართულ სამეცნიერო (ყველა დარგისა) თანამედროვე მოთხოვნილებების შესაფერისი მწერლობა შექმნას“, ი. ჭავჭავიშვილი, „მამულიშვილობა და მეცნიერება“, 1904, გვ. 19.

2 ს. ო. მ. ლ. ე. რჩეული ნაწერები, 1963, გვ. 442.

3 ივ. ჭავჭავიშვილი, „ქართული სამართლის ისტორია“, წ. 1, შესავალი, 1928.

რომ მის ეთნოგრაფიულ ნაწერებს, რაც დრო გადის უფრო მეტი შეფასება ეძლევა¹.

განაგრძობს რა ურბნელის მეცნიერული დებულებების აკარგოანობის შესახებ მსჯელობას, პროფესორი გ. ჩიტაია ამავე წინასიტყვაობაში მეცნიერულად აზუსტებს ურბნელის ზოგიერთ დაზუსტურებას: „ხიზანაშვილი აღიარებს ქართულ ტომებში „წინათ კერძო საკუთრების მაგივრად საზოგადო, საგვარეულო საკუთრება იყო“ და რომ შემდგომში გვარმა ადგილი დაუთმო პირს, საზოგადოებამ კერძოობას, ასე ვთქვათ, იურიდიულმა „მე-მ სძლია იურიდიულ „ჩვენს“. თუ ამას იმასაც დავსძენთ, რომ ნ. ხიზანაშვილი ქართული ტომების წარსულში მატრიარქატის არსებობას ფაქტად მიიჩნევდა, ის ორი შესანიშნავი დებულების ავტორად გვევლინება. სახელდობრ, იმ დებულებებისა, რომლებიც შემდეგში მ. კოვალევსკიმ საქართველოს და კავკასიის შესახებ წამოაყენა და ზოგად სა-მეცნიერო ლიტერატურაში კოვალევსკის აღმოჩენადაა ცნობილი“². პროფესორი გ. ჩიტაია მიუთითებს იმ გარემოებასაც, რომ ეთნოგრაფიის შესწავლის ურბნელისეული მეთოდები ზოგ შემთხვევაში ვერ აკმაყოფილებს თანამედროვე ეთნოგრაფიის მოთხოვნებს, მაგრამ ამაში გასაკვირი არაფერია, ეთნოგრაფია მაშინ ახლად ფეხადგნული მეცნიერება იყო ჩვენში. ამიტომაც პროფესორი გ. ჩიტაია დიდ შეფასებას აძლევს ნ. ურბნელს, როგორც ეთნოგრაფს.

პროფ. გ. ჩიტაია საესებით სამართლიანად მიუთითებს, რომ ურბნელმა ილია ჭავჭავაძის „ხელკუთხევით“ დაიწყო მოღვაწეობა.

ილია ჭავჭავაძე დიდი მოამაგე იყო თავისი სამშობლოს ისტორიისა. მისთვის ისტორია ყველაფერი იყო და მან ბრძნული აზრი გამოთქვა ერის ვინაობისათვის ისტორიის როლის შესახებ: „არ ვიცი, სხვა როგორ ჭფიქრობს და ჩვენ კი ასე გვეგონია, რომ ერის დაცემა და გათახსირება მაშინ იწყება, როცა ერი თავის საუბედუროდ, თავის ისტორიას ივიწყებს. როგორც კაცად არ იხსენიება ის მაწანწალა ბოგანო, ვისაც აღარ ახსოვს ვინ არის, საიდან მოდის და სად მიდის, ისეც ერად სახსენებელი არ არის იგი, რომელსაც ღმერთი გასწყრომია და თავისი ისტორია არ ახსოვს. რა არის ისტორია? იგია მთხრობელი მისი რომ თუ რანი ვიყავით, რანი ვართ და რად შესაძლოა ვიყვნეთ კვლავადაც“³.

¹ ნ. ხიზანაშვილი, „ეთნოგრაფიული ნაწერები“, გ. ჩიტაიას შესავალი წერილი, 1940, გვ. 7.

² იქვე.

³ ი. ჭავჭავაძე, დავით აღმაშენებელი, გაზ. „ივერია“, № 17.

ერის ტკივილით გულშეძრულ დიდ მამულიშვილს ილია ჭავჭავაძეს აწუხებდა და სტანჯავდა ქართული ეროვნული ისტორიის ჩრდილში ყოფნა, მისი არად ჩაგდება ზოგიერთი ვიგინდარას მიერ და, პირველ ყოვლისა, ეძებდა ხალხს, ნიჭიერ ადამიანებს, რომელთა ნამოღვაწარიც სხვის შოპფენდა ჩვენი მრავალტანჯული სამშობლოს ისტორიას.

ასეთ პიროვნებად მიაჩნდა მას ნ. ურბნელი. „ილია დიდ პატიკს სცემდა ნ. ხიზანაშვილს იმ შრომისათვის, რომელიც მან საქართველოს სიძველეთა გამოკვლევებს უძღვნა“¹.

ნ. ურბნელი თავისი პუბლიცისტური პოლემიკის ადრეულ პერიოდში დიდ პატივს არ სცემდა ისტორიას, როგორც მეცნიერებას. უფრო მეტიც: სერიოზულ საქმედ არ მიაჩნდა ასეთი „მეცნიერულ ვარჯიშობა“. აი, საბუთიც: „სწორედ რომ კარგი დრო შეურჩევია ბატ. ბაქრაძეს თავისი შრომის დასაბუქლად. „ივერიაში“ ჩვენი დრო მეტად ხელს უწყობს არხეოლოგიურ და სხვა ამგვარ საზოგადოებათა კრებას და კრებაზე თავისუფლად, თამამად ბაასს. ამისათვის ხშირად იკრიბებიან, თავისუფლად სჯიან კიდევ. ასე გასინჯეთ. ნთელ დრო-გამოშვებით მწერლობასაც არხეოლოგიური, არხივური ფერი დაედო, სწავლულთა კაბინეტის ხელი დაეტყო. ჩვენს გონებით მოძრაობასაც თანდათან ემატება ეს ფერი. „ტერმინების კომისია“, „ვეფხისტყაოსნის“ შესწორება, სხვა ამნაირი სხდომანი ხშირად გვიჩვენებენ თუ ჩვენს მეცნიერულ ვარჯიშობას არა, ამ ვარჯიშობის მიბაძვას მაინც. არხეოლოგს ბატონ ბაქრაძეს უშოვნია ორვარიანტი სახარებისა ქსნისა და უზნისისა და მათ შეეხება მთელი მათი რეფერატი. მკითხველისათვის ამ რეფერატს ინტერესი არა აქვს და თუ იგი დაბეჭდილია ეურნალში, ალბათ იმიტომ, რომ „ივერიას“ მასალა შემოჰკლებია“².

ურბნელი არაფერს ამბობს ბაქრაძის შრომის ავკარგიანობაზე. არამედ უადგილოდ მიაჩნია ამგვარი შრომების გამოქვეყნება და დაასკვნის, რომ „ივერიას“ ალბათ მასალა შემოჰკლებიაო“.

ასეთი იყო მისი თვალსაზრისი ადრე, მაგრამ როცა ილიას დაუახლოვდა, თავგამოდებული მკვლევარი და ქომაგი გახდა ეროვნული ისტორიისა და უკვე 1892 წელს ეხებოდა რა საქართველოს ისტორიისათვის საჭირო მასალების გამოვლენის დიდ მნიშვნელობას. ალ. ხახანაშვილის მიერ გამოცემული ქართული „გუჯარების“ შე-

¹ ბ რ ტ უ რ ლ ა ი ს ტ ი, საქართველოს გული, 1963, გვ. 51.

² ნ. უ რ ბ ნ ე ლ ი, ლიტერატურული მიმოხილვა, ვაზ. „დროება“, № 172. 1883.

სახებ ივერიაში წერდა: „საზოგადოდ ეს გუჯრები ძვირფასი მასალაა მცოდნე და განვითარებული ქართველისათვის, რომელსაც ჩვენი ისტორიის შესწავლა სურს.

ხოლო იმ ჯურის „ინტელიგენტი“, რომელიც წყალწყალა ფელტონების კითხვას დაჩეუულა და ვისაც გონების საზრდოდ დავარჯიშად მსუბუქი და გასართობი ნაწერი მიაჩნია, არ წაიკითხავს გუჯრებს და არც ავტორს იმის წასაკითხად დაუბეჭდია თავიანთ შრომა“¹. განსაკუთრებული ალლო არ არის საქირო. რომ ამ სასწაულებრივ გარდაქმნაში ილიას ხელი დავინახოთ.

ნ. ურბნელის აღრინდელ წერილებს (80-იანი წლების დასაწყისი) ნაროდნიკული აზროვნების დადი აზის. მათში გამოსჭვივის ქართველი ნაროდნიკების ნიჰილისტური დამოკიდებულება ეროვნული ისტორიისა და, საერთოდ, წარსულისადმი. ზოგიერთი მკვლევარს აზრით, ურბნელი მოღვაწეობის აღრინდელ პერიოდში ნაროდნიკი იყო, ზოგი კი ფიქრობს, რომ იგი ახლოს იდგა ნაროდნიკებთან. ასეთე ისე, ფაქტია, რომ, როცა მკვლევრები ეხებიან ქართველ ნაროდნიკთა მსოფლმხედველობას, აუცილებლად მიაჩნიათ მაგალითისათვის დაასახელონ ურბნელის ის შრომები. რომლებიც სისტემატურად ქვეყნდებოდა ნაროდნიკულ ეურნალში „იმედის“ (1881-1883 წწ.). პროფესორი ს. ხუნდაძე, ეხებოდა რა ქართველი ნაროდნიკების შეხედულებებს, წერდა: „იმედის“ ჯგუფმა ნათლად დაინახა ის ღრმა უფესკრული და ბრძოლა, რომელიც არსებობდა სოფლად შემამულეთა და გლეხთა შორის. ამ ბრძოლის უმთავრეს მიზეზი, ნაროდნიკების გაგებით, ეკონომიურ პირობებში ემარბა. იმ ღროს (80-იან წლებში) ნაროდნიკის ურბნელის ეკონომიური ხასიათის ნარკვევები გარკვეულ პასუხს იძლევიან მის შესახებ, თე საიდან, რა წყაროებიდან მომდინარეობდა წოდებათა ბრძოლა ჩვენში“².

შემდეგ პროფესორი ლ. გორგილაძე იმოწმებს ადგილებს ნ. ურბნელის შრომებიდან და წერს: „აქ ნოტანილი ამონაწერები საკმაოდ კარგად ახასიათებენ ქართველი ნაროდნიკების შეხედულებებს იმის შესახებ, რომ რუსეთთან ერთად საქართველოც უნდა დაეყრდნოს გლეხობასა და სოფლის მეურნეობას“³.

ეურნალ „იმედის“ საზოგადოებრივ-ეკონომიური შეხედულებ-

¹ ნ. უ რ ბ ნ ე ლ ი, „გუჯრები“ ა. ხახანაშვილისა, „ივერია“, № 68, 1892,

² ს. ხ უ ნ დ ა ძ ე, სოციალიზმის ისტორიისათვის საქართველოში, ტ. II, 1927, გვ. 66.

³ ლ. გ ო რ გ ი ლ ა ძ ე, „ნაროდნიკობა საქართველოში“. უნავერსიტეტის შრომები, X IX II, 1947, გვ. 178.

ბების შესასწავლად დოცენტი ე. ჩადუნელიც დიდ მნიშვნელობას ანიჭებს ნ. ურბნელის ნარკვევებს. იგი აღნიშნავს, რომ „იმედის პუბლიცისტები გამოდიოდნენ როგორც დამონებული მშრომელი გლეხების ინტერესების დამცველნი. მთელი მათი შეშოკმედებითი ენერგია, როგორც სიტყვით ისე საქმით, მიმართული იყო მშრომელი ხალხის განთავისუფლებისაკენ“¹.

თავისი აზრის დასადასტურებლად ჩადუნელს მოაქვს ამონაწერი ჟურნალ „იმედიდან“. „იმედი“ წერდა: „იქ სადაც გლეხი დროებით ვალდებულია თავისი ბატონისა, კანონის წინაშე თანასწორობას უურო თეორეტიკული მნიშვნელობა აქვს, ვიდრე პრაქტიკული. იქ თანასწორობა მშვენიერი სიტყვაა და არა განხორციელებული პრინციპი. თანასწორობისათვის საჭიროა თავისუფლება ეკონომიური და სხვაგვარი“². აქ მოტანილი ამონაწერის ავტორია ნ. ურბნელი. როგორც ვხედავთ, საკმაოდ ავტორიტეტულ ავტორებს ნაროდნიკული მსოფლმხედველობის დასახასიათებლად აუცილებლად მიაჩნიათ გამოიყენონ ურბნელის ის ნარკვევები, რომლებიც სისტემატურად იბეჭდებოდა ჟურნალ „იმედის“ ფურცლებზე. ამიტომ თუ არ გავითვალისწინებთ იმ გარემოებას, რომ ნ. ურბნელი ნაკლებ მონაწილეობას იღებდა ნაროდნიკების პრაქტიკულ საქმიანობაში. შეგვიძლია ვთქვათ, რომ იგი ნაროდნიკია თავისი სამწერლო მოღვაწეობის დასაწყისში.

მაგრამ როდესაც ნაროდნიკები „მოშინაურდნენ და გადაგვარდნენ, მათ ლაკარგეს თავიანთი სახე და „ივერიისა“ და „დროების“. მიმართულებაში გაითქვიფენ“³.

ურბნელის მსოფლმხედველობაც შეიცვალა და მისმა ნაშრომებმა „ივერიისა“ თუ „დროებაში“ სხვა ფერ-ხორცი შეიძინა.

ჩვენთვის საინტერესოა, რომ რის შესახებაც არ უნდა ეწერა ურბნელს, „მის ნაწერებს ეტყობოდა არა მცირედი ნიჭი და კარგი გონებრივი მომზადება, ენა ჰქონდა შნოიანი, მისი ნაწერი საესეა ჭკუით, ცოდნითა და გამოცდილებით“⁴.

ქვეშარიტად, ურბნელის ნაშრომებს თითქმის ყოველთვის ახლდა ჩამოთვლილი ყველა ღირსება.

¹ ე. ჩ ა დ უ ნ ე ლ ი, ჟურნ. „იმედის“ საზოგადოებრივ-ეკონომიური შეხედულებანი, 1961, გვ. 17.

² ნ. უ რ ბ ნ ე ლ ი, ჩვენი გლეხკაცობა და ახალი სამართალი, ჟურნ. „იმედი“, № 3, 1882.

³ ლ. გ ო რ გ ი ლ ა ძ ე, „ნაროდნიკობა საქართველოში“, უნივერსიტეტის შრომები, XXXII, გვ. 174.

⁴ გ. ყ ი ფ შ ი ძ ე, ხიზანაშვილი და მისი სალიტერატურო მოღვაწეობა, „ალმანახი“. ქართველი ერი“, № 1, 1909, გვ. 10—11.

მისი, როგორც შემოქმედის საუკეთესო თვისებაა ლოგიკური აზროვნება. საკითხის ბოლომდე გარკვევა და ჭეშმარიტების დადგენის დაუოკებელი სურვილი. ჭეშმარიტება მისთვის არ არის უბრალო აქსიომა. მისი დადგენა, შეგნება ურბნელს რჩეულთა ხვედრად მიიჩნია. აი, რას წერს იგი ამის შესახებ: „ჭეშმარიტება ისეთი რამ არის, მას კაცის გონება აღვილად ვერ მისწვდება და თუ მისწვდება, მაინც ძნელად აღიარებს.“

დიახ, ჭეშმარიტების გაგებას დიდი აზრი, პატიოსანება უნდა¹. როგორც ვიცი, ჭეშმარიტება სინამდვილის სწორი ასახვაა. თითქოს აქ სადავო არაფერია, ყველამ უნდა გაიგოს და შეიგნოს, მაგრამ ნ. ურბნელმა კარგად იცის, რომ არსებობს ჭეშმარიტების საყოველთაოდ აღიარებული გაგებისაგან განსხვავებული გაგება. მას ესმის, რომ აუტოლებელია ჭეშმარიტების საფუძვლების შესწავლა, და ამ შესწავლისათვის, დიდი „აზრის“ გარდა. პატიოსნებაც საჭიროა.

პროფესორი ა. კიკვიძე ერთგან მიუთითებს², რომ ჟურნალ „იმედს“ ფრიად საყურადღებო წერილებში გაცოლებით უფრო სწორი პოზიცია ეჭირა, ვიდრე „ივერიას“. უპირველეს ყოვლისა, აქ იგულისხმება ნ. ურბნელის წერილები და მათ შორის შესანიშნავი გემოვნებით და ცოდნით დაწერილი ნაშრომი „საფუძვლები სახალხო განათლებისა“.

როგორც ცნობილია, 1878 წელს კავკასიაში სასწავლო ოლქის უფროსად დაინიშნა კირილე პეტრეს ძე იანოვსკი, რომელიც ოცი წლის განმავლობაში, როგორც იტყვიან, „ტყავიდან ძვრებოდა“, რათა საქართველოში და მთელ კავკასიაში დაენერგა „პურიშკევიჩის, გუჩკოვის და სტრუვეს წინაპართა — პობედონოსევის, კატკოვის და მსგავსთა ველიკორუსული კულტურა. ქართველი ხალხი იბრძოდა შეძლებისდაგვარად ასეთი „კულტურის“ წინააღმდეგ და მასთან ბრძოლაში იყენებდა რუსი ხალხის საუკეთესო წარმომადგენლების — პუშკინის, ჩერნიშევსკის, ხეკასოვის, პლახანოვის ველიკორუსულ კულტურას“³. და, მართლაც, როგორც ლენინი აღნიშნავს: „ყოველ თანამედროვე ერში არის ორი ერი... არის ორი ეროვნული კულტურა ყოველ ეროვნულ კულტურაში. არის ველიკორუსული კულტურა პურიშკევიჩებისა, გუჩკოვებისა და სტრუვე-

¹ ნ. ურბნელი. ვახ. „დროება“, № 129, 1883.

² ა. კიკვიძე. საქართველოს ისტორია XIX—XX სს., ტ. II, 1959, გვ. 133.

³ ტ. ხუნდაძე, ნარკვევები სახალხო განათლების ისტორიიდან საქართველოში, 1951, გვ. 92.

ების, — მაგრამ არის აგრეთვე ველიკორუსული კულტურა, რომელიც ხასიათდება ჩერნიშევსკის და პლეხანოვის სახელით¹.

თავისი პროგრამის განხორციელებას იანოვსკი შეუდგა 1881 წლის სასწავლო გეგმით, რაც ითვალისწინებდა სახალხო სკოლებიდან ღელა ენის განდევნას და დაწყებით სკოლაშიაც კი რუსული ენაზე სწავლებას.

იანოვსკის ამ ყოვლად მიუღებელი და გაუმართლებელი საქმიანობით აღშფოთებულმა ქართველმა მოღვაწეებმა პირველი მკაცრი საპროტესტო წერილები დაბეჭდეს გაზეთ „დროებაში“, ბრძოლა დიდხანს გრძელდებოდა იანოვსკისა (რომელსაც, რა თქმა უნდა, მხარს უჭერდა მეფის მთავრობა) და ქართველ მოღვაწეთა შორის. ამ ბრძოლის ერთი ეპიზოდია ურბნელის გამოსვლა ქურნალ „იმედის“ ფურცლებზე, სადაც მან წამოაყენა და დაიცვა ფრიალ საუცხოო და საინტერესო აზრები სახალხო განათლების საკითხებზე შესახებ. ურბნელს კარგად ესმოდა სკოლის დიდი როლი ადამიანის გონებრივ ჩამოყალიბებაში, მაგრამ მან ამავე დროს კარგად იცოდა, რომ განათლებას, რაგინდ ფართო მასშტაბისა არ უნდა იყოს იგი. ფასი ეკარგება, თუ მას ჰუმანიზმიც არ ახლავს. კულტურულს ვერ დავარქმევთ ადამიანს, რომელსაც კეთილშობილება ლალატობს რომ განათლება მაშინ იქნეს ცხოველმყოფელ ძალას, როცა ზნეობრივი სიწმინდე ახლავს, ხოლო სკოლების რიცხვი ვერასოდეს ასა ხავს განათლების დონეს, თუ ამ სკოლებში ზნეობრივი პრინციპები მოიკოკლებს.

5. ურბნელი წერდა: „სკოლის გამრავლება არ შობავს ხალხის კეთილდღეობას. ამასთან უპირველეს საჭიროა, რომ სახალხო განათლების შენობა ამოყვანილი იყოს ზნეობრივი პრინციპების საძირკველზე. ეს პრინციპები უნდა იყვნენ სული და გული სახალხო სკოლისა“².

არ შეიძლება არ დაეთანხმო ამ ჰუმანიტარულ ნათელ აზრს და არ აღიარო, რომ მას დიდი მნიშვნელობა ჰქონდა იმდროინდელი საზოგადოებრივი აზროვნებისათვის. უფრო გვიან, ამ საკითხს რომ ეხებოდა ილია, წერდა: „ჰუმანიტარული განათლება განვითარებულ გონების და გაწურთენილის ზნე-ხასიათის ერთმანეთთან შეუღლებად განუყრელად“³. ურბნელის აზრით, თუ სკოლა განიცდის სა-

¹ ლენინი ლიტერატურის შესახებ, 1945, გვ. 13.

² 5. ურბნელი, საკითხები სახალხო განათლებისა, ქურნ. „იმედი“, 1882, გვ. 71.

³ ი. კავკავაძე. პედაგოგიის საფუძვლები, თბზ. სრული კრებული, ტ. II, 1941, გვ. 564.

ხელმწიფოს უხეშ გავლენას, მაშინ იგი „გონების ციხეა“ და ვერასოდეს უზრუნველყოფს კეთილშობილი მოქალაქის აღზრდას: „სახალხო სკოლების რიცხვით პრუსია მაღლა დგას ყველა სახელმწიფოზე. მაგრამ რა? აქ აუარება ხროვანა „ფილისტერებისა“. აქ უნივერსიტეტები გონების ციხეები არიან, სახალხო სკოლები კიდე წარმოადგენენ ერთ უშველებელ ყაზარმას, სადაც ხალხის გონება სამხედრო საზრდოთი იკვებება. ასე გასინჯეთ ესტეტრია, მუზიკაც კი მოტყეს შტაბს ემორჩილება“¹.

სხვა ადგილას ურბნელი წერდა: „ეხლაც როგორც წინათ, სახალხო სკოლა სახსარია პოლიტიკური სისტემის დამყარებისა, სკოლა მსხვერპლია პოლიტიკისა“².

ეს დიდი და მარადიული ჭეშმარიტებაა. ჩვენთვის კი ისიც არის საინტერესო, რომ ნ. ურბნელი საღად აზროვნებდა და უშიშრად გამოთქვამდა მეტად რადიკალურ აზრებს მეფის რუსეთის ბიუროკრატიული ხელისუფლების დროს.

აღსანიშნავია, რომ ამ შემთხვევაში მისი აზრები დღესაც ინარჩუნებს ხელშეუხებლობის უფლებას და სასიამოვნოდ გვაძლავს მოკრძალებით მოვეკიდოთ მათ.

მეტად საგულისხმოა ის გარემოება, რომ ნ. ურბნელს სწორად ესმოდა ყველა ერის წვლილი საერთო საკაცობრიო კულტურის შექმნაში. აი, რას წერს იგი ამის შესახებ: „არ მოიპოვება ისეთი ხალხი თუ ერი, რომელიც ერთი რომელიმე ღირსებით მაღლა არ იდგეს სხვა ხალხზედ. რაც უნდა დაეწყებულე და თვალყურმოშორებულე ერი აიღოთ, თუ კი იქის ცხოვრებასა და ეინაობას დააკვირდებით, უეჭველია ერთს მაინც ისეთს თვისებას იპოვნით. ზნეობითს თუ გონებითს, რომლითაც ის მარგალიტით გამოსკვივის. ეს ობოლი მარგალიტი ყოველი ისტორიული ერისა, ეს ხალხის „გენია“, დიდად პატივსაცემი და ყურადღების ღირსია და ნეტავი იმ სახელმწიფოსაც ამ პატივისცემას და ყურადღებას რომ არ იეიწყებს. სახელმწიფოს სარგებლობა ითხოვს ყველა ერის განათლებას, რადგანაც ამით მას ძალა და პროგრესული მოძრაობა ემატება. ეს მაშინაა კარგი, როცა თვითონ განათლება „ეროვნულ ნიდაგზედ“ მკვიდრად იქნება აშენებულე“³.

ურბნელმა კარგად იცის, რომ ყველა ერს აქვს თავისი მარგა-

1 ნ. უ რ ბ ნ ე ლ ი, საფუძვლები სახ. განათლებისა, „იმედი“, № VII, 1892. გვ. 70.

2 ი ქ ვ ე, გვ. 73.

3 ნ. უ რ ბ ნ ე ლ ი, საფუძვლები სახალხო განათლებისა, ექრნ. „იმედი“. № V, 1882, გვ. 13.

ლიტები, ზნეობრივი თუ გონებრივი, და იდეალურია ის სახელმწიფო, რომელიც პატივს სცემს თითოეული ერის ღირსებას, ხელს უწყობს მის განვითარებას. ურბნელი ილაშქრებს ყოველგვარი შოვინიზმის წინააღმდეგ და მიიჩნია, რომ ყოველ ერს აქვს უფლება გააჩნდეს ეროვნული სიამაყის კანონიერი გრძნობა.

19 წლის შემდეგ ილიაც შეეხო ამ მნიშვნელოვან საკითხს და საჭიროდ ჩათვალა, თითქმის იგივე გაემეორებინა: „რა თქმა უნდა. ერს რომ გზა შეუკრან წარმატებისა, — რაც გინდა პატარა ერი იყოს, — არაეისტვის არც მოსაწონია, არც გამოსაყენებელი. არ არის ქვეყანაზე იმისთანა ერი... რითმე გამოსადეგი არ იყოს სახელმწიფოში, რაც გინდა დიდი სახელმწიფო იყოს... ნიჭი, სიკეთე ცალკე ადამიანისა, თუ მთელი ერისა ისეთი რამ არის, რომ, რაც გინდა ნამეტანი იყოს ვისთვისმე, მეტი ბარგი არ არის, თუ საკუთარს სხვისაც ზედ წაემატება. ამიტომაც დიდი ცოდვია ადამიანს, ლუნდ ცალკე პატარა ერს, ნიჭი შეუკრა. შეუკოკო, სიკეთის ღონე შეუხუთო“¹.

აქადემიკოს ივ. ჭავჭავაძის არასოდეს დასჭირდებოდა ეთქვა ის საყვედური ნ. ურბნელისათვის, რომელიც გოგებაშვილს უთხრა და სადაც გატარებულია ის აზრი, რომ ყველა ერს აქვს უფლება შეინარჩუნოს თავისი დედა ენა, კულტურა და არა მხოლოდ მათ. როგორც ზოგიერთებს ჰგონიათ, ვისაც მხოლოდ ბრწყინვალე წარსული აქვს².

ნ. ურბნელის თვალსაზრისი იმის შესახებ, რომ ეროვნული კულტურა უნდა ვითარდებოდეს ეროვნულ ნიადაგზე, რომ სახელმწიფომ ხელი უნდა შეუწყოს ამ პროცესს, რადგან ეს სახელმწიფოს გაძლიერების წყაროა, საოცრად ახლოს დგას თანამედროვეობასთან. ერებისადმი ასეთი დამოკიდებულება სოციალისტური სახელმწიფოს წმინდათა წმინდა მოვალეობაა. კომუნისტური საზოგადოების მორალურ კოდექსში წერია: „სსრ კავშირის ყველა ხალხის მეგობრობა და ძმობა, შეუწყნარებლობა ეროვნული და კლასობრივი მტრობისადმი“.

დიდი ერულიცა, განათლება, ჰუმანიტეტის მიგნების უნარი, ნ. ურბნელს უფლებას აძლევდა არ „შინებოდა“ დიდი ავტორიტეტებისა — ვოლტერის, რუსოსი, ჰეგელისა. ამ მეცნიერებს იგი აკრიტიკებს ზოგიერთი მათი უმართებულო აზრისათვის. თუმცა,

¹ ი. ჭავჭავაძე, თბ. სრ. კრებული, ტ. II, 1941, გვ. 457.

² ივ. ჭავჭავაძის ილი. „მამულიშვილობა და მეცნიერება“, III, 1904.

ნ. ურბნელს სიმპათია ფრანგი განმანათლებლებისადმი მუდამ ჰქონდა. ვოლტერის შესახებ იგი აღნიშნავდა: „თვითონ ვოლტერიც კი არ გრძნობდა დაბალი ხალხის განათლების საჭიროებას და აი, რას წერდა: „ხალხს წინამძღოლობა უნდა და არა სწავლა, ხალხი ემსგავსება ხარებს, რომლებიც საჭიროებენ ჯოხს, უღელსა და თაველას“¹.

რუსოს შესახებ კი ურბნელი აღნიშნავდა, რომ მან მეტად შეაფიქროვა ხალხის ცნება და ხალხს მხოლოდ სოფლელებს უწოდებდა, რომ იგი მივიდა პარადოქსამდე და განაცხადა — „ფიქრი არის ბუნების საწინააღმდეგო მდგომარეობა და მოაზროვნე კაცი წამხდარი ცხოველი“².

ნ. ურბნელის აზრით, მეცნიერება ბუჩუყაზიულ საზოგადოებაში, თუ იგი სახელმწიფოს სამსახურში დგას, შეზღუდულია, თუ მეცნიერს „მუნდირი“ აცვია, იგი მუდამ იმსახურებს ანტიპათიას. სწორედ მუნდირისათვის კიცხავდა იგი ჰეგელს. „დიდი ხანი არ არის, რაც მათი აღმატებულია ჰეგელი პრუსიის სამხედრო ბანაკსა და ყაზარმას მოწიწებით, ლმობიერად თავს უკრავდა. საკმეველს უკმევედა“³.

ნ. ურბნელს კარგად ესმოდა, რომ ეს მეცნიერები თავიანთ დარგებში დიდი მოაზროვნენი არიან. ამისათვის ეთაყუანებოდა მათ, მაგრამ, ამასთან ერთად, ისიც იცოდა, რომ ვერც ერთმა მათგანმა თავი ვერ დააღწია შეცდომებს. ცნობილია, რომ ჰეგელის ამ ნაკლს აღნიშნავდა ებგელსიც, როცა წერდა: „თავიანთ დარგებში როგორც გოეთე, ისე ჰეგელიც ოლიმპიელი ზევსნი იყვნენ, მაგრამ ვერცერთმა მათგანმა თავი ვერ დააღწია გერმანულ ფილისტერობას“⁴.

როგორც ვხედავთ, ნ. ურბნელი საკმაოდ საღად მსჯელობდა ვოლტერის, რუსოსა და ჰეგელის აზრების შეფასებისას.

XIX საუკუნის 80-იან წლებში ქართველმა მოღვაწეებმა წამოაყენეს დებულება, რომ ჩვენი ეროვნული ვინაობის დაცვისათვის აუცილებელია ყველა მიმართულების გაერთიანება, რომ ყველას ვაღია წოდებათა მიუხედავად ერთი დროშის ქვეშ დარაზმვა.

ასეთი იდეა ხშირად დაზღუდულა სხვა ერებშიც, როცა მათ გარეშე ძალა ემუქრებოდა. მაგალითად, ჯერ კიდევ XVI საუკუნეში გერმანელმა ჰუმანისტმა ულრიხ ფონ ჰუტენმა ასეთივე იდეა წამოაყენა რომის პაპის წინააღმდეგ საბრძოლველად (რომელსაც ის-

¹ ნ. ურბნელი, დასახ. ნაშრომი, გვ. 54.

² ნ. ურბნელი, დასახ. ნაშრომი, „იმედი“, № 8, 1882.

³ მარქსი, ენგელსი, რჩეული ნაწერები, ტ. II, გვ. 438.

გერმანიის ნაციონალურ მტრად მიიჩნედა) და თავის დიალოგში („ავაზაკები“) წოდებათა ერთი მიზნისათვის გაერთიანება იქადაგა¹. რამდენად რეალური იყო ამის განხორციელება გერმანიაში XVI საუკუნეში ან საქართველოში XIX საუკუნის დასასრულს, როცა კაპიტალიზმის განვითარების შედეგად ეროვნული ერთიანობა იქმნებოდა და მხოლოდ გზა ეხსნებოდა კლასების მიხედვით გამიჯნვას²: ეს სხვა საკითხია. ჩვენთვის კი საინტერესოა ის გარემოება, რომ როცა ქართველმა მოღვაწეებმა მოინდომეს ზემოაღნიშნული იდეის დანერგვა საზოგადოებრივი ცხოვრების ყველა სფეროში, მათ ამ აზრს გამოუჩინდნენ მოწინააღმდეგენი და მათ შორის ნ. ურბნელი.

როცა სერგეი მესხს აქებდნენ იმისათვის, რომ მუდამ ცდილობდა შეერიგებინა სხვადასხვა მიმართულების მწერლები, ურბნელი სულაც არ თვლიდა ასეთ მოქმედებას სასარგებლოდ. პირიქით, მას სჯეროდა, რომ ლიტერატურული ბრძოლა აუცილებელი იყო ლიტერატურული განვითარებისათვის, და გულისწყრომით აღნიშნავდა: „არა, ბატონებო, ამგვარი ბრძოლა არავის არ დაასუსტებს. არათუ დაგეასუსტებს, არამედ უფრო აგვამაღლებს, სულითა და გრძნობით განგვაერთარებს. სასტიკი ლიტერატურული ბრძოლა შედეგია ხალხის გონების წარმატებისა და საჭიროა ეს ბრძოლა ჩვენშიაც მალე დაარსდეს, ვინც ამ ბრძოლის აღორძინებას უშლის, ის მტრია ლოგიკისა“³. ნ. ურბნელის ეს აზრი სადავო არ არის. იგი სიზუსტით გამოხატავს „ლიტერატურული ბრძოლის“ მაღალ მნიშვნელობას ლიტერატურის პროგრესისათვის.

როცა ილია ჭავჭავაძემ საზოგადოებრივ კლასებს მოუწოდა „საერთო ნიადაგზე“ თანამშრომლობისაკენ, მას მხარი დაუჭირეს დიდმა ავტორიტეტებმა — აკაკიმ და იაკობ გოგებაშვილმა. საერთო ნიადაგზე თანამშრომლობის შესაძლებლობა რომ უფრო რეალური გაეხადათ, ზოგიერთმა მწერალმა, პუბლიცისტმა დაიწყო მტკიცება, რომ საქართველოში წოდებათა ბრძოლა არასოდეს ყოფილა და მათ შორის მუდამ მამაშვილური დამოკიდებულება არსებობდაო. ნ. ურბნელმა სასტიკად გაილაშქრა ამ აზრის წინააღმდეგ და აღშფოთებით სავსე წერილები გამოაქვეყნა ქურნალ „იმედსა“

¹ Гуттен, ДIALOGИ, Публицистика, Письма.

² ლ. გორგილაძე, იდეოლოგიური ბრძოლის ისტორიიდან საქართველოში, 1963, გვ. 11.

³ ნ. ურბნელი, „ჩვენს ლიტერატურულ კეთილსინდისიერებაზე“, გაზ. „დროება“, 1883, № 99.

და გაზეთ „დროებაში“¹, საერთოდ კი „იმედის“ თანამშრომლებმა. წინააღმდეგ ერთიანი ნაკადის თეორიის ავტორებისა, დაასაბუთეს არა მარტო კლასობრივი ბრძოლის გაძლიერების ფაქტი..., არამედ დასახეს კიდევ ამ მდგომარეობის გაუმჯობესების გზებიც“².

ნ. ურბნელი კარგად ხედავდა წოდებათა ბრძოლას საქართველოს წარსულში. იგი ბეჭა და აღბუღას სამართლის შესახებ მსჯელობდა და აღნიშნავდა: „სამართლიდამ სჩანს, მაგალითად, რომ ყმისა და ბატონის დამოკიდებულება გამწვავებულია. საქირო იყო „ყამთა სიავისათვის“ ყურადღება მიექციათ და აღბუღამ სწორედ ამ განზრახვით დაურთო ჰაპის განაჩენს „სხვადასხვა უწესოთა საქმეთა სამართალი“³. ნ. ურბნელმა კარგად იცოდა აგრეთვე შინასოციალური ბრძოლის არსებობაც და ამ ფაქტზე დაყრდნობით მოვლენების ახსნასაც კი ცდილობდა. „თვით ეს ბრძოლა იყო სხვათა შორის მიზეზი იმ საყურადღებო მოვლენებისა, რომ ჩვენმა სახელმწიფომ არ იცოდა უკიდურესი ფორმა მმართველობისა, რომელსაც ვპოვებთ დასავლეთ ევროპაში. ფეოდალობა თავს უქერდა მეფობას, მეფობა — ფეოდალობას. ვერც ერთმა მათგანმა სახელმწიფოში საშუალოდ ვერ დათრგუნა მეორე“⁴. სხვა საკითხია, თუ რამდენად სწორია ურბნელის ეს მოსაზრება. ჩვენ ამ შემთხვევაში გვიანტერესებს ის ფაქტი, რომ ურბნელი დიდ ადგილს უთმობდა თავის შემოქმედებაში წოდებათა ბრძოლის საკითხს საქართველოში. ჩვენი აზრით, ურბნელს კარგად ესმოდა, რომ ერის ისტორიისათვის სოციალური ბრძოლა დადებითი მოვლენა იყო. რომ ამ ბრძოლის მიჩქმალვა, მისთვის „ქვის“ დაფარება, წოდებათა შორის „მამაშვილური“ დამოკიდებულების ქადაგება ჩვენი სათნობისა და ნიქის დამამტკიცებელი როდია, პირიქით...

აკადემიკოსი ივ. ჯავახიშვილი მიუთითებდა წოდებათა შორის „მამაშვილური“ დამოკიდებულების თეორიის მაცნე ხასიათზე. იგი წერდა: „ბევრს ჰგონია რომ ეს ვითომც და ჩვენი ისტორიის თვი-

1 ნ. ურბნელი, უფლება და კანონი ძველ საქართველოში, ვურნ. „იმედო“, № 11, 1883, № 12, 1883; მისივე, ჩვენი გლეხიკობა და ახალი სამართალი, ვურნ. „იმედო“, 1882, № 3.

2 ანთელავა ი., საზოგადოებრივ-პოლიტიკური მოძრაობა და საზოგადოებრივი აზრის ისტორიიდან საქართველოში, თბ., 1967, გვ. 197.

3 ნ. ურბნელი, ათაბაგნი ბეჭა და აღბუღა და მათი სამართალი, 1890, გვ. 4.

4 ნ. ურბნელი, უფლება და კანონი ძველ საქართველოში, „იმედო“, № 11, 1882.

სება ჩვენის განსაკუთრებულ სათნოებისა და ნიჭის დამამტკიცებელი იყოს. ის კი არ იციან, რომ ევროპელ მეცნიერებს სწორედ ამ წოდებათა შორის ბრძოლით მოაქვთ თავი. ისინი ამტკიცებენ, რომ მხოლოდ ინდოევროპულთა ერებს შესწევთ იმდენი ნიჭი და საზოგადოებრივი ცხოვრების უნარი, რომ სოციალური თავისუფლებას მოსაპოვებლად წოდებრივი ბრძოლით ესარგებლათ.

გამოჩენილი ისტორიკოსი ლინდნერი ამტკიცებს, რომ აღმოსავლეთმა და საზოგადოდ აზიის ერებმა არ იციან, რა არის წოდებრივ უფლებათა მოსაპოვებლად ატეხილი ბრძოლა¹.

შემდეგ კი ივ. ჭავჭავიძე იღებს დასძინს: „როგორც ვხედავთ, დიდად საქებარი არ ყოფილა ეს ვითომდა ქართველებისთვისება, „მამაშვილური განწყობილება წოდებათა შორის“.“

როგორც აღვნიშნეთ, ნ. ურბნელი დიდ მნიშვნელობას ანიჭებდა წოდებათა შორის ბრძოლის საკითხის გარკვევას და წყაროებზე დაყრდნობით არცთუ მკრთალად წარმოუდგენია შინაქლასობრივი თუ კლასობრივი ბრძოლა საქართველოს წარსულსა თუ აწმყოში. მას მიაჩნდა, რომ ეკონომიური უთანასწორობა არასოდეს იძლევა საბაზს საზოგადოებრივ კლასებს შორის „მამაშვილური“ დამოკიდებულებისათვის.

ნ. ურბნელმა კარგად იცოდა, რომ ყოველგვარი მეცნიერება შემოქმედებითია, რომ ის საზოგადოების განვითარებასთან ერთად უნდა ვითარდებოდეს. მეცნიერება „ყურს უნდა უგდებდეს“ ეპოქის სუნთქვას, ითვალისწინებდეს ახალ მიღწევებს. სხვანაირად ჩამორჩება, გაიყინება. დაჰკარგავს მნიშვნელობას. ამიტომ, — ამბობს იგი, — ცხოვრებაში მოქმედი ყველა კანონი „მეცნიერებას უნდა ყურს უგდებდეს და მეცნიერების უკანასკნელი სიტყვით ხელმძღვანელობდეს“².

ნ. ურბნელი დიდ ყურადღებას აქცევს პიროვნების როლს საზოგადოებრივ საქმიანობაში. ის ფიქრობს, რომ საზოგადოების ყველა წევრი ვალდებულია იღვწოდეს საზოგადოების უკეთ მოწყობისათვის, მისი გაკეთილშობილებისათვის. ნ. ურბნელის აზრით, საზოგადოება არ უნდა ელოდოს მოწყალეების „დეკრეტებს“ მმართველობისაგან, თვითონ უნდა იჩენდეს თაოსნობას. ჩვენ არ შეგვიძლია თავი გავიმართლოთ იმით, ამბობს ურბნელი, რომ „თაოსნობას ფრთები შეკვეცილი აქვს და საზოგადოებრივი ძალა მეტად ვიწ-

¹ ივ. ჭავჭავიძე, „მამულისწილობა და მეცნიერება“, 1904, გვ. 15.

² იქვე, გვ. 16.

³ ნ. ურბნელი, „შრომა—იურადიული სიბრძნე, გაზ. „დროება“, № 105.

რო კალაპოტშია მოთავსებული. ამგვარი შეხედულება მარტო ჩვენს თავმოყვარეობას აკმაყოფილებს“¹.

როგორც ვხედავთ, ნ. ურბნელს კარგად ესმოდა, თუ რა დიდი მნიშვნელობა ჰქონდა საზოგადოების დიდ შეგნებას ერის სასიცოცხლო ძალების ასაღორძინებლად. იგი კარგად ასაბუთებდა და ნერგავდა იმ აზრს, რომ საზოგადოების თითოეული წევრის ვალია მხოლოდ პირადი კეთილდღეობისათვის არ იღვწოდეს. უფრო გვიან ამ საკითხს შეეხო ი. ჭაქვაძემც „ივერიაში“ გამოქვეყნებულ წერილში „თავად-აზნაურობის გულგრილობა სწავლა-განათლების საქმეში“², სადაც მისი აზრები ნ. ურბნელის აზრებს ემთხვევა. ნ. ურბნელს, როგორც ჭეშმარიტ პატრიოტს, აწუხებდა სამშობლოს სავალალო ბედი, საშინელი აწმყო და ხალხის გათელილი უფლება. იგი საყვედურობს პოეტებს, მწერლებს, მეცნიერებს იმისათვის, რომ ისინი მხოლოდ ბუნების და ადამიანის სილამაზეს ხედავენ და მას უმღერაინ. ადამიანთა არაადამიანური, არაკაცური ცხოვრების გამო კი სიტყვას იშვიათად სძრავენ. იგი გულისტკივილით აღნიშნავს, რომ გულგამხმარი, ცხოვრებაზე ხელაღებელი ჰეგელი თავის ესთეტიკურ თეორიას კავკასიელის იდეალურ მშვენიერებაზე ამყარებს და კავკასიის მხოლოდ მშვენიერება იტაცებს. რას იზამ, ყველას მშვენიერება ელანდება. ამიტომ, მისი აზრით, ცუდია, როცა საქართველოში უცხოელ მოგზაურებს მარტო ეგზოტიკა იზიდავს.

უფრო ცუდია, როცა ჩვენებსაც კი ესთეტიკური მხარე აინტერესებთ და სიზმარში თუ ცხადში სულ ბუნების სიმშვენიერე ელანდებათ. „ჩვენი აპოლონის ჩამომავალნი თვალებს გვიბევენ, გონებით გვაძინებენ, მარტო სმენას გვიტყობენო“³. ნ. ურბნელი ფიქრობს (და სამართლიანადაც!), რომ ასეთ პოეზიას, ასეთ მწერლობას ნაკლები მოქალაქეობრივი უფლება აქვს. იგი პოლიტიკური წინააღმდეგობის უნარს უყარგავს ხალხს. პოეტის, მწერლის, მეცნიერის მოვალეობაა ხელი შეუწყონ ერის სასიცოცხლო ძალების გამოღვიძებას. მისი აზრით, სირცხვილია, პოეტი უმღეროდეს ბუნებას, ვარსკვლავებს. ცას, როცა ცის ქვეშ ამღვნი უკულმართობა და უბედური ადამიანია⁴. ლიტერატურა ნ. ურბნელისათვის ის იდეო-

¹ ნ. უ რ ბ ნ ე ლ ი, ხმა პროვინციიდან, ვაზ. „ღროება“, № 166, 1893.

² ი. ჭ ა ქ ვ ა ძ ე მ, თავად-აზნაურობის გულგრილობა სწავლა-განათლებას საქმეში, თბზ. სრული კრებული, ტ. 11, 1941, გვ. 597.

³ ნ. უ რ ბ ნ ე ლ ი, მგზაურის შენიშვნებიდან, „ღროება“, №-129, 1883.

⁴ ი ქ ვ ე.

ლოგიური იარაღია, რომელიც საზოგადოებას პროგრესისაკენ უბიძგებს.

ურბნელს კარგად ესმის, რომ შიშველი ძალა, მახელი რეპრესიები ვერ იქნება სახელმწიფოს ძლიერების საიმედო წყარო. თუ ხალხს არა აქვს რწმენა თავისი მთავრობისადმი, არ სჯერა მისი. იარაღით, ჩინოვნიკებითა და ჯარით ვერ შეაშინებ. ვინც საწინააღმდეგოს ფიქრობს, ურბნელი მას პასუხის ღირსადაც არა თვლის. აი, რას წერს ამის შესახებ: „მთელი ჩვენი ცხოვრება ანტი ტეზებს წარმოადგენს, ვუთხარი ერთ ჩემ კომპანიონს ექიმს. თქვენ ექიმი ბრძანდებით და ცდილობთ ხალხი უღროვო სიკვდილისაგან დაიხსნათ. ამდენი აფიცრობა კი სხვისთვის არიან გაჩენილნი, ჩვენ კი გვარწმუნებენ, რომ მათ საერთო საგანი აქვთო. რას იტყვიოთ ამაზე? თქვენ ჯერ ახალგაზრდა ბრძანდებით, რა ძალა დაიმორჩილებს ამ ველურ ხალხს თუ არა ჯარი?—მრისხანედ მიპასუხა ექიმმა. თუ არა ჩინოვნიკი, მაშ ვინ დაიცავს წესს, დაუმატა მან. მი გავჩუმი“¹.
ნ. ურბნელის აზრით, თუ მეცნიერება ბრმადაა გადმონერგული ადგილობრივი პირობების გაუთვალისწინებლად, განმობა უწერია. იგი მიუთითებს, რომ აუცილებელია კვლევის დროს მონათესავე საკითხების შესწავლა. იგი საყვედურობს მკვლევარებს. რომლებსაც მარტო ევროპულ მეცნიერთა თბულებანი წაუკითხავეთ, საჭიროდ არ თვლიან ეროვნული კულტურის შესწავლას და „თავმომწონედ ვარჯიშობენ“ მაღალ სამეცნიერო სფეროში.

როცა ნ. ურბნელი ეხება სოციოლოგიის, როგორც ცალკე მეცნიერების, განვითარებას საქართველოს სინამდვილეში. აღნიშნავს მის აუცილებლობას და ამბობს — სოციოლოგმა უნდა იცოდეს საქართველოს საზოგადოებრივი ცხოვრების წარსული და აწმყო. ურბნელმა იცის, რომ ევროპული მეცნიერება აუცილებლად საჭიროა, მაგრამ მხოლოდ ასეთი ცოდნით ჩვენებური მკვლევარი საქართველოს სოციალური ევოლუციის ვერც თავს გაიგებს და ვერც ბოლოს². შემდეგ იგი დაასკვნის, რომ „ამ ფილოსოფიურ წყლის ნაყვას ბოლო არ მოეღება, ვიდრე სოციოლოგნი არ მიმართავენ ჩვენი წარსულის და აწმყოს შესწავლას“³.

ნ. ურბნელი დიდ ყურადღებას აქცევდა და კრიტიკულად აფასებდა ცხოვრებისეულ მოთხოვნილებათა აუცილებლობით წარმოშობილ ყოველგვარ ახალ იდეას. მან კარგად იცოდა, რომ ახალი და

¹ ნ. უ რ ბ ნ ე ლ ი. დასახელებული წერილები.

² ნ. უ რ ბ ნ ე ლ ი. ძველი და ახალი თაობა, გაზ. „დროება“, № 94. 1883.

³ იქვე.

სალი იდეა ყოველთვის სიცოცხლისუნარიანია. რაც ახლად იზადება, მას სრული უფლება აქვს არსებობისა, ძველს ყოველთვის ახალი ცვლის და უცვლელი სამყაროში არაფერია. ნ. ურბნელი ხედავს, რომ როცა საზოგადოების შიგნით სხვადასხვა შეხედულებები, აზრები, იდეები არსებობს, ეს საწინდარია საზოგადოების პროგრესისა. მას ახარებს ახალი თაობის დაბადება, რადგან ეს ახალი იდეების მომტანია. ძველი და ახალი თაობების ბრძოლა კანონზომიერ აუცილებელ მოვლენად მიაჩნია და ამ ბრძოლაში მისი სიმპათია ახალი თაობის მხარეზეა. იგი კარგად ასაბუთებს აზრს, რომ თაობათა შორის ბრძოლა ხელს არ უშლის მამულის სიყვარულს. რომ ყველა ადამიანისათვის სამშობლოს სიყვარული უპირველესი მოვალეობაა და სწორედ სამშობლოს ინტერესები მოითხოვს ახალი და ძველი თაობის, ახალი და ძველი იდეების ბრძოლას. ამ ბრძოლაში, მისი აზრით, ყოველთვის იმარჯვებს ახალი და ჭანმრთელი იდეა, რომელზედაც დამყარებულია საზოგადოების კეთილდღეობა.

ნ. ურბნელი ილაშქრებს ყველას წინააღმდეგ, ვინც ცდილობს ძველი და ახალი თაობა შეარიგოს, ვინც საერთოდ ვერ ხედავს, ანდა არ უნდა დაინახოს ეს ბრძოლა. „არასოდეს არ შეიძლება, — ამბობს ნ. ურბნელი, — რომ ძველი და ახალი თაობა მოგონილი სიტყვა იყოს და, მაშასადამე, უსაფუძვლო. მაშინ ხომ მთელი საქართველო დიდ უბედურებაში იქნებოდა ჩავარდნილი. ცხოვრების მოქრაობას თან მოსდევს „თაობა“. რისთვის? მისთვის, რომ ცხოვრების ცვლილება ხალხის გულში და გონებაში შობს ახალ იდეალებს, აზრებს და თვით თაობათა მიუცილებელი შედეგია ცხოვრების ცვლილებისა“¹.

ნ. ურბნელის აზრით, ბრძოლა ძველსა და ახალს შორის ოდნავადაც არ წარმოშობს რაიმე საფრთხეს, რომელიც სამშობლოს სიყვარულს ავნებს. ამიტომ აღნიშნავს იგი: „იქნება ჰგონიათ, რომ ჩვენში ძველი და ახალი თაობა მოგონილი სიტყვაა იმიტომ, რომ ყველას ერთი და იგივე მიზანი წინ მიგვიძღვის. ყველა ჩვენგანს ერთი და იგივე საღვთო მოვალეობა აწევს კისერზე მამულის წინაშე საოცარი ლოგიკაა! საერთო მოვალეობა არაფერ შუაშია, თვი-

¹ ნ. უ რ ბ ნ ე ლ ი, ძველი და ახალი თაობა გაზ. „დროება“, № 94, 1883.

თეულს თაობას თავისი საკუთარი გზა აქვს ამორჩეული და მოქმედების თავისი პროგრამა გააჩნია“¹.

როგორც ვხედავთ, ნ. ურბნელს სწამს, რომ ახალმა თაობამ უნდა შეიტანოს ხალხში მოწინავე საზოგადოებრივი იდეები, რაც აუცილებელია ცხოვრების პროგრესისათვის. ეს აუცილებლობა მას „ცხოვრების საზოგადო“ კანონად წარმოუდგენია და მის წინააღმდეგ წასვლას სიბრძავედ და ულოგიკობად მიიჩნევს.

¹ ნ. ურბნელი, ძველი და ახალი თაობა, გაზ. „ღრობა“, № 94, 1883.

თ ა ვ ი III

ნ. ურბნელი დავით აღმაშენებლისა და მისი დროის შესახებ

„რამეთუ მეფე იქმნა რა დავით, მოოხრებულ იყო ქართლი და თუნიერ ციხეთა სადამე არა სადა იყო კაცი სოფელსა შინა, არცარა შენებულობა“¹.

ასე იწყებს 16 წლის დავით IV ტახტზე ასელის თხრობას მისი ისტორიკოსი, ხოლო იგივე მემკვიდრე დავით აღმაშენებლის გარდაცვალების დროისათვის წერს: „და აქუნდა ყოვლით-კერძი მშუდობა და დაწყნარება სამეფოთა მისთა“². დიახ, მტრისაგან აოხრებულნი მოშლილი და დასუსტებული ქვეყანა მიიღო მემკვიდრეობით 1089 წელს 16 წლის დავით აღმაშენებელმა, 1125 წელს კი მან ძლიერი აყვავებული, მტერთაგან თავისუფალი სახელმწიფო დაუტოვა თავის ძეს, დემეტრე I.

ბუნებრივია, ისმის კითხვა: რა ისტორიულმა გარემოებებმა შეუწყო ხელი ამ სასწაულებრივ გარდაქმნას და რა ღვაწლი მიუძღვის ამაში დავით მეოთხეს, რომელსაც ხალხმა და ისტორიამ აღმაშენებელი უწოდა.

ეს საკითხი აინტერესებდა და აინტერესებს დავით აღმაშენებლის დროიდან მოყოლებული ყველა ქართველ და არაქართველ ისტორიკოსს, რომელიც კი შეხებია საქართველოს ისტორიის ზემოაღნიშნულ მცირე, მაგრამ მეტად მნიშვნელოვან მონაკვეთს.

1894 წელს თბილისში ქართულ ენაზე ცალკე წიგნად გამოვიდა ნ. ურბნელის შესანიშნავი ისტორიული მონოგრაფია „მეფე დავით აღმაშენებელი და მისი დრო“, რომელშიც ავტორს ვრცლად აქვს განხილული დავით აღმაშენებლის მეფობისა და მოღვაწეობის ყველა

¹ ქართლის ცხოვრება, ტ. I, 1955, გვ. 324. ტექსტი დადგენილია ყველა ძირითადი ხელნაწერის მიხედვით ს. ყაუხჩიშვილის მიერ.

² იქვე, გვ. 361.

მხარე. ამისათვის მას გამოუყენებია იმდროისათვის მოძიებული თითქმის ყველა წყარო როგორც ქართული, ისე უცხოური.

ქართულ ისტორიოგრაფიაში აღნიშნული მონოგრაფიის შესახებ გამოთქმულ აზრებს მხოლოდ კანტი-კუნტად ვხვდებით და იქიდან. ბუნებრივია, ბევრს ვერაფერს გავიგებთ ნაშრომის ავტარგვიანობისა და, მით უმეტეს, ნ. ურბნელის როგორც ისტორიკოსის შესახებ.

ჩვენი მიზანია, შეძლებისამებრ წარმოვაჩინოთ ნ. ურბნელის მონოგრაფიის—„მეფე დავით აღმაშენებელი და მისი დრო“ დადებითი და უარყოფითი მხარეები და შევადგასოთ ავტორის დაშსახურება საქართველოს ისტორიის კვლევის საქმეში.

ნ. ურბნელი თავის მონოგრაფიას მეტად თავისებურად იწყებს და გავიკრებებს გამოთქვამს იმის გამო, რომ თამარ მეფის ხსოვნას უფრო ინახავს ხალხი და მეტი პატივით ეპყრობა მის სახელს, ვიდრე დავით აღმაშენებლისას. იგი წერს: „საქართველოს ისტორიულ პანთეონში თუმცა თამარ მეფის გვირგვინი უფრო ბრწყინავს და ელვარებს, მაგრამ დავით აღმაშენებლის სამეფო კვერთხს მაინც უპირატესობა აქვს. ამის დასამტკიცებლად საჭიროა მოკლედ მაინც შევადაროთ თამარ მეფის და დავით აღმაშენებლის პირადი ღვაწლი და ღირსება“¹.

ნ. ურბნელი ფიქრობს, რომ თამარისათვის გაცილებით ადვილი იყო ქვეყნის მართვა, რადგან მას გადასცეს „ძლიერი და კარგად განწყობილი სახელმწიფო“². უდავოა, რომ თამარ მეფეს მართლაც გაცილებით კარგ ისტორიულ პირობებში მოუხდა ტახტზე ასვლა, ვიდრე მის სახელოვან წინაპარს. მან შემკვედრეობით მიიღო ის, „რაც დიდი ხნისა და მედგარის მუშაობის წყალობით საქართველოს კეთილდღეობისა და წარმატებისათვის თამარის წინაპრებმა შექმნეს“³.

მაგრამ თამარ მეფის და მისი სამეფო კარის მნიშვნელობის დამცირება იქნებოდა, გაგვეზიარებინა აზრი, თითქოს „თვითეულმა კერძოდ და ყველამ საერთოდ მხოლოდ ის შეასრულა, რაც ანდერძად და სახელმძღვანელოდ დასტოვა გონებით შორსმჭკრეტელმა მეფემ“⁴. ჩვენ, რა თქმა უნდა, იმის აქმა არა გვსურს, თითქოს დავით აღმაშენებლის პოლიტიკური კურსის, მისი „ანდერძის“ დაცვა და ცხოვრებაში გატარება თამარის, როგორც მეფე პოლიტიკოსის მნი-

1 ნ. ურბნელი, მეფე დავით აღმაშენებელი და მისი დრო, 1894, გვ. 1.

2 იქვე.

3 ივ. ჭავჭავაძის შვილი, ქართველი ერის ისტორია, ტ. II, 1965, თბ. გვ. 246.

4 ნ. ურბნელი, მეფე დავით აღმაშენებელი და მისი დრო, 1894, თბ. გვ. 1.

შენელობას ამცირებდეს, პირიქით. მაგრამ საქმის ისე წარმოდგენა, თითქოს თამარს და მის სამეფო კარს დიდი არაფერი ჰქონდა გასაკეთებელი და სათაოსნო, სწორი არ იქნებოდა. მართალია, საქართველო „მამინ უკვე ძლიერ, სახელგანთქმულ სახელმწიფოდ ითვლებოდა, მრავალ და ვრცელ ქვეყნების ბატონად, სხვადასხვა მოდგმისა და სარწმუნოების ხალხის ზარბაზნებლად, ამიტომ საქართველოს სახელმწიფო ცხოვრების ხელმძღვანელთათვის იმ დროს დიდი სიფრთხილე და წინდახედულობა. სიბრძნე და შორსგამჭვრეტელობა იყო საქირო“¹.

ნ. ურბნელს შესანიშნავად ჰქონია წარმოდგენილი ისტორიის კვლევისა და, კერძოდ, ამ შემთხვევაში, თავისი მონოგრაფიის აღნიშნულება. იგი წერს: „უეჭველია, საეროვნო თვითცნობიერებას აღორძინება და წარსული ცხოვრების ცოდნა ნათელს მოჰფენს დავით აღმაშენებლის დიად სახეს და ჯეროვან განჩინებას დასძვებს იმის დიდებულ მოღვაწეობას, აშეამად კი ორიოდ აშბავი თუ იცა, ხალხმა თავის უდიდეს მეფეზედ“².

და მართლაც, მისი ისტორიული მონოგრაფია პირველი სერიოზული შრომა იყო ქართულ ისტორიოგრაფიაში, დავით აღმაშენებლის ეპოქის შესასწავლად. ნ. ურბნელი აღნიშნავს და უჩივის იმ გარემოებას, რომ საისტორიო წყაროები ძუნწად მოგვითხრობს დავით აღმაშენებლის მოღვაწეობის ზოგიერთ მხარეზე და, მეტადრე, მისი „კერძო“ და „შინაური ცხოვრების“ შესახებ, რაც ხელს უშლის საკითხის ნათლად გაშუქებას. ამ მხრე გაჭირვებას ვერ ასცდება ვერავინ, რომელიც კი, თეიმურაზ ბატონიშვილის თქმისაებრ, „ისტორიკოსებრ ჰყოფს ძიებასა-ო“³ — სამართლიადად წერს ნ. ურბნელი. იგი ხაზს უსვამს იმ მძიმე და არასახარბიელო მემკვიდრეობას, რომელიც დავით აღმაშენებელმა შიილო მტრისაგან შევიწროებული, პოლიტიკურად სუსტი სამეფო სახით და იქვე ხატოვნად წარმოგვიდგენს ნიკიერი და ვებრძოლი ვეფხის პიროვნებას: „დაშლილსა და დარღვეულს სამეფოს განახლება და აღშენება ესაჭიროებოდა. ჭაბუკმა მეფემაც პირველადვე სამეფოს ბურჯი და საძირკველი განაახლა და შემდეგ ზედ ამოიყვანა მკვიდრი სამეფო შენობა. ხუროთ-მოძღვრება თვით მეფემ იტვირთა, შენობის დადგმა და მოწყობაც იმის საქმე იყო... და შესანიშნავი კიდეც ის არის, რომ ყველგან და ყვე-

¹ ივ. ჯავახიშვილი, ქართველი ერის ისტორია, ტ. II, 1965, თბ., 245.

² ნ. ურბნელი, მეფე დავით აღმაშენებელი და მისი დრო, 1894, გვ. 2-3,

³ იქვე, გვ. 3.

ლაფერში მოსჩანს მეფის ხელმძღვანელობა, თაოსნობა, თვითუღს საქვეყნო საქმეს იმის დიდ-ბუნებნობის ბეჭედი ამჩნევია. მის ძლიერის სულის გავლენა ატყვია“¹.

აუცილებლად აღნიშვნის ღირსია, რომ ურბნელს სავსებით სწორად ესმის პიროვნების როლი ისტორიაში. მას მიაჩნია, რომ ტალანტის გამოვლინებისათვის, მისი განვითარებისათვის აუცილებლად საჭიროა პირობები. ამ პირობებს კი ისტორიული ვითარება და საზოგადოებრივი ცხოვრების ხასიათი განსაზღვრავს. მისი მართებულის გაგებით, დაეით აღმაშენებლის წარმატებას ხელი შეუწყო არსებულმა პირობებმა და იმდროინდელმა მნიშვნელოვანმა მოვლენებმა „მეფის თუ სხვა საზოგადოებრივის მოღვაწის საქმეთა განხილვა და განსჯა შესაძლოა ისტორიულ გარემოებათა მიხედვით. დროთა ვითარებას დიდი გავლენა აქვს საზოგადო ცხოვრების ბრუნვაზე“². სხვა ადგილას კი იგი წერს: „თვით ცხოვრების მსვლელობა უადვილებდა მეფეს მძიმე ტვირთს, მაგრამ მაინც დიდი გონებრივი ძალა იყო საჭირო ამის საზიდელად“³.

6. ურბნელის აზრით, სწორედ ის პიროვნებაა დიდი, მას სცემს ისტორია პატივს, ვისაც ჰყოფნის ნიჭი და უნარი, ხელმოცარული არ დარჩეს იქ, სადაც ადვილი არაა „ძლევა და გამარჯვება, თორემ გონებრივს გამჭკრიახობას მოკლებული და ხასიათით სუსტი ყოველთვის ქედს იხრის ცხოვრების ბრძოლის მოედანზე და ხელცარიელი რჩება მაშინაც კი, როცა ადვილია ძლევა და გამარჯვება“⁴. მეფის უნარს, მის ნიჭსა და უნიჭობას კი აუცილებლად ჰქონდა დიდი მნიშვნელობა ფეოდალური საზოგადოებისათვის. მით უმეტეს, რომ თვითმპყრობელ მეფეს ტახტს არა სამეფო გვარიდან გამოსული თუნდაც გენიოსიც ვერ შეეცილებოდა დაეით აღმაშენებლის ყველა მეისტორიე ერთხმად აღნიშნავს მის დიდ განათლებას და განსწავლულობას მეცნიერების სხვადასხვა დარგში, რაც ნათლად დასტურდება მეფის მთელი მოღვაწეობით. ხოლო მისი ისტორიკოსი საგანგებოდ აღნიშნავს დავითის საარაკო გატაცებას მწიგნობრობით⁵.

6. ურბნელის მართებული აზრით, განსწავლულობამ, განათლებამ, ისტორიის ცოდნამ და ისტორიის ანალიზის დიდმა უნარმა განაპირობა დაეით აღმაშენებლის შესანიშნავი წარმატებანი პოლიტიკურ თუ სახელმწიფოებრივ სარბიელზე.

¹ 6. უ რ ბ ნ ე ლ ი, მეფე დაეით აღმაშენებელი და მისი დრო, 1894, გვ. 2.

² ი ქ ვ ე, გვ. 20.

³ ი ქ ვ ე, გვ. 21.

⁴ ი ქ ვ ე, გვ. 20.

⁵ ქართლის ცხოვრება, 1955, გვ. 350.

ნ. ურბნელის აზრით, დავითის მასწავლებელი იყო არსენ იყალთოელი. „სარწმუნო და დასაჯერებელია, როცა თეიმურაზ ბატონიშვილი ამბობს, რომ დავით აღმაშენებელს ასწავლიდა გაპოჩენილი ფილოსოფოსი და ხვთისპეტყველი არსენ იყალთოელი. იმ დროს სჯე უკეთესი მასწავლებელი არც მოიპოვებოდა“¹. თუ ვინ იყო დავით აღმაშენებლის მასწავლებელი, ამ საკითხზე ქართულ ისტორიოგრაფიაში სხვადასხვა აზრი არსებობს და ნ. ურბნელის აზრის გაზიარება მხოლოდ იმ მოტივით, რომ იგი თეიმურაზ ბატონიშვილს იპოუმებს, სწორი არ იქნებოდა. ჩანს, თვითონ ურბნელსაც ეს საბუთი საკმარისად არ მიაჩნდა და არსენ იყალთოელის მისამართით წერდა: „სიკვდილამდე მეფეს პატივი და ნდობა არ მოუკლია ოსტატისათვის. სიკვდილის დროსაც კი თავის „ანდერძი“ არსენის „პირით“ დაადგინა — „ჩვენ მიერ უნდოსა და უღირსისა მლოცველისა მამისა ბერისა პირითაო“ — წერია იმ ანდერძში“².

მოტანილი ადგილიდან აშკარად ჩანს, რომ ნ. ურბნელს ეპყვიც არ ეპარება, რომ არსენ იყალთოელი და დავითის ანდერძებში — „ანდერძი დავით აღმაშენებლისა შიომღვიმისადმი“³ და „ანდერძი დავით აღმაშენებლისა“⁴ მოხსენიებული არსენ ბერი ერთი და იგივე პიროვნებაა. ნ. ურბნელი არ მიუთითებს, თუ რა საბუთზე დაყრდნობით შეიძლებოდა ასეთი აზრის მტკიცება.

ეხებოდა რა აკად. კ. კეკელიძე დ. აღმაშენებლის ისტორიკოსის ვინაობის საკითხს, წერდა, რომ დავითის ცხოვრების ავტორი „არის თანამედროვე დავითისა, მასთან და მის კართან ძალიან დაახლოებული პირი, მისი „მოძღუარი“. ეს უნდა იყოს არსენ ბერი საღორის ძე...ო“⁵. როგორც ვხედავთ, აკადემიკოს კ. კეკელიძეს მიაჩნია, რომ არსენ იყალთოელი და არსენ ბერი, მისი განცხადებით — „საღორის ძე“, სხვადასხვა პიროვნებაა.

გარდა ამისა, როგორც პროფ. ს. კაკაბაძე აღნიშნავს, არსენ იყალთოელი მიცვალებულადაა მოხსენიებული რუის-ურბნისის ძეგლის წერის დროს 1103 წ.⁶ ცხადია, ასეთ შემთხვევაში 1123 და

¹ ნ. ურბნელი, მეფე დავით აღმაშენებელი და მისი დრო. 1894. გვ. 10.

² იქვე, გვ. 10.

³ ანდერძი დავით აღმაშენებლისა შიომღვიმისადმი. ქართული სამართლის ძეგლები, 1965, გვ. 12.

⁴ იქვე, გვ. 18.

⁵ კ. კეკელიძე, ქართული ლიტერატურის ისტორია, ტ. 11, შბ., 1958, გვ. 262.

⁶ ს. კაკაბაძე, დავით აღმაშენებლის მემკვიდრის ვინაობა. 1913. ტყ., გვ. 4.

1125 წწ. დავით აღმაშენებლის ანდერძში მოხსენიებული არსენი, არსენ იყალთოელი ვერ იქნებოდა. 1966 წელს ივ. ლოლაშვილმა გამოაქვეყნა წერილი, რომელშიც იგი აანალიზებს XII საუკუნის ამ საკითხთან დაკავშირებულ ისტორიულ წყაროებს და იზიარებს რა ამ აზრს არსენ ბერისა და არსენ იყალთოელის იგივეობის შესახებ. წერს: „ამ ტრადიციული ცნობების სისწორეს ადასტურებს იყალთოელის და არსენ ბერის შრომების ანალიზი, აგრეთვე მათი ბიოგრაფიული დეტალების დამთხვევა, საიდანაც ირკვევა, რომ არსენ ბერი და არსენ იყალთოელი ერთი და იგივე პიროვნებაა“¹. ჩვენ მიზნად არა გვაქვს დასახული ვარკვიით, თუ ზემოხსენებული ავტორებიდან ვისი აზრია მისაღები ან უარსაყოფი. უბრალოდ იმის აღნიშვნა გვსურდა, რომ ნ. ურბნელი ერთ-ერთი პირველთაგანია, რომელმაც აღნიშნა, რომ არსენ იყალთოელი და არსენ ბერი ერთი და იგივე პიროვნებაა. ამიტომ, როცა თანამედროვე მკვლევარი ეხება არსენ ბერის ვინაობის საკითხს და წერს, რომ იგი „ერთხანს“ არსენ იყალთოელად მიაჩნდათ ზ. კიჭინაძეს და ა. ხახანაშვილს-ო, აქვე უნდა იყოს მოხსენიებული ნ. ურბნელიც².

ნ. ურბნელი დიდ მნიშვნელობას ანიჭებს სახელმწიფო მოღვაწის ზნეობრივ მხარეს. მას მიაჩნია, რომ მეფე. რომელიც წინ უძღვის ერს, აუცილებლად უნდა გამოირჩეოდეს ზნეობრივი სიწმინდით. „გულის სისპეტაკით“. მან კარგად იცის, რომ „ზნეობრივი მოძღვრების ქვაკუთხედი ურთიერთი სიყვარული და სათნოებაა“, მაგრამ ურბნელი მიუთითებს, და სამართლიანადაც. რომ დაპლომატიური ურთიერთობის დროს მეფე ყოველთვის ვერ დაიცავს ზნეობრიობას. რომ იგი ზოგჯერ იძულებულია უღალატოს ყოველდღიურ ზნეობრივ ეთიკას. ამიტომ იგი დავით აღმაშენებლის მისამართით წერს: „მტერთან სპასპეტს გულ-აზდილი და წრფელი დამოკიდებულება არ შეევენის. იქნებ ესრეთი საქციელი წინააღმდეგი იყოს ზნეობრივის კანონისა, მაგრამ მიუცილებლად საქირთა სპასპეტისათვის, რომელიც ლაშქრობის დროს, უნებლიედ ემორჩილება სხვა გვარს ზნეობას“³.

ერთა სიტყვით, ნ. ურბნელს მშვენივრად ესმის, რომ „დავითიც

¹ ივ. ლოლაშვილი, არსენ ბერისა და დავით აღმაშენებლის ისტორიკოსის ვინაობისათვის. ეურნ. „ისტორია, საზოგადოთმცოდნეობა, გეოგრაფია სკოლაში“, 1966, № 3, გვ. 23.

² სხვათა შორის, სერგი მაკალათიაც ფიქრობს, რომ არსენ ბერი და არსენ იყალთოელი ერთი და იგივე პიროვნება იყო. ს. მაკალათია, დავით აღმაშენებელი, თბ., 1944, გვ. 17.

³ ნ. ურბნელი. მეფე დავით აღმაშენებელი და მისი დრო, 1894, გვ. 56.

ისევე დაუნდობლად იბრძოდა, როგორც მისი მოწინააღმდეგენი. და-
ლატი, აჭანყება, მტრის მხარეზე გადასვლა... ბრძოლის ასეთ საშუა-
ლებებს, დიდი აზნაურები რომ მიმართავდნენ, დავითი უსასტიკესი
ზომებით უპასუხებდა — დაპატიმრება, ექსორია, სიკვდილით დას-
ჯა“¹. და იგი აღმაშენებელ მეფეს ამისათვის აქებს კიდევაც, რადგა-
ნაც მან იცის, რომ მეფე, პოლიტიკოსი — სპასპეტი, ვერ იქნება აბ-
სოლუტურად ზნეობრივი, თუ მას სურს იყოს გამარჯვებულთა შო-
რის.

ნ. ურბნელი შეეხო დავით აღმაშენებლის ცნობილ ანდერძს², რო-
მელიც დღემდე საკამათოდ რჩება ქართულ ისტორიოგრაფიაში. ჩვენ
საგანგებოდ გვინდა განვიხილოთ ანდერძის ის ნაწილი, რომლის შე-
სახებაც თავისი თვალსაზრისი ჩამოაყალიბა ნ. ურბნელმა, და ვაჩ-
ვენოთ, შეიძლება თუ არა ურბნელისეული აზრის გაზიარება
აი, რას წერს იგი განსახილველი საკითხის შესახებ: „პირველადვე
შევნიშნეთ, რომ მეფის შინაური ცხოვრება სიბნელით მოცულია. მა-
ტიანე ამბობს — „მიიყვანა სანატრელი და ყოვლად განთქმული
სიკეთითა გურანდუხტ დედოფალი, შვილი უცნალოთა უმთავრესისა
ათრაქა შარადანისა ძისა, სჯულიერად მეუღლედ თვისად და დე-
დოფლად ყოვლისა საქართველოსა“. მაგრამ ეს ზოგადი ცნობა არა-
ფერს არ ნიშნავს. ამას გარდა, თუ სომეხ მემისტორიებს დაუუჭრეთ.
მეფეს სომხის ქალი უნდა ჰყოლოდა მეუღლედ, რომელმაც ჰქონდა
ტახტის მემკვიდრე, დიმიტრი მეფე... მათიანე კი მხოლოდ გურან-
დუხტს იხსენიებს და იმის მეუღლედ მოყვანა პოლიტიკური მოსაზ-
რების გამო უნდა მომხდარიყო; შორსმკვრეტელი მეფე ჰხედავდა,
თუ რა სასარგებლო იქნებოდა მოყვრული დამოკიდებულება ყოე-
ჩაღთა უმთავრესთან... ვგონებთ, ცხადია, რომ გურანდუხტზე წინაა
სხვა მეუღლე ჰყავდა, თუმცა ძნელია სათქმელად, ვინ და საიდან,
ხოლო ეკვს გარეშეა, რომ უფროსი შვილი, ტახტის მემკვიდრე დი-
მიტრი მეფე, გურანდუხტისაგან არ იყო შობილი. აი, რომელი საბუ-
თით: როცა მეფემ ყოჩაღნი მოიწვია, მამინ ვაჟიშვილი ვახტანგ დი-
ბადა და შემდეგ თავის „ანდერძში“ უფროს შვილს დაავალა „რათა
ძმა თვისი ცვატა“ აღზარდოს და თუ ინებოს ღმერთმან და ვარგ
იყოს, შემდგომ მისსა მეფე ჰყოს მამულსა ზედა“. ეს საანდერძო
განკარგულება ძირეულად სცვლიდა მემკვიდრეობის წესსა. ცხადია,
რომ ცვატა გურანდუხტისაგან იშვა და მეფეს ჰსურდა ცვატას მემკ-

¹ ნ. ბერძენიშვილი, საქართველოს ისტორიის საკითხები, ტ. I, 1965.
გვ. 31.

² ქართული სამართლის ძეგლები, ტ. II, 1965, გვ. 18.

ვიდრეობა საპოლიტიკო მოსაზრებისა და ყივჩაღთა გულის მოსაგებლად¹.

როგორც ვხედავთ, ნ. ურბნელს უდავო ქეშმარიტებად მიაჩნია, რომ დავით აღმაშენებელს დედოფალ გურანდუხტისაგან ჰყავდა ვაჟი ვახტანგი. და სწორედ ეს ვახტანგია დავით აღმაშენებლის ანდერძში მოხსენებული ცვატა. ურბნელი გაკვირვებულია, თუ რად უნდა შეეცვალა მემკვიდრეობის წესი დავით აღმაშენებელს და ცდილობს ახსნას შეფის ასეთი საქციელი მისი მოსაზრებით დავით აღმაშენებლის საანდერძო განკარგულება ცვატას ტახტზე ასვლის შესახებ გამოწვეული უნდა იყოს „საპოლიტიკო“ მოსაზრებით, კერძოდ, ყივჩაღთა დასაშოშმინებლად და გულის მოსაგებად. ვიდრე ურბნელის ამ მოსაზრებას გავიზიარებდეთ ან უარყოფდეთ, აუცილებლად მიგვაჩნია, განვიხილოთ ეს საკითხი უფრო დეტალურად.

ურბნელი წერს, როცა მეფემ ყივჩაღნი მოიწვია, თაშინ ვაჟიშვილი ვახტანგ დაებადაო. ბუნებრივია ისმის კითხვა, რა საბუთს ეყრდნობოდა იგი ასეთი კატეგორიული განცხადებისათვის? ვფიქრობთ. ქართლის ცხოვრების იმ ადგილს, სადაც დავით აღმაშენებლის ისტორიკოსი მოგვითხრობს ყივჩაღების გადმოყვანაზე საქართველოში და წერს: „ხოლო მაშინ ოვსეთს ყოფასა მიაცვალა გიორგი ჰყონდიდელი, თავადგა სიყრმითგანთა პატრონისა მსაიურებათათჳს; და პატივითა დიღითა წარმოგზავნა მონასტერსა ახალსა და მუნ დაემარხა. რომელი იგლოეა ყოველმან სამეფომან და თვით მეფემან. ვითა მამა და უმეტესცა მაშისა, შემოსითა შაეისათა ორმოც დღე. ვიდრემდის იშვა ვახტანგ, რომელისა ხარებითა დაიქსნა გლოვა“².

მართალია, ისტორიკოსს არა აქვს სათქვამი, რომ ვახტანგი დავით IV ვაჟია, მაგრამ რის გამო უნდა დამთავრებულიყო ჰყონდიდელის გარდაცვალებით გამოწვეული გლოვა, თუ არა მეფისწულის დაბადების გამო. იქნებ დავით აღმაშენებლის შვილიშვილის დაბადებამ გამოიწვია ასეთი სიხარული, მაგრამ ჩვენ ხომ ვიცით, რომ დემეტრეს არ ჰყოლია ვახტანგად წოდებული შვილი, დაბოლოს, საექვოა, რომ მემართიანეს საგანგებოდ არ აღენიშნა, საქმე რომ სხვის დაბადებას შეეხებოდეს და არა უფლისწულისას. მაგრამ დავით აღმაშენებლის ანდერძში დავითის ძის, დემეტრეს, ძმად მოხსენებულია ცვატა და არა ვახტანგი. XIX საუკუნის ცნობილი ქართველი ისტორიკოსი დიმიტრი ბაქრაძე ვახუშტის „საქართველოს ის-

¹ უ რ ბ ნ ე ლ ი, მეფე დავით აღმაშენებელი და მისი დრო, 1894, თბ. გვ. 19—20.

² ქართლის ცხოვრება. ტ. I, 1955, გვ. 327.

ტორიის“ შენიშვნებში წერს — „ცვატა ჩვენის მოსაზრებით უნდა იყოს თვით ვახტანგი მეტ-სახელით წოდებული“-ო¹. ვფიქრობთ, დ. ბაქრაძის ეს მოსაზრება ექვეს არ უნდა იწვევდეს, თუმცა აკად. ნ. ბერძენიშვილი დავით აღმაშენებლის ზემოდასახელებულ ანდერძს ყალბს უწოდებს². ხომ არ შეიძლებოდა, ანდერძში. თუნდაც ყალბში, არაჩაბებული უფლისწული მოეხსენებინათ.

ბუნებრივია, იბადება კითხვა — რა ბედი ეწვია უფლისწულ ვახტანგს. ამ საკითხის შესახებ ჩვენ მოგვეპოვება, როგორც აკად. ივ. ჭავჭავიძე ამბობს, მხოლოდ „ერთადერთი“, „მოკლე“ და „ბუნდოვანი“ ცნობა, რომელიც სომეხ ისტორიკოსს ვარდანს ეკუთვნის. ვარდანის მოთხრობა დემეტრე დავითის ძის წინააღმდეგ აჭანყებისა ბუნდოვანია, მაგრამ, როგორც აკად. ივ. ჭავჭავიძე ამბობს, „ცხადია მხოლოდ, რომ ივანე აბულეთის ძეს დემეტრე მეფის ღალატი განუზრახავს, მაგრამ პირადი განზრახვით კი არა, არამედ დემეტრე მეფის ძმისათვის, რომელც თურმე ეძიებდა შეფობასა“³. ივ. ჭავჭავიძე ამბობს დაპოწმებული აქვს ვარდანის წიგნი სომხურ ენაზე, და ასე აქვს თარგმნილი „უფლისწულ (და) ივანე აბულეთის ძეს უნდოდა(თ) დემეტრე (მეფისა) და თავის ძმის მოკვლა. მაგრამ ივანეს მამამ აბულეთმა თავისი (შვილის) წინაშე ჰალაჩა გაიშალა და (განზრახულის აღსრულება) დაუშალა. ძმათა შორის (ჩამოვარდნილ) მზაკვრობის წყალობით ორივენი დმანისის ციხეში დაამწყვდიეს. როდესაც დემეტრე (მეფემ) ეს (აზბავი) შეიტყო, (მივიდა დმანისის ციხეში და) ივანეს (დაციხვით) უთხრა: აჰა შემოიყარ!-ო. ხოლო მან სინანულით უპასუხა არა მეფე, მე ხელთ მოგვეით თქვენი ძმა, რომელიც თქვენს შეფობას ეძიებს. (მეფემ) შეიპყრა იგი (ძმა?), (თვალი) დაუბნელებინა და გაანთავისუფლა“-ო⁴.

ჩვენი აზრით, ვარდანის ეს ცნობა შემდეგნაირად უნდა იქნეს ვაგებელი: ივანე აბულეთის ძემ და უფლისწულმა ვახტანგ დავითის ძემ გადაწყვიტეს ვახტანგის ძმის, მეფე დემეტრე დავითის ძის მოკვლა, მაგრამ შეთქმულება გამოშლანდა და დამნაშავენი დმანისის ციხეში ჩაამწყვდიეს. როცა მეფე დემეტრემ ნიშნის მოგებით უთხრა ივანეს — აჰა შემოიყარო, ივანემ სინანულით უპასუხა: არა მეფე, მე თქვენ აჭანყებული ძმა ჩაგიგდეთ ხელში, რომელსაც თქვენი ტახტის ხელში ჩაგდება სურდაო. ნ. ემინის მიერ რუსულად

¹ ვახუშტი, საქართველოს ისტორია, 1885, ტფ., გვ. 187.

² ნ. ბერძენიშვილი, საქართველოს ისტორიის საკითხები, ტ. II, თბ. 1965, გვ. 133.

³ ივ. ჭავჭავიძე, ქართველი ერის ისტორია, ტ. II, 1965, გვ. 224.

⁴ იქვე, გვ. 223.

თარგმნილ, ამავე წიგნშიც მკაფიოდ და გასაგებადაა ნათქვამი, რომ ივანე აბულეთის ძე მეფეს აჯანყებია დემეტრეს ძმისთვის, რომელიც ტახტს ეცილებოდა მეფეს. მართალია, ვარდანი დემეტრეს ძმად გიორგის ასახელებს და არა ვახტანგს, მაგრამ ჩვენ ხომ ვიცით, რომ დემეტრეს შვილს ერქვა გიორგი და არა ძმას. ჩვენი აზრით, ვარდანს აქ შეეცდომა მოსდის — ვახტანგის მაგიერად დემეტრეს ძმად გიორგის ასახელებს. მეფე დემეტრეს აჯანყებული ძმა დაუბრძალებია. გასაგებია, რომ იგი არც ივანე აბულეთის ძეს დატოვებდა დაუსჯელად და, მართლაც, ლაშა გიორგის დროინდელ მემკვიდრეს ნათქვამი აქვს, რომ: „დემეტრე აბულეთის ძესა ივანეს თავი მოჰკუთნა ჩხერეს მერეს მეოცესა წელიწადსა მეფობისა მისისასა და მეტებთა დაღვა ფიცის არ გატეხისათჳს“¹. მოტანილი ადგილიდან ცხადად ჩანს, რომ დემეტრეს მოღალატე ივანესათვის თავი მუყვეთია. რაც შეეხება მემკვიდრის სიტყვებს „მეტებთა დაღვა ფიცის არ გატეხვისათვის“. აკად. ივ. ჭავჭავიძე მათ ასე განმარტავს: „ცხადია, რომ „ფიცი“ და სიმტკიცე შეუძლებელია დამარხვის თაობაზე ყოფილიყო დაღებული და დემეტრე მეფის უკანასკნელი საქციელი ალბათ მხოლოდ გატეხილი ფიცის დასაფარავად მოგონილი გარეგნული თვალმაქცობა და ხრიკი იქნებოდა“². აკად. ივ. ჭავჭავიძეის ეს აზრი მით უფრო სარწმუნოა, რომ დემეტრე მეფეს „თვალმაქცობა“ და „ხრიკი“ ალბათ საკუთარი ძმის დასჯის მისაფუჩეჩებლად ესაჭიროებოდა. სომეხი ისტორიკოსი ვარდანი აღნიშნავს, თითქოს დემეტრე მეფეს საკუთარი ძმა 1130 წელს დაუსჯია. ლაშა გიორგის დროინდელ მემკვიდრეს კი ივანე აბულეთის ძის დასჯა მოცემული აქვს დემეტრეს მეფობის „მეოცესა წელიწადსა“, ე. ი. 1145 წელს (დემეტრე ტახტზე 1125 წელს ავიდა). საფიქრებელია, რომ ვახტანგ დავითის ძის და ივანე აბულეთის ძის დასჯასწორედ 1145 წ. უნდა მომხდარიყო³. ეს იმიტომ, რომ 1130 წელს ვახტანგი ბავშვი იქნებოდა და მაშინ ივანე აბულეთის ძეს ასე ხელაღებით არ შეეძლო ათი-თერთმეტი წლის ბავშვის მისამართით ეთქვა — დამნაშავე მე კი არა, შენი ძმა არისო, „მე გაძლევ შენ ხელში ძმას, რომელიც ეძიებს შენს ტახტს“⁴. გარდა ამისა, თუ აჯანყება, რომელშიც აქტიურ მონაწილეობას იღებდა ივანე აბულეთის ძე 1130 წელს მოხდა, საეკვოა

¹ ქართლის ცხოვრება, ტ. I, 1955, გვ. 367.

² ივ. ჭავჭავიძეილი, ქართული ერის ისტორია, ტ. II, 1965, თბ. გვ. 224.

³ ქართულ ისტორიოგრაფიაში გამოხატული აზრი იმის შესახებ, თითქოს ვახტანგი მცირეწლოვანი გარდაცვლილიყო, არ უნდა იყოს სწორი.

⁴ ვარდანი დიდი, დასახ. ნაშრომი, გვ. 150.

რომ 1131 წელს იგი თავისუფალი ყოფილიყო და გარნისზე გაე-
ლაშქრნა. 1132 წელს კი ზემოთ აღნიშნული ბრალდებისათვის მოე-
კვლევიანებინა მეფეს, როგორც ვარდანი გადმოგვეცემს. ივანე აბუ-
ლეთის ძის თავისუფლება მით უფრო დაუჭერებელია, რომ ვარდა-
ნისავე სიტყვით დემეტრეს თავის ძმა დაუბრძავებია. მაშ რატომ
უნდა დაენდო ივანე?

აკად. ივ. ჭავჭავაძის საგანგებოდ აქვს განხილული ვარდა-
ნის ის ცნობა, სადაც ხაზგასმულია დემეტრე მეფის წინააღმდეგ
აჯანყება ივანე აბულეთის ძისა, რომელიც მეფის ძმას მიმხრობია და.
ვეფიქრობთ, სომეხი ისტორიკოსის (რომელიც უფრო ობიექტურა
იქნებოდა დემეტრე მეფის საქციელის შეფასებისას) აზრს გაიზიარ-
ებდა, რომ ჩვენთვის გაუგებარი მიზეზის გამო თვითონვე ეკვი არ
შეეტანა ვახტანგ დავითის ძის არსებობაში. აი, რას წერს ივ. ჭავ-
ხაძის ვარდანის ცნობის განხილვისას: „თვით დანაშაულობის
შესახებ ჩვენ ვარდანის მოთხოვნის მეტი სხვა არავითარი წყარო
არ მოგვეპოვებ, რომ ვარდანის მოკლე და ბუნდოვანი აღწერილობა
შეგვეცეს და საქმის ნამდვილი ვითარება გაგვეგო. ცხადია მხოლოდ,
რომ ივანე აბულეთის ძეს დემეტრე მეფის ღალატი განუზრახავს,
მაგრამ პირადი განზრახვით კი არა, არამედ დემეტრე მეფის ძმისა-
ვის, რომელიც თურმე ეძიებდა მეფობას¹. დავით აღმაშენებლის
„ცხოვრებაში“ დემეტრეს გარდა, დაღებული ჰეფის სხვა შვილი
მოხსენიებული არ არის. მაგრამ არც ის არის ნათქვამი, რომ დემეტ-
რე მხოლოდშობილი ძე იყო; მაშასადამე, შესაძლებელია დემეტრეს
ძმები თუ არა, ერთი ნახევარ². ყივჩაღთა მთავრის ასულისაგან
შობილი. შინც ჰყოლოდა. ან იქნებ განდგომის მოთავე უფლისწუ-
ლი, დემეტრეს ძმად წოდებული. დემეტრეს ბიძაშვილი ყოფილიყო.
დავით აღმაშენებლის იმ ძმის შვილი, რომელსაც, მათე ურპაელის
სიტყვით. „თოტორმე“ რქმევიან².

როგორც ვხედავთ, აკად. ივ. ჭავჭავაძის იმითომ არ დაადს-
ტურა ვარდანის ცნობა ვახტანგის აჯანყების და მისი დასჯის შესა-
ხებ, რომ ასეთი უფლისწულის არსებობაში ეკვი შეიტანა.

¹ სხვათა შორის, მკვლევარმა ჯ. სტეფანაძემ თავის საკანდიდატო დისერტა-
ციაში საგანგებოდ აღნიშნა, რომ მისი აზრით, 1330 წელს დემეტრე დავითის
ძის წინააღმდეგ აჯანყდა უფლისწული ვახტანგ დავითის ძე, ე. ი. დემეტრეს ძმა
:თრაქან შვილიშვილი და არა დავით დემეტრეს ძე.

² ჯ. სტეფანაძე. საქართველოს პოლიტიკური ურთიერთობა კავკასიის ხალ-
ხთან XII საუკუნეში, თბ., 1970, გვ. 175 (საკანდიდატო დისერტაცია ინახება ის-
ტორიის ინსტიტუტში).

² ივ. ჭავჭავაძის იმ, ქართული ერის ისტორია, ტ. II, 1965, გვ. 224.

ჩვენი აზრით, მეფე დემეტრე დავითის ძეს აჯანყებია ვახტანგ დავითის ძე და, ბუნებრივია, ამ აჯანყების იურიდიულ საბუთად უფლისწული თავისი მამის — დავით აღმაშენებლის — ანდერძი პოიშველებდა. სადაც გარკვევითაა ნათქვამი „და მივანდვენ შვილნი და დედოფალნიცა, შუამდგომლობითა ღმრთის თა, რათა ძმა მისი გაზარდოს. და თუ ინებოს ღმერთმან და ვარგ-იყოს ცვატა, შემდგომად მისსა მეფე-ჰყოს მამულს ზედა“¹. ანდერძის ამ ნაწილს უნდა: გულისხმობდეს აკად. ნ. ბერძენიშვილი, როცა იგი ლაპარაკობს დავით II ყალბი ანდერძის შესახებ ვახტანგის გამეფების თაობაზე². ან «завещание (подложное?) Давида сыну, царю Димитрию, относительно воцарения после себя второго сына Давида — Вахтанга»³

ძნელი წარმოსადგენია, რომ ისეთი ძლიერი, კვიციანი და მკაცრ-მეფე, როგორც დემეტრე იყო, ვინმეს მისციმდა საშუალებას. ყალბი და უხეირო საბუთებით ებრძოლა მის წინააღმდეგ. ჩანს ანდერძში იმთავითვე იყო ლაპარაკი ცვატას (ვახტანგის) გამეფების შესახებ, რისი დამალვაც დემეტრეს გასაგები მიზეზის გამო არ შეეძლო. სწორედ ამ ანდერძზე დაყრდნობით ცდილობდნენ ვახტანგი დამისი მომხრეები, რომ მეფის წინააღმდეგ აჯანყება კანონიერად მოეხატათ.

ჩვენი აზრით, დაუჭერებელი არაფერია იმაში, რომ დავით IV ანდერძად დაეტოვებინა, „თუ ინებოს ღმერთმან და ვარგ-იყოს ცვატა, (დემეტრემ) შემდგომად მისსა მეფე ჰყოს მამულსა ზედა“. თავი რომ დაეანებოთ საქართველოს იმდრინდელ მეზობელ სამეფოთა კარის ამბებს, თვითონ მეფე დემეტრემაც ტახტის მემკვიდრეობა უმცროსი შვილი არჩია. დავით აღმაშენებლის საქციელი კომით უფრო არაა გასაკიცხი, რომ მან კატეგორიულად კი არ მოითხოვა ვახტანგის გამეფება, არამედ საგანგებოდ აღნიშნა, „თუ ინებოს ღმერთმან და ვარგ-იყოს ცვატა, მხოლოდ იმ შემთხვევაში გაამეფონო. როგორც ზემოთ იყო აღნიშნული, ნ. ურბნელიც გაკვირვებულია. თუ რატომ დასჭირდა დავით აღმაშენებელს შეეცვალა „სამემკვიდრეო“ წესი, და ცდილობს ამ მოვლენის ახსნას.

ნ. ურბნელის მოსაზრება იმის შესახებ, რომ საქართველოში დედოფლად გურანდუხტის მოყვანა პოლიტიკური მოსაზრების გამო უნდა მომხდარიყო, რომ შორსმკვრეტელი მეფე ხელდავდა, თუ რა

¹ ქართული სამართლის ძეგლები, ტ. II, 1965, ვვ. 19

² ნ. ბერძენიშვილი. საქართველოს ისტორიის საკითხები, ტ. II, 1965. გვ. 133.

³ იქვე, გვ. 145.

სასარგებლო იქნებოდა მოყვრული დამოკიდებულება ყივჩაღთა „უმთავრესთან“¹ ხომ ახლოა კემშიარტებასთან. მაშ, რატომ არ შეიძლება ურბნელის მიერ მინიშნებული მოტივი (რომ ცვატა გურანდუხტისაგან იშვა და მეფეს სურდა მისი გამეფება: პოლიტიკური მოსაზრებით — ყივჩაღთა გულის მოსაგებად)² დაუსახელოთ იმ მიზეზთა შორის, რომლებმაც დავით აღმაშენებელს უკარანახეს ცვატას (იგივე ვახტანგის) ტახტზე ასვლა შესაძლებლად დაეშვა? ჩვენი აზრით, ურბნელის ეს თვალსაზრისი გაზიარებული უნდა იქნეს. ხომ საყოველთაოდ ცნობილია, რომ ყივჩაღები ვერ ისვენებდნენ დავით აღმაშენებლის დროსაც კი. სად იყო იპის გარანტია, რომ მისი ძლიერი ხელის შემდეგ თავს არ აიშვებდნენ. ამტომ მიგვაჩნია შესაძლებლად, რომ დავითს ყივჩაღებისათვის მიეცა იმედი მათივე ნათესავეს ტახტზე ასვლისა, რაც მეფის პოლიტიკური თვალსაწიერს კი არ ამცირებს, პირიქით. ვარდანის ცნობაში, რომ დემეტრე პირველს ძმა აჯანყებია. არაფერია დაუჭერებელი, მაგრამ აჯანყების თარიღის სისწორე (1130 წელი) ეჭვს იწვევს. ლაშა ვიორგის დროინდელი მეპატიანის მიერ მოცემული თარიღი ივანე აბულეთის ძის სიკვდილით დასჯისა სარწმუნოა, რადგან ივანე რომ ცოცხალია 1130 წელს შემდეგაც. ეს კარგად ჩანს წყაროებიდან. აჯანყება დემეტრეს წინააღმდეგ უნდა მომხდარიყო 1145 წ. რა ამ აჯანყების მოთავე უნდა ყოფილიყო უფლისწული ვახტანგი — დემეტრეს ძმა — და არა დავით დემეტრეს ძე. ქართულ ისტორიოგრაფიაში მიღებული აზრი, რომ დავითი დემეტრეს ოთხჯერ აჯანყებია, ბოლოს კი 1155 წელს, სამეფო გვირგვინიც წაუტრთვევია³, თითქმის დაუჭერებელია. დაუჭერებელია. რომ ყოველი აჯანყების შემდეგ უფლისწული თავისუფალი რჩებოდა და კვლავ და კვლავ ეძლეოდა აჯანყების საშუალება. მით უმეტეს, რომ მაშინ, როცა დავით V დემეტრეს ძემ მამას ტახტი წაართვა, თურმე „როგორც ისტორიკოსი არ შალავს, მამაც კი ევედრებოდა ღვთაებას, მისი უმადური და უღირსი შვილისათვის სიცოცხლე შეემოკლებინა“⁴. მართლაც, დავით მეხუთემ ერთ წელსაც ვერ იმეფა და „გარდაიცვალა“. თუ დავით

¹ ნ. ურბნელი, დასახელებული ნაშრომი, გვ. 19.

² იქვე, გვ. 20.

³ ივ. ჭავჭავაძის შვილი, ქართული ერის ისტორია, ტ. II. 1965, გვ. 363—364; ნ. ბერძენიშვილი, ვ. დონდუა, მ. დუშბაძე, ი. კაჭარავა, გ. მელიქიშვილი, შ. მესხია, პ. რატიანი, საქართველოს ისტორია, 1958, გვ. 125.

⁴ ივ. ჭავჭავაძის შვილი, ქართული ერის ისტორია, ტ. II. 1965, გვ. 364.

დემეტრეს ძე თავის დღით არ მომკვდარა, რაც ნაკლებ საეჭვოა, მაშინ მის სიკვდილს „ღვთის განაჩენს“ ვერ დავაბრალებთ.

საერთოდ, ნაკლებ სარწმუნოა, რომ დემეტრე პირველია. რომელიც, როგორც ჩანს, განსაკუთრებულ სინაზეს არ იჩენდა უფროსი შვილის მიმართ, ვერ გამონახავდა საშუალებას, რომ გაუთავებელი აჯანყებების სურვილი და შესაძლებლობა მოესპო მისთვის. ვიო უმეტეს, რომ სამეფო კარზე გამეფებული არეულობა აშკარად შეუშლიდა ხელს საქართველოს სახელმწიფოს პოლიტიკურ ზრდა-განკითარებას და გამოიწვევდა გარეშე მტრების გამოცოცხლებას. მართო ამიტომაც იმსახურებდა დავით დემეტრეს ძე შკაცრ სასჯელს. ერთი სიტყვით, ჩვენი აზრი აღნიშნული აჯანყების შესახებ ასეთია: 130 წელს აჯანყება არ მომხდარა დემეტრეს წინააღმდეგ, ვარდანს კი 1145 წლის აჯანყება 1130 წლით დაუთარალებია. აჯანყება უნდა მომხდარიყო 1145 წელს, რომელიც: მოაწყვეს დიდაზნაურებმა დემეტრე I წინააღმდეგ ვახტანგის გამეფების საბაბით და ამ აჯანყების იურიდიულ საბუთად გამოიყენეს დავით აღმაშენებლის ანდერძი დაცული მეფის სურვილი ცვატას, ანუ ვახტანგის გაშეფების შესახებ. სავარაუდოა, რომ აჯანყება მომზადდა მას შემდეგ, როცა დემეტრეს სიმპათია უმცროსი შვილის — გიორგის მიმართ აშკარად გამოიკვეთა და დემეტრე მეფის პოლიტიკით უკმაყოფილო ღიღებულებმა გიორგი დემეტრეს ძე მამის პოლიტიკის გამტარებელ მომავალ მეფედ წარმოადგინეს. დავით აღმაშენებლის ანდერძში გარკვევით წერია, რომ ცვატა „შემდგომად მისსა მეფე—ჰყოს მამულსა ზედა“. როცა დემეტრემ „შემდგომად მისსა“ ტახტს გიორგი დაუმოზნა, აჯანყებაც სწორედ მაშინ უნდა მომხდარიყო ბუნებრივია. აჯანყების კანონიერად „მონათვლაც“ გაადვილდებოდა, რაც აუცილებლად სჭირდებოდა აჯანყების მოთავე პარტიას. ლაშა გიორგის ღრინდელი მეპატიანის ცნობა, რომ დემეტრე I ივანე აბულეთის ძეს თავი მოაკვეთა სწორედ ამ წელს, დაკავშირებული უნდა იყოს ძმის წინააღმდეგ დავით IV ძის ვახტანგის აჯანყებასთან. რომელსაც მიმზრობია ივანე აბულეთის ძე. თუ ვარდანის ცნობას იმის შესახებ, რომ დემეტრეს ძმა დაუბრმავებია, დაუვკავშირებთ ქართველი ისტორიკოსის ცნობას ივანე აბულეთის ძის თავის მოკვების შესახებ. ვფიქრობთ, შეიძლება ასეთი დასკვნის გაკეთება: 1145 წლის აჯანყების მოთავე ვახტანგი და მისი მომხრე ივანე აბულეთის ძე დემეტრე მეფეს სასტიკად დაუსჯია. რაც შეეხება დავით დემეტრეს ძეს, ის თავის მამას უფრო გვიან აჯანყებია და ტახტიც წაუერთმევია. ვარდანს ერთი საყურადღებო ცნობაც აქვს მოცემული: როცა დავით დემეტრეს ძე ტახტზე ასულა, მას დემეტრე მეფის მიერ დას-

ჯილი ივანე აბულეთის ძის შვილი თირქაში გაუთავისუფლება და აპირსპასალარად დაუნიშნავს¹. ვფიქრობთ, ეს ცნობა არ გამოდგენს იმის დასამტკიცებლად, თითქოს დავითმა თირქაში იმიტომ გაათავსუფლა, რომ იგი შვილი იყო ივანესი, რომელიც მას აჯანყებულს დროს ეხმარებოდა. ვასაგებია, რომ ტახტის აჯანყებული პრეტენდენტი, რომელმაც გაიმარჯვა, „იზრუნებდა“ მათ ბედზე, ვინც წინამორბედმა მეფემ დასაჯა. ისტორია სავსეა მსგავსი შემთხვევებით.

5. ურბნელს საგანგებოდ აქვს ხაზგასმული დავით აღმაშენებლის მიერ რჯულშემწყნარებლობა, რასაც, მისი აზრით, ფრიალ უწყობდა ხელს მეფის კარგი განათლება და მწიგნობრობის სიყვარული. საყურადღებოა, რომ ურბნელი, საერთოდ, რჯულშემწყნარებლობას განათლებისა და კულტურის გავლენით ხსნის. იგი ამბობს, რომ „იმ დროის განათლებამ შესცვალა მაჰმადიანების ელური ხასიათი. ოდესმე მრისხანე და მძინვარე მაჰმადის მწვანე დროშა ცოტა არ იყოს დამშვიდდა და შეუბრალებლად აღარ სდევნიდა ქრისტიანებს“ და სამართლიანად აღნიშნავს, რომ დავით აღმაშენებელმა ამ მხრივ დროს წინ გაუსწრო“². მაგრამ ურბნელი დავითის ამ თვისებას მხოლოდ მისი ზნეობრივი სიწმინდით და ჰუმანიზმით ხსნის. დავით IV „თავის თავს ქრისტეს მახვილს უწოდებდა, მაგრამ ამავე დროს მუსულმანებს, სუფიებს და პოეტებს თავშესაფრებს უშენებდა, საცხოვრებელს აძლევდა. „აჩილდობდა“³. ყველაფერი ეს ფაქტია. მაგრამ ამ ფაქტების ახსნა მხოლოდ „ჰუმანიზმით“ და „ზნეობრივი სიწმინდით“ არ შეიძლება, თუმცა თვით მოქმედება არც ერთს და არც მეორეს არ გამოორიქნავს. საქმე ის იყო, რომ „საქართველოს ინიციატივით შექმნილ მრავალეროვან სახელმწიფოში, რა თქმა უნდა, შეუძლებელი იყო ქვეყნის მრავალეროვანი საზოგადოებრივი ურთიერთობის მოწესრიგება მხოლოდ ქრისტიანულ მოძღვრებაზე დამყარებული სარწმუნოებრივი პოლიტიკის მიხედვით“⁴. ეს კარგად ესმოდა ჭკვიან მეფეს და ამით უნდა აიხსნას დავით აღმაშენებლის რჯულშემწყნარებლობის პოლიტიკა. ურბნელს ეხება რა მახლობელ აღმოსავლეთში თურქთა გაძლიერების საკითხს. აღნიშნავს, ეს მას შემდეგ მოხდა, როცა ბიზანტიამ აღმოსავლეთის

¹ Всеобщая история Вардана Великого, М., 1861, стр. 154.

² ნ. უ რ ბ ნ ე ლ ი, დასახ. ნაშრომი, გვ. 18.

³ შიხ. ქ ა ვ ა ხ ი შ ვ ი ლ ი, თხზ. სრული კრებული, ტ. VI, 1967, გვ. 65.

⁴ ვ. ა ბ ა შ ი ძ ე, ნარკვევები საქართველოს პოლიტიკური მოძღვრების ისტორიიდან, თბ., 1969, გვ. 207.

ქვეყნების უზარმაზარი ტერიტორია დათმო, რათაც საქართველოს ერთი ზღუდე მოეშალა, ამ გარემოებამ ხელი შეუწყო მტერს-ო¹. მას, რა თქმა უნდა, მხედველობაში აქვს 1074 წლის თურქეთ-ბიზანტიის ხელშეკრულება, რომლის შედეგებმა საქართველოს რეალური საფრთხე შეუქმნეს და „მართლაც, 1080 წლიდან ჩვენს ქვეყანაში განსაკუთრებით გაძლიერდა თურქთა შემოსევა-ჩაძოხახლებანი, დაიწყო „დიდი თურქობა“. ამ დროს საქართველოში გიორგი მეორე მეფობდა“². ნ. ურბნელი გიორგი მეორეს „უთაოსნო“ და „დაუდეკარ კაცს“ უწოდებს, მაგრამ იქვე აღნიშნავს, რომ „მარტო გიორგი მეფის სუსტმა ხასიათმა არ დაამცირა მეფობა. აქ თურქთა ბატონობასაც ვაგვლენა ჰქონდა“³. მას კარგად აქვს შეგნებული, რომ გამარჯვებული მტერი ყოველთვის ხელს უშლიდა მეფის ხელისუფლების გაძლიერებას და წყალს მუდამ გამდგარი ერისთავების წისქვილზე ასხამდა. ნ. ურბნელმა იცის, რომ საქართველოს ესაჭიროებოდა თურქთა წინააღმდეგ დაუნდობელი ბრძოლის ორგანიზატორი. გიორგი მეფე საამისო პირად ღირსებებს მოკლებული იყო⁴. იგი წერს: საქართველო საშინელ სურათს წარმოადგენდა, მაგრამ ქართველობა მაინც სულით არ იყო დაცემული და საკმაო ზნეობრივი ძალა მოეპოვებოდა. საჭირო იყო მხოლოდ ერის გამხნეება, სასოების და იმედის აღდგენა. გარემოება თხოულობდა, უპიოკელეს ყოვლისა, მეფობის უფლება და ღირსება აღდგენილიყო და ჭაბუკმა გვირგვინოსანმაც წინააღმდეგ ამას მიაქცია „ყურადღება“⁵. ნ. ურბნელის აზრით, ერთადერთი ხსნა საქართველოს სინამდვილისათვის იყო მეფის ხელისუფლების განდიდება-განმტკიცება, „ნამდვილი თვითმპყრობელობის“ დამყარება და „გენიოსი ჭაბუკის“ სწორედ ასეთი პოლიტიკური კურსი მიაჩნია მის დიდ დამსახურებად. იგი წერს: „დავით აღმაშენებლის უდიდესი ღვაწლიც, სხვათა შორის, ის არის, რომ თვითმპყრობელობაზე დაამყარა საქართველოს დიდება. მართალია, წინააღმდეგ მეფე თვითმპყრობელად იწოდებოდა, მაგრამ ეს მარტო ცალიერს სახელს შეადგენდა“⁶. ძნელი არაა იმის მიხვედრა, რომ ურბნელს

¹ უ რ ბ ნ ე ლ ი, დასახ. ნაშრომი, გვ. 25.

² შ. მესხია, დიდგორის ბრძოლა, თბ., გვ. 23, 27.

³ ნ. უ რ ბ ნ ე ლ ი, დასახ. ნაშრომი, გვ. 27.

⁴ ნ. ბერძენიშვილი, ვ. დონდუა, მ. დუმბაძე, ი. კაჭარავა, გ. მელიქიშვილი, ს. მესხია, პ. რატიანი, საქართველოს ისტორია, 1958, გვ. 106.

⁵ ნ. უ რ ბ ნ ე ლ ი, დასახ. ნაშრომი, გვ. 26—27.

⁶ იქვე, გვ. 27.

მხედველობაში აქვს შეუზღუდველი მონარქია, და სამართლიანად მიაჩნია, რომ სწორედ დავით IV დროს ჩაეყარა საფუძველი საქართველოში „ნამდვილ თვითმპყრობელობას“, რასაც თავის დროზე ყველა ფეოდალური ქვეყნის ისტორიაში პროგრესული მნიშვნელობა ჰქონდა და დავით აღმაშენებლის მეფობის მთელი პერიოდიც ამისი ერთი საუკეთესო მაგალითია. საყოველთაოდ ცნობილია თუ საქართველოს სამეფოს მთლიანობასა და სიმტკიცეს როგორ უშლიდა ხელს შინაური აშლილობა — ფეოდალური შუღლი, მტრობა და არც თუ ისე იშვიათად „ერის“ „თავკაცთა“ ზნეობრივი სიწყამბრძრე, ამ გარემოებას ნ. ურბნელი მტრის ზემოქმედებითაც ხსნის და ამბობს, რომ „მტრის ბატონობამ ზნეობრივადაც დაარღვია საქართველოს სამეფო“¹. ასეთ განცხადებაში მხოლოდ ჰუმბარიტება შეიძლება დაინახოს კაცმა და უნებლიეთ გახსენდება გამოჩენილი ქართველი მწერლის მიხეილ ჭავჭავიძის მიერ შეჰამქრუნებლად დახატული უბედურება დამარცხებული ერისა: „დავრდომილის, დამარცხებულის სხეულში და ტანზეც მუდამ ჩნდება ათასნაირი შხამიანი ბაცილა, მუწუცი და კირი. ჩვენი შინაური რღვევა და აღრევაც, მზაკრობა და მუხანათობაც, „ყოყვი“ და „ეჭვაციც“ მუდამ შედეგი იყო ჩვენს დამარცხებისა გარეშე მტერთაგან, იმედდაკარგული და გამწარებული ორგანიზმი იწყებს საკუთარივე თავის ღრღნას და ჭამას. ამიტომ მოსდევდა ხოლმე ჩვენს დამარცხებას ანარქია, სიმშლი, ეპიდემია; ზნეობრივი გახრწნა, განდგომა, კონდოტიერობა და დაშლა პროვინციებად“².

ურბნელს სავსებით სწორად ესმის, რომ „სელჩუკების ბატონობამ ხელი შეუწყო საქართველოს დიდაზნაურთა თავგასულობას და ურჩობას.... თავის ძალ-ღონე მეფემ აშლილ ქვეშევრდომთა დამშვიდებას შეაღია და ეს მაშინ, როცა სამშობლოს მძინეარე მტერი თავს ეხვია და სიცოცხლეს უსპობდა, მაგრამ გიორგი მეფემ მაინც ეერ დათრგუნა მოლალატე ერისთავობა“³. მას ებმის, რომ სწორედ გიორგი მეფის „უუწარობამ“ და „დაუდევრობამ“ დაბადა საქართველოს სამეფო კარზე პოლიტიკური გადატრიალების იდეა, რის შედეგადაც საქართველოს სამეფო ტახტზე დაჯდა დავით მეოთხე. „გენიოს ჭაბუქს ცხადად წარმოდგენილი ჰქონდა სამეფოს მდგომარეობა, იცოდა რა იყო საჭირო და რომელ გზას უნდა დასდგომო-

¹ ნ. ურბნელი, დასახ. ნაშრომი, გვ. 29.

² მ. ბ. ჭავჭავიძის, დასახ. ნაშრომი, გვ. 72.

³ ნ. ურბნელი, დასახელებული ნაშრომი, გვ. 31.

დაო¹ — ამბობს ურბნელი და ეს კეშმარიტება დავით მეოთხის შე-
სახებ დღესაც ძალაშია.

6. ურბნელი დავით აღმაშენებლის მოღვაწეობას ორ პერიოდად
ყოფს, მაგრამ არა ისე, როგორც ეს თანამედროვე ისტორიოგრაფი-
აშია მიღებული (კერძოდ, მისი მეფობის პირველი პერიოდი გრძელ-
დება 1097 წლამდე)². მისი აზრით, დავით აღმაშენებლის მოღვაწე-
ობის პირველი პერიოდი უნდა მთავრდებოდეს კახეთ-ჰერეთის შე-
შორებით, ე. ი. 1104 წელს. რადგან სწორედ ამ წელს დაიკავა მე-
ფემ კახეთ-ჰერეთი და „იგი საქართველოს ერთიან სახელმწიფო
ორგანიზაციაში შემოიყვანა“³. მეორე პერიოდი კი იწყება 1104
წელს და ვრცელდება 1125 წლამდე, ე. ი. დავითის გარდაცვალებამ-
დე. 6. ურბნელის აზრით, დავით აღმაშენებლის მოღვაწეობის „პიო-
ველ ნაწილს შეადგენს შინაური მტრის დამორჩილება და კახეთ-
ჰერეთის შემოერთება, ხოლო მეორეს — გარეშე მტერთან ბრძოლა
და სამშობლოს განთავისუფლება“⁴. ზოგიერთი თანამედროვე მეკლე-
ვარიც დავით აღმაშენებლის მოღვაწეობას სწორედ ასევე ყოფს ორ
პერიოდად — 1104 წლამდე და მის შემდეგ ვიდრე გარდაცვალებამ-
დე. მაგალითად, რ. მეტრეველი წერს: „დავით აღმაშენებლის მეფო-
ბას თუ ორ ხანად გავყოფთ, პირველი მოდის 1089—1104 წწ., ხო-
ლო მეორე პერიოდი იწყება 1104 წელს და გრძელდება მის გარდა-
ცვალებამდე“⁵. რადგან სწორედ 1104 წლისათვის თავგასული საე-
რო (ლიპარიტი, რატი, ძაგანი და სხვა) თუ სასულიერო (1103
წელს რუის-ურბნისის საეკლესიო კრების დადგენილებით რომ
განიღვენენ) ფეოდალები დათრგუნვილი იყვნენ და ჰერეთ-კახეთ-
საქართველოს სამეფოს შემოუერთდა⁶, ამიტომ ჩვენც უფრო მართე-
ბულად მიგვაჩნია დავით აღმაშენებლის მოღვაწეობის ორ პერიოდს
შორის ზღვრად ზემოაღნიშნული 1104 წელი დაგვედო.

6. ურბნელის აზრით, მტერზე გამარჯვებისათვის აუცილებელ
პირობაა, კარგად იცოდეს მტრის სურვილი, „ზნე“ „ხასიათი“ და ამ
ცოდნაზე უნდა იყოს დამყარებული „მხედართმძღვანიც“ „სტრატე-
გიკოსის“ სალაშქრო წესი და ჩვეულება. დავით აღმაშენებლის ის-

¹ 6. უ რ ბ ნ ე ლ ი, დასახელებული ნაშრომი, გვ. 26.

² 6. ბ ე რ ძ ე ნ ი შ ვ ი ლ ი, ე. დ ო ნ დ უ ა და ს ხ ე., საქართველოს ისტორი...
1958, გვ. 106.

³ ი ქ ე ე, გვ. 108.

⁴ 6. უ რ ბ ნ ე ლ ი, დასახ. ნაშრომი, გვ. 39.

⁵ რ. მ ე ტ რ ე ვ ე ლ ი, საქართველოს ისტორიის ზოგიერთი საკითხის დათარი-
ლებისათვის, თბილ. „მნათობა“, 1970, № 6, გვ. 172.

⁶ ი ქ ე ე.

ტორიკოსიც ხომ აღნიშნავს, რომ ქართველების დამარცხების ერთ-ერთი მიზეზი ის იყო, რომ ისინი „თურქთა მიმართ წყობისა ყოველად უმეცარნი და ფრიად წაშინაი“¹ იყვნენ, ნ. ურბნელს დავით აღმაშენებლის დამსახურებად მიაჩნია, რომ მეფე, უპირველეს ყოვლისა, კარგად გაერკვია მტრის ავკარგში და „რომ მტრის სისუსტისა შეგნება ძლიერი საშუალებაა ომში გასამარჯვებლად. სხვათა შორის, სწორედ ამ საშუალებით ხელმძღვანელობდა დიდებულ სპასპეტი“².

ურბნელმა კარგად იცის, რომ დავით აღმაშენებლის საშინაო რეფორმები ეს იყო მზადების პერიოდი დიდი საქმის შესასრულებლად. სამშობლოს განსათავისუფლებლად, თურქ-სელჯუკთა ბატონობის დასამხობად და ამ პროგრამის შესასრულებლად მოქმედება სწორედ ერწუხის ბრძოლით დაიწყო. „ერწოს ბრძოლით იწყება დავით აღმაშენებლის სამხედრო ძლევამოსილება, ამისი საკვირველი ლაშქრობა, და ყოველთვის მეფის წინამძღოლი „დიდა ჯვარა“ სძლედა მწვანე ბაიზანზე გამოხატულ მთვარესა... საქართველოც მტრის სისუსტით შეიღება და რაინდის მეფის მერანი მუხლებამდე წითელ მორევში ცურავდა“³. და მართლაც ერწუხის ბრძოლამ თვალნათლად დაანახა მტერსაც და მოყვარესაც, რომ საქართველოს უკვე შესწევდა ძალა ბრძოლისა და გამარჯვებისა.

დავით აღმაშენებლის მიერ გატარებულ რეფორმათა შორის, რომლებმაც „სამეფო ხელისუფლებას შესაძლებლობა მისცა მომდევნო წლებში ქვეყნის მთლიანობის აღდგენისა და თურქ-დამპყრობელთა განდევნის მიზნით გადამწყვეტი ნაბიჯები გადაედგა“⁴; ნ. ურბნელ განსაკუთრებულ ყურადღებას აქცევს 1103 წლის რუის-ურბნის-ს საეკლესიო კრების მიერ გატარებულ საეკლესიო რეფორმას და მის შედეგებს. რომლის მნიშვნელობის გაზვიადება მართლაც ძნელია. ჩვენ გვინდა საგანგებოდ განვიხილოთ ნ. ურბნელის შეხედულება ამ რთული და საინტერესო რეფორმის შესახებ.

რუის-ურბნისის საეკლესიო კრების შესახებ მსჯელობისას მკვლევრები, რა თქმა უნდა, ძირითადად ემყარებიან ამ კრების ოქმს, რომელიც „ძეგლის წერის“ სახელითაა შემონახული. ნ. ურბნელი, რომელსაც კარგად ესმის „ძეგლის წერის“ მნიშვნელობა, მიუთითებს, რომ „ძეგლის წერამ“ დროებით მაინც აღადგინა დაცემული ზნეობა ერისა. შინაგანი ცხოვრება განაახლა; წარმატების გზაზე.

¹ ქართლის ცხოვრება, ტ. I, 1955, გვ. 358.
² ნ. უ რ ბ ნ ე ლ ი, დასახ. ნაშრომი, გვ. 47—48.
³ ი ქ ვ ე, გვ. 39.
⁴ შ. შ ე ს ხ ი ა, დიდგორის ბრძოლა, 1965, გვ. 30.

დააყენა¹. საინტერესოა, რომ ურბნელს ძირითადად მართებული აზრები აქვს გამოთქმული რუის-ურბნისის საეკლესიო კრების მნიშვნელობის შესახებ. მან კარგად იცის, რომ საეკლესიო კრება გამიზნული იყო საქართველოს სამეფოს, როგორც ცენტრალიზებულ სახელმწიფოს, გაძლიერება-განმტკიცებისაკენ. იგი აკრიტიკებს იმ ავტორებს, რომლებიც ნებით თუ უნებლათ ამცირებენ კრების მნიშვნელობას და მკითხველის ყურადღებას მიაქცევენ ამ უმნიშვნელო საკითხებისადმი, რომლებიც კრებაზე მართლაც განიხილეს, მაგრამ სრულიადაც არ წარმოადგენენ ამ კრების ძირითად მიზანს. ნ. ურბნელს მიაჩნია (და სამართლიანადაც), რომ „ძეგლის წერა“ ორიგინალური ძეგლია, რომ იგი სუფთა „ეროვნული ნაწარმოებია, ჩვენ საკუთარი აზროვნების და მსჯელობის ნაყოფია“².

ნ. ურბნელი „ძეგლის წერის“ ტექსტსაც კი კრიტიკულად ეპყრობა. მისი მტკიცებით, „მართალია, ძეგლის წერა იხსენიებს, რომ დავითმა სხვებს მიბაძა და კრება მოიწვიაო, მაგრამ ამ კრების დადგინება მიბაძვა არ იყო. კრება საკუთარი აზრით სჭიდა, თავისუფლად მოქმედებდა“³.

ჩვენ საფუძველი გვაქვს ვიფიქროთ, რომ ნ. ურბნელმა კარგად იცოდა გიორგი მთაწმინდლის მოღვაწეობის შესახებ. ივ. ჭავჭავაძის თქმით, გიორგი მთაწმინდლის „უცილებელი ღვაწლია, რომ დემოკრატიული პრინციპი და პირადი ღირსების უპირატესობა საგვარეულო და წოდებრივ უპირატესობასთან შედარებით პირველად მან წამოაყენა საქართველოში“⁴. მკვლევართათვის ამკარაა, რომ გიორგი მთაწმინდლის იდეები გასდევდა დავით აღმაშენებლის საეკლესიო რეფორმებს, რაც თვით „ძეგლის წერის“ ტექსტიდანაც ჩანს⁵. გიორგი მთაწმინდლის იდეების გავლენა რუის-ურბნისის საეკლესიო კრების დროს უფრო აძლიერებს ნ. ურბნელის აზრს იმის შესახებ, რომ „ძეგლის წერა“ ქართული ეროვნული ნაწარმოებია, „ჩვენი საკუთარი აზროვნების და მსჯელობის ნაყოფია“. მას კარგად ესმის „ძეგლის წერის“ საერთო მნიშვნელობა და, როგორც პროფ. ვ. აბაშმაძე მიუთითებს, „ამ მხრივ არ შეიძლება არ იქნეს გაზიარებული ნ. ურბნელის მოსაზრება“. აქვე ვ. აბაშმაძეს მოჰყავს

1 ნ. უ რ ბ ნ ე ლ ი, ჩვენი საეკლესიო სჯულმდებლობა „ძეგლის წერა“: „ივერია“, № 38, 1888.

2 ი ქ ვ ე.

3 ი ქ ვ ე.

4 ივ. ჭ ა ე ა ხ ი შ ვ ი ლ ი, ქართველი ერის ისტორია, ტ. 11, თბ., 1965, გვ. 191.

5 რ. მ ე ტ რ ე ვ ე ლ ი, დავით აღმაშენებელი, თბ., 1965, გვ. 43.

სათანადო ამონაწერი ნ. ურბნელის შრომიდან, რომელშიც ავტორი ეხება „ძეგლის წერის“ დიდ მნიშვნელობას: „მართალია ძეგლის წერა უფრო სასულიერო და საეკლესიო წესწყობილებას აპყრობს ყურადღებას, იგი უფრო ებრძვის ზნეობრივ სენს და უკანონობას, რომელიც სასულიერო წოდებაში იყო გავრცელებული, მაგრამ არ უნდა დავივიწყოთ, რომ ძველ დროს ეს წოდება ძვიდროდ შეკავშირებული და შეხორცებული იყო მთელს ერთან, სასულიერო წოდების წყლული და სენი მთელი ხალხის სენსა და წყლულს შეადგენდა. ამ მხრივ ძეგლის წერას საზოგადო მნიშვნელობა ჰქონდა, იგი საზოგადო კანონი და სჯული იყო მიეღვი ერისათვის“¹.

როგორც ვიცით, რუის-ურბნისის საეკლესიო კრებას დავით აღმაშენებელი ესწრებოდა, მაგრამ ესწრებოდა როგორც „მონა“ და არა როგორც მეფე. ყოველ შემთხვევაში გარეგნულად ასე ჩანდა, სინამდვილეში კი, თავისივე თაოსნობით მოწვეული ამ კრების მსვლელობაზე დავითის ძლიერ პიროვნებას და მის სურვილს არ შეიძლებოდა გადაამწყვეტი გავლენა არ მოეხდინა. ნ. ურბნელმა კარგად იცის, თუ რატომ არ შეეძლო დავითს ჩარეულიყო კრების ოფიციალურ ნაწილში, როგორც მეფე, იგი წერს: „კრებაზე დავით აღმაშენებელიც დაესწრო, მაგრამ, როგორც ამბობს ვახუშტი, „არა ვითარცა მეფე, არამედ ვითარცა მონა“. რად? საქმე ისაა, რომ ძველ საქართველოში მეფესა და კათალიკოსს შორის რაიმე დამოკიდებულება არ იყო. ისინი ერთმანეთს არ ექვემდებარებოდნენ, ემორჩილებოდნენ, ერთი ხორცის მეფე იყო, მეორე სულისა. სამოქალაქო სამართალიც ამას აღიარებდა“². ნ. ურბნელი როცა ასე მსჯელობს. საგანგებოდ ვახტანგის კანონებსაც იმოწმებს. მისთვის საცხებით გასაგებია მეფის პოზიცია კრების მსვლელობის დროს. მან კარგად იცის, რომ კრება მოწოდებული იყო უღირსი დიდგვაროვანი „მოღვაწეების“ წინააღმდეგ, რომლებმაც ძალით დაიპყრეს მაღალი საეკლესიო თანამდებობანი და მეფეს ოპოზიციიში ჩაუდგნენ. მეფისთვის „ეს კრება პოლიტიკური იარაღი იყო, კრების სახელითა და შემწევობით მეფეს სწადდა გაეძლიერებინა საშეფო ტახტის მნიშვნელობა, ფეოდალების ძალა მოესპო, მთავარნი და ერისთავნი დაესუსტებინა და დაემორჩილებინა“³, დიახ, „დავითმა სცადა მოესპო არისტოკრატიუ-

¹ ვ. ა. ბ. შ. მ. ა. ძ. ნ. ნაკვეთები საქართველოს პოლიტიკურ მოძღვრებათა ისტორიიდან, 1969, გვ. 43.

² ნ. ურბნელი, ჩვენი საეკლესიო სჯულმდებლობა. „ძეგლის წერა“. ივე-რია, № 38, 1888.

³ იქვე.

ლი გავლენა ეკლესიაშიც (1103 წ.), რომელიც ამ დროისათვის საკ-
სებით ფეოდალური ორგანიზაცია იყო¹. ნ. ურბნელმა იცის, რომ
დავით აღმაშენებლის ეს სურვილი მხოლოდ ნაწილობრივ შესრულ-
და. მან იცის, რომ „წმინდა კრებამ“ მხოლოდ დროებით ალაგმა
ზნეობრივი სიწამხდრე და პირში ბურთი ჩასწარა თავგასულ ფეოდა-
ლებს. იგი კარგად ხედავს, რომ „ძეგლის წერამ“ სამუდამოდ ვე-
შეასრულა დასახული მიზანი, მაგრამ მაინც დიდი კვალი დააჩნა
ჩვენს წარსულს ცხოვრებას². ნ. ურბნელს კარგად ესმის, რომ გალ-
ღებული და ურჩი არისტოკრატია მხოლოდ დროებით შევიდა
ჩრდილში და ხელსაყრელ დროსა და პოლიტიკურ აჰინდს ელოდა.
ფეოდალების სოციალ-ეკონომიური საფუძვლების უცვლელად
დატოვება იმის სრულ გარანტიას იძლეოდა, რომ დავით აღმაშენებ-
ლის მტკიცე ხელის შემდეგ კვლავ თავს წამოჰყოფდა მუდამ მომხვე-
ჭი და თავნება არისტოკრატია. ნ. ურბნელი წერს „დავით აღმაშენე-
ბელმა თუმცა ურიცხვს თავის გარეგანს მტრებს სძლია და განა-
ძევა იგანი საქართველოდან, მაგრამ შინაური მტერი, გაღაღებული
და ურჩი არისტოკრატია, ისევ თავის ადგილას დარჩა, ფეოდალური
წყობილება არა თუ შეირყა და დასუსტდა. შემდეგ ახალი ძალა
მოიცა“³. „ფეოდალური არისტოკრატია ვერ იქმნა საბოლოოდ მო-
ტეხილი, პირიქით იგი დავითის შემკვიდრების დროს იზრდება და
მტკიცდება“⁴.

სავსებით მართალია ურბნელი, როცა ფეოდალების დამორჩი-
ლებაზე ლაპარაკობს და დაასკენის. რომ საბოლოოდ „დიდებულმა
მეფემ ვერ შეასრულა თავისი გულის განზრახვა“. თუმცა დავით აღ-
მაშენებელმა „დიდ აზნაურთა პოლიტიკურ მიღრეკილებებს გონიერ-
რულად შეუტია, მაგრამ აზნაურობის სოციალურ-ეკონომიური სა-
ფუძვლები მაინც ხელუხლებელი დასტოვა. XII საუკუნეში კი ქვეყ-
ნის სწრაფი განვითარება იმ გზით წავიდა, რომ დიდ აზნაურთა შემ-
დგომი სოციალურ-ეკონომიური ვაქლიერება გარდუვალი გახდა“⁵.
ეს აზრი ნ. ურბნელმა ჯერ კიდევ XIX საუკუნის ბოლოს მიაწოდა
ქართველ მკითხველს. რუის-ურბნისის საეკლესიო კრების მნიშვნე-
ლობის შესახებ ნ. ურბნელამდე არსებობდა აზრი (მაგ., პლ. იოსე-

¹ ს. ჭანაშია, შრომები. ტ. 11, 1952, გვ. 426.

² ნ. ურბნელი, დასახ. ნაშრომი. 65.

³ იქვე.

⁴ ს. ჭანაშია, დასახ. ნაშრომი. გვ. 427.

⁵ ნ. ბერძენიშვილი, მ. დუმბაძე, ვ. დონდუა. გ. მელიქი-
შვილი, შ. მესხია, პ. რატიანი, საქართველოს ისტორია, ტ. I, თბ., 1968,
გვ. 188.

ლიანისა), თითქოს კრების მთავარი საკითხი იყო ერეტიკოსთა დაგ-
მობა¹. ასეთი მოსაზრება, ბუნებრივია, ამცირებს რუის-ურბნისის
საეკლესიო კრების დიდ პოლიტიკურ მნიშვნელობას. ამიტომაც
იყო, რომ ნ. ურბნელმა გაილაშქრა ზემოაღნიშნული მოსაზრების
წინააღმდეგ და პირველმა ქართულ ისტორიოგრაფიაში საფუძვლი-
ანად დაამტკიცა, რომ დავით აღმაშენებელს სრულიადაც არ ჰქონდა
წადილი და დრო ასეთი წვრილმანი ვარჯიშობისათვის². იგი შესა-
ნიშნავად ასაბუთებს პლ. იოსელიანის აზრის უსაფუძვლობას და
წერს:

„საქართველოს ეკლესიის ავტორს გონია, ვითომ დავით აღმაშე-
ნებელმა „წმინდა კრებას“ იმიტომ მოუწოდა, რომ მართმადიდებ-
ლობა დაეხსნა მწველებლობისაგან. იმ დროსათ, — ამბობს ჩვენი
ეკლესიის მეისტორიე. — ძლიერ გავრცელდა მთლად აზიაში ნეს-
ტორიანების და აყეფალებას მწველებლობა, ურაცხვი ბერებ-
დაძრწოდნენ საქართველოში და ხალხში მწველებლობას ავრცელე-
ბენო... მკითხველს ეს აზრი შეიძლება პირველ შეხედულებაზე სა-
ბუთიან და საფუძვლიან აზრად მოეჩვენოს, რადგან თვით ძეგლის
წერის შესაჯავლი ხელს ეწყობს, დააჯეროს ამ აზრის სინამდვილე.
ძეგლის წერა საქართველოს სასულიერო წოდებას მიმართავს შემ-
დეგი სიტყვებით: ამა შეკრებათა წმინდათა და საეკლესიო კანონთა
მტკიცედ პყრობა უხმობს ყოველთა წინამძღვართა. ერთბაშად ყო-
ველსა კრებასა მართლმადიდებელთა ეკლესიისასა. ამ საბუთის და-
მოსაზრების გამო მკითხველს. რასაკვირველია. შეუძლიან იფიქროს.
ვითომ წმინდა კრება შემოკრბა იმ-ტომ. რომ განდევნა საქართვე-
ლოში გავრცელებული მწველებლობა. ჩვენ ეს აზრი შეცდომად მიგ-
ვაჩნია და აი რისთვის და რად: სკენ არ უარყყოფთ. რომ „წმინ-
და კრების“ დროს საქართველოში მწველებლობა ვრცელდებოდა.
ჩვენ მხოლოდ იმას ვამბობთ, რომ არც კრება და არც ძეგლი მწვა-
ლებლობას არ ებრძოდა. მწველებლობა არ შეადგენდა ისეთ მწვევე
ხენს. რომლისთვისაც საჭირო იყო კრების მოხდენა. ასე რომ ყოფი-
ლიყო. „ძეგლის წერა“ პირდაპირ მოიხსენიებდა. რომ მწველებლო-
ბას წინ აღუდგა კრება, ძეგლის წერა უკანასკნელ მუხლში, ისაც
გაკვრიით, იხსენიებს მხოლოდ ხატის შეგინებას, მაგრამ ძირითადი
სწავლა, დოგმატური დედა აზრი ნესტორის მწველებლობისა სხვა

¹ П. Иоселиани, Краткая история грузинской церкви. СПб., 1843.
стр. 73.

² ნ. ურბნელი, ჩვენი საეკლესიო სჯულმდებლობა „ძეგლის წერა“, „ივე-
რია“, № 46, 1888.

იყო და არა ხატის შევიწმენდა. დავით აღმაშენებლის დიდბუნევნობა. მთელი მისი არსება საკმაო საბუთს გვაძლევს იმისათვის, რომ ჩვენს მეფეს სრულიად არ ჰქონდა წადილი და მოცალეობა ასეთის წვრილმანი ვარჯიშობისათვის. მან სახელმწიფო მალა დააყენა ეკლესიასა და სასულიერო წოდებაზედ. ამის გამო, ვფიქრობთ, რომ პოლიტიკური იდეალი ნებას არ აძლევდა მეფეს და არ მისცა ასეთის წვრილმან საქმისათვის მოეკიდა ხელი, როგორც სქოლასტიკური ვარჯიში და სჯაა სხვადასხვა დოგმატზედ¹.

ნ. ურბნელი ცდილობს გაარკვიოს, თუ სად ჩატარდა რუის-ურბნისის საეკლესიო კრება და უარყოფს „საქართველოს სამოთხის“ ავტორის მ. საბინინის მოსაზრებას, თითქოს კრება ჩატარდა მცხეთის საკათალიკოსო ეკლესიაში². მ. საბინინის მოსაზრების უარყოფისას ჩვენ გვაინტერესებს ურბნელის საბუთიანობა. აი, რას წერს იგი: „ავტორი საქართველოს სამოთხისა ბ.-ნი საბინინი ფიქრობს, რომ წმინდა კრება მცხეთის საკათალიკოსო ეკლესიაში იყო. პირველი შეხედულებით მკითხველმა იქნებ კიდევ დაიჭეროს ავტორის აზრი. მაგრამ, ძიებისა და გამოკვლევის შემდეგ, იგი აზრი უსაფუძვლო აღმოჩნდება. აი რისთვის, პირველად ესაა, რომ კრება იყო მახლობლად საეპისკოპოსოთა ურბნისისა და რუისისა, მცხეთა კი არც ერთ-ზე და არც მეორეზე „მახლობლად“ არ არის. მეორე, მცხეთაში კრება შეუძლებელი იყო, რადგანაც თბილისი ჭერ ისევ ძლიერი მტრის ხელში იმყოფებოდა და ამ მტერს ხელთ ექირა მთელი ადგილი ტფილისიდან მ. ავქალამდე. ძნელად დასაჯერებელია, რომ დიდ კრებას, რომელზედაც ყველა სასულიერო კაცნი დაესწრნენ, თავი მოეყარა მტრის მახლობლად, სიფრთხილე დაევიწყებინა“³.

როგორც ვხედავთ, ნ. ურბნელი საფუძვლიანად ეხება რუის-ურბნისის საეკლესიო კრების მნიშვნელობის საკითხს და მას ბევრი მართებული აზრი აქვს გამოთქმული აღნიშნული კრების და ამ კრების „ძეგლის წერის“ შესახებ. ნ. ურბნელმა კარგად იცის, რომ კრების დღის წესრიგის უმთავრესი საკითხი იყო ეკლესიიდან განედევნათ უღირსნი და მათ ადგილზე აერჩიათ პირადი ღირსების მიხედვით შემკული საეკლესიო თანამდებობის პირები. რა თქმა უნდა, კარგ პირად ღირსებებში იგულისხმება მეფის, ამ შემთხვევაში დავით აღმაშენებლის პოლიტიკური მიზნების გაზიარებაც, განსაკუთრებით იმ

1 ნ. ურბნელი, ჩვენი საეკლესიო სჯულმდებლობა „ძეგლის წერა“, „ივერია“, № 46, 1888.

2 მ. საბინინი, საქართველოს სამოთხე, 1882, გვ. 523.

3 ნ. ურბნელი, ჩვენი საეკლესიო სჯულმდებლობა „ძეგლის წერა“, „ივერია“, № 38, 1888.

პირის მიერ, ვინც საქართველოს ეკლესიის საქვეთმპყრობელი გახდებოდა. ეკლესია აუცილებლად უნდა დამორჩილებოდა სახელმწიფოს. მართალია, ეკლესია ფორმალურად ინარჩუნებდა ავტონომიას, მაგრამ უკვე, როგორც ურბნელი აღნიშნავს, სახელმწიფოს რუსი-ურბნისის საეკლესიო კრების შემდეგ საშუალება ჰქონდა თვალყური ედევნებინა ეკლესიისათვის და ყოველთვის ზუსტად ყოფილიყო ინფორმირებული ყველაფრის შესახებ, რაც ეკლესიაში ხდებოდა.

როგორც ცნობილია, დავით აღმაშენებელმა აღნიშნულ წარმატებას მიაღწია იმით, რომ გააერთიანა ეკლესიის მეთაურის ქყონდიდელის და მწიგნობართუხუცესის თანამდებობა, რამაც დასაბამი მისცა ქყონდიდელ-მწიგნობართუხუცესის ინსტიტუტის შემოღებას, რომელსაც დიდი სახელმწიფოებრივი უფლებები მიენიჭა. ჩვენთვის გაუგებარი და აუხსნელია ის გარემოება, რომ ისეთ ნიჭიერ და დაკვირვებულ მკვლევარს, როგორც ნ. ურბნელია, რატომ დარჩა შეუძინებელი ქყონდიდელ-მწიგნობართუხუცესის თანამდებობის შემოღება.

მიუხედავად იმისა, რომ დავით აღმაშენებელმა ქართული ლაშქრის მეოხებით არაერთი დიდი საქმე შეასრულა, კერძოდ, ალაგმა ოპოზიციონერი დიდაზნაურები და დიდი სტრატეგიული მნიშვნელობის ციხე-ქალაქები საქართველოს სამეფო კარს დაუმორჩილა, თურქებთან მოსალოდნელი გენერალური ბრძოლის საკითხი კი არ მოხსნილა, პირიქით, იგი დღე და დღე ახლოვდებოდა. ეს იმიტომ. რომ თურქები დავით აღმაშენებლის ღონისძიებებს შიშით შეკუთრებდნენ და ვარაუდობდნენ, რომ მისთვის ფრთხვი შეეკეცათ. საქართველოს მეფე კი თავის გეგმებს უფრო და უფრო აფართოებდა და მტრის საბოლოოდ დამარცხებაზე ზრუნავდა ასეთ პირობებში. უნებრივია, საქართველოს პოლიტიკური წრეების წინაშე დადგებოდა საკითხი ჭარის გამრავლება-გაწრთენისა. მაგრამ მხოლოდ საქართველოს მცხოვრებთა ხარჯზე ასეთი ჭარის შექმნა დაკავშირებული იყო დიდ სიძნელეებთან, რადგან ქვეყანას მწარპოებელი ძალა მოაკლდებოდა და შეიქმნებოდა ეკონომიური დაქვეითების რეალური საფრთხე. ეს კარგად ესმოდა დავით აღმაშენებელს. ამიტომ, როგორც ნ. ურბნელი წერს, მეფემ „აღიღო მალღალ თავი თვისი და მიმოავლო თვალი გონებისა თვისისა ეამთა ვითარებასა და დაასკენა, რომ დიდი საქმისათვის საჭიროა დიდი ღონე“¹ ამ დიდი ღონის მომ-

¹ ნ. უ რ ბ ნ ე ლ ი, მეფე დავით აღმაშენებელი და მისი დრო, 1894, ტფ., გვ. 53.

ემის ძიებისას არჩევანი ყივჩაღებზე შეჩერდა. ბუნებრივია, მკვლევრები გამოთქვამენ თავიანთ მოსაზრებებს, თუ რა იყო ასეთი არჩევანის მიზეზი და რა გარემოება ხდოდა სასურველს, რომ მაინცა და მაინც ყივჩაღები გადმოესახლებინათ საქართველოში. მკვლევართა უმრავლესობის აზრით, ეს განაპირობა, უპირველეს ყოვლისა, დავით აღმაშენებლის მოყვრობამ ყივჩაღთა „უმთავრესთან“¹. ამ ფაქტის, როგორც ყივჩაღთა გადმოყვანის ხელშემწყობი მიზეზის უარყოფა არ შეიძლება. მაგრამ მთავარი მაინც სხვა იყო და ეს გარემოება კარგად აქვს დანახული დავითის ისტორიკოსს². ნ. ურბნელი იზიარებს დავით აღმაშენებლის ისტორიკოსის აზრს აღნიშნულ საკითხზე და ყივჩაღთა გადმოსახლების ძირითად მიზეზად მიაჩნია, რომ „დავით აღმაშენებელმა უწყოდა მათი სიმხნე წყობათა შინა, სისუბუქე მიმოსვლისა, სიფიცხე მიმართებისა, ადვილად დასამჭირებლობა და ყოველთურთ მომზაველობა ნებისა თვისისა. ამის გარდა. ჰეფე სიძე იყო ყივჩაღთა მთავრის ათარქასი, რომელსაც დიდი გავლენა ჰქონდა თავის ხალხზე“³.

როგორც ვხედავთ. ურბნელი დავით აღმაშენებლის მოყვრობას ათარქასთან ბოლოხარისხოვან როლს აკუთვნებს და სამართლიანადაც. როგორც სწორად მიუთითებს რ. მეტრეველი: „ყივჩაღთა მთავართან საქართველოს მეფის ნათესაური კავშირი მხოლოდ ბოლოხარისხოვანი მიზეზი უნდა ყოფილიყო ამ დიდი გეგმის შესასრულებლად“⁴. ყივჩაღების გადმოსახლება საქართველოში დიდ პოლიტიკურ გამარჯვებას უქადდა საქართველოს საძეგო კარს, რაც ისტორიამ ნათლად დაადასტურა. მიუხედავად იმისა, რომ ისინი ძნელად „გასაწვრთნელნი“ იყვნენ და, როგორც ურბნელი ამბობს, ზოგჯერ „ომის დროსაც კი შფოთსა და უწყსობას არა სტოვებდნენ, ყივჩაღებმა საქართველოს მაინც დიდი სარგებლობა მოუტანეს“⁵.

როცა ყივჩაღების საქართველოში გადმოსახლების სარგებლიანობის შესახებ ვლაპარაკობთ, ჩვენი აზრით. აუცილებლად უნდა აღინიშნოს ის გარემოებაც, რომ ამიერიდან „როქის სპას“ საქართველოს ქარის ორგანიზაციაში ეპიზოდური ხასიათი ექნებოდა, რაც. ბუნებრივია, კეთილ გავლენას მოახდენდა საქართველოს სამხედრო ბიუჯეტზე. ნ. ურბნელს კარგად აქვს შეგნებული, რომ ყივჩაღთა

¹ ჯავახიშვილი. ქართველი ერის ისტორია, ტ. 11. 1965, გვ. 199;

ს. მაკალათია, დავით აღმაშენებელი. 1944. გვ. 25 და სხვ.

² ქართლის ცხოვრება, ტ. 1, გვ. 336, 1955.

³ ნ. ურბნელი, დასახ. ნაშრომი, გვ. 53.

⁴ რ. მეტრეველი, დავით აღმაშენებელი, 1965, გვ. 68.

⁵ იქვე. გვ. 55.

გადმოსახლების პრობლემამ საქართველოში დავით აღმაშენებელი აიძულა გაემაგრებინა ჩრდილოეთის საზღვრები, დაეპყრო დარიალისა და კავკასიონის სხვა კარნი, დაეჭირა მთელი ზეობისა და „კავკასიონის“ გზები¹. დავით აღმაშენებლის ისტორიკოსი კი, რომელიც ამართლებს მეფის პოლიტიკას, მის მიერ გადადგმულ ნაბიჯს დიდ სიკეთედ მიიჩნევს და ამბობს: „ესრეთ ადვილად შეაერთნა ორნივე ნათესაენი და ყო შორის მათსა სიყუარული და მშვიდობა ვითარცა ძმათა“².

დავით მეფისა და ჰყონდიდელის „ოვსეის“ წასელა იმთავითვე ითვალისწინებდა, რომ ოსები ქართველი მეფის ყმები უნდა გამხდარიყვნენ, რაც საქართველოს სამეფოს ჩრდილოეთის ზურგს გაუმაგრებდა და დავით აღმაშენებელს შესაძლებლობას მისცემდა, „მთელი თავისი ყურადღება და საქართველოს შეერთებული მხედრობა მხოლოდ სამხრეთ-აღმოსავლეთ-დასავლეთისაკენ მიემართა“³. ამოცანა ბრწყინვალედ იქნა გადაწყვეტილი. „მარტო ის რადა ღირდა, რომ ჩრდილოეთის ყველა კართა ციხენი ამიერთაგან საქართველოს ხელმწიფის ხელში იქმნებოდა“⁴.

ნ. ურბნელი შეეხო დავით აღმაშენებლის საქმიანობას ლაშქრის ორგანიზაციისათვის და აღნიშნა, რომ ამ მხრივ მეფემ არნახული ღონისძიებები გაატარა, რამაც საქართველოს სამეფო კარს შესაძლებლობა მისცა წარმატებით ებრძოლა მოძალებულ მტრის წინააღმდეგ. „დავით აღმაშენებელმა უფრო შესანიშნავი ცვლილება სამხედრო გამგეობაში მოახდინა. შემატიანე ამბობს, რომ მეფის მოვალეობას, სხვათა შორის, შეადგენს მხედართა განწესება, სპათა დაწყობა, ღონიერი მიმართება და სხვა, და ყველა ამ საქმეში არც ერთი მეფე, არც ძველი და არც ახალი, არ შეედრებოდა დავით აღმაშენებელსაო. მართლაც-და უმთავრესი ყურადღება მეფემ სამხედრო გამგეობას მიაქცია და ისეთი შემოქმედებითი ძალა გამოიჩინა, რომ მის მიერ დაარსებული სამხედრო გამგეობა სამავალითო შეიქმნა. მის სამხედრო სკოლაში აღიზარდნენ და გაიწვრთნენ სახელოვანი გმირნი და სპასალარნი, რომელთაც დაამშვენეს ჩვენი სამხედრო ისტორია და დიდება მოუპოვეს სამშობლოს“⁵ — წერს ნ. ურბნელი.

ნ. ურბნელი ეხება მეფის მიერ საომარი ტაქტიკის შეცვლასაც და

¹ ნ. ურბნელი, დასახ. ნაშრომი, გვ. 54.

² ქართლის ცხოვრება, ტ. I, გვ. 336.

³ ივ. ჯავახიშვილი, ქართველი ერის ისტორია, ტ. II, 1965, გვ. 199—200.

⁴ იქვე, გვ. 199.

⁵ ნ. ურბნელი, დასახ. ნაშრომი, გვ. 108.

მიაჩნია, რომ ამ დროს საქართველოს არმიის საომარი ტაქტიკა განსხვავდებოდა აღრინდელი ტაქტიკისაგან. მისი აზრით, „დავით აღმაშენებლის დროს ქართველებს მიღებულ ჰქონდათ ბიზანტიისა ანუ რომის საომარი დაწყობა ჯარისა, ე. წ. მწკრივებრივი ტაქტიკა. ეს ტაქტიკა თხოულობდა, რომ რამდენიმე რაზმი ორ მწკრივად დაწყობილიყო, ჰადრაკის კაცების მსგავსად. ორსავე მწკრივის რიცხვი თანასწორი უნდა ყოფილიყო. პირველი იერიშით მიდიოდა და თუ სიგრძით მტრის მოწინავე ჯარს აღემატებოდა, მაშინ ფრთებს შლიდა და ორმხრივ მოეხვეოდა მოწინააღმდეგეს. მეორე მწკრივი პირველს შველოდა. დავით აღმაშენებელმა შეცვალა ეს სატაქტიკო წესი, -- ორის მაგიერ სამი მწკრივი შემოიღო, თითოეულს საკუთარი დანიშნულება ჰქონდა. პირველს შეადგენდა წინამძღოლა ჯარი, მეორეს ყოლბი ანუ თავი და თავი ჯარი, რომელსაც თვით მეფე წინ უძღოდა“¹.

ნ. ურბნელის მთელი ეს მოთხრობა, როგორც პროფ. აბ. კიკვიძე აღნიშნავს. „უმეტესად მოსაზრებებს ემყარება და არა საბუთებს“². დიახ, მაგრამ ურბნელი სხვანაირად ვერც მოიქცეოდა, რადგან „სათანადო წყაროების უქონლობის გამო ძნელია გადაჭრით იმის თქმა, თუ რა სიახლენი იქნა შეტანილი საქართველოს ლაშქრის ტაქტიკაში“³. ჩვენთვის საინტერესო ის არის, რომ ნ. ურბნელმა ყურადღება მიიქცია საკითხს ლაშქრობის ტაქტიკის შესახებ და აღიარა, რომ არ შეიძლებოდა დავით აღმაშენებელს არ შეეცვალა საომარი ტაქტიკა. თავი რომ დაეანებოთ ისტორიკოსის საკმაოდ გასაგებ განცხადებას: „ხოლო თვთ მეფე არა თუ ვითარცა სხუა ვინმე ზურგით ედგა ოდენ სპათა თუსთა, ანუ შორით უზახებდა, ვითარცა ერთი მთავართაგანი ვინმე, არამედ უპირატეს ყოველთასა თვთ წინა უვიდოდა. და ვითა ლომი შეუზახებდა კმითა მალლითა“⁴. მაინც საგულისხმობა. რომ საომარი ტაქტიკის შეცვლა უნდა ყოფილიყო მიზეზი დავით აღმაშენებლის ძლევამოსილი გამარჯვებით აღსავესე სალაშქრო მოღვაწეობისა.

თუ დაეუკვირდებით ისტორიკოსის სიტყვებს, რომ მეფე ზურგში კი არ უდგა თავის „სპას“, როგორც სხვა ვინმე, არამედ „უპირატეს ყოველთასა თვთ წინა უვიდოდა“, როგორც ისტორიის მეცნიერებათა კანდიდატი რ. მეტრეველი ფიქრობს, შეიძლება რაიმე ახალ

1 ნ. უ რ ბ ნ ე ლ ი, დასახ. ნაშრომი, გვ. 109—110.

2 აბ. კიკვიძე, დავით აღმაშენებელი, 1942, გვ. 40.

3 რ. მეტრეველი, დავით აღმაშენებელი, 1965, გვ. 61.

4 ქართლის ცხოვრება, ტ. I, გვ. 329.

ტაქტიკურ ჩანაფიქრზე მიუთითებდეს¹. და, მართლაც, რატომ დასჭირდებოდა დავითის ისტორიკოსს საგანგებოდ აღენიშნა, მეფე დავითი წინა რიგებში იბრძოდა ყოველთვისო. თუ სხვა მეფეებიც ასევე იქცეოდნენ?

როდესაც საქართველოს ნიჭიერი მეფის და უბაღლო სპასპეტის დავით აღმაშენებლის ხელში ზედიზედ გადადიოდა თურქთაგან მიტაცებული ციხეები, ფეოდალური ხანის პოლიტიკური ბატონობია ეს საუკეთესო საშუალება, როცა საქართველოში მოძალებულ თურქების ფეხქვეშ ქართულმა მიწამ რყევა დაიწყო და თურქთა წინაშე მათივე ბატონობის დასასრულის რეალური საფრთხე აღმართა არა მარტო საქართველოში, არამედ მის მოსაზღვრე ქვეყნებშიც, აი სწორედ მაშინ გახდა გარდაუვალი გენერალური ბრძოლა. ეს ბრძოლა თურქულ სამყაროსა და საქართველოს სამეფოს შორის ისტორიაში შევიდა დიდგორის ბრძოლის სახელწოდებით. დიდგორის ბრძოლამ ქართველ ხალხს მოუპოვა გამარჯვება იმ მრავალწლიან ომებში, რომელთაც თურქ დამპყრობთა წინააღმდეგ აწარმოებდა საქართველოს სამეფო კარი გიორგი II და დავით IV დროს. დიდგორის ბრძოლის მნიშვნელობა განუზომელია ქართველი (და არა მარტო ქართველი) ხალხის ცხოვრებაში. ამ ბრძოლამ შარავანდედით შემოსა საქართველოს სახელმწიფოს ავტორიტეტი საერთაშორისო არენაზე და დიდი ხნით დაუკარგა ხალხის საქართველოს მტრებს მისი მიწა-წყლის ხელყოფისა. მკვლევარი, რომელიც შეხება ან ოდესმე შეეხება დავით აღმაშენებლის ეპოქას, გვერდს ვერ აუღლის დიდგორის ბრძოლას და, ბუნებრივია, ნ. ურბნელიც, ავტორი წიგნისა, რომელსაც ეწოდება „მეფე დავით აღმაშენებელი და მისი დრო“, შეეხო კიდევ საქართველოს სამხედრო ცხოვრების ისტორიაში ამ დიდმნიშვნელოვან მოვლენას და, უნდა აღინიშნოს, რომ ყველაზე საფუძვლიანად XIX საუკუნის ისტორიკოსთა შორის.

ნ. ურბნელმა იცის, რომ დიდგორის ბრძოლას ერთი პირველთაგანი ადგილი უჭირავს საქართველოს სამხედრო ისტორიაში, რომ „თავის დროზე ამ ბრძოლამ აზიის ყურადღება მიიპყრო და მისი ამბავი თვით ევროპაშიც კი გაისმა, უცხოელი მეისტორიენი აღტაცებით მოგვითხრობენ დიდგორის საოცარს ლაშქრობაზეო“ - - წერს ნ. ურბნელი², მაგრამ დიდგორის ომზე მსჯელობისას იგი ძირითადად მაინც დავითის ისტორიკოსს ეყრდნობა. ეს იმიტომ, რომ ქართული წყარო უფრო სანდოდ მიაჩნია. თუმცა სათანადო კრიტი-

¹ რ. მეტრეველი, დასახელებული ნაშრომი, გვ. 60.

² ნ. ურბნელი, დასახ. ნაშრომი, გვ. 61.

კული ანალიზის შემდეგ უმეტეს შემთხვევაში წარმატებით იყენებს ისეთი ავტორების ცნობებსაც, როგორცაა მათე ურპაელი, გოტიე და, რა თქმა უნდა, მაკმადიანი მებისტორიე მწერლები. ქართულ ისტორიოგრაფიაში დიდგორის ბრძოლის თარიღად მიჩნეულია 1121 წელი, რადგან, როგორც აკადემიკოსი ივანე ჯავახიშვილი წერს, „ქართველი ისტორიკოსი (1121 წ.), იბნ. ალასირი (1120—1121 წ.), მათე ურპაელი (1121 წ.) ერთ მხრივ 1121 წელს სდებენ თარიღად“¹. ნ. ურბნელი კი ამბობს, რომ „უცილობლად არ შეიძლება ითქვას, თუ რა დროს მოხდა ეს შესანიშნავი ბრძოლა, თუმცა სინამდვილეზე უფრო ახლო იქნება, უკეთეს ამ დროდ 1122 წ. მივიღებთ“². ნ. ურბნელს განმარტებული არა აქვს თავისი მოსაზრება ამიტომ ძნელია გავარკვიოთ. რას ემყარებოდა ამ შემთხვევაში იგი. ჩვენი აზრით, მას აშკარა შეცდომა მოსდის.

ნ. ურბნელი ეხება დიდგორის ბრძოლის მიზეზებსა და საბაბს და ერთსაც და მეორესაც სწორ დასაბუთებას აძლევს. აი. რას ამბობს იგი ამ ბრძოლის მიზეზის შესახებ: „რასაკვირველია, საზოგადო მიზეზი საქართველოს და სპარსეთის ურთიერთ მტრობა და დავით აღმაშენებლის სამხედრო ძლევამოსილება იყო. საქართველოს მეფე მეტად საშიში შეიქმნა მაკმადიანებისათვის³. ურბნელმა კარგად იცის, რომ საქართველოს დამარცხება, მისი გზიდან ჩამოშორება ზელს გაუხსნიდა თურქ მმართველებს. მას ესმის, რომ დიდგორის ბრძოლის ერთ-ერთი მიზეზი საგარეო ვითარებაც იყო, და როცა თურქთა კოალიციური ლაშქრის მეთაურის ნემჯ-ად-დინ ილღაზის შესახებ ლაპარაკობს, აღნიშნავს, რომ მას სურდა „ანტიოქია და იერუსალიმი ჯვაროსნებისათვის წაერთმია“-ო⁴. დიდგორის ბრძოლის საბაბად ნ. ურბნელს მიჩნეული აქვს დავითის ისტორიკოსის ცნობა, რომ დავითის მიერ „შეიწრებულნი თურქმანნი და კუალად ვაჭარნი განძელ-ტფილელ-დმანელნი წარვიდეს სულტანსა წინაშე, და ყოველსა სპარსეთსა შეიღებნეს შავად, რომელთამე პირნი, და რომელთამე ველები, და რომელნიმე სრულიად; და ესრეთ მიუთხრნეს ყოველნი ქირნი, მოწვეულნი მათ ზედა, რომლითა აღრძნეს წყალობად თვსა“⁵. თუმცა თურქი მმართველები უამისოდაც მტრულად

¹ ივ. ჯავახიშვილი, ქართველი ერის ისტორია. ტ. 11, 1965, გვ. 203.

² ნ. ურბნელი, დასაბ. ნაშრომი, გვ. 62.

³ იქვე.

⁴ იქვე, გვ. 63.

⁵ ქართლის ცხოვრება, ტ. 1, გვ. 340.

იყენენ განწყობილი დავით აღმაშენებლის მიჰართ, ამის შემდეგ კიდევ უფრო სასტიკად განრისხდნენ; — ამბობს ი. ურბნელი¹. და მართლაც, როგორც პროფ. შ. მესხია განმარტავს, „თურქთა სულთანს საქართველოს მეფესთან თავისი ანგარიშებიც ჰქონდა და საქართველოს წინააღმდეგ გალაშქრების ასეთ ხელსაყრელ მომენტს, როცა ქვეყნის შიგნით ძლიერი ქალაქები მის მომწვევად და დამხმარებელად გამოდიოდნენ, ცხადია, ხელიდან არ გაუშვებდა“².

ნ. ურბნელი, როგორც აღვნიშნეთ, დიდგორის ბრძოლის შესახებ მსჯელობისას სხვადასხვა ავტორებს ეყრდნობა, მაგრამ ყოველთვის როდი იზიარებს მათ აზრს. პროფ. შ. მესხია აღნიშნავს, რომ ალ-ფარიკი და გოტიე თურქთა კოალიციური ლაშქრის მთავარ ინციტორად ილლაზს მიიჩნევენ³. როგორც ჩანს, ურბნელი კარგად იცნობს გოტიეს ამ აზრს. მაგრამ მას დავითის ისტორიკოსის ცნობა — „მაშინ სულტანმან მოუწოდა არაბეთისა მეფესა ღურბეზს, სადაყას ჭესა, და მოსცა ძე თვისი მალიქი და ყოველი ძალი მისი; და აჩინა სპასალარად ელლაზი“⁴. უფრო სანდოდ მიაჩნია და სამართლიანად ფიქრობს, რომ სულთანი იყო კოალიციური ლაშქრის ორგანიზატორი და სწორედ მან „მხედართმძღვარობა“, ანუ ლაშქრის უფროსობა უბოძა ელლაზს. „კაცსა მრავალღონიერსა ყოველსა მხედრობად შემძღებელსა“⁵.

როცა მკვლევრები განიხილავენ დიდგორის ბრძოლას, აქვე ეხებიან საკითხს როგორც ქართველთა, ისე თურქთა კოალიციური ლაშქრის რაოდენობისა და ნაციონალური შემადგენლობის შესახებ. აქ მეტად საინტერესოა ერთი გარემოება. როგორც პროფ. შ. მესხია აღნიშნავს, „დიდგორის ბრძოლაში გამოყვანილი ქართული ლაშქრის რაოდენობისა და შედგენილობის შესახებ ცნობა, გარდა მათე ურჰაელისა, არავის მოეპოვებოდა. მათე ურჰაელის თხზულების როგორც იერუსალიმის 1869 წლის, ისევე ვადარშაპეტის 1898 წლის გამოცემებში კი, რომლებითაც ამ მკვლევრებს უსარგებლიათ, გარკვევითაა მითითებული დიდგორის ბრძოლაში არა ხუთი ათასი, არამედ მხოლოდ ხუთასი ალანის მონაწილეობის შესახებ. ასევე გადმოწერა და თარგმნა ეს ცნობა თავის დროზე მ. ბროსემ, მაგრამ ესეც მხედველობაში არ იქნა მიღებული და დღემ-

1 ი. უ რ ბ ნ ე ლ ი, დასახ. ნაშრომი, გვ. 63.

2 შ. მ ე ს ხ ი ა, დიდგორის ბრძოლა, 1965, გვ. 46.

3 ი ქ ვ ე, გვ. 51.

4 ქართლის ცხოვრება, ტ. I, გვ. 340.

5 ი. უ რ ბ ნ ე ლ ი, დასახ. ნაშრომი, გვ. 65.

დე ჩვენს სამეცნიერო თუ სასწავლო ლიტერატურაში დამკვიდრდა მათე ურპაელის ცნობის ასეთი არასწორი ინტერპრეტაცია¹. იმ ავტორთა აბსოლუტურ უმრავლესობას, ვინც შეხებიდა დიდგორის ბრძოლაში საქართველოს სამეფო ლაშქრის შემადგენლობას, ალანთა რაოდენობა განსაზღვრული აქვს 5000-ით. ნ. ურბნელს კი მოცემული აქვს აღნიშნულ ომში 500 ალანის მონაწილეობა და მხარს უჭერს მათე ურპაელის მონაცემებს. რომ არაფერი ვთქვათ დ.ბაქრაძეზე², ნ. ურბნელის შემდეგდროინდელ ისტორიკოსებსაც არ გაუზიარებიათ მათე ურპაელის, მ. ბროსესა და ნ. ურბნელის აზრი აღნიშნულ საკითხზე. ალანთა მონაწილეობის საკითხი დიდგორის ბრძოლაში კი აუცილებლად დამაფიქრებელი მოვლენაა და აი, რატომ. ჩვენ ვიცით, რომ 1121 წლისათვის დავით აღმაშენებელს ყივჩაღთაგან უკვე შეეძლო გამოეყვანა 40000 მეომარი და, მიუხედავად ამისა, ალანთა (ოსთა) დაქირავებული რაზმი გამოჰყავს ბრძოლაში. გასაგებია, რომ „შემთხვევითი არ იყო ზუთასი ოსი მოლაშქრის დაქირავება და საამისოდ თანხის გაღება, მაშინ როცა მეფეს რეზერვში ოცდახუთი ათასი მუდმივი მოლაშქრე ყივჩაღი ჰყავდა. ესეც, ცხადია, დავითის სათანადო ტაქტიკური გეგმის მიხედვით იყო გაკეთებული და გარკვეულ მიზანს ემსახურებოდა“³.

მაინც რა უნდა ყოფილიყო ეს „მიზანი“? ჩვენ ხომ ვიცით, რომ, როგორც ნ. ურბნელი მიუთითებს, „ომის დროსაც კი ყივჩაღნი შფოთსა და უწყესობას არ სტოვებდნენ, ქართველ ჯარს უსიამოვნებას აყენებდნენ. შულს უწყევდნენ. ასეთი გაუწრთვნელობა საქმეს აფერხებდა და ხანდახან მტერს შეელას აძლევდა“⁴.

ისიც ხომ ცნობილია, რომ შირვანში დავითის ბოლოდროინდელი გალაშქრებისას ქართველებს და ყივჩაღებს შორის უთანხმოება ჩამოვარდნილა⁵. რა თქმა უნდა, დავით აღმაშენებელი გაითვალისწინებდა ყივჩაღთაგან მოსალოდნელ რაიმე უმსგავსოებას და აღრევე იზრუნებდა მის აღსაკვეთად, მაგრამ რა გზით? ვფიქრობთ, შეიძლება დაეუშვათ მოსაზრება, რომ საქართველოს ლაშქარში მყოფი ხუთასი ალანი მეფის საგანგებო რწმუნებით ყოფილიყვნენ აღჭურვილნი და მათ დავალებული ჰქონდათ უწყესობის იმთავითვე აღკვეთა, თუკი ასეთი წარმოიშობოდა ყივჩაღთა და ქართველთა შო-

¹ შ. მესხია, დასახ. ნაშრომი, გვ. 62—63.

² ვახუშტი, საქართველოს ისტორია, ნაწ. I, 1885, შენიშვნები, გვ. 181.

³ შ. მესხია, დასახ. ნაშრომი, გვ. 63.

⁴ ნ. ურბნელი, დასახ. ნაშრომი, გვ. 55.

⁵ რ. მეტრეველი, დავით აღმაშენებელი, 1965, გვ. 73.

რის. ალანები ამ საქმეს ლაშქარში მით უფრო კარგად შეასრულებდნენ, რომ ისინი გაცილებით მიუდგომელი იქნებოდნენ ქართველთა და ყივჩაღთა შორის რაიმე დავის გადაწყვეტის შემთხვევაში. თუ ჩვენი მოსაზრება, რომელიც საეარაუდო ფარგლებს ვერ გასცდება, სინამდვილესთან ახლოა, მაშინ ხუთასი ალანი საცვებით საქმარისი იქნებოდა აღნიშნული მისიის შესასრულებლად.

როგორც აღვნიშნეთ, ქართველთა ლაშქრობის რაოდენობისა და შედგენილობის შესახებ დიდგორის ბრძოლაში ცნობა აქვს მათე ურპაელს. იგი კი ამ ბრძოლის მონაწილედ 100 ფრანგს ასახელებს. გოტიეც კი, „რომელიც ყოველნაირად აზვიადებდა ფრანგების როლს და ერთი-ორად ზრდიდა დიდგორის ბრძოლის მონაწილეთა რიცხვს, მხოლოდ ორას ფრანგს ასახელებდა ამ ომის მონაწილედ“¹. შეიძლება გოტიე ფრანგების რიცხვს მაინც და მაინც ორასით იმიტომ განსაზღვრავდა, რომ მათ დამსახურებლად გამოეცხადებინა იმ 200 მეომრის გმირობა, რომლებიც პირველნი შეიჭრნენ მტრის ლაშქარში. მაგრამ, ასეა თუ ისე, საფუძველი არ არსებობს ისტორიულ ლიტერატურაში გვხვდებოდეს 1000 ფრანგის მონაწილეობა დიდგორის ბრძოლაში. ვფიქრობთ, ამ ბრძოლაში 100 ფრანგის მონაწილეობა უფრო მორალური მხარდაჭერა უნდა ყოფილიყო ქართველი ლაშქრისათვის. რადგან თურქებს სულაც ვერ შეაშინებდა 100 ფრანგი. ფრანგი ჯვაროსნები მათთვის ახალი ხილი არ იყო. ერთი სიტყვით, ნ. ურბნელი ქართული ლაშქრის რაოდენობისა და შემადგენლობის განსაზღვრისას სამართლიანად ემყარება მათე ურპაელის ცნობას და წერს: „ჩვენს მეფეს შედარებით ცოტა ჯარი ჰყავდა: საბრძოლველად გამოიყვანა ორმოცი ათასი ქართველი, თხუთმეტი ათასი ყივჩაღი, ხუთასი ოსი და ასი ფრანგი. სულ ორმოცდათხუთმეტი ათასი და ექვსასი მეომარი“². ეს ცნობა ყველაზე უფრო იმსახურებს ნდობას და იგი ასე უნდა იყოს შესული ჩვენს სამეცნიერო ლიტერატურაში.

რაც შეეხება თურქთა კოალიციური ლაშქრის რაოდენობას, ნ. ურბნელი წერს: „გოთიეს გაუზვიადებია ლაშქრის სიმრავლეო, მიანჩია რომ „იმათი“ ლაშქარი 200000-ზე მეტიც იქნებოდაო“³.

ნ. ურბნელი დიდგორის ბრძოლას რომ აღწერს, შემდეგ დავით აღმაშენებლის მიერ თბილისის აღებას მოგვითხრობს. ცხადია, მას კარგად ესმის, რომ „დიდგორის ველზე არსებითად გადაწყდა თბი-

¹ შ. მესხია, დასახ. ნაშრომი, გვ. 63.

² ნ. ურბნელი, დასახ. ნაშრომი, გვ. 65.

³ იქვე, გვ. 64.

ლისის... ბედიც“¹. ამიტომაც წერს: „დიდგორის ბრძოლის შემდეგ ბენი-ჯაფარიანთ იგრძნეს, რომ იმათი ბატონობის დასასრულიც მოახლოვდა“². როცა ურბნელი თბილისის აღებას ეხება, მოაქვს ერთი მნიშვნელოვანი ცნობა, რომ მეფის ჯარმა „გაუქლიტა ქართ-ველი მცხოვრებნი, რომელთაც სჯული ჰგმეს და მაჰმადიანობა მი-იღეს, დასწვა იმათი მიზგითი და ბევრი დაატყვევა. შიშისა და კრძალ-ვის დასანერგავად, ხუთასი ურწმუნო ჩამოჰკიდეს სახრჩობელა-ზეო“³. იგი ამ განცხადების წყაროდ სომეხი ისტორიკოსის — ვარ-დანის შრომას მიუთითებს, მაგრამ სინამდვილეში ვარდანი არაფერს ამბობს ქართველი მოსახლეობის დასჯის შესახებ. ისე კი აღნიშნავს, რომ თბილისის აღების დროს დავითმა ხუთასი კაცი სახრჩობელაზე ჩამოჰკიდაო⁴. დავით აღმაშენებელმა შეიძლება მართლაც დასაჯა ქართველი მოსახლეობა, მაგრამ ამის მიზეზი არ უნდა ყოფილიყო „სჯულის“ დაგმობა და „მაჰმადიანობის მიღება“. როგორც ეს ურბ-ნელსა აქვს აღნიშნული. როცა თბილისელი მოსახლეობა საქართვე-ლოს მეფის წინააღმდეგ იბრძოდა, როგორც ჩანს, „გადამწყვეტი როლი ეკუთვნოდა დამოუკიდებელი თვითმმართველობის შენარ-ჩუნების ინტერესებს და არა ქალაქის მუსულმანური ან რომელიმე სხვა მოსახლეობის ინტერესებს“⁵. ისეთ პირობებში, რა თქმა უნ-და, ქართველი მოსახლეობის ნაწილიც გამოვიდოდა მეფის წინა-აღმდეგ და, ბუნებრივია, დავით აღმაშენებელი მათაც დასჯიდა და. უნდა ვიფიქროთ, რომ უფრო მკაცრადაც დასჯიდა, ვიდრე მაჰმადიან-ებს. ნ. ურბნელის აზრით, საქართველოს სამეფო კარის ძლიერე-ბას დიდად შეუწყო ხელი ქვეყანაში დავით აღმაშენებლის მიერ დამ-ყარებულმა სასტიკმა პოლიტიკურმა რეჟიმმა. მეფე რომ შიშის ზარს სცემდა ყველას, ვინც „იკადრებდა უწესოდ სელას“, მას არც და-ვითის ისტორიკოსი მალავს და საგანგებოდ აღნიშნავს, რომ მეფის აუგს გულშიც კი ვერავინ გაივლებდა, ხოლო მის წინააღმდეგ სიტყ-ვის თქმა საშიში და დამლუპველი იყო, რადგან „მტკიცედ უწყო-და ყოველმან კაცმან, რომელ პირით აღმოსლვასავე თანა სიტყუ-

¹ შ. მესხია, დიდგორის ბრძოლა, 1965, გვ. 77.

² ნ. ურბნელი, დასახ. ნაშრომი, გვ. 67; ნ. ურბნელი, ისე როგორც მისი წინამორბედი ისტორიკოსები, არაფერს ამბობს „ქართლის მატიანეში“ მოხსენებულ „ტფილელ ბერთა“ შესახებ. მხოლოდ იმას აღნიშნავს, რომ თბილის-ში, რადგან ამირის უფლება და ღირსება დამცირებული იყო, უწესობა და აღ-რევა სუფევდაო.

³ ნ. ურბნელი, დასახ. ნაშრომი, გვ. 68.

⁴ იქვე, გვ. 69.

⁵ შ. მესხია, საქალაქო კომუნა შუა საუკუნეების თბილისში, 1962, გვ. 91.

სასა საცნაურქმნილ არს უეჭველად წინაშე შეფისა“¹. და ამის გამო იყო, რომ „შიში დიდი და ზარი მისი განითქუა კიდეთა ქუეყანისათა, და განკრთეს ყოველნი მკულრნი ქუეყანისანი“². ნ. ურბნელი შემადრწუნებლად ხატავს მსგავს ვითარებაში საზოგადოებრივ ცხოვრებას. მას მიაჩნია, რომ პიროვნების თავისუფლებაზე ლაპარაკიც კი ზედმეტია ასეთი სასტიკი რეჟიმის დროს... აი, რას წერს იგი: „როცა აკვირდები ამ სასტიკ გამგეობას, ამ შიშსა და ზარს, თვალწინ უნებურად შემადრწუნებელი სურათი გიდგება. გამგებლობა სულთამხუთავეივით დასწოლია კაცის კერძო ცხოვრებას და თავისუფლებას ყელში უჭერდა“³. როგორც ვხედავთ, ნ. ურბნელი დემოკრატიის ნასახსაც კი ვერ ხედავს დავით აღმაშენებლის მმართველობის სისტემაში. მას მიაჩნია, რომ მეფე ყოველთვის სამეფო კარის ინტერესებიდან გამოდიოდა. რომ იგი ივიწყებდა ჰუმანიზმს, „ზნეობას“. როცა საქმე საკუთარი ავტორიტეტის შელახვას შეეხებოდა, და დიდ გულისწყრომას იჩენდა; როცა ტახტსა და დარბაზს პატივით და მორჩილებით არ ექცეოდნენ“⁴.

ნ. ურბნელი სავსებით სწორია, როცა მონარქის მოქმედებაში დემოკრატიული ქცევის გამოვლინების ვერაფერს ვერ ხედავს. მაგრამ ამისათვის იგი როდი კიცხავს თვითმპყრობელ მეფეს. მას მიაჩნია, რომ დავითის სასტიკ „გამგეობას“ ამ შემთხვევაში ისტორიული სიტუაციის ობიექტური ლოგიკა განსაზღვრავდა. კერძოდ, იგი აღნიშნავს: „მაგრამ არ უნდა დავივიწყოთ, რომ მხოლოდ ასეთმა გამგეობამ აღმოფხვრა სასულიერო წოდების უწინდელი სილალე, კადნიერება და თავგასულობა“⁵. ნ. ურბნელმა, რასაკვირველია, იცის, რომ ამგვარმავე პოლიტიკურმა რეჟიმმა „დროებით მაინც“ ალაგმა „განდგომის“ მოსურნე დიდაზნაურები და მეფეს შესაძლებლობა მისცა, „ნამდვილ თვითმპყრობელობაზე დაემყარებინა საქართველოს დიდება“⁶. რაც. მისი აზრით, საქართველოს გაერთიანებისათვის აუცილებელი იყო და ამდენად იმ დროისათვის — პროგრესული მოვლენაც. მით უმეტეს, რომ, როგორც პროფ. მ. ლორთქიფანიძე განმარტავს. „საქართველოს გაერთიანების ერთ-ერთი ძირითადი თავისებურება სწორედ ისიცაა, რომ ბრძოლა ქვეყნის გაერთიანებისათვის სახალხო-განმათავისუფლებელი ბრძოლის“

¹ ქართლის ცხოვრება, ტ. 1, გვ. 355.

² იქვე, გვ. 356.

³ ნ. უ რ ბ ნ ე ლ ი, დას.ხ. ნ. შრომი, გვ. 79.

⁴ ი ქ ვ ე.

⁵ ი ქ ვ ე.

⁶ ი ქ ვ ე, გვ. 27.

ხასიათს ატარებდა, რაც აპირობებდა საზოგადოების ძირითადი ფენების მონაწილეობას ამ ბრძოლაში. ასეთ ვითარებაში განსაკუთრებით მკაფიოდაა წარმოდგენილი ფეოდალური საქართველოს გაერთიანების პროგრესული მნიშვნელობა“¹. „საქართველოს დიდებაში“ კი ურბნელი აუცილებლად გულისხმობს ქვეყნის გაერთიანებას, ძლიერი მონარქის ხელში სამეფო კარის შეუქვალ ბატონობას მთლიან საქართველოზე.

ნ. ურბნელს კარგად ესმის, რომ დავით აღმაშენებელს სასულიერო წოდების დაკნინება და მისთვის უფლებების აყრა სულაც არ აძლევდა ხელს. როცა მან ეკლესიას სასტიკად შეუტია, ამით სურდა მისი მორჩილებაში მოყვანა, სახელმწიფოს სამსახურში ჩაყენება. მეფეს სჭირდებოდა ისეთი ეკლესია, რომელიც მთლიანად თავს იღებდა კლასობრივი იდეოლოგიის როლს, იქადაგებდა მეფის მორჩილებას. ერთი სიტყვით, მეფეს აუცილებლად სჭირდებოდა ღმერთის ავტორიტეტი. „თუმცა სასტიკმა გამგებამ მეტად შეავიწროვა და შეჭხუთა სასულიერო წოდება, მაგრამ მეორეს მხრით, მეფე არც პატივს და მფარველობას აკლებდა ამ წოდებას“². პატივი და წყალობა, როგორც ურბნელი ამბობს, არც სხვა მეფეების დროს აკლდა ეკლესიას, მაგრამ „ასეთი მზრუნველობა უფრო ღვთისმოსაობის ნაყოფს წარმოადგენდა... მხოლოდ დავით აღმაშენებელმა იგი მზრუნველობა აღიარა საზოგადო საქირო საგნად და ფართო მნიშვნელობა მისცა, სამეფო მეურნეობად გარდაქმნა. ამ შემთხვევაშიც მეფემ ჩვეულებრივი გამჭირაობა გამოიჩინა და ნათლად დაინახა, თუ რა ძლიერი იარაღია „უზრუნველყოფილი ყოველთა საქიროთაგან“ სასულიერო წოდება“³. ნ. ურბნელმა იცის, რომ ეკლესიას მეფემ მკაცრად განუსაზღვრა თავისი მოქმედების სფერო და სისტემატური მეთვალყურეობითა და კონტროლით მისი საქმიანობა ქართული ფეოდალური სახელმწიფოს ძლიერების ერთ-ერთ წყაროდ აქცია.

როგორც ვიცით, დავით აღმაშენებლის დროს საქართველოს სამეფოს საზღვრები ძალიან გაფართოვდა და მის შემადგენლობაში ან მფარველობაში მოაქცია განსხვავებული სარწმუნოების ბევრი ეროვნება. ქართულ ეკლესიას კი აუცილებლად უნდა გამოეჩინა დახვეწილი ტაქტი, რათა რელიგიური უკმაყოფილება არ დაეთესა მოსახლეობაში. სხვათა შორის, ამ მიზეზითაც აიხსნება მეფის მიერ

¹ მ. ლორთქიფანიძე, ფეოდალური საქართველოს პოლიტიკური გაერთიანება, 1963, გვ. 137.

² ნ. ურბნელი, დასახ. ნაშრომი, გვ. 80.

³ იქვე.

განსაკუთრებული ზრუნვა არა მარტო სასულიერო კადრების შერჩევის დროს, არამედ მღვდელთმსახურების წესების მტკიცედ დაცვა-გატარებაშიც. საქმე იქამდეც კი მისულა, რომ, როგორც დავითის ისტორიკოსი აღნიშნავს, «მონასტერნი და საეპისკოპოსონი და ყოველნი ეკლესიანი წესსა და რიგსა ლოცვისასა და ყოველსა საეკლესიოსა განგებისასა დარბაზის კარით მიიღებიან. ვითარცა კანონსა უცთომელსა»¹. ისტორიკოსის ამ განცხადებიდან ნათელია, რომ ეკლესიის საქმიანობას ერთი წუთითაც არ აშორებდა თვალს სამეფო კარი და მეფეც, რა თქმა უნდა, მუდამ საქმის კურსში იყო.

5. ურბნელს სავსებით კარგად აქვს შეგნებული, რომ დავით აღმაშენებლის განსაკუთრებული ყურადღება ეკლესიის მიმართ მხოლოდ ზემოაღნიშნული მოსახრებებით როდი იყო განპირობებული. იგი მიუთითებს, რომ როცა მეფემ — «მონასტერნი და ლავრანი გაათავისუფლა ხარჯი»-საგან, ამის მიზეზი «საღმთო მსახურება»-კი არ იყო, არამედ მეფის «განკარგულებას უფრო დიდი აზრი ჰქონდაო», კერძოდ ის, რომ მეფემ შესანიშნავად «უწყოდა», რა დიდი მნიშვნელობა ჰქონდა სასულიერო წოდებას ერის «გონებრივ» წარმატებაზე. იგი სამართლიანად აღნიშნავს: «არც ლავრა-მონასტერში გაისმოდა მარტო ლეთის ვედრება და დიდება. იქაც სახორციელო და საქვეყნო საქმე საკმაოდ მოიპოვებოდა... და ამიტომ მეფემ ბერ-მონაზონის მყუდრო სადგური სამეფო მეურნეობის სახლადაც გადააქცია და საიქიოს შემყურებელს სააქაოსთვის ზრუნვა ვალად დასდო»². 6. ურბნელმა კარგად იცის, რომ უცხოური კულტურის გავლენა ქართულ კულტურაზე აუცილებელი და სასარგებლო იყო, რომ დავით აღმაშენებელი — ეს ფრიად განათლებული პიროვნება — მუდამ მზად იყო უცხოური კულტურის ნერგი მიეღო და ქართულ ეროვნულ ნიადაგზე გაეხარებინა. «დავით აღმაშენებლის ღვაწლი განათლების ასპარეზზედ და მისგან დაარსებული «ათინა» უნებლიედ გაგონებთ ბაღდადის დიდს აკადემიას. რომელიც «მეცნიერების თავადმა» ნიზამ ელ მულქმა ააშენა»³.

6. ურბნელს ქართული ეკლესიის აუცილებელ მოვალეობად მიაჩნია ქრისტიანობის გავრცელება. მან იცის, რომ ამ ფაქტს დიდი მნიშვნელობა ჰქონდა საქართველოს სახელმწიფოს ძლიერებისათვის. იგი შესანიშნავად ჩასწვდომია დავითის ისტორიკოსის აზრს. სადავო არაა ურბნელის მითითება, რომ დავითის მიერ ეკლესიისადმი დასახულ პროგრამაში დიდი ადგილი ეჭირა «ქრისტიანების გამ-

¹ ქართლის ცხოვრება, ტ. 1, გვ. 352.

² 6. უ რ ბ ნ ე ლ ი, დასახ. ნაშრომი. გვ. 81.

³ ი კ ე ე, გვ. 82.

რავლებას“. ამ საკითხს, ამბობს ურბნელი, „მეფეც დიდ ყურადღებას აქცევდა. სასულიერო წოდება გულმხურვალედ და ბეჭითად მოეკიდა თავის მოვალეობას... „მრავალნი ნათესაენი წარმართაგანი შვილად წმინდისა ემბაზისად“ შექმნეს, შეაწყნარეს ქრისტიანსა“. „ყიფიანისა უმრავლესნი ქრისტიანი იქნებოდეს დღითი-დღედ და სიმრავლე ურიცხვი შეეძინებოდა ქრისტიანთა“¹.

სიტყვას არ გავაგრძელებთ იმის შესახებ, თუ რა დიდი მნიშვნელობა ჰქონდა თუნდაც ყიფიანების გაქრისტიანებას. ფეოდალური საქართველოსათვის ეს თითქმის გაქართველებას ნიშნავდა. ხომ ვერ უარყოფთ ქართული ეკლესიის როლს როცა ისტორიისათვის მოკლე დროში სახელწოდება „ყიფიანი“ ტერმინმა „ნაყიფიანობა“ შეცვალა.

დიდ შეფასებას აძლევს ნ. ურბნელი იმასაც, რომ მეფე დავითმა ბევრი შრომა გასწია ქრისტიანობის გასავრცელებლად მთაში. თურმე დავით აღმაშენებელს იმ წმინდა „მამის“ სულის მოსახსენებელი დღესასწაულიც კი დაუნიშნავეს ვინც პირველად იქადაგა ქრისტიანობა მთიულეთსა და არაგვის ხეობაში². დავით აღმაშენებლის მოღვაწეობა ამ მხრივ მართლაც დიდი ყურადღების ღირსია და შემდგომ საუკუნეებშიაც ამ საქმისათვის საქართველოს მეფეებს ყურადღება რომ მიექციათ და სისტემატური ღონისძიება გაეტარებინათ, ქართული ეკლესია უდავოდ გაიმრავლებდა მრევლს კავკასიაში მცხოვრები ბევრი ტომის ხარჯზე, რაც საქართველოს სამეფო პოლიტიკაში დიდსა და დადებით როლს ითამაშებდა.

ნ. ურბნელი საცხებიტ სამართლიანად ამახვილებს ყურადღებას მონასტრების საგანმანათლებლო მუშაობის შესახებ და იმდროინდელი სწავლა-განათლების საქმეში ფასდაუდებელ სამსახურს თითქმის მთლიანად საეკლესიო დაწესებულებებს მიაწერს. მართლაც, ძნელია დავამციროთ მაშინდელი სამონასტრო ცენტრების მნიშვნელობა. ჩვენი ქვეყნის კულტურული აღმავლობისათვის „საბერძნეთისა და მახლობელ აღმოსავლეთის განათლების მნიშვნელოვან ცენტრებში სავანეების ქონებამ საქართველოს საშუალება მისცა ყველაფერი სკოდნოდა, რაც-კი რამ საუკეთესო იყო მაშინდელს მსოფლიოში, და ამ გარემოებამ შეაძლებინა თავისი კულტურული წარმატება სწრაფად და შეუჩერებლივ განეფითარებინა თვით საქართველოშიც და საქართველოს გარეშე მდებარე ცენტრებშიც“³.

1 ნ. უ რ ბ ნ ე ლ ი, დასახ. ნაშრომი, გვ. 82.

2 ი ქ ვ ე, გვ. 83.

3 ი. ჯ ა ე ა ხ ი შ ვ ი ლ ი, ქართველი ერის ისტორია. 1965, გვ. 345.

როგორც ვიცით, ასეთი ცენტრები მაშინდელ საქართველოს ბევრი ჰქონდა როგორც საქართველოში, ისე საზღვარგარეთ. მაგალითად, გაიხსენოთ ათონის მონასტერი საბერძნეთში, ბალკანეთის ნახევარკუნძულზე, რომლის დამაარსებელია ქართველთა მოღვაწე იოანე მთაწმინდელი (მეთე საუკუნის დამლევი). ამ საეკლესიო მოღვაწეობდნენ შემდგომში სახელგანთქმული ექვთიმე და გიორგი მთაწმინდელები, რომლებმაც დიდი ღვაწლი დასდეს როგორც მშობლიურ, ისე ბერძნულ ლიტერატურას.

ნ. ურბნელს კარგად აქვს შეგნებული ის დაუფასებელი ამაგი, რაც უცხოეთის ქართველთა საეკლესიო იტვირთეს ქართული კულტურისა და განათლების საქმეში. ამიტომ, ამბობს იგი, „უცხოეთში მდებარე ქართულმა მონასტრებმა დიდი ღვაწლი დასდეს ჩვენს მწიგნობრობას და განათლებას“¹. ნ. ურბნელი საზღვარგარეთ არსებულ ქართულ მონასტრებს ქართული კულტურის გადამრჩენლის როლს აკუთვნებს და წერს, რომ ზოგიერთი ასეთი მონასტერი „მეთერთმეტე საუკუნიდან დაწყებული ექვსასი წლის განმავლობაში უხეად ფენდნენ საქართველოს განათლებას სხივებს და იქაც რომ მნათობი გამქრალიყო, იქნება ივერია უმეკრების წყვიდად შთაენთქა, რადგანაც ის დრო შავი და ბნელი იყო ჩვენი სამშობლოსათვის“². „შავ და ბნელ დროში“ ნ. ურბნელი გულისხმობს XIII საუკუნის 30-იან წლებიდან მოყოლებული გარეშე მტერთა ხანგრძლივ ბატონობას ჩვენს ქვეყანაში, როცა კულტურული საქმიანობა თვით საქართველოში მეტ-ნაკლებად ჩაკედა. ასეთ პირობებში, რა თქმა უნდა, ქართული კულტურული ცენტრების არსებობა საზღვარგარეთ დიდი სასოება და იმედი იყო ქართული სულიერი კულტურის დაცვისა და შენარჩუნებისათვის.

როგორც ზემოთაც აღვნიშნეთ, ქართული კულტურული ცენტრების არსებობა საქართველოში თუ საზღვარგარეთ დიდად უწყობდა ხელს არა მხოლოდ ქართული კულტურის დაცვა-პატრონობას, არამედ იმასაც, რომ „ქართულმა ენამ შემოგვიინახა ისეთი თხზულებები ბიზანტიური მწერლობისა, რომელთა ბერძნული დედნებო დაკარგულია. მათი აღდგენა შეიძლება მხოლოდ ქართული თარგმანებით. ქართულ ენაზე შემონახული ცნობები ზოგიერთი ბიზანტიელი ავტორის შესახებ ავსებენ და სულ ახალ ასპექტში აშუქებენ მათ ცხოვრებასა და შემოქმედებას: ქართულ ენაზე დაცულია ცნობები ბიზანტიური მწერლობის სრულიად უცნობი მწერლების შე-

¹ ნ. უ რ ბ ნ ე ლ ი, დასახ. ნაშრომი, გვ. 83.

² ნ. უ რ ბ ნ ე ლ ი, დასახ. ნაშრომი, გვ. 84-85.

სახებ. ბიზანტიური ლიტერატურის ზოგი ნაწარმოები ქართულ ენაზე მიღწეულია ისეთი ვარიანტებით, რომლებიც სხვა აზრსა და მნიშვნელობას აძლევენ ამ ნაწარმოებს; ამასთანავე, ქართველი ხალხის კულტურული სახე ვერ მოთავსდება ხალხთა ბერძულ-ქრისტიანული ოჯახით შემოსაზღვრულ ჩარჩოებში. ქართულმა მწერლობამ სპარსული და არაბული ლიტერატურის შესანიშნავი ძეგლებიც შემოგვინახა¹. უფრო მეტიც, ზოგი ნაწარმოები ევროპისათვის ცნობილი გახდა ქართველი მწერლების, ქართული ენის საშუალებით. მაგალითად: „სიბრძე ბალავარისა“ აკადემიკოსების შ. ნუცუბიძის და ს. ყაუხჩიშვილის გამოკვლევით „ქართული ენადან... ბერძნულად იქნა „მეწყობილი“, ბერძნულიდან — ლათინურად გადათარგმნილი, ხოლო ლათინურიდან ის გადაითარგმნა ევროპის ყველა ენაზე და საუკეთესო საკითხავ წიგნად ითვლებოდა საშუალო და ახალი საუკუნეების მანძილზე“². სად დღედა ზემოთ აღნიშნული დიდმნიშვნელოვანი ლიტერატურული ცხოვრება? — უპირველეს ყოვლისა, სამოწასტრო-საეკლესიო კულტურის ცენტრებში. ამიტომ, შენიშნავს ურბნელი, დავით აღმაშენებლის დროს „ლავერა-მონასტრების აყვავებას თან მოჰყვა გონებრივი მოძრაობა, განათლების აღორძინება, უკვე არსებულ ლიტერატურას ფრთები შეესხა, წარმატება და წინსვლელობა დაეტყო. საქართველომ შეითვისა და შეიძინა თითქმის მთელი იმდროინდელი მეყნიერება“³.

როგორც ვხედავთ, ნ. ურბნელს მშვენივრად ესმის, რომ უკვე დიდი ისტორიის მქონე ქართული ლიტერატურა დავით აღმაშენებლის დროს ახალ საფეხურზე ავიდა და „ამავე ხნის ბერძნულ-ბიზანტიურ ლიტერატურასთან ერთად, დგას საშუალო საუკუნეების ევროპული მსოფლიოს ლიტერატურათა რიგებში“⁴. როგორც აკად. ალ. ბარამიძე მიუთითებს, „საერო მწერლობის აღმოცენება-განვითარების საკითხები ყოველთვის იპყრობდა ქართული სულიერი კულტურის მკვლევართა შეუწინაღებელ ყურადღებას“⁵.

ნ. ურბნელიც შეეხო ამ მნიშვნელოვან საკითხს და ქართული საერო მწერლობის აღმოცენების ხანად XII საუკუნის დასაწყისი მიიჩნია. მან აღნიშნა, რომ „საერო პოეზიასაც დავით აღმაშენებ-

1 შ. ძ ი ძ ი გ უ რ ი, ქართული ენის თავგადასავალი, 1969, თბ., გვ. 15—16.

2 სიბრძნე ბალავარისა, 1937, შესავალი, გვ. V.

3 ნ. უ რ ბ ნ ე ლ ი, დასახ. ნაშრომი, გვ. 88.

4 პ. ი ნ გ ო რ ო ყ ვ ა, გიორგი მერჩულე, 1945, გვ. 552.

5 ქართული ლიტერატურის ისტორია. ტ. II, თბ., 1966, გვ. 6.

ლის დროს ჩაედგა სული“¹. დღეს ქართულ საშეცნიერო ლიტერატურაში სწორედ ასეა დადგენილი ქართული საერო მწერლობის დასაწყისი“².

ავილთ ერთი საკითხიც — ახალი ქართული სალიტერატურო ენის წარმოქმნა. აკად. არნ. ჩიქობავა საგანგებოდ აღნიშნავს, რომ: „დავით აღმაშენებლის მიერ თბილისის განთავისუფლება თურქთაგან 1122 წელს და პოლიტიკური და კულტურული ცენტრის ქუთაისიდან თბილისში გადმონაცვლება (აქედან გამომდინარე ყველა შედეგით) ის დიდმნიშვნელოვანი საზოგადოებრივ-პოლიტიკური მოვლენაა, რომელმაც ახალი ქართული სალიტერატურო ენის წარმოქმნა შეაპირობა“³. ნ. ურბნელმა კარგად იცის, რომ დავით აღმაშენებლის მეფობის პერიოდი განსაკუთრებით აღინიშნება ქართული ფილოსოფიური სკოლის საოცარი განვითარებით. „როცა მოწინავე ქართველთა გონებრივმა სამფლობელომ აზროვნების უზწვერვალეს ხარისხს მიადღია და საფილოსოფიო მწერლობას დაეწაფა“⁴ „საქართველოს სიძლიერის ამ ხანაში“ ფილოსოფიას და ლიტერატურას ჯერ კიდევ ფარავდა საეკლესიო რელიგიური სამოსელი, მაგრამ უკვე ვეღარ მალავდა თავს, თუ შეიძლება ასე ითქვას, „საერო“ აზროვნება. „დავით აღმაშენებლის მეფობა შესანიშნავია ქართული ლიტერატურისთვისაც, მაშინ იღვწოდნენ სახელოვანნი კლასიკნი, რომელთაც ააყვავეს მშობლიური მწერლობა და ფართო მიმდინარეობა მისცეს გონებრივს სელას. ზოგნი იმ კლასიკთაგანი უფრო ფილოსოფიას და საერო მეცნიერებას მისდევდნენ, სხვანი კი საღვთისმეტყველო სწავლას ემსახურებოდნენ. მაგრამ რადგანაც იმ დროს ღვთის მეტყველებას მაინც უპირატესობა ეკუთვნოდა, თვით ფილოსოფოსნიც ღვთის მეტყველებდნენ“-ო⁵ — მოსწრებულად და სამართლიანად აღნიშნავს ნ. ურბნელი.

როცა ნ. ურბნელი აფასებს XI—XII საუკუნეების ქართული ფილოსოფიური სკოლის შესანიშნავი წარმოქმდგენლების მოღვაწეობას, მათ ფასდაუდებელ ამაგს ქართული აზროვნების წინაშე, საგანგებოდ და განსაკუთრებით გამოყოფს იოანე პეტრიწს, როგორც ყველაზე ნიჭიერსა და «პირველ ფილოსოფოსს“.

¹ ნ. უ რ ბ ნ ე ლ ი, დასახ. ნაშრომი, გვ. 101.

² ქართული ლიტერატურის ისტორია, ტ. II, 1966, გვ. 18.

³ არნ. ჩიქობავა, დიალექტიკების საკითხისათვის: ევფხისტეაოსანში: ენიშკის შოაბზე, II, 1938, გვ. 227.

⁴ ივ. ჯავახიშვილი, ქართული ერის ისტორია, II, გვ. 298.

⁵ ნ. უ რ ბ ნ ე ლ ი, დასახ. ნაშრომი, გვ. 92.

რობს. რომ თუ არა პეტრიწის „დიდი ნიქი და შრომა, იქნება ქართულ სიტყვიერებას არ მიეღწია იმ სიმშვენიერებამდე, რომლითაც შოთა რუსთაველი... ხიბლავს მსმენელსა“¹. ასეთი დამსახურების მიწერა მხოლოდ პეტრიწის მოღვაწეობისათვის არ იქნებოდა სწორი. ერთი კი ნათელია: ქართულმა ფილოსოფიურ-ლიტერატურულმა სკოლამ, რომლის ბრწყინვალე წარმომადგენელია იოანე პეტრიწი, საშუალო საუკუნეებში მოამზადა ნიადაგი ისეთი მსოფლიო მნიშვნელობის ლიტერატურული მოვლენისათვის, როგორც არის „ვეფხისტყაოსანი“.

როდესაც დავით აღმაშენებლის ისტორიკოსი მეფის კულტურულ მოღვაწეობას ეხება, საგანგებოდ მიუთითებს, რომ დავით აღმაშენებელმა „კუალად სხუა მოიგონა საქმე, შემსგავსებული მოწყალისა და ტკბილისა ღმრთისა სახისა, კაცთმოყუარებისა თვისისა: აღაშენა ქსენონი ადგილსა შემსგავსებულსა და შეენიერსა“², სადაც თურმე შეკრებილი იყო ავადმყოფი ხალხი, რომელთაც მეფე „მამებრ“ უვლიდა.

მემატიანეს მიერ ნახსენები ქსენონის შესახებ ნ. ურბნელს გამოთქმული აქვს ფრთხილი, მაგრამ მეტად საინტერესო მოსაზრება. აი, რას წერს იგი: „წინათ მოვიხსენიეთ, რომ იმ დროს მკურნალობას, დოსტაქრობას და სხვა ამგვარ მეცნიერებას ქსენონებში ასწავლიდნენ, შესაძლოა ვიფიქროთ, რომ დავით აღმაშენებლისაგან დაარსებული დიდი ქსენონი სამკურნალო აკადემიასაც შეადგენდა“³. ქსენონების დაარსება შუა საუკუნეებში ახალი ამბავი არ ყოფილა და, საქართველოს გარდა, სხვა ქვეყნებშიაც ეხვდებოთ. მაგალითად, როგორც შლოსერი მიუთითებს, ქ. შირაზში⁴. დავითის ისტორიკოსის ნათქვამი კი, მეფემ „კუალად სხუა მოიგონა საქმეო“, იქნებ მართლაც მიუთითებდეს განსაკუთრებული ქსენონის დაარსების შესახებ, რომელიც, როგორც ურბნელი ვარაუდობს, „სამკურნალო აკადემიასაც შეადგენდა“. ასეთი აკადემიის დაარსება საქართველოში, განსაკუთრებით დავითის მეფობის ხანაში, რომელიც საესე იყო გარეშე თუ შინაურ ტერტან ბრძოლებით, რასაც ბუნებრივია, აუარება ხალხის დაქრა-დასახიჩრებაც მოჰყვებოდა, რაც აუცილებლად მოითხოვდა სამკურნალო მეთოდების გაუმჯობესებას და სამედიცინო მომსახურების მაღალ დონეზე აყვანას, არ იქნებოდა საფუძველს მოკლებული. რასაკვირველია,

¹ ნ. უ რ ბ ნ ე ლ ი, დასახ. ნაშრომი, გვ. 92.

² ქართლის ცხოვრება, ტ. I, გვ. 331.

³ ნ. უ რ ბ ნ ე ლ ი, დასახელებული ნაშრომები, გვ. 111, იხ. სქოლიო.

⁴ Ш л о с с е р, Всемирная история, т. II, 1969, стр. 348.

საქართველოს ეკონომიური დოვლათიანობაც ამის საშუალებას იძლეოდა (მაშინ ხომ დიდი ეკონომიური სახსრები იხარჯებოდა კულტურული კერების შესაქმნელად). ერთი სიტყვით, ურბნელის ვარაუდი დავით აღმაშენებლის მიერ სამკურნალო აკადემიის დაარსებისა შეიძლება მართლაც საგულისხმო და ანგარიშგასაწევი იყოს.

ასეთია ძირითადად ის საკითხები, რომელიც ნ. ურბნელმა წამოაყენა და განიხილა თავის ისტორიულ მონოგრაფიაში— „მეფე დავით აღმაშენებელი და მისი დრო“.

თ ა ვ ი IV

XIV საუკუნის პირველი ნახევრის საქართველოს ისტორიის საკითხები ნ. ურბნელის ნაშრომებში

„ვითარ ცნა მეფემან რუსუდან მოახლება თათართა, დაუტევა ტფილისი და წარვიდა ქუთაისს, და ტფილისის მცველად დაუტევა მუხას-ძე, და ამცნო, რომელ უკეთუ დმანისამდე მოვიდენ თათარნი, რომელ მოწუას ტფილისი თვნიერ ნიტისა და ისანთა, რომელ არღარა იპყრან სახლად ვითარ ხუარაზმელთა.

რაცამს ცნა მუხა-ძემან მოახლოება თათართა, მოწუა სრულიად ქალაქი და თვთ პალატი და ისანნი და ესრეთ მოოჯრდა ქალაქი ტფილისისა“¹. ეამთა აღმწერლის მიერ გადმოცემული ამ ტრაგედიის შემდეგ ჩვენს ქვეყანას მთელი ერთი საუკუნის მანძილზე მონღოლთა ბატონობისაგან მოსვენება აღარ უნახავს. საქართველო ამ მხრივ გამონაკლისს არ წარმოადგენდა. მონღოლთა უღელქვეშ გაატარა საკმაოდ დიდი დრო შუა აზიის, კავკასიის და აღმოსავლეთ ევროპის ბევრმა ხალხმა და რომ მონღოლთა ბატონობა არა, აღნიშნული ხალხების ისტორიული ბედი სულ სხვანაირად შეიძლებოდა წარმართულიყო. სწორედ ესაა იმის მიზეზი, რომ საბჭოთა ისტორიოგრაფია დიდ ყურადღებას უთმობს მონღოლთა დაპყრობებისა და მათი საზოგადოებრივი ცხოვრების ისტორიის შესწავლას. ისტორიკოსთა უმრავლესობა იმ აზრისაა, რომ მონღოლთა განუწყვეტელ თარეშსა და გაუთავებელ ომებს მათ მიერ დაპყრობილი ხალხებისათვის მხოლოდ უბედურება მოჰქონდა. ქართული ისტორიოგრაფია მონღოლთა ბატონობის შესახებ სწორედ ასეთი აზრისაა.

მონღოლთა ისტორიის და მონღოლთა ბატონობის საკითხს შეეხო ნ. ურბნელი ნაშრომში — „გიორგი ბრწყინვალე — მეფე საქართველოსი“ და შეეცადა მოეცა სურათი. თუ როგორ შეაფერხა

¹ ქართლის ცხოვრება, ტ. II, 1959, გვ. 187.

მრისხანე მტრის ბატონობამ საქართველოს კულტურულ-პოლიტიკური განვითარება, როგორც იყო მათი ბატონობის შედეგი და რა ღვაწლი მიუძღვის მეფე გიორგი V მონღოლთა უღლის გადაგდების საქმეში. ვიდრე ნ. ურბნელის თვალსაზრისის ანალიზს შევეუდგებოდეთ აღნიშნულ საკითხზე, გვინდა მოკლედ შეეჩერდეთ იმ ზოგიერთ ძირითად წყაროზე, რომლებიც ცნობებს გვაწვდიან მონღოლთა ძველი ისტორიის შესახებ. «Золотая Орда и зависевшие от нее владения, в совокупности именовавшиеся улусом Джучи, как известно, не имели своих летописей, по крайней мере, они до нас не дошли»¹.

როგორც პროფ. ი. ცინცაძე აღნიშნავს, მონღოლებს მე-13 სუკუნეში „წერილობით ჩამოუყალიბებიათ ჩინგიზ-ყაენის მიერ დამტკიცებული კანონთა კრებული — იასალი მონღოლთა ჩვეულებისა და ადათების კრებული“². აღნიშნულ იასალს, რა თქმა უნდა, დიდი სარგებლობის მოტანა შეეძლო მონღოლთა ყოფა-ცხოვრების შესწავლისათვის, მაგრამ იგი ადრევე დაკარგულა. ამიტომ მონღოლთა შესახებ მსჯელობისას ისტორიკოსები ძირითადად კულტურული ხალხების ისტორიკოსთა შრომებს ეყრდნობიან, რომლებიც მონღოლებმა დაიბყრეს. და რა თქმა უნდა, დასაყდრეთ ევროპელ ისტორიკოსთა ცნობებსაც მონღოლებს შესახებ, მონღოლთა შესახებ ცნობები პირველად ჩნდება ჩინურ ენაზე და ეს სახეობით გასაგებია. მონღოლთა დაპყრობები ხიმ ჩინეთში შეჭრით დაიწყო. ჩინეთის — ამ უძველესი კულტურული ქვეყნის დამორჩილება მონღოლებისათვის მეტად სასარგებლო იქნებოდა კულტურის ათვისების თვალსაზრისითაც. როგორც ცნობილია, ჩინგიზ-ყაენმა, მართლაც, იქიდან მრავალი სხვადასხვა საქმის სპეციალისტი წამოიყვანა თან. ჩინელი სპეციალისტები ესმარებოდნენ მონღოლებს თავიანთი ისტორიის შედგენაში და საკვირველი არც არის, რომ ჩინგიზ-ყაენის სალაშქრო მოღვაწეობის შესახებ ჩანაწერები ჩინურ ენაზეა მოღწეული ჩვენამდე. ჩინურ ენაზე დაწერილ ამ ძეგლს „იუან-ჩაო-ზი-ში“ ჰქვია. მის დიდი მნიშვნელობა ენიჭეს მონღოლთა ძველი ისტორიის შესასწავლად. მონღოლთა ლაშქრობებს შეეხნენ მაჰმადიანი ისტორიკოსებიც — იბნ-ალ-ასირი, ახმე ან ნესევი და ალ-ჯუზჯანი. სამივე ამ ისტორიკოსის ცნობები მონღოლთა შესახებ მეტად საინტერესო და უმეტეს შემთხვევაში ნდობაგაზიარების ღირსია. მონღოლთა ბრძოლების და საზოგადოებრივი

¹ В. Г. Тизенгаузен, Сборник материалов, относящихся к истории Золотой Орды. М.-Л., 1941, Предисловие, стр. 3.

² ი. ცინცაძე, მონღოლები და მონღოლთა დაპყრობები, თბ., 1960, გვ. 7.

ცხოვრების შესწავლისათვის დიდი მნიშვნელობა ენიჭება აგრეთვე სპარსი ისტორიკოსის რაშიდ-ედ-დინის ნაშრომს. რომელსაც „მეტრიანეთა კრებული“ ეწოდება. რაშიდ-ედ-დინი მის მიერ აღწერილი ბევრი ამბის თვითმხილველია, რადგან იგი, როგორც ცნობილია: ყაზან-ყანის კარზე თანამდებობის პირი უოფილა.

მონღოლთა უზარმაზარმა სახელმწიფომ ასპარეზზე გამოსვლისთანავე მიიპყრო ევროპის ყურადღება. ევროპის ბევრ ქვეყანას მონღოლთა გამოჩენამ თურქ სელჯუკთა წინააღმდეგ მათი გამოყენების პერსპექტივა ჩაუსახა¹, რამაც, ბუნებრივია, აღძრა დიდი სურვილი მათი ვინაობისა და რაობის გარკვევისა, მათი ისტორიის შესწავლისა. მონღოლთა სახელმწიფოში ზედიზედ იგზავნებოდნენ ევროპის სახელმწიფოთა ელჩები თუ მისიონერები, რომლებსაც მონღოლთა ცხოვრების შესწავლისათვის ფასდაუდებელი ცნობები ჩაჰქონდათ თავიანთ სამშობლოში. ამიტომ გასაკვირი არაა, რომ მონღოლთა შესახებ ძვირფას ცნობებს გვაწვდიან პლანო-კარპინი და გუილიომ რუბრუკისი. ორივე ეს მოგზაური მათ მიერ აღწერილი მოვლენების თვითმხილველი მწერლები არიან და; გასაგებია, რომ უმეტეს შემთხვევაში ნღობას იმსახურებენ.

როგორც ვიცით, ქართველი და სომეხი ხალხები დიდხანს იყვნენ მონღოლთა ბატონობის უღელქვეშ და, ბუნებრივია, რომ ამ უძველესი კულტურული ხალხების განვითარებულმა იმდროინდელმა ისტორიულმა მეცნიერებამ ძვირფასი ცნობები შემოგვიანა მონღოლთა შესახებ, პირველ რიგში განსაკუთრებია აღსანიშნავია ქართველი „ჟამთააღმწერელი“. სომეხი კირაკოს განძაყელი და ვარდანი. შეიძლებოდა გვეფიქრა, რომ იმ ხალხთა პატრიანეებში, რომლებიც მონღოლებმა დაიპყრეს, ვერ იქნებოდა დაცული მონღოლთა შესახებ ობიექტური ცნობები, მაგრამ ეს რომ ასე არაა. ამის საუკეთესო დადასტურებას წარმოადგენს „ჟამთააღმწერლის“ ცნობები მონღოლთა ცხოვრების თითქმის ყველა წვრილმანზე. რაც სხვა წყაროებთან შეჯერებით უმეტეს შემთხვევაში სავსებით დასტურდება. ჩვენ მოვიხსენიეთ ზოგიერთი ძირითადი წყარო მონღოლთა ისტორიის შესახებ, რომლითაც შევძლო ესარგებლა ნ. ურბნელს თავის ნაშრომის — „გიორგი ბრწყინვალე — მეფე საქართველოსი“ — დაწერისათვის. ამათგან იგი ძირითადად ეყრდნობა ქართული ისტორიკოსის — „ჟამთააღმწერლის“ ცნობებს. ამიტომ, ვფიქრობთ, საჭიროა გადავხედოთ, თუ რამდენად სარწმუნოა ქართ-

¹ შ. ხანთაძე, ნარკვევი ევროპული ქართველოლოგიის ისტორიიდან, ქართული ისტორიოგრაფია, 1968, გვ. 114.

ველი შემატინანის თხზულება როგორც მონღოლთა ბატონობის. იგი მეფე გიორგი ბრწყინვალის მოღვაწეობის შესახებ.

ქართული ისტორიოგრაფია მუდამ დიდ ინტერესს იჩენდა და იჩენს ამ თხზულებისადმი, რომელიც მოიცავს მთელ XIII საუკუნეს და მომდევნო საუკუნის დასაწყისის საქართველოს ისტორიას. ამ პერიოდის ქართული ისტორიის მკვლევრები არაერთხელ შეჰხვებიან ჟამთააღმწერლის ვინაობას, მსოფლმხედველობის, განათლების, მის მიერ გამოყენებული წყაროების მეთოდოლოგიისა და მისი თხზულების მნიშვნელობის საკითხს. ჟამთააღმწერელი ანონიმურ ავტორია. ქართულ ისტორიოგრაფიაში პირველად მას ეს სახელი შეარქვა აკად. ივანე ჭავჭავიძემ¹ და მას შემდეგ აღნიშნული ისტორიკოსი ქართულ სამეცნიერო ლიტერატურაში ჟამთააღმწერლად იხსენიება. აკად. ივ. ჭავჭავიძე ილი, რა თქმა უნდა. გამოდიოდა იმ ფაქტიდან, რომ ჩვენთვის უცნობი ავტორი თავის თხზულებას და, საერთოდ, საისტორიო მწერლობას ჟამთააღმწერლობას უწოდებს. მისი „თხზულება შინაარსიანი ნაწარმოებია და თვით მოთხრობის ასპარეზიც ფართოა. საქართველოს მარტო პოლიტიკური თავგადასავალი კი არ არის აღწერილი, არამედ სახელმწიფო ცხოვრება და წესწყობილებაც ცხოვლად არის დახატული. მრავალი ძვირფასი ცნობები მოიპოვება მოხელეობისა და მართვა-გამგეობისა, გადასახადებისა და ბეგარისა, მეხარკეობის შესახებ, საეკლესიო საქმეებიც, ქვეყნის ზნეობრივი მდგომარეობაც, შინაური საცოლქმრო ვითარებაც საკმაოდ არის დასურათებული. ჩვენი ავტორის ისტორია აუარებელ ცნობებს შეიცავს და მისი ღირსება იმიტომ უფრო ორკეცდება, რომ XIII საუკუნის საბუთები ცოტაა შერჩენილი და ბევრს შემთხვევაში ეს თხზულება მკვლევართათვის ერთადერთი წყაროა“² — წერს აკად. ი. ჭავჭავიძე. ჟამთააღმწერელი, როგორც ჩანს, კარგად იცნობდა ზოგიერთ ისეთ ავტორს, რომლებიც მონღოლთა შესახებ ცნობებს იძლეოდნენ და უხვდაც უსარგებლია მათი ნაშრომებით, კერძოდ, სპარსი ისტორიკოსის ალა ედდინ ათა მალიქ ჯუეინის თხზულებით, რომელსაც ქვეყნის დაპყრობის ისტორია ეწოდება. ეს რომ ასეა, ეს დამაჭერებლად და შესანიშნავად დამამტკიცა

¹ ივ. ჭავჭავიძე ილი, ძველი ქართული საისტორიო მწერლობა თბ., 1945, გვ. 249.

² იქვე, გვ. 262.

მკვლევარმა რ. კიკნაძემ¹. მანვე აღნიშნა, რომ ეამთაღმწერელს უნდა ესარგებლა აგრეთვე რაშიდ-ად-დინის „ისტორიათა კრებულთ“². ეამთაღმწერელს რომ სპარსული ენა უნდა სცოდნოდა, ეს ადრევე აღნიშნა აკად. ივ. ჭავჭავიძელმა. იგი წერს: „ჩვენს ავტორს, რასაკვირველია, სპარსულიც ეცოდინებოდა და სცოდნია კიდევ. მას მოყვანილი აქვს ერთი სპარსული წინადადება და თანაც მისი თარგმანი დაურთავს. მეჭლიდმა, რომელმაც მონღოლთა სარდალი ჩაღატა ღამე ფარულად წუთისოფელს გამოასალმა, თავი გამოყო „ლერწმონანთგან“ სადაც დამალულიყო მკვლევლობის შემდგომ და სისხლიანი ლახვრითურთ ხელში მიუახლოვდა თათრებს. მიაძახა „შენ ქუშტამ ჩაღატარ“. რომელ არს ენითა სპარსულითა, „მე მოეკალ ჩაღატარ“³.

ეამთაღმწერელს კარგად სცოდნია ბერძნული საისტორიო მწერლობაც და თანამედროვე მონღოლებისა და მათ მეტომეთა საისტორიო მწერლობაც შესწავლილი ჰქონია. მას, სხვათა შორის, სცოდნია უიღურთა ანბანი და „წერილი“. იი, რას ამბობს იგი ამის შესახებ: „მოიპარეს წერილიცა ამათ მცირედიცა ასოთა, რამეთუ ათექსმეტითა ასოთა დასწერენ წიგნსა, რომელ ადვილ სასწავლოცა არს და ადვილ გულისხმის საყოფიო“⁴.

აკად. ს. ყაუხჩიშვილის აზრით, ეამთაღმწერელი ბიზანტიურ წყაროებსაც იცნობდა⁵.

ეამთაღმწერელს სომხური წყაროებიც უნდა გამოეყენებინა. მკვლევარ ნ. ბოშიაშვილის მიერ დადგენილია. რომ ეამთაღმწერელი იცნობდა გრიგოლ აკანელის თხზულებას ან მის წყაროს. „მას უნდა სცოდნოდა აგრეთვე სხვა სომეხი ავტორებიც: სტეფანოს ორბელიანი, ვარდანი, კირაკოს განძაკელი და სხვა“⁶.

ეამთაღმწერელი თავისი წინამორბედი ავტორების საისტორიო თხზულებებს ყოველთვის როდი ენდობა და თავისი ნაწარმოების შესაესებად და გასამართავად მათ მხოლოდ სათანადო კრიტიკული ანალიზის შემდეგ იყენებს. ეამთაღმწერელი ყოველთვის ცდი-

1 რ. კიკნაძე, ეამთაღმწერლის სპარსული წყაროები, ივ. ჭავჭავიძის სახელობის ისტორიის ინსტიტუტის კავკასიურ-აღმოსავლური კრებული, 11, თბ., 1962, გვ. 131.

2 იქვე, გვ. 155.

3 ივ. ჭავჭავიძე, დასახელებული ნაშრომი, გვ. 260.

4 იქვე, გვ. 258.

5 ს. ყაუხჩიშვილი, ფირესტე ორესტე: ლიტერატურული ძიებანი, 11, 1944, გვ. 159, 165.

6 კ. გრიგოლია, ეამთაღმწერელი და მისი თხზულების სამეცნიერო მნიშვნელობა: ქართული ისტორიოგრაფია, 1, თბ., 1968, გვ. 90.

ლობს, როცა, რა თქმა უნდა, ამის შესაძლებლობა აქვს, ისტორიული სიმართლე პირველწყაროებზე დაყრდნობით გააშუქოს. თუმცა ეს ასეა, მაგრამ მის თხზულებაში ჩვენ მაინც ვხვდებით დაუჯერებელ ზღაპრულ ადგილებს, რაც გოცებას იწვევს. ეამთაღმწერელი ისე მსჯელობს უსაბუთო მტკიცებისა და დაუჯერებელი ამბების ისტორიად გასაღების წინააღმდეგ, რომ მის ნაშრომში შეტანილი ზოგიერთი მსგავსი ამბები, როგორც აკად. ივ. ჯავახიშვილი განმარტავს, არ უნდა იყოს ავტორისეული. „პირდაპირ გასაოცარია, როგორ მოხდა და როგორ შეიტანა მანვე თავის თხზულებაში ის მართლაც და ზღაპარნი, რომელიც მოთხრობილია ლაშა-გიორგის ძისადმი ხაროში მყოფი გველების სიყვარულის შესახებ, ან სამფეხა ცხენზე სამი დღე და ღამე ჰქნება, ან კიდევ ადამიანთა ძალღუერი ყუფისაგან გარემოცული ქალაქის ზღუდეების ორგან გარღვევა და დაცემა. ამიტომ უნებლიედ ეპვი ებადება მკვლევარს, მერმინდელ გადამწერის ჩამატებული ხომ არ არის ეს ადგილები?“¹

ეამთაღმწერელი უდავოდ განათლებული, ნიჭიერი ისტორიკოსია. იგი საქართველოს პოლიტიკური ისტორიის გარდა, საკმაოდ საფუძვლიანად ეხება ქართველთა ცხოვრების ბევრ სხვა მხარესაც. რასაც დიდი მნიშვნელობა აქვს მის მიერ აღწერილი ეპოქის ყველა დროის მკვლევართათვის. ერთი სიტყვით: თხზულება ძირითადად სანდო და საინტერესო ისტორიულ წყაროდ უნდა ჩაითვალოს.

5. ურბნელმა კარგად იცოდა ეამთაღმწერლის, როგორც ისტორიკოსის, ყველა ღირსება. შეგნებული ჰქონდა მისი თხზულების მეცნიერული ღირებულება და თავისი შრომაც — „გიორგი ბრწყინვალე მეფე საქართველოსი“ — ძირითადად მასზე დაყრდნობით დაუწერია. როგორც ვიცით, მონღოლები საქართველოში ჯერ კიდევ ლაშა გიორგის მეფობის ხანაში, XIII საუკუნის 20-იან წლებში გამოჩნდნენ, აქ ისინი ხეარაზმის შაჰის — მუჰამედის და მისი ვაჟის — ჯალალედინის დევნამ მოიყვანა. ამ დროისათვის მონღოლებს თავიანთი მცირერიცხოვნების გამო არ შეეძლოთ საქართველოს დაპყრობა და ალბათ ამიტომაც მათ მიზანს არც შეადგენდა იგი. იმ ოციათასიანი ლაშქრის სარდლებისა ჯებ და სუბუდაისათვის, რომლებიც 1220 წელს საქართველოში გამოჩნდნენ, როგორც რაშიდ-ედ-დინი გადმოგვცემს, ჩინგიზ-ყაენს საგანგებოდ დაუვალებია; **Силою бога великого, пока не возьмете его (Мухамеда) в руки, не возвращайтесь**².

¹ ივ. ჯავახიშვილი, დასახ. ნაშრომი, გვ. 261.

² Рашид-ед-Дин, Сборник летописей, т. I, кн. 2, М.-Л., 1952, стр. 209.

მონღოლთა ზემოაღნიშნული ლაშქრის ჩაოდენობის ზუსტად განსაზღვრა დღემდე არ ხერხდება, მაგრამ ყველაზე უფრო საიმედო უნდა იყოს მაკმადიანი ისტორიკოსების ცნობა, რომ მონღოლთა ლაშქარი თავიდანვე 20000 ცხენოსნისაგან შედგებოდა. ამ ცნობას ადასტურებს სომეხი ისტორიკოსი ვარდანიც. უდავოა, რომ მონღოლთა ლაშქარს, რომელიც ხვარაზმის შაჰს მოსდევდა, გზადაგზა ბრძოლა უხდებოდა და, ბუნებრივია, მათი რაზმები გზაში შეთხელებოდა. ასე რომ, თუ თავდაპირველად 20000 ცხენოსნისაგან შედგებოდა, საქართველოში თითქოს უფრო ნაკლები უნდა მოსულიყვნენ. მაგრამ პროფ. ი. ცინცაძე ყურადღებას მიაქცევს ერთ მეტად მნიშვნელოვან გარემოებას, რის გამოც შესაძლოა მონღოლთა ლაშქრის ჩაოდენობა გაზრდილიყო. როგორც პროფ. ი. ცინცაძე აღნიშნავს, „მონღოლები ძალიან უფრთხილდებოდნენ თავიანთი მეომრების სიცოცხლეს. ამის აშკარა მაჩვენებელია „ჰაშარის“ რაზმების შექმნა. ყოველი ციხე-სიმაგრისა და ზღუდიანი ქალაქის აღების დროს ისინი პირველ რიგში დაპყრობილი ადგილიდან საგანგებოდ გამოყვანილ მამაკაცებს გზავნიდნენ. „ჰაშარში“ მიჰყავდათ და ბრძოლის დროს ამ უბედურებს საფრად იყენებდნენ“¹. ისიც გათვალისწინებულია, რომ „აზერბაიჯანის მაშინდელ მაკმადიანურ მოსახლეობას საქართველოს ლაშქრობაში მონაწილეობა არასოდეს არ დაზარებია“². უნდა გავითვალისწინოთ იბ-ალ-ასირის ცნობაც, რომ მონღოლებს „შეუერთდა კიდევ თურქი ყმა. უზბეგის ერთი მონათაგანი, სახელად აქუში, რომელმაც შეკრიბა ამ მხარის მთებისა და ტრამალეების მცხოვრებნი — თურქმენები, ქურთები და სხვები. აქუშთან თავი შეიყარა მრავალრიცხოვანმა ხალხმა და მოლაპარაკება გამართა თათრებთან მოკავშირეობის თაობაზე. ისინი (თათრები) დათანხმდნენ ამ წინადადებაზე, რადგანაც ერთიმეორის მიმართ კეთილად იყვნენ განწყობილი, როგორც ერთი მოღვმისანი. გაერთიანდნენ ისინი და თათრების მეთაურობით ქართველებზე გაემართნენ“-ო“³. აქედან გამომდინარე, შეიძლება დავასკვნათ, რომ მონღოლთა ლაშქარი საქართველოში მოსვლისას ბევრად აღემატებოდა ოცი ათასს. მიუხედავად ამისა, მონღოლებს ამჟერად მაინც არ შეეძლოთ ძლიერი, ხალხმრავალი და სახელგანთქმული საქართველოს სამეფოს დაპყრობა. ვიმეორებთ, რომ მონღოლებს ასეთი მიზანი ამჟერად არც უნდა ჰქონოდათ. „ჩინგისხანის დავა-

¹ ი. ცინცაძე, მონღოლები და მონღოლთა დაპყრობები, 1960, თბ., გვ. 120.

² იქვე.

³ ციტატი მოყვანილია ი. ცინცაძის დასახელებული წიგნიდან.

ლებით ცნობების შეგროვების შემდეგ, მას (მონღოლთა ჯარს -- გ. ნ.) უნდა პირი ისევ თავის სამშობლოსაკენ ებრუნებინა და ჩრდილოეთის გზით მონღოლეთში მისულიყო. ერანიდან მომავალთ, მათ კავკასიონის ქედი უნდა გადაელახათ; ასე და ამგვარად, მონღოლები 20 ათასი ჯარისკაცითურთ საქართველოს საზღვარს მოადგნენ უმთავრესად საჭირო საძოვრების საძებნელად¹.

საქმის ასე წარმოდგენა, თითქოს „მონღოლებმა, რომლებმაც თავზარი დასცეს ჩინეთს, შუა აზიასა და სპარსეთს, არა ერთი მამკადიანური სახელმწიფო მოშალეს და დააუძღურეს, საქართველომდე მოაღწიეს და, როგორც იტყვიან, აქ ფეხი მოიტეხეს“². არ იქნებოდა სწორი. მონღოლთა 20000-იანი და თუნდაც 30000-იანი ლაშქრის დამარცხებას ქართველთა ჯარის მიერ მონღოლთა სახელმწიფოს სერიოზულ მარცხად ვერ ჩავთვლით. ეს ასეა, მაგრამ ზოგჯერ სამეცნიერო ლიტერატურაში ვხვდებით მეორე უკიდურესობასაც ან, უფრო სწორად რომ ვთქვათ, აშკარა გაუგებრობას. „შუა აზიისა და ამიერკავკასიის დაპყრობის შემდეგ მონღოლთა რაზმები უკვე ძალიან დაუახლოვდნენ რუსეთის მიწა-წყალს. ჩინგიზ-ყაენის ჯარებმა გადალახეს კავკასიის მთები და სამხრეთ რუსეთის სტეპებში შეიჭრნენ. აქ ისინი შეხვდნენ ყივჩაღებს. ყივჩაღების ხანებმა დახმარებისათვის რუსეთის მთავრებს მიმართეს. თუ არ დაგვეხმარებით, დღეს ჩვენ ამოგველეტენ, ხვალ კი თქვენო. განაცხადეს ყივჩაღთა ელჩებმა. მთავრებმა გადაწყვიტეს ერთად გამოსულიყვნენ ჩინგიზ-ყაენის რაზმების წინააღმდეგ და შებრძოლებოდნენ მათ ყივჩაღთა მიწა-წყალზე. 1223 წ. მაისში ბრძოლა მოხდა მდინარე კალკასთან. რუსეთის რაზმები სასტიკად დამარცხდნენ. ამ შემთხვევაში მონღოლებმა ვერ განიმტკიცეს თავიანთი გამარჯვება, უკან გაბრუნდნენ აზიაში და თორმეტი წლის განმავლობაში არაფერი ისმოდა მათ შესახებ“-ო³—ასეა აღნიშნული საშუალო სკოლის სსრკეშირის ისტორიის სახელმძღვანელოში.

გამოდის, რომ 1223 წელს მონღოლებს უკვე დაპყრობილი ჰქონდათ საქართველო. როგორც იტყვიან, აქ კომენტარი ზედმეტია. შეცდომა აუცილებლად უნდა გამოსწორდეს. საშუალო სკოლაში შეთვისებული ცოდნა ადამიანს ზოგჯერ მთელი სიცოცხლის მან-

1 ი. ვ. კ ა ე ა ხ ი შ ვ ი ლ ი. ქართველი ერის ისტორია. III, თბ., 1966, კვ. 321.

2 დ. გ ვ რ ი ტ ი შ ვ ი ლ ი. ნარკვევები საქართველოს ისტორიიდან, თბ., 1962, გვ. 158.

3 მ. ვ. ნ ე ჩ კ ი ნ ა, პ. ს. ლ ე ი ბ ე ნ გ რ უ ბ ი. სსრკ ისტორია. VII კლასის დამხმარე სახელმძღვანელო, 1970, გვ. 99—100.

ძილზე თან სდევს და, რასაკვირველია, საშუალო სკოლის სახელმძღვანელოს აკადრაციანობას განუზომელი მნიშვნელობა ენიჭება მომავალი თაობის აღზრდისათვის. სავსებით მართალი იყო ბესარიონ ბელინსკი, როცა წერდა: „ისტორიის კურსი საშუალო სასწავლებელში მოწაფისათვის უნდა იყოს მოსამზადებელი ისტორიის საძიკველზე აგებული სახლი. აქ მოწაფე უკვე აზროვნებს იმ ფაქტების საფუძველზე, რომლებიც მას თავდაპირველად შეუცნობლად, მოწაფური რუტინით შეუძენია, და ამავე საფუძველზე აფართოებს თავისი ფაქტიური ცოდნის წრეს. თუ იგი უნივერსიტეტის კურსს აღარც კი მოისმენს, მან მაინც დიდი რამ შეიძია“¹.

მონღოლთა პირველ გამოჩენას საქართველოს სამეფოსათვის სერიოზული საფრთხე არ შეუქმნია. ეს გარემოება ჯერ კიდევ 1839 წელს აღნიშნა ნ. ურბნელმა. იგი სავსებით სამართლიანად წერს, რომ მონღოლთა ლაშქრობამ XIII საუკუნის 20-იან წლებში „დიდი ვნება და ზარალი არ მოგვიტანა, მხოლოდ ჩვენი თავმოყვარეობა შელახა. მარტო სახელი და აბრე გაგვიტეა მეზობლებში“².

მდ. კალკაზე ბრძოლის შემდეგ, 1223 წელს, როცა მონღოლთა ლაშქარი ჯებეს და სუბუდაის მეთაურობით შესედა რუსთა და ყივჩაღთა გაერთიანებულ ჯარს და გაიმარჯვა, სამშობლოში დაბრუნდა და დიდი ხნის განმავლობაში საერთოდ აღარ გამოჩენილან რუსეთსა და ამიერკავკასიაში. როგორც ცნობილია, ჩინგიზ-ყაენი გარდაიცვალა 1227 წელს და ყაენის ტახტი დაიჭირა მისმა შვილმა უგედემ, რომელსაც საგანგებო ზომები მიუღია ახალ დაპყრობათა საწარმოებლად.

«Курилтай, на котором в ханы был избран Угодей, состоялся в 1229 г. и за то время монгольские войска были оттянуты с фронтов, Чжурчжэни и мусульмане успели отправиться и потеснить монгольские заслоны. Но с 1230 г. монголы опять перешли в наступление, доскончили покорение Чжурчжэнем в Китае и, разбив в 1230 г. Джалаял ад-дина, ворвались в Переднюю Азию, где подчинили себе всех мусульманских владетелей, исключая багдадского Халифа. В 1235 г., после победы над чжурчжэнями, в построенной Чингисханом монгольской столице, Карикоруме, был собран курилтай, постановивший довести до конца войну с половцами, болгарами и поддержавшими их русскими. В «западный поход» были направлены войска от всех четырех улусов Монгольской империя.

¹ ბ. გ. ბელინსკი, რეცენზიები 1842 — 1845 წწ., ისტორიის წიგნებზე, რჩეული ფილოსოფიური თხზულებანი, თბ., 1948, გვ. 470.

² ნ. ურბნელი, გიორგი ბრწყინვალე მეფე საქართველოსი, ტფ., 1889, გვ. 3.

Высшее командование принадлежало Бату-хану, а для фактического руководства операцией ему был придан лучший из монгольских полководцев Субутей. Отдельными корпусами командовали сын Угедея — Гуюк, сын Чагатай — Бури и сын Толуя — Мушке. К основным регулярным войскам были присоединены отряды среднеазиатских тюрок, бродивших без дела после разгрома Хорезма¹.

როგორც მოტანილი ციტატიდან ჩანს, მონღოლებს დაუმარცხებიათ ხვარაზმის შაჰის მუჰამედის შვილი, თუმცა თვით ხვარაზმი გაცილებით ადრე დაეცა. საქმე ისაა, რომ მუჰამედის დამარცხებას შემდეგ ხვარაზმეთში მეტად ენერგიულად მოქმედებდა შაჰი მუჰამედის ერთ-ერთი შვილი ჯალალედინი, რომელსაც. როგორც ჩანს, მონღოლთა მიერ განაწამები ხალხი ემზრობოდა. მონღოლებს კარგად ესმოდათ, თუ რა უსიამოვნებოს მიყენება შეეძლო მუჰამედის შვილს მათთვის და საგანგებო ზომები უზმარიათ მისი საბოლოო განადგურებისათვის. 1235 წელს კი ყარაყორუმში მოწვეულ ყურულთაიზე მონღოლებს დაუღგენიათ ყივჩაღეთის, ბულგარეთისა და რუსეთის დაპყრობა და სათანადო არმიაც გაუგზავნიათ ამ მისიის შესასრულებლად ბათო ყაენის სარდლობით, როგორც ჩანს. ჯალალედინის წინააღმდეგ გაგზავნილი ლაშქარი 1230—1235-იან წლებში საქართველოს მოსაზღვრე მაჰმადიანურ სამფლობელოებსაც იმორჩილებდა და ნადაგს ამზადებდა საქართველოს დასაპყრობად. «წარმოვიდეს ესე ოთხნი ნოინნი— ჩორმადანი, ჩაღატა, იოსური და ბიჩიო, გზოელეს ჯეონი და ხუარასანი ვითარ ორმოცი ათასი კაცითა და დედაწულითა მივიდეს ქვეყანასა აღმოთისასა და წინა განეწყუნეს, და დიდად ავნეს, და წარვიდეს მიერ ქუეყანად ერაყისა და მოაოკრეს. რომელი მივიდის, შეიწყალიან და მერმე მოვიდეს ადარბადაგანს, რომელ არს თაერეთი წინ მიეგებნეს ყოველნი ადარბადაგანელნი ძლუნითა ურიცხვთა. მიერ მივიდეს ქალაქად არდავლისა, იგინიცა მოეგებნეს. გველეს რახსი და მივიდეს განძად. რომელი-იგი მტკიცედ განმაგრებულ იყო, და სამთა დღეთა რა შინა ბრძოლა უყვეს თათართა, მყის კელთ იგდეს. და შიგან ქალაქსა ჰევიდეს»². — მოგვიტხრობს უამთაღმწერელი.

1235 წელს ყურულთაიზე მიღებული გადაწყვეტილებისა და ბათო-ყაენის არმიის მოქმედების დაწყებისთანავე მონღოლები სა-

¹ Л. Н. Гумилев, Понски вымышленного царства, М., 1970, стр. 193.

² ქართლის ცხოვრება. II, 1959. ვვ. 184—185.

ქართველოში შემოჭრილან. 1235 წელს მონღოლთა მოსვლა არაფრით არ ჰგავდა ლაშა გიორგის დროინდელ მათივე ლაშქრობას საქართველოში. ამჯერად მათი მიზანი გარკვეული იყო და წინასწარ შემუშავებული გეგმის განხორციელებას ისახავდა. კერძოდ, საქართველოს დაპყრობა-დახარკვას. მონღოლთა მიზანი ადვილი მისაღწევი იყო იმის გამო, რომ საქართველოს სამეფო დაასუსტა და დაშალა ჯალალედინის ხუთწლიანმა თარეშმა, როცა ჯალალედინმა საქართველოს აოხრებას მიჰყო ხელი, ამით მან საბედისწერო შეცდომა ჩაიდინა; ჯერ ერთი, საქართველოში დაყოვნებით და აქ სისხლისმღვრელი ბრძოლების გაჩაღებით თავის დაუძინებელ მტრებს, მონღოლებს, საშუალება მისცა გამაგრებულიყვნენ შუა აზიაში. «Ему пришлось потратить время и силы на войну с Грузией, вследствие чего он потерял темп наступления, что позволило монголам закрепиться в Средней Азии»¹. მეორეც, საქართველოს აოხრებით ჯალალედინმა თავისი მტრების გასაკეთებელი საქმე გააკეთა. «რა იცოდა ჯალალედინმა, რომ თავის ლაშქრობითა, ზოცვა-ჟღერითა და ცარცვა-გლეჯით ადარბაგანში და საქართველოში ის თავის დაუძინებელ მტრებს, მონღოლებს, უმზადებდა ნიადაგს და ამ ქვეყნების აოხრებითა და დასუსტებით ის მონღოლებს საუკეთესო სამსახურს უწყევდა. იქ, სადაც ზვარაზმშაჰის უღმობელ და გამაოხრებელ ლაშქარს თავისი მსახერელი ფეხი შეუდგამს, მონღოლებისათვის სამხედრო მოქმედება გაადვილებული იყო»². ბუნებრივია, ზვარაზმელთა მიერ აოხრებული და დასუსტებული საქართველო მონღოლებს საკვირო წინააღმდეგობას ვერ გაუწყევდა. საქართველოს სამეფო კარი იმდენად თავზარდაცემული ყოფილა ზვარაზმელთა სისხლიანი ლაშქრობით, რომ საქართველოს მეფეს, რუსუდანს, მხოლოდ ჯალალედინის სიკვდილიდან ორი წლის შემდეგ გაუბედნია ქუთაისიდან თბილისში დებრუნება. რუსუდანს არც უცდია მონღოლთა წინააღმდეგ ბრძოლის მოწყობა, ისევე ქუთაისს დაბრუნებულა. ჩანს, საქართველოს პოლიტიკური წრეები კარგად იყვნენ ინფორმირებულნი, თუ რა სისასტიკეს იჩენდნენ მონღოლები წინააღმდეგობის გაწევის შემსახვევაში, და ნაწილობრივ მაინც ამით უნდა იყოს გამოწვეული საქართველოს თავკაცთა აშკარა პასიურობა მტრის წინააღმდეგ. ერთი სიტყვით, საქართველოს სამეფო კარის დაბნეულობა ძვირად დაუჯდა ქართველ ხალხს. მონღოლებმა მნიშვნელოვანი სტრატეგიული ცენტრები

¹ Л. Н. Гумилев, Поиски вымышленного царства: М. 1970. стр. 190.

² ივ. ჯაფარიძე. ქართველი ერის ისტორია. III, ვ. 76.

ჩაიგდეს ხელთ და მათი ძალაც აშკარად გამოიკვეთა. გასაგებია, ამის შემდეგ მტერი ქართველებს საშუალებას აღარ მისცემდა თავისი სამხედრო ძალის გაერთიანებისათვის. ცალ-ცალკე ბრძოლას კი მხოლოდ ზიანის მოტანა შეეძლო. თუ პლანო კარპინს დავუჭვრებთ და გავიზიარებთ მის ცნობას იმის შესახებ, რომ მონღოლები „არავისთან ზავს არ სდებენ იმათ გარდა, ვინც მათ დაემორჩილება“¹, მაშინ ურბნელი სწორი უნდა იყოს, როცა აღნიშნავს, რომ „სისხლისგან დაცლა სიკვდილის მომავლინებელი ბოროტება იქნებოდა და ამიტომაც ძლეულმა ერისთავებმა ზავი მოსთხოვეს გამარჯვებულ მტერს“². ასეთივე აზრისაა ამ საკითხზე აკად. ივ. ჭავჭავიძე. აი, რას წერს იგი: „ავაგ ამირსპასალარი დარწმუნდა, რომ ხსნა არ იყო და მონღოლნი კაენთანაც გაიმარჯვებდნენ, შენიჭნული ხალხი კი ტყუილ-უბრალოდ იტანჯებოდა. ყველა ამ ბოროტსა ხელვიდა ამირსპასალარი ავაგ. ძე ივანე ათაბაგისა და ამიტომ დამორჩილება ამჯობინა“³. ავაგ ამირსპასალარის კვალს მიჰყვანენ სხვა ქართველი დიდებულებიც და არცთუ დადი ხნის წინანდელი ძლიერი და ბევრი ყმადნაფიცი ქვეყნის მყოლი საქართველოს სამეფო სხვისი ხელის შემეყურე და სხვისი ნები: აღმსრულებელი შეიქმნა. სამცხის დამორჩილებამ წერტილი დაუსვა აღმოსავლეთ საქართველოს დამხობას მონღოლთა მახვილის წინაშე.

ურბნელს კარგად აქვს შემჩნეული, რომ მონღოლთა ბატონობამ, სხვათა შორის, თავისი დადი დაასვა საქართველოს სოციალურ წყობილებას. მან იცის, რომ მონღოლთა უზარმაზარი სახელმწიფო სამხედრო მართვა-გამგეობის პრინციპზე იყო აგებული, რაც ხელს უწყობდა საქართველოში უგვარო სამხედრო პირთა აღზევება-გადიდებას. „ამ მხრივ საგულისხმოა ბაკურციხელის დაწინაურება, რომელიც მონღოლებს სწორედ XIII საუკუნის შუა წლებითათვის პირველ „დუმნისთავად“ დაუყენებიათ და მისთვის ჰერეთ-კახეთ-კამბეჩოვნის ლაშქარი ჩაუბარებიათ — ტფილისითგან და აღმართ ვითარ მთამდე შამახისა. ამის შემდეგ ეგარსლანი კიდევ უფრო განდიდებულა და უმეფობის ხანაში უმაღლესი ხელისუფლება, მეფობა, კინაღამ ჩაუგდია ხელთ“⁴. რასაკვირველია, ასეთი

¹ მასალები საქართველოს და კავკასიის ისტორიისათვის, ნაკ. II, 1942.

² პლანო კარპინი, ისტორია მონღოლებისა, რომელთაც ჩვენ თათრებს ვუწოდებთ, გვ. 39.

³ ნ. ურბნელი, დასახ. ნაშრომი, გვ. 5.

⁴ ივ. ჭავჭავიძე, დასახ. ნაშრომი, გვ. 100.

⁵ კ. გრიგოლია, ეპითაღმწერელი და მისი თხზულებების სამეცნიერო მნიშვნელობა. ქართული ისტორიოგრაფია, 1968, გვ. 99—100.

მოვლენები აძნელებდა წინანდელი წოდებრივი მდგომარეობის შენარჩუნებას. დაიყვეს თუ არა საქართველო,—წერს ურბნელი,—„მონღოლებმა მაშინვე სალაშქროდ მოაწყვეს მისი ნართვა. მთელი საქართველო თუმნებად გაპყვეს: თუმანი კიდევ სამხედრო საერისთაოს შეადგენდა, სალაშქრო სამოურავოს, თუ შეიძლება ასე ითქვას, თუმნის მთავარს, ათი ათასი მხედარი ებარა და ეს მხედრობა სალაშქროდა უნდა გამოეყვანა, როცა უბრძანებდნენ. უწინდებური მთავარ-ერისთავი თემის სრული მმართველი იყო და სამხედრო საქმეებს გარდა სხვაც ბევრი ეკითხებოდა, მრავალი მოვალეობა და უფლება ჰქონდა მინიჭებული. ესლა კი იგივე მთავარ-ერისთავი მარტო ჯარის უფროსი შეიქმნა. რადგანაც პირველად ნოინებმა ერთმანეთში გაინაწილეს დაპყრობილი საქართველო, ამიტომ თითოეულის ნოინს რამდენიმე თუმნის მთავარი ეყოლოდა წილში. მთელის ქვეყნისაგან ერთი უზარმაზარი ბანაკი შესდგა, სადაც საუკეთესო ვაჟკაცობა ყოველ წამს მზად იყო სალაშქროდ. მონღოლებიც, რასაკვირველია, მარტო ამას ეძებდნენ. რადგანაც მათი სიციოცხლე მთლად განუწყვეტელ ლაშქრობას უნდებოდა“¹.

როგორც ცნობილია, ფეოდალური ხანის ურთიერთობის აუცილებელი პირობაა, რომ დამპყრობელი დაპყრობილს აუცილებლად სთხოვს გადასახადს. მაგრამ მონღოლები ამ მხრივ განსაკუთრებულ სიხარბეს იჩენდნენ და არ თაკილობდნენ გადასახადში აეღოთ ყველაფერი, რასაც ოდნავ მაინც ღირებულება ჰქონდა. რა თქმა უნდა, იმ ძირითადი გადასახადების გარდა, რომლებიც მძიმე ტვირთად აწევებოდა დაპყრობილ მოსახლეობას. ცნობილია, რომ მონღოლები ქვეშევრდომ მოსახლეობას აიძულებდნენ მიეცათ მათთვის ერთი შეხედვით ისეთი უმნიშვნელო ხივთები, როგორიცაა ტომარა, ცხენის ნალი, მშვილდის ლარი, თოკი, ისარი და სხვა.

რით უნდა აიხსნას მონღოლთა ასეთი დაწვრილმანება გადასახადების საკითხში?

აი, რას წერს ნ. ურბნელი ამის შესახებ: „მთელი მათი სიციოცხლე ომიანობას უნდებოდა, მაგრამ ომიანობისათვის, მახვილისა და მკლავის გარდა, სარჩო და სურსათია საჭირო. ხოლო იგი ხალხი, რომელიც განუწყვეტლივ ომიანობას მისდევს და სხვა ერთა დამონავეება და ელეტა ხელობად გარდაუქმნია, თვითონ მოკლებულია ეკონომიურს ძალ-ღონეს და სხვების პირში შემაკეპრალია, დაელასა და ძარცვაზე უჭირავს თვალი. ასეთნი იყვნენ მონღოლებიც. ისტორიულს ასპარეზზედ გამოსვლის უმაღლე მათ სხვების დამონავეება

¹ ნ. უ რ ბ ნ ე ლ ი, დასახელებული ნაშრომი, გვ. 23.

დაიწყეს, ომს მიჰყვეს ხელი, სარჩო-საბადებლად კი „ხარაჯა“ და-
დავლა გაიხადეს. ამიტომაც ვისაც კი დაიპყრობდნენ, მაშინვე ხარა-
ჯით დატვირთავდნენ ხოლმე და რადგანაც მონღოლთა ქონებრივი
სალარო თითქმის სულ ცარიელი იყო, მათ არც მრეწველობა და
არც სხვაგვარი წარმოება არ მოეპოვებოდათ. ამიტომ ხარაჯას ღიღს
ადებდნენ დაპყრობილ ხალხს.¹

როგორც ვხედავთ, ნ. ურბნელი მონღოლთა მიერ დაპყრობილ
ხალხებზე გაწერილი მრავალგვარი და მძიმე გადასახადის არსებობას
მონღოლთა სახელმწიფოს თავისებურებით ხსნის, კერძოდ, იმით,
რომ მონღოლთა სახელმწიფოში, რომელიც გამუდმებულ მძარცვე-
ლურ ომებს აწარმოებდა. ვერ განვითარდა საწარმოო ძალები და
ამიტომ ისინი მუდამ დაპყრობილი ხალხების ხარჯზე ცხოვრობდნენ
და ხარკად ადებდნენ ყველაფერს, რაც საჭირო იყო მათი არსებო-
ბისათვის. მონღოლთა ადრეფეოდალურ სახელმწიფოში ამ ფაქტის
არსებობა აღნიშნა მონღოლეთის სახალხო რესპუბლიკის ცენტრა-
ლური კომიტეტის 1962 წლის III პლენუმმა, რაც შემდეგ საგანგე-
ბოდ დაიმოწმა ისტორიკოსმა ს. ტიხვინსკიმ სტატიაში «Татаро-
монгольские завоевания в Азии и Европе»: «Грабительские
войны Чингизхана повели к упадку производительных сил са-
мой Монголии, принесли монгольскому народу непомерные
страдания»². „ყოველწლიურად საქართველოს სამეფოდან მონ-
ღოლთა ლაშქრობებში მონაწილეობას იღებდა 90000 კაცი. ეს ვე-
ბერთელა არმია არა მარტო წყდებოდა თავის საკუთარ მეურნეობას,
არამედ მისი დიდი ნაწილი ფიზიკურადაც ისპობოდა“³. ეს კი იწყე-
და მწარმოებელი ძალის შემცირებას და ქვეყნის ეკონომიურ დაქვე-
ითებას. „ეკონომიური უღელი ნაკლებად მძიმე არ იყო სამხედრო
ბეგარაზედ; ამ უღელს ხალხი კიდევ როგორმე აიტანდა, თუ საუკე-
თესო მშრომელი ვაჟაკობა მუდამ იარაღის ქვეშ არა მდგარიყო,
ძაგრამ საქმეც ისაა, რომ სამხედრო ბეგარას ზედ „ხარაჯაც“ დაერ-
თო. საქართველო ორგვარად შეზუთეს, სისხლის დენას არ დააჯე-
რეს, ქონებაც ხელიდან გამოაცალეს. სისხლის ნიაღვარს თან მიჰ-
ქონდა ქართველის სარჩო-საბადებელიც და ყოველსავე ამას ჰყლა-
პავდა იგი ვეშაპი, რომელსაც საერთოდ მონღოლი ეწოდება. ხარბი
და გაუმძღარია ეს ვეშაპი და როცა აკვირდები, თითქო უძირო

¹ ნ. უ რ ბ ნ ე ლ ი, დასახ. ნაშრომი, გვ. 29.

² С. Л. Тихвинский, Татаро-монгольские завоевания в Азии и Европе, М., 1970, стр. 13.

³ დ. გ ვ რ ი ტ ი შ ე ი ლ ი, ნარკვევები საქართველოს ისტორიიდან, თბ., 1962, გვ. 209.

სტრუქტურა აქვს. მთელი სისხლის ზღვა შესვა ამ ვეშაპმა, აუარებელი სურსათი შესჭამა და მოინელაო“¹ — გადაუჭარბებლად გადმოგეცემს ნ. ურბნელი მონღოლთა ბატონობის შესახებ საშინელ სიმართლეს. „უდიდესი ზიანი მიაყენეს მონღოლებმა ამიერკავკასიის და მახლობელი აღმოსავლეთის ფეოდალურ მეურნეობას და ეკონომიურ ცხოვრებას, მონღოლთა ბატონობის უშუალო შედეგი იყო ფეოდალურად განვითარებული ქვეყნების ეკონომიურად დაქვეითება“².

როგორც ზემოთაღნიშნულ მონღოლთა ბატონობის შედეგების შესახებ ისტორიკოსთა უმრავლესობა იმ აზრისაა, რომ მათ ბატონობას უბედურება მოჰქონდა დაპყრობილი ხალხებისათვის. მაგრამ ზოგიერთ ავტორს მონღოლთა ლაშქრობები პროგრესული და რეფორმირებული ხასიათის მოვლენად მიაჩნია. ასეთი აზრისათვის კ. მარქსმა და ფ. ენგელსმა სასტიკად გააკრიტიკეს ჰეგელი³.

ისტორიკოს ა. ნ. ნასონოვს მონღოლთა საშინელი ბატონობის დასახასიათებლად თავის წიგნში „Монголы и Русь“ საგანგებოდ მოაქვს კ. მარქსის სიტყვები: „Монгольские татары установили режим систематического террора, орудием которого были грабежи и массовые убийства“⁴. 1954 წელს საბჭოთა კავშირის მეცნიერებათა აკადემიამ გამოსცა ავტორთა კოლექტივის შრომა „История Монгольской Народной Республики“, რომელშიც საგანგებოდაა აღნიშნული, რომ მონღოლებმა ასპარეზზე გამოსვლისთანავე „направили всю энергию молодой, только что сложившейся монгольской народности на захватнические войны и порабощение других народов Азии и Европы“⁵. ეს შეხედულება დღეს ექვს აღარ იწვევს. აუცილებლად ანგარიშგასასწევია ის გარემოებაც, რომ მონღოლთა მიერ უზარმაზარ სახელმწიფოს შექმნას შედეგად მოჰყვა სხვადასხვა სარწმუნოების და მოდგმის ხალხების ურთიერთგაცნობა-დაახლოება. ევროპის ქვეყნების ცხოველი ინტერესი აღმოსავლეთის ქვეყნებისადმი, გეოგრაფიული ცოდნის გაფართოება. ყველაფერ ამას, როგორც აკად. ივ. ჯავახიშვილი აღნიშნავს „ცხადია, შეუძლებელია, კარგი შედეგი არ მოჰყოლოდა, რამდენადაც მსოფლმხედველობა და ცოდნაც უნდა გაფართოებუ-

¹ ნ. ურბნელი, დასახ. ნაშრომ., კვ. 29—30.

² ვ. გაბაშვილი, მონღოლები: ნარკვევები მახლობელი აღმ. ისტორიიდან, 1954, გვ. 157.

³ К. Маркс и Ф. Энгельс. Немецкая идеология, Соч., т. III, М., 1955, стр. 151.

⁴ А. Н. Насонов, Монголы и Русь, М.-Л., 1940, стр. 3.

⁵ История Монгольской Народной Республики, 1954, стр. 93.

ლიყო, მაგრამ ეს მონღოლთა შეგნებული პოლიტიკური საქმიანობისა და მზრუნველობის შედეგი კი არ არის, არამედ მოვლენათა უნებლიეთი, თავისთავადი შედეგი იყო. ისტორიულ მოვლენათა შორის ჩვენ უნდა განვარჩიოთ მიზანშეწონილი პოლიტიკის შედეგები მოვლენათა უნებლიეთი შედეგებისაგან. ის კარგი მხარე, რომელიც მონღოლთა ბატონობას უნებლიეთ თან სდევდა და მის შედეგად იქცა, მონღოლთა ღვაწლად არ შეიძლება მიჩნეული იყოს¹.

თვით მონღოლებს საქართველოში თითქმის არც ერთი სასარგებლო წესი არ შემოუღლიათ, არავითარი კულტურა არ მოუტანიათ და არც შეიძლება მოეტანათ. საქართველო ხომ გაცილებით მაღლა იდგა მათზე როგორც სულიერი კულტურით, ისე განვითარებული ეკონომიკით. ამიტომაც იყო მონღოლთა ბატონობა განსაკუთრებულად საშინელი და ძნელად მოსანელებელი, მონღოლები: „Огню и мечу предавались города и села, старая культура и цивилизация разрушались: то, что создавалось в течение веков, исчезало под ударами монгольских завоевателей. Монгольское иго, которое переживали культурные народы Азии и Восточной Европы, надолго затормозило их развитие и вызвало экономическое и культурное отставание“².

ნ. ურბნელი სევდანარევი სინანულით აღნიშნავს იმ გარემოებას, რომ მონღოლთაგან არავითარი სარგებლის ნახვა არ შეეძლო საქართველოს და წერს: „კიდევ კარგი, რომ მონღოლებს რაიმე სასარგებლო წესი შემოეღოთ, რომელიმე გამოსადეგი დაწესებულება დაემყარებინათ საქართველოში. ყოვლად შეუძლებელი და მოულოდნელი იყო მათგან ქვეშევრდომ ერს რაიმე სიკეთე ენახა, გამოსადეგი რაიმე ესწავლა, გადმოეღო. და ეს იმიტომ, რომ თვითონ მონღოლებს არა მოეპოვებოდათ რა. მთელს იმათს ავლადიღებას შეადგენდა თითო-ორი ნაწყვეტი ჩინური სიბრძნისა და საომარი წესწყობილება“³. მიუხედავად ასეთი მსჯელობისა ნ. ურბნელი მაინც იმ აზრისაა, რომ მონღოლები ზავის პირობას მტკიცედ იცავენენ და წერს: „რაკი ერთხელვე პირობით შეეკეროდნენ ვისმე, ზავის სიმტკიცეზედ თავის გამოღება იცოდნენო“⁴. ნ. ურბნელის ეს აზრი ჩვენ არ მიგვაჩნია გასაზიარებლად. ნ. ურბნელის ზემოთ აღნიშნული მოსაზრება ეყრდნობა ეპითაღმწერლის სიტყვებს. „ხოლო ფიტთა სიმტკიცედ ოქრო წმიდა სამჯერ წყალსა ჩაყონ, და განავ-

¹ ივ. ჯავახიშვილი, ქართველი ერის ისტორია, III, გვ. 396.

² Э. М. Мурзаяев, Монгольская Народная Республика, 1952, стр. 64.

³ ნ. ურბნელი, დასახელებული ნაშრომი, გვ. 21.

⁴ იქვე, გვ. 5, 6.

ლონ იგი შეასუან, და მინდობილნი შეიწყნარონ და ამა ფიცსა არა ეტრუვნენ. სიტყუა ტყუილი არა ამოვიდეს პირით მათით. მეკობრე და მბორგველი კაცი განუკითხავად მოკლიან, და სხუანი მრავალნი კეთილნი წესნი განეჩინნეს ზემო ხსენებულსა მას მთავარსა ჩინგიზ-ყანს“¹. „ფიცთა სიმტკიცე“ მონღოლებს ავტორიტეტის მოსაპოვებლად ჭირდებოდათ და ისინი ზოგჯერ მართლაც მიმართავდნენ ამ ხერხს მტრის მისანდობად, მაგრამ საჭიროების შემთხვევაში უტერემონიოდ და უხეშად არღვევდნენ მოცემულს ფიცსა და სიტყვას, ამის საუკეთესო მაგალითია, როცა ჯებემ და სუბუდაიმ ყივჩაღებს საჩუქრები და ელჩები გაუგზავნეს და მოუატყუეს ჩვენ ურწმუნო ოსების დასასჯელად მოვედით, თქვენთან კი მშვიდობა გვწყურიაო. ყივჩაღებმა მონღოლებს დაუჯერეს და მათ მიერ მიტოვებული ოსები მონღოლებმა სასტიკად დაამარცხეს. ამის შემდეგ მონღოლებს არც გახსენებიათ თავიანთი ფიცი და ხელშეკრულება. „ყივჩაღები კი, საზაფო ხელშეკრულებით დაიმედებულნი, სრულიად მოუშზადებელნი შეხვდნენ შემოსეულ მონღოლებს. რაღა თქმა უნდა, დაუნდობლად გაელიტეს და გაძარცვეს მონღოლებმა ყივჩაღების მრავალრიცხოვანი ტომები და ყოველივე ის, რაც საჩუქრად მიიღეს მონღოლთაგან, მონღოლებმა ისევ უკან დაიბრუნესო, — შენიშნავს სპარსთა ისტორიკოსი“². მონღოლები არაფრად აგდებდნენ მიცემულ ფიცს, თუ ამ ფიცის დარღვევა მათთვის ხელსაყრელი იყო. უფრო მეტიც, როგორც გუილიომ რუბრუკისი მოგვითხრობს, „თათრები არასოდეს ამა თუ იმ ქვეყანას არ იპყრობდნენ თუ არ თვალთმაქობით; და როდესაც ისინი ვინმესთან მშვიდობიანობას ამყარებდნენ. ამას მის მოსასპობად იყენებდნენ“³. პლანო კარპინი კი საერთოდ უარყოფს მონღოლთა მიერ არა მარტო მიცემული სიტყვის დაცვას, არამედ ამბობს, რომ „ღეღამიწაზე არ მოიპოვებიან მათი მსგავსი მატყუარები სხვების მიმართ, მათგან თითქმის ვერასოდეს მართალს ვერ გაიგებთ. თავდაპირველად ისინი ალერსიანი არიან, მაგრამ ბოლოს მორიელებივით იკბინებიან, ვერაგები და მზაკვრები არიან და თუ მოახერხეს, ყველას ეშმაკობით ატყუებენ“⁴. გამოდის, რომ ეპითაღმწერლის ზემოაღნიშნული მტკიცება. — მონღოლები თავისი სიტყვის პატრონები იყვნენო. —

¹ ქართლის ცხოვრება, II, გვ. 189—190.

² ი. ცინცაძე, დასახ. ნაშრომი, გვ. 130.

³ მასალები საქართველოსა და კავკასიის ისტორიისათვის, ნაკვეთი V, თბ. 1942; გუილიომ რუბრუკისი, მოგზაურობა აღმოსავლეთის ქვეყნებში. გვ. 138.

⁴ პლანო კარპინი, დასახ. ნაშრომი, გვ. 16.

აშკარად არ შეეფერება სიმართლეს. და, რა თქმა უნდა, ნ. ურბნელი სწორი არაა, როცა ეამთაღმწერლის აზრს იზიარებს აღნიშნულ საკითხზე. ისტორიული მეცნიერება ყოველთვის დიდ ინტერესს იჩენდა საკითხისადმი. თუ როგორ შეძლეს მონღოლებმა, რომ ეკონომიურად და კულტურულად მათზე გაცილებით განვითარებული ქვეყნები თავიანთი ბატონობის ქვეშ მოექციათ. ეს საკითხი ნ. ურბნელსაც მსჯელობის საგნად გაუხდია და უნდა ითქვას, რომ იგი სწორად ხსნის მონღოლთა გამარჯვებების მიზეზს. მას მიაჩნია. რომ განვითარებული ფეოდალური ქვეყნისათვის დამახასიათებელია შინაფეოდალური შუღლი და მტრობა, რაც სახელმწიფოს პოლიტიკურ სხეულს ასუსტებს და ბრძოლის და გამარჯვების უნარს ართმევს მას. ამიტომ იყო, რომ, როგორც ნ. ურბნელი წერს, „თვით მონგოლებიც ენმარებოდნენ და ხელს უწყობდნენ ფეოდალების გაძლიერებას, რადგან ეს მათთვის სასარგებლო იყო... ეს უკანასკნელი ხო ასუსტებდა ერის ძალ-ღონეს და უცხოელი მტრობის ბატონობას უფრო ფრთებს ასხამდა. მონგოლების დროსაც ასე იყო. და. რასაკვირველია. რომ იგინი ზრუნავდნენ, შფოთი და შინაური აღრევა არ დაკლებოდა საქართველოს“.¹ მონღოლები, როცა ისინი საერთაშორისო ასპარეზზე გამოვიდნენ და თავიანთი დაპყრობებით თავზარი დასცეს ბევრ კულტურულ ქვეყანას, თვითონ საზოგადოებრივ-ეკონომიური თვალსაზრისით განვითარების უმდაბლეს საფეხურზე იდგნენ, მაგრამ ამ გარემოებას მათთვის ხელი არ შეუშლია სამხედრო წარმატებაში, რადგან „მონღოლთა დაპყრობითი ომების წარმატებებს მნიშვნელოვნად შეუწყო ხელი დაპყრობილი ქვეყნების შინაგანმა ვითარებამ, ფეოდალურმა ომებმა, გამწვავებულმა კლასობრივმა ბრძოლამ“.² რაც მონღოლთა აღრეფეოდალური სახელმწიფოსთვის ჯერ კიდევ აღრე იყო, მაგრამ როცა მათ სახელმწიფოშიც ანალოგიური პროცესები დაიწყო, ფეოდალური შუღლი და მტრობა ჩამოვარდა, როცა მონღოლ ყაენებს თავის დღით სიკვდილი სანატრელი გაუხდათ, მათ მიერ შექმნილი უზარმაზარი სახელმწიფო კი ფეოდალურ სამთავროებად დაიშალა—„...на отдельные независимые части, главным образом потому, что основана была не только на родовом, но и на феодальном принципе“.³

¹ ნ. ურბნელი, დასახელებული ნაშრომი, გვ. 17—18.

² ვ. გაბაშვილი, მახლობელი აღმოსავლეთი მონღოლთა შემოსევის პერიოდში, მონღოლები, ნარკვევები მახლობელი აღმოსავლეთის ისტორიიდან. 1957, გვ. 162.

³ Г. Я. Владимиров, Общественный строй монголов, Л., 1934, стр. 124.

ეს მოვლენა კარგად აქვს დანახული ნ. ურბნელს და სწორედ ამით ხსნის იგი გიორგი ბრწყინვალის გამარჯვებას: „ფრთხილი მეფე ბარჯვე დროს ელოდა და საბედოდ დროც მალე დაუდგა. საქმე ისაა, რომ საყუენოში შფოთი და განხეთქილება ასტყდა. ნონებმა მოჰკლეს მცირეწლოვანი მუსაით ყაენი, თვით მძლავრი ჩოფანი ყაენ აბუ-საიდის ბრძანებით დაარჩეს 1327 წ. ქ. პერათში და მონგოლთა სამფლობელო ექვს ნაწილად განიყო, ყაენის ძალა შემცირდა“¹.

როგორც ვხედავთ, ნ. ურბნელი საკმაოდ კარგად ერკვევა სოციალურ-საზოგადოებრივ კანონზომიერებაში და ამ კანონზომიერებით განპირობებულ მოვლენათა ახსნაში. მან ისიც კარგად იცის, რომ მახვილით და შიშველი ძალით გაერთიანებული სახელმწიფოების არსებობას დიდი დღე არ უწერია, რომ იგი ბოლოს და ბოლოს ისევ მახვილის მსხვერპლი ხდება. ამიტომ როცა მონღოლთა სახელმწიფოს დაცემის საკითხს ვხედავ, ნ. ურბნელი წერს: „მთელი მათი სიციოცხლე ომიანობასა და სისხლის ღვრაში დაილია და ბოლოს ხომ, რაც მახვილით დაარსდა, მახვილმავე შთანთქა და იმსხვერპლა“².

ვერ გავიზიარებთ ნ. ურბნელის აზრს იმის შესახებ, რომ ქართველთა „ომსა შინა სიმტკიცეს მონგოლებიც ხედავდნენ და ქართველობა ლაშქრობის დროს მოწინავე რაზმად ჰყვანდნენ კიდევ. ამას თანამედროვენიც კმოწმობენ“-ო, თავისი აზრის დასამტკიცებლად ნ. ურბნელი ზომებს ისტორიკოსს. მალაქიას, იმოწმებს. აქ სადავო ის კი არაა, რომ ქართველთა რაზმს მონღოლები წინა რიგებში აბრძოლებდნენ თუ არა (ეს ფაქტი თავისთავად მართალია), არამედ სადავოა ამ ფაქტის ახსნა იმ გარემოებით, თითქოს მონღოლები მოხიბლული იყვნენ ქართველთა ვაჟკაცობით და მხოლოდ ამიტომ უშვებდნენ მათ თავიანთ რაზმებზე წინ. ეს მოსაზრება არაა სწორი. მონღოლები ასევე წინა რიგებში გზავნიდნენ ბრძოლის დროს რუსთა, სომეხთა და სხვა დაპყრობილი ქვეყნიდან გამოყვანილ რაზმებს. როგორც პლანო კარპინი მოგვითხრობს, ისინი „მტრის წინააღმდეგ ტყვეებისა და სხვა მათთან მყოფი ადამიანების რაზმებს იფარებენ. ხანდახან ამ მოწინავე რაზმში თათრებიც ურევიათ“⁴. პლანო კარპინის მიერ დამოწმებული მონღოლთა ასეთი ხერხი ბრძოლის დროს, როგორც ჩანს, ნაკარნახევი იყო საკუთარი სიცოცხლის შენარჩუნების ინსტიქტით, ხოლო მათთვის ამ შემთხვევაში გადამწყვეტი მნიშვნელობა არ ჰქონდა იმას, საფარი რაზმები მამაცებისაგან იქნებოდ-

1 ნ. უ რ ბ ნ ე ლ ი. დასახ. ნაშრომი, გვ. 73—74.

2 ი ქ ვ ე, გვ. 22.

3 ი ქ ვ ე, გვ. 25.

4 პ ლ ა ნ ო კ ა რ პ ი ნ ი, დასახ. ნაშრომი, გვ. 33.

ნენ შედგენილი თუ არა. მით უმეტეს. რომ აღნიშნულ რაზმებს უკან დახვევის და საერთოდ თავისუფალი მოქმედების საშუალება მოსპობილი ექნებოდათ. ამ მიზნით ერივნენ ალბათ აღნიშნულ რაზმებში, როგორც პლანო კარპინი ამბობს, თვით მონღოლთა შემოღობიც. რომლებიც უკან იშვიათად იხევდნენ, რადგან: „железная дисциплина в Чингисовых войсках поддерживалась под страхом смертной казни за малейшие нарушения“¹.

როგორც ცნობილია, საქართველოში მეფე რუსუდანის გარდაცვალების შემდეგ უმეფობის ხანა ჩამოვარდა, ვინაიდან დავით რუსუდანის ძე დიდ ურდოში, ყაენის კარზე იყო გაგზავნილი და მისი ბედის შესახებ საქართველოში დანამდვილებით არაფერი იცოდნენ. როგორც უამთააღმწერელი გვაუწყებს, „მაშინ შეკრბეს დიდებულნი ამის სამეფოსანი, რამე თუ ეგულებოდა მთავარ ყოფა მათ ზედა ეგარსლანისი, არა მათგან უგუარიანესისა კაციისა; ამისთვის შეკრბეს მთავარნი ამერის საქართველოსანი; შანშე, ვარამ გაგელი, ყუარყუარე ჭაყელი, სარგის თმოგუელი, კაცი მეცნიერი და ფილოსოფოსი და რიტორი, სურამელი გრიგოლ, ქართლის ერისთავი გამრეკელი თორელი, ორბელნი, და მრავალნი ერისმთავარნი, და ძებნა ყვეს ლაშას ძისა დავითისათჳს“². შემდეგ კი, როგორც უამთააღმწერელი გადმოგვცემს, ქართველ თავკაცებს მონღოლებისათვის მიუმართავა და დავით ლაშას ძე მეფედ დასამტკიცებლად გაუგზავნიათ ბათო ყაენთან. ბათოს კი თავის მხრივ იგი მანგუ ყაენთან გაუგზავნია დიდ ურდოში. ამ დროს მონღოლებთან მყოფი დავით რუსუდანის ძე კოცხალი და ჭანმრთელი ყოფილა და, როგორც პლანო კარპინი გადმოგვცემს, თურმე დავით რუსუდანის ძეს ბევრი საჩუქრები დაურიგებია ყაენის კარზე, რომ საქართველოს მეფედ დაემტკიცებინათ. „განსაკუთრებით ბევრი საბოძვარი გასცა კანონიერმა ვაჟმა, რომელიც ითხოვდა, რომ მისთვის დაებრუნებიათ მამის მიერ დავითისათვის დატოვებული მამული, ვინაიდან, მისი სიტყვით, ის მრუშობის ნაყოფი იყო და არ შეეძლო მისი ფლობა. დავითი კი უპასუხებდა: თუმცა მე ხასის შვილი ვარ, მაგრამ სამართალს ვთხოვლობ თათრების კანონის მიხედვით, რომელიც არავითარ განსხვავებას არ ხედავს კანონიერი ცოლისა და მხეველის მიერ დაბადებულ ვაჟებს შორისო“³ — მოგვითხრობს პლანო კარპინი, პლანო კარპინის ცნობას

¹ Ш. Саядаг, Образование единого Монгольского государства и Чингизхан. Татаро-монголы в Азии и Европе, М., 1970, стр. 39.

² ქართლის ცხოვრება, II, გვ. 217—218.

³ პლანო კარპინი, დასახ. ნაშრომი, გვ. 37.

ადასტურებს ქამთააღმწერელიც და იგი დაწვრილებით მოგვითხრობს ორ დავითს შორის დავას, რომელთაც, რა თქმა უნდა, თავთავის მომხრეები ჰყავდათ და ორივე მხარეს თავიანთი საბუთები მოჰქონდათ, თუ ვის ერგებოდა ტახტი — დავით გიორგის ძეს, თუ დავით რუსუდანის ძეს. საბოლოოდ საქმე ასე გადაწყვეტილა. ყაენს უნებებია ორივე დავითი მეფედ დაემტკიცებინა და საქართველოში გამოეგზავნა.¹

ისმის კითხვა, რატომ დაამტკიცეს მონღოლებმა ორივე დავითი საქართველოს მეფეებად. რით ხელმძღვანელობდა ამ შემთხვევაში ყაენი? ნ. ურბნელის აზრით, ყაენმა საქართველოში ორი მეფე იმიტომ დაამტკიცა, რომ მათ შორის მტრობა ჩამოეგდო, რაც საქართველოს სახელმწიფოს ძლიერებას მუდმივ საფრთხეს შეუქმნიდა. მონღოლებს კი საბაბს მისცემდა ყოველთვის ჩარეულიყვენ საქართველოს სამეფოს შინაურ საქმეებში. როცა მონღოლებმა „ერთად ორი მეფე დააბრძანეს ტფილისში, ორსავეს ერთნაირი უფლება აქვთო!... დიდი ჭირი და სენი შესძღვნა ამ ამბავმა ჩვენს სამშობლოს“² — წერს ნ. ურბნელი. მას მიაჩნია, რომ ორმეფობა საქართველოში „პირდაპირი შედეგი იყო მონღოლების ბატონობისა და იმათის პოლიტიკურის მანქანებისა. აქ, ამ ბატონობასა და მანქანებში ჩაისახა ზოროტება, რომელიც ნელ-ნელა ასუსტებდა და ჰღრღნიდა ჩვენს ერთობას“.³ იმ საკითხს, თუ, რატომ სჭირდებოდათ მონღოლებს საქართველოში ერთ და იგივე დროს ორი მეფის დასმა, ეხება განსვენებული პროფესორი დავით გვრიტიშვილი. აი, რას წერს იგი: „როგორც ვიცით, დავით ლაშას-ძე და დავით რუსუდანის-ძე გიუქ ყაენმა ორივე საქართველოს მეფედ დაამტკიცა. მაშინ ორმეფობას საქართველოს ორ სამეფოდ გაყოფა არ მოჰყოლია. ვიცით, რომ მონღოლთა თვალში დავით ლაშას-ძე უფროსი იყო და დავით რუსუდანის-ძე — უმცროსი. იბადება კითხვა: მონღოლებმა ყოველივე ეს ხომ არ გააკეთეს იმიტომ, რომ ამ ორ მეფეს შორის შინაგანი მტრობა ჩამოეგდოთ? უნდა ვიფიქროთ, რომ გააკეთეს“.⁴

ჩვენი აზრით, დავით ლაშას ძესა და დავით რუსუდანის ძეს შორის მდგომარეობა ჯერ კიდევ მაშინ გამწვავდებოდა, როცა ისინი ყაენის კარზე თავიანთი უფლებებისათვის იბრძოდნენ. საერთოდ კი საეჭვოა, საქართველოს ორ მეფეს ერთმანეთის გვერდით სრუ-

¹ ქართლის ცხოვრება, 11, გვ. 226.

² ნ. ურბნელი, დასახ. ნაშრომი, გვ. 15.

³ იქვე.

⁴ დ. გვრიტიშვილი, ნარკვევები საქართველოს ისტორიიდან, 1962, გვ. 213.

ლი თანხმობით ეცხოვრათ და ერთნაირი საშინაო და საგარეო პოლიტიკა ეწარმოებიათ. ამ ექვს ისიც აძლიერებს, რომ, როგორც ქამთაალმწერელი მოგვითხრობს: „ესენი უმრავლესსა ქამსა ულო ყაენს წინაშე იყვნენ და ულო ლაშას ძისა დავითისთჳს უმეტეს მოყვარულ იყო, და რუსუდანის ძისა დავითისთჳს მოძულე“¹. აკად. ივ. ჭავჭავიძემაც საგანგებოდ აღნიშნა, რომ ორ მეფესა და მათ მომხრეებს შორის, „შუღლი“ და „აშლილობა“ სუფევდა². ასე რომ არ ყოფილიყო და ორივე დავითს თანხმობითა და სიყვარულით განეგოთ საქართველოს ტახტი, ეს მონღოლთათვის მოულოდნელი იქნებოდა. ასე რომ, ნ. ურბნელის მტკიცება იმის შესახებ, რომ მონღოლთა ყაენს საქართველოს სამეფო ტახტზე ორი პიროვნების დასმით საქართველოს დასუსტება და შინაური აშლილობის გამოწვევა სურდაო, მართებული უნდა იყოს. ნ. ურბნელს ერთ ადგილას აღნიშნული აქვს: „არ შეიძლება ვსთქვათ, რომ მონღოლებს სამხედრო ნიჭი და ალლო აკლდათ“³. გარდა ამისა, იგი მონღოლთა მოქმედებაში, მათს საზოგადოებრივ-პოლიტიკურ წყობილებაში, მათ მიერ წარმოებულ ომებში ქვეყნისა და ყოფა-ცხოვრების ხასიათში ბევრს ვერაფერს ხედავს დადებითს, ამავე დროს ქამთაალმწერლის მისამართით წერს: „ჩვენი მატთანე ქებით იხსენიებს მონღოლებს, მაგ., ყოველი სიბრძნე იპოებოდა მათ შორის და ყოველი გონიერება მოეგოთ და სხვა“⁴. მართალია, ნ. ურბნელი საგანგებოდ არ აკრიტიკებს ქამთაალმწერელს მონღოლთა ასეთი ქებისათვის, მაგრამ რაკი თვითონ მსგავს ღირსებას არასოდეს მიაწერს მათ, აშკარაა, რომ ქამთაალმწერლის საქციელი არ მოსწონს, არ იზიარებს ამ შემთხვევაში მის შეხედულებას და მიაჩნია, რომ რაღაც სუბიექტური მიზეზის გამო ქამთაალმწერელი მონღოლებს დაუმსახურებლად აქებს. მართლაც, ქამთაალმწერლის თხზულებაში არც ისე ძნელია ეიპოვოთ მონღოლთა ღირსებების აღნიშვნა, რაც სხვა წყაროთა ჩვენებებს არ ემთხვევა და რასაც, ჩვენი აზრით, მხოლოდ ამ ნიჭიერი, განათლებული, განსწავლული და დაკვირვებული ისტორიკოსის მიუხვედრელობით, ანდა მის მიერ მონღოლთა ზნე-ჩვეულებების ნაკლები ცოდნით ვერ ავხსნით, მით უმეტეს, რომ, როგორც პროფ. კ. გრიგოლია აღნიშნავს, „მის თხზულებაში. მართლაც მონღოლუ-

1 ქართლის ცხოვრება, II, გვ. 228.

2 ივ. ჭავჭავიძე ილი, ქართველი ერის ისტორია, III, გვ. 170—171.

3 ნ. ურბნელი, დასახ. ნაშრომი. გვ. 25.

4 იქვე, გვ. 5.

რი ენის, მათი ყოფის და ისტორიის საფუძვლიანი ცოდნის მაუწყებელი მაგალითები საკმაოდ მოგვეპოვება“.¹

ჩვენ ზემოთ უკვე გვქონდა მსჯელობა იმ საკითხზე, თუ როგორ „სიმტიცეს“ იჩენდნენ მონღოლები საზავო ხელშეკრულების თუ მიცემული სიტყვის შესრულების დროს და ვნახეთ, რომ პლანო კარპინი და გუილიომ რუბრუკისი, რომლებიც გასაოცარი დაკვირვების ნიჭს იჩენენ და რომლებსაც ვერაფერიათაჩი გაქირვება, სიცივე, უბინაობა, დაღლილობა, სიკვდილის შიში ხელს ვერ უშლის მონღოლთა სახელმწიფოში მოგზაურობის დროს შეკრიბონ და მოგვაწოდონ მონღოლთა შესახებ ეთნოგრაფიული, გეოგრაფიული და ისტორიული ცნობები, ერთხმად აღიარებენ მონღოლთა გაუტანლობას, მატყუარობას, ზავისა და ხელშეკრულების არად ჩაგდებას, როცა ეს მათთვის სასარგებლოა. ეამთაღმწერელი კი, პირიქით, მონღოლთა ერთ-ერთ საუკეთესო თვისებად სწორედ იმას მიიჩნევს, რომ ისინი არასოდეს სტყუიან ფიცის შესრულების დროს და ამბობს „სიტყვა ტყუილი არა ამოვიდეს პირით მათით“.² მონღოლებმა კი პირველივე გამოჩენისთანავე ამიერკავკასიაში თავიანთი მოქმედებით არა ერთგზის დაამტკიცეს, რომ მათი ნდობა და მათთვის დაჭერება დაღუპვას უდრიდა. აი, ორი მაგალითი: «После взятия Шемаха, Джебе и Субедей двинулись на север. На пути их стояли неприступные укрепления Дербента. Джебе и Субедей обратились к его правителю ширваншаху Рашиду с предложением заключить мир. Поверив им, Рашид направил к монголам 10 послов. Но одного из них монголы убили, а остальных заставили под угрозой смерти указать им горные проходы мимо дербентских укреплений»³.

„Их единственной целью было покорить себе всех. Чтобы достичь этого, они не брезгали никакими средствами. Так, например, все те князья, которые в первый период подчинялись монголам и верно служили им, все равно были уничтожены“⁴.

პლანო კარპინი კი საგანგებოდ აღნიშნავს: როცა მონღოლები „ციხე-სიმაგრესთან სდგანან, ალერსიანი სიტყვებით ატყუებენ ალყა შემორტყმულთ და მრავალ რამეს აღუთქვამენ მათ, რათა ისინი დანებდნენ. ხოლო თუ მართლა დანებდნენ, ეუბნებიან გამოდით, რათა აღვრიცხოთ ჩვენი წესის მიხედვით. როცა ისინი გამოდიან, თათრები ჰკითხავენ, რომელმა თქვენგანმა იცით რამე ხელობაო და ასეთებს

¹ ქართული ისტორიოგრაფია, I, 1968, გვ. 90.

² История СССР, т. II, 1966, стр. 39.

³ А. Галстян, Завоевание Армении монгольскими войсками. Татаро-монголы в Азии и Европе, 1970, стр. 171.

სტოვებენ: სხვენს კი, იმათ გარდა. რომელთაც მონებად იხდიან, ნაჯახით თავს სჭირიან¹. პლანო კარპინის აზრს იცავს გუილიომ რუბრუკეისიცი მონღოლთა „პირის სიმტკიცის“ შესახებ². ამ მოგზაურთა ცნობები კი აუცილებლად ანგარიშგასაწევი და უმეტეს შემთხვევაში სანდოა. „Особенно ясными и точными сведениями отличается отчет Вильгельма Рубруквиса, хорошо подготовившегося к далекому путешествию. Он отличал выдумку от правды, тщательно выбирая крупинки истины для своего отчета“³. როგორც აღენიშნეთ, ჟამთააღმწერელი კარგად იცნობს მონღოლებს, მათ ზნე-ჩვეულებებს, ყოფაცხოვრებას. ჩვენ ვიტყვით, რომ იშვიათთა საერთოდ მონღოლთა შესახებ დაწერილი ნაშრომი, სადაც თუნდაც მათი ფიზიკური დახასიათება ისეთი სისრულით იყოს წარმოდგენილი, როგორც ეს ჟამთააღმწერელსა აქვს მოცემული. საოცარ სიზუსტეს იჩენს იგი მონღოლთა ფიზიკური აღნაგობის გადმოცემისას, როცა წერს: „თუალითა მცირე ჭურჭიტ და გრემან, განზიდულ და საჩინო; თავითა დიდ, თითა შავ და კშირ, შუბლბრტყელ, ცხვრითა მდაბალ ესოდენ, რომელ დაწუნი უმალეს იყვნინან ცხვირთა და მცირედნი ოდენ ნესტუნი ჩნდიან ცხვირთა, ბაგენი მცირე, კბილნი შეწყობილნი და სპეტაკ. ყოვლად უწყურული“⁴. ერთი სიტყვით, ჟამთააღმწერელი კარგად იცნობს მონღოლებს და, მიუხედავად ამისა, ხშირად მათ მიაწერს ბევრ ისეთ თვისებას, რაც სინამდვილეს არ შეეფერება. ჩვენი აზრით, ეს უნდა აიხსნას წინასწარი განზრახვით და არა სინამდვილის უცოდინრობით. მაგალითად, როცა ჟამთააღმწერელი ამტკიცებს, რომ მონღოლები არასოდეს სტყუიან ფიცის მიცემის შემთხვევაში და თავიანთ ხელშეკრულებას მტკიცედ იცავენო, ამით მას სურს გაამართლოს ამირსპასალარ ავაგ ივანეს ძის მოქმედება და უნდა დაუმტკიცოს მკითხველს, რომ ავაგ ივანეს ძე ბრმად კი არ მინდობია მონღოლებს, არამედ ეს მისი მოფიქრებული პოლიტიკური ნაბიჯი იყო, რადგან მან კარგად იცოდა, რომ მონღოლები ზავისა და ფიცის დადების დროს არ სტყუოდნენო. ეს ტექსტიდანაც კარგად ჩანს. ჟამთააღმწერელი საგანგებოდ აღნიშნავს, რომ: „ამით ოქროთა საფიცრითა დაუმტკიცეს მოციქულთა ავაგისთა ფიცი, რომლითა დაქერებულ იქმნა, ამისთვის რომელ არა იყო ტყუილი, არცა სიცრუე ფიცთა მათ შორის“⁵.

¹ პლანო კარპინი, დასახ. შრომა, გვ. 34.

² გუილიომ რუბრუკეისი, დასახ. შრომა, გვ. 138.

³ Э. М. Мурзаяев, Монгольская Народная Республика, М., 1952,

стр. 65.

⁴ ქართლის ცხოვრება, II, გვ. 158.

⁵ იქვე, გვ. 190.

საერთოდ, ჟამთააღმწერელი მეფეთა და დიდაზნაურთა სამხედრო პოლიტიკურ მოღვაწეობას აღწერს; ესაა მისი, როგორც ისტორიკოსის ძირითადი ამოცანა. ამიტომ, ბუნებრივია, მათი მოღვაწეობის გამართლებებისათვის ზოგჯერ იგი სიმართლეს დალატობს. გარდა აღნიშნული მოტივისა, კიდევ ერთი გარემოებით უნდა იყოს გამოწვეული ჟამთააღმწერლის, თუ შეიძლება ასე ითქვას, „ლიბერალიზმი“ მონღოლების მიმართ. აი, რა მიგვაჩინია ჩვენ ასეთ გარემოებად. ჟამთააღმწერელი სასულიერო პირი ჩანს (ეს აზრი დღეს შეწყნარებულია ქართულ ისტორიოგრაფიაში როგორც პროფ. კ. გრიგოლია ამტკიცებს: „რადგანაც ჩვენ ჟამთააღმწერლის მედასეობის საკითხი გამორკვეული გვაქვს და მისი მაღალი სამღვდელოებისადმი კუთვნილებაში ეჭვი არ გვეპარება, ვფიქრობთ, არ შეეცდებით, თუ ვიტყვით, რომ ის XIV საუკუნის შუა წლების ერთ-ერთი მაწვერელი ან უფრო ოპიზარ-მაწვერელი უნდა ყოფილიყო“¹). ამასთან ერთად, ცნობილია, რომ მონღოლები სასულიერო პირთ ნაკლებად ერჩოდნენ და ეკლესიის მიმართ ნაკლებ სიმკაცრეს იჩენდნენ, განსაკუთრებით თავიანთი ბატონობის პირველ პერიოდში. მონღოლთა აღნიშნული მოქმედება ალბათ გამოწვეული იყო წინდახედული პოლიტიკის შედეგად. ისინი ვარაუდობდნენ, რომ ეკლესია ასეთ შემთხვევაში ნაკლებ თაოსნობას გამოიჩენდა აემხედრებინა ხალხი დამპყრობელთა ბატონობის წინააღმდეგ. რასაც, რა თქმა უნდა, დიდი მნიშვნელობა ჰქონდა მტრების სასარგებლოდ. ჟამთააღმწერელი კი, როგორც ჩანს, ეკლესიის მიმართ მონღოლთა შედარებით ლოიალურ დამოკიდებულებაში თითქოს უფლის ნებას ხედავს და ამბობს: „ხოლო ითქვა ესეცა, ვითარმედ ჩინგიზ-ყაენი აღვიდა მთასა მაღალსა, და გამოუჩნდა უფალი იესო ქრისტე, ღმერთი ყოველთა, და მან ასწავა სამართალი, სჯული, სიწმინდე და სიმართლე, ტყუილისა, პარვისა და ყოვლისა ბოროტისაგან განშორება და რქუა: „თუ მცნებანი ესე დაიმარხე, ყოველი ქუეყანა შენთვის და ნათესავსა შენისათვის მიეცემიეს, წადი და აღიღე ყოველი ქუეყანა, რაოდენი გეძლოს“².

ნაკლებ სარწმუნო იქნება, თუ ჟამთააღმწერლის მიერ აღნიშნული ზღაპრის სინამდვილედ გასაღებას მისი გულუბრყვილობით ავხსნით. ცხადია, ჟამთააღმწერელი ამას შეგნებულად აკეთებდა. ამ მხრივ ჟამთააღმწერელი გამონაკლისს არ წარმოადგენს. მონღოლების შესახებ მსგავსი ცნობები დაცულია ძველ სომხურ წყაროებშიც.

¹ ქართული ისტორიოგრაფია, I, 1968, გვ. 80.

² ქართლის ცხოვრება, II, გვ. 162.

მაგალითად, სომეხი ეპისკოპოსი სტეფანოსი აბაღა ყაენის სიკვდილთან დაკავშირებით წერს: „Умер в Хемхане (Хамадан — А. Г.) добрый миротворец наш Абагахан“¹. ხომ ფაქტია, რომ სტეფანოსი აქ აბაღა ყაენის შესახებ სიმართლეს არ წერს. ერთი სიტყვით, ჩვენ მიგვაჩნია, რომ ემთააღმწერლის თხზულებაში არ უნდა იყოს მოულოდნელი მონღოლთა არც თუ იშვიათი ქება, რაც სიმართლეს არ შეეფერება. ამიტომ ნ. ურბნელის პოზიცია გამართლებულად მიგვაჩნია, როცა ის არ იზიარებს ემთააღმწერლის ზოგადი ცნობას მონღოლ დამპყრობთა სიავკარგის შესახებ. ნ. ურბნელი საფუძვლად და ფართოდ განიხილავს გიორგი ბრწყინვალის ღვაწლს, რამდენადაც წყაროები ამის საშუალებას იძლევა.

როგორც ვიცი, გიორგი ბრწყინვალის პიროვნების შესახებ ძუნწი ცნობები მოგვეპოვება. გიორგი ბრწყინვალის მოღვაწეობის მეცნიერული შესწავლისათვის ნ. ურბნელს აუცილებლად მიაჩნია, უპირველეს ყოვლისა. განხილულ იქნეს საქართველოს მდგომარეობა მონღოლთა უღელქვეშ და მონღოლთა ბატონობის შედეგები. წინააღმდეგ შემთხვევაში, მისი აზრით, ძნელი შესაფასებელია გიორგი V მოღვაწეობა და მისი დამსახურება სამშობლოს წინაშე. ემთააღმწერლის თხზულებაშიც ძალიან უმნიშვნელო ცნობები მოიპოვება გიორგი ბრწყინვალის ეპოქაზე. როგორც ჩანს, „ქართლის ცხოვრების“ ეს ნაწილი დაკარგულია. მაგრამ ნ. ურბნელი შეეცადა ეპოქის მოვლენების ანალიზის საფუძველზე შეძლებისდაგვარად წარმოეჩინა და დაეხასიათებინა ამ ნიქიერი სახელმწიფო მოღვაწის საშინაო და საგარეო პოლიტიკა.

როგორც აღვნიშნეთ, ნ. ურბნელი, უპირველეს ყოვლისა, აღწერს, თუ რას წარმოადგენდა საქართველოს სახელმწიფო მეფე გიორგი დემეტრეს ძის ტახტზე ასვლის წინ. იგი შემადრწუნებლად გვიხატავს მონღოლთა ბატონობის შედეგს და წერს: „თვით-არსებობის მოსპობა, ყმობა ერისა სხვა ფერსა სდებს მის შინაურ ცხოვრებას, მაშინ ერის მთელი აგებულება მოღუწებულა, ყველა ძარღვი მოშლილია. ცხოვრება რიგსა და წესზე არ მიმდინარეობს. ზნეჩვეულება, სარწმუნოება, ერთი სიტყვით, ყველაფერი, რაც კი ერის „წმინდათა წმინდას“ შეადგენს, შერყეული და დარღვეულია. ეს ბოროტება თან მოჰყვა, რასაკვირველია, მონგოლების ბატონობასაც. ასეც უნდა მომხდარიყო, რადგანაც უცნაურმა და სასტიკმა ქარიშხალმა დაჰბერა ჩვენს ცხოვრებას და ეს უკანასკნელი წალეკა და სახე უცვალა, რაკი ქარიშხალის გამო ცხოვრების ჩარხი უკულმა

¹ А. Галстян, Завоевание Армении монгольскими войсками. Тугаро-монголы в Азии и Европе, М., 1970, стр. 171.

დატრიალდა, ცხოვრებასაც ყველაფერში უკუღმართობა დაეტყო“¹. და მართლაც, მონღოლების ბატონობას საქართველოში შეუძლებელია არ მოჰყოლოდა პოლიტიკური, ეკონომიური თუ მორალური დაქვეითება-დაცემა. როგორც აკად. ივ. ჭავჭავაძის აღნიშნავს, „მონღოლთა ყაენების ბატონობას მთელი საშინელება თვით მონღოლთა მთავრობის სათავეში მდგომ აბუსაიდ ყაენის იმ იერლაცშიც (ანუ სიგელში) არის კარგად აღბეჭდილი, რომელიც 1319 წლის ახლო ხანში გამოცემული იყო და რომლის სპარსულად დაწერილი ტექსტი სხვათა შორის ანისის მანუჩეს მიერ აგებულ მიზგითის კედლებზედაც იყო გამოკვეთილი. აბუსაიდ ბაჰადურ ყაენს ამ თავის ბრძანებაში ნათქვამი აქვს, რომ საქართველოში და საქართველოს ქალაქებში, მათ შორის ანისშიც, ისეთი უწყესობა ყოფილა, რომ კანონით განსაზღვრულ გადასახადს დამდასა და სამართლიან ბაჟს გარდა, თურმე სრულებით თვითნებურად და უკანონოდ მოხელეების მიერ მრავალი სხვადასხვა გადასახადი და გამოსადებელიც იკრიბებოდა. ამ მდგომარეობაში მყოფი საქართველოს ქალაქების მოსახლეობა ისე ყოფილა შევიწროებულ-შეწუხებული, რომ ხალხიო, ნათქვამი აქვს იერლაცში. ქალაქებიდან და სოფლებიდან გარბისო. ზან თავისი უძრავი და მოძრავი ქონება, სახლკარი მიატოვა და აიყარაო“².

როგორც ხედავთ, საქართველოს მცხოვრებნი იძულებული ხდებოდნენ სახლ-კარი, მამული მიეტოვებინათ და გაქვეუდრიყვნენ. ამაში ხედავდა ხალხი გამოსავალს, რომ თავი დაედგინა მტრის ბატონობასა და შეუბრალებელი ზოცვა-გლეჯისაგან. როგორც ვიცით, ყაზან-ყაენმა სცადა მდგომარეობა გამოეწორობინა. ეს, უპირველეს ყოვლისა, ყაზან-ყაენს სჭირდებოდა მონღოლთა საყაენოს ძლიერების შენარჩუნებისათვის, მაგრამ „საბოლოო ანგარიშში ყაზან-ყაენის „რეფორმებმა“ მარცხი განიცადა“³.

დასახელებული ადგილების გაუკაცრიელება კვლავ გრძელდებოდა. „შინაურმა უწყესობამ და გარეშე მტრის უღმობელმა მოპყრობამ შეარყია საეკლესიო წესწყობილება და ბიწიერების გზაზე დააყენა... ჩვენი წარსული ცხოვრება გვიმტკიცებს, რომ როცა მეფობა დასუსტებულა და უწყესობას დარჩენია ბურთი და მოედანი, მაშინ საწმენობაც შელახულა... მონგოლების ბატონობა ხელს უწყობდა ამგვარ მდგომარეობას და არა თუ მარტო საქალაქო ცხოვ-

¹ ნ. უ რ ბ ნ ე ლ ი, დასახ. ნაშრომი, გვ. 35.

² ივ. ჭ ა ვ ა ხ ი შ ვ ი ლ ი, ქართველი ერის ისტორია, III, 1966, გვ. 395—96.

³ ვ. გ ა ბ ა შ ვ ი ლ ი, მღხანთა ირანი XIV ს-ის პირველ ნახევარში. ნარკვევები მახლობელი აღმოსავლეთის ისტორიიდან, 1957, გვ. 212.

რებაში, არამედ სასულიეროშიაც უწესობა და უკუღმართობა განხორციელდა“.¹

უდავო ფაქტია, რომ მონღოლთა ბატონობამ საქართველოში თავისი „მსახვრალი“ გავლენა მოახდინა და ხანგრძლივი დროით დაამუხრუქა საქართველოს ეკონომიური, საზოგადოებრივი თუ კულტურული განვითარება. მაგრამ არ შეიძლება ითქვას, რომ ყველაფერი ჩაკედა, რომ „მთლად დაიშალა და დაირღვა სახელმწიფო ცხოვრება და როცა ამ ყოფა-ცხოვრებას თვალს ადევნებთ, ასე გგონიათ, თითქო ეს რაინდული და ოდესმე ბრწყინვალე დიდ-კაცობა განადირდა და გაველურდაო“.² ეს რომ ასე ყოფილიყო, ერთი ადამიანის. თუნდაც ისეთი ნიჭიერი პიროვნების, როგორც იყო გიორგი V. მოღვაწეობის მოკლე დრო არ იქნებოდა საკმარისი იმისათვის, რომ უკვე გიორგი V მეფობის ხანაში თბილისისათვის რომის პაპს „იოვანე XXII“ საუკეთესო, მეტად შესანიშნავი, ერთ სავსე მარჯვე და სიმდიდრით უხვი ქალაქი“³ ეწოდებინა. ჩანს, საქართველოს სახელმწიფო და ქართველი ხალხი მონღოლთა ბატონობის ძნელბედობის პერიოდშიც ინარჩუნებდა გარკვეულ ეკონომიურ-კულტურულ პოტენციალს, რამაც ხელი შეუწყო ჩვენი ქვეყნის სწრაფ მოღონიერებას, მონღოლთა უღლის გადაგდების პირველსავე წლებში. ნ. ურბნელს კარგად აქვს შეგნებული გიორგი ბრწყინვალის დამსახურება, სათანადოდ აქვს შეფასებული მისი ნიჭიერება, კარგი პოლიტიკური აზრო და. საერთოდ, გიორგი ბრწყინვალის მოღვაწეობის შედეგებიც სავსებით რეალურად აქვს ნაჩვენები. ჩვენ ვფიქრობთ რომ ნ. ურბნელის მიერ გიორგი ბრწყინვალის ღვაწლის შეფასება არ შეიძლება გადაჭარბებულად მიიღოს საქართველოს ისტორიის აღნიშნული ეპოქის მკვლევარმა. აი, რას წერს ნ. ურბნელი გიორგი ბრწყინვალის შესახებ: „იმ დიდსა და გრძელს სივრცეზედ, რომელიც მონღოლების მფლობელობას უჭირავს, გიორგი V განმარტოებით სდგას და აღმოსავლეთის ვარსკვლავივით ჰბრწყინავს, ელვარე სხივსა ჰფენს წინაპართა სამეფო გვირგვინს. მთელს ოცდარვა წელს სამეფო ტახტითგან ეს ვარსკვლავი აციხკროვნებდა სამშობლოს და ამ დროის განმავლობაში თვით სამშობლოც ფენიქსებრ განახლდა, განსპეტაქდა, პატივი და დიდება მოიხ-

1 ნ. უ რ ბ ნ ე ლ ი, დასახ. ნაშრომი, გვ. 38.

2 ი კ ე ე, გვ. 19.

3 მღვდელი მ ი ქ ე ლ თ ა მ ა რ ა შ ვ ი ლ ი, ისტორია კათოლიკოსისა ქართველთა შორის, ტფ., 1902, გვ. 32.

ვექა... არ ვიცით, რა უფრო უნდა გვაკვირვებდეს — იმისი ძლიერება, თუ სიბრძნე-გონიერება“.¹

უამთაღმწერელიც ხომ ასევე აღფრთოვანებულია გიორგი V პიროვნებით, როცა ალტაცებით მოგვითხრობს: „ოამეთუ მარტო იყო ძე დედისა, მარტო შვა დედამან; ვითარცა მარგალიტისათჳს თქჳულ არს მარტოება უმჯობესისათჳს, ეგრეთვე გიორგი იპოვა უმჯობესი ყოველთა კაცთა მის უამისათა, არა ოდენ კელმწიფეთა, არამედ ყოველთა კაცთა“.²

ნ. ურბნელმა, მიუხედავად იმისა, რომ იგი ასე წარმოაჩინს გიორგი V პიროვნებასა და მის დამსახურებას, კარგად იცის, რომ აღნიშნული მეფის წარმატებები სახელმწიფოებრივ სარბიელზე განაპირობა არსებულმა ისტორიულმა მდგომარეობამ; ამიტომ არის, რომ მას უპირველეს ყოვლისა საჭიროდ მიაჩნია განიხილოს ის ისტორიული სიტუაცია, რამაც ხელი შეუწყო მეფის ნიჭიერების გამოვლინებას. მას მიაჩნია, რომ თუ ტალანტს არა აქვს გამოვლინების ობიექტური პირობები, იგი უკვალოდ და უსახელოდ კედება და იკარგება. ნ. ურბნელი გიორგი ბრწყინვალის მოღვაწეობას აღარებს და ამსგავსებს დავით აღმაშენებლის მოღვაწეობას. მას აღნიშნული აქვს: „ბევრი საერთო თვისება და ღირსება მოიპოვება მათ შორის, დიდად მოგვანან იგინი ერთმანეთს, თითქო განგებამაც ერთნაირი ხედური არგუნა ამ ორ შესანიშნავ მეფეს, თითქო ბედის წერამ ერთსა და იმავე გარემოებაში ჩააყენა და მოათავსა ეს ორი საკვირველი ადამიანი“³.

განუზომელია გიორგი ბრწყინვალის ბრძოლა საქართველოს სახელმწიფოსათვის XII საუკუნის დროინდელი საერთაშორისო „წონისა“ და პოზიციების დასაბრუნებლად, მტრის წინააღმდეგ მოქნილი და მრავალგვარი პოლიტიკის საწარმოებლად, შინაური მტრების ასალაგმავად, სამართლისა და კანონის წონასწორობის აღსადგენად.

დავით აღმაშენებელმაც ხომ არსებითად მსგავსი პრობლემების გადაწყვეტას შეაღია სიცოცხლე. ამიტომ ძნელი არაა, აღნიშნულ მეფეთა ეპოქების შესწავლისას მკველვარმა მათ მოღვაწეობაში მსგავსება აღმოაჩინოს, საერთოდ კი, გიორგი ბრწყინვალეს განსაკუთრებული ადგილი უჭირავს ძველი საქართველოს პოლიტიკურ ისტორიაში და ამ მხრივ აქაც ნ. ურბნელის მიერ მინიშნებული მისი მსგავსება დავით აღმაშენებელთან მართებული უნდა იყოს.

1 ნ. უ რ ბ ნ ე ლ ი, დასახელებული ნაშრომ, გვ. 6—7.

2 ქართლის ცხოვრება, II, გვ. 286.

3 ნ. უ რ ბ ნ ე ლ ი, დასახ. ნაშრომი. გვ. 8.

ნ. ურბნელი, როგორც წესი, დიდ მნიშვნელობას ანიჭებს გამოჩენილი პიროვნების (მეფე იქნება იგი თუ სხვა ვინმე) აღზრდას, განათლებას, მწიგნობრობას, ზნეობას, კულტურას და სხვა ღირსებებს. გიორგი V შესახებ ჩვენმა საისტორიო მწერლობამ, როგორც ამას ნ. ურბნელი საგანგებოდ აღნიშნავს, ძალიან ცოტა რამ შეპოვინახა და თითქოს არაფერი ვიცით მეფის ბავშვობის წლების, მისი განათლების შესახებ. ბუნებრივია, ნ. ურბნელი ამ შემთხვევაში ვერ დაემყარებოდა ვერაფერსა და წყაროს, მაგრამ იგი მაინც ცდილობს შექმნას გარკვეული აზრი. თუ რა განათლება უნდა მიეღო მას. ეამთაღმწერლის თხზულებიდან ვიცით, რომ დემეტრე II უფლისწული გიორგი შეეძინა ბექას ასულისაგან. „ხოლო ასულმან ბექასამან ნათელ უშვა ძე მხოლო გიორგი, რომელი უკანასკელ ძმათა მისთა მეფე იქმნა“.¹ ეამთაღმწერელი გვაწვდის ასეთ ცნობასაც: როცა დემეტრე ყაენთან გამგზავრებულა და, რა თქმა უნდა, არ იცოდა დაბრუნდებოდა თუ არა ცოცხალი, თავისი ოჯახისათვის უზრუნია და პატარა გიორგი იშხანის ციხეში გაუგზავნია: „ხოლო ყრმა მცირე გიორგი წარგზავნა ტაოს, იშხანის ციხესა, ასპარაშენს და თვთ წარვიდა ურდოსა“.² როგორც ჩანს დემეტრე მეორეს თავისი ქონების ნაწილიც სიმამრთან, ბექა ჯაყელთან გაუგზავნია და შემდეგ ეს ქონება ბექას დემეტრეს ძის დავით მეექვსისათვის გამოუგზავნია თავისი შვილის სარგის ჯაყელის ხელით. „წარმოუგზავნა ძე თვისი სარგის უხუცესი და ყოველი საჭურქლე დიმიტრი მეფისა და სარტყელიცა იგი ძვირფასი“-ო,³ წერს ვახუშტი.

როგორც ვიცით, დემეტრე II მონღოლეთიდან აღარ დაბრუნებულა. არღუნ ყაენმა იგი 1289 წელს სიკვდილით დასაჯა. ამის შემდეგ, ბუნებრივია რომ გავლენიანი და ძლიერი ფეოდალი — ბექა ჯაყელი იზრუნებდა თავისი შვილიშვილის გიორგის ბედზე, მის აღზრდაზე, ვახუშტი საგანგებოდ აღნიშნავს იმ გარემოებას, რომ „გიორგის ზრდიდა პაპა თვისი ბექა ჯაყელი“⁴ და ვასაგებოა ბექა შვილიშვილს „წვრთნას“ არ მოაკლებდა მით უფრო, რომ იგი საქართველოს სამეფო ტახტის კანონიერი მემკვიდრე იყო. სწორედ ეს მოტივი მიაჩნია ნ. ურბნელს მის გარანტიად, რომ გიორგი V ბავშვობაში კარგი განათლება უნდა მიეღო. ნ. ურბნელი წერს: „არაა მოხსენებული, თუ როგორ აღიზარდა გიორგი V, თუმცა კი შეიძლება

¹ ქართლის ცხოვრება, გვ. 288.

² ვახუშტი, საქართველოს ისტორია. ნაწ. I. ტფ., 1885. გვ. 201.

³ იქვე.

⁴ იქვე.

ვიფიქროთ, რომ მეფეს დროს შესაფერად საუკეთესო აღზრდა უნდა მიეღო. ამ აზრს ჩვენ ბექას ცხოვრებასა და ხასიათზედ ვაფუძნებთ“¹.

ბავშვის აღზრდაზე, მის სულიერ ჩამოყალიბებაზე დიდ გავლენას ახდენს საზოგადოება, რომელშიც იგი იზრდება და, ნ. ურბნელის აზრით, მომავალი მეფე ამ მხრივ უზრუნველყოფილი იყო. მას თვალწინ ჰქონდა „პაპის სახელოვანი ცხოვრება, თითონ სახლში კიდევ სამაგალითო ოჯახობა — განა ყველა ეს საუკეთესო სკოლა არ იყო? კერძო ცხოვრებაშიაც ბექა ხასიათითა და თვისებით აღმატებოდა ყველა თანამედროვე მთავარს, . . . კაცი წარმატებული ყოველსა შინა, სიკეთე აღმატებული საღმთო საკაცობითა საქმეთა. . . . იმ დროის აღზრდა და განათლება თხოულობდა, დიდის ოჯახის შვილი ყოფილიყო ნამდვილი ქრისტიანე, საღმთოს მცოდნე და მერე მეომარი“². ყველა ეს თვისება და ღირსება, ნ. ურბნელის აზრით, პატარა გიორგის შეეძლო თავისი პაპის — ბექა ჭაყელის სახლში მიეღო და შეეთვისებინა. „რასაკვირველია, — წერს ნ. ურბნელი, — საბუთების უქონლობის გამო, მარტო ისტორიულს სინტეზს ვერ ვენდობით და გადაჭრით ვერ ვიტყვი, რა სწავლა და მიმართულება შეიძინა გიორგიმ პაპის სახლში, მაგრამ ის კი უტყუარია, რომ მას ბევრი თვისება და ხასიათი გამოჰყვა თავისის პაპისა. აბა კარვად ჩაუყვირდით მეფის სულსა და გულს, თუ დიდი მსგავსება რა ჰპოვოთ“³.

როგორც ვიცით „ძეგლის დება“ მრავალმხრივ საყურადღებო ნაშრომია და პირველ რიგში მას ძველი ქართული სამართლის შესასწავლად ენიჭება დიდი მნიშვნელობა. უნდა ვიფიქროთ, რომ სამართლის ცოდნა უცხო არ უნდა ყოფილიყო გიორგი ბრწყინვალისათვის, რომლის მეფობის ხანაში შეიქმნა სამართლის ეს საყურადღებო ძეგლი. ნ. ურბნელი გიორგი V განათლებას და ცოდნას სამართლის დარგში მეფის ბავშვობის წლებს უკავშირებს და მიაჩნია. რომ პაპის ოჯახში, სადაც განუწყვეტლივ არსებობდა სჯულისა და კანონის სიყვარული, ოჯახში, რომელიც „თითქოს იურიდიულ სკოლად გადაიქცა“ და შემდგომში „ბექა მეორემ და აღბულამ მთელი სამართლის წიგნი დაუტოვეს სამშობლოს, გიორგი მეფესაც სამართლის მოქმედება დასჩემდა და, ვინ იცის, იქნება ძეგლის დების ავტორი პაპის სახლშიაც სწავლობდა კანონ-მდებლობას“⁴. ჩვენ ხომ

¹ ნ. უ რ ბ ნ ე ლ ი, დასახ. ნაშრომი, გვ. 46.

² ი ქ ვ ე. გვ. 50—51.

³ ნ. უ რ ბ ნ ე ლ ი, დასახ. ნაშრომი, გვ. 52.

⁴ ი ქ ვ ე, გვ. 53.

ვიციტ. რომ ბექამ შეადგინა სამცხის ფეოდალური სამთავროს სჯულ-მდებლობა „წიგნი სამართლისა კაცთა შეცოდებისა ყოველსავე“. შემდეგ ბექა-ადბუღას სამართალი ხომ სამართლის შესანიშნავი ძეგლია. მართალია, რომ ჭაყვლების განთქმულ ოჯახში იმთავითვე არსებობდა სამართლის სწავლისა და ცოდნის ტრადიცია, როცა მომავალი მეფე თავისი პაპის „ბექა I“ სახლში იზრდებოდა. ეპითაღმწერელიც სომ თითქოს საგანგებოდ უსვამს ხაზს იმ გარემოებას, რომ გიორგი V თავისი პაპის, დიდი ბექას, აღზრდილია. „აქა დაიწყო აღმოცენებად ძემან მეფისამან გიორგი, რომელი აღეზარდა პაპსა მისსა დიდსა ბექასა“¹. ეპითაღმწერელი, როგორც ვხედავთ, ყურადღებას ამაჩვილებს იმ ფაქტზე, რომ გიორგი V დიდმა ბექამ აღზარდა. ამ განცხადებით იქნებ უფრო მეტის თქმა სურდა ისტორიკოსს, ვიდრე უბრალოდ ფაქტის აღნიშვნა წარმოადგენს. ბექას ხომ მთელი საქართველო იცნობდა და აფასებდა. ეპითაღმწერელიც, ალბათ, მისგან აღზრდას. თუნდაც უფლისწულისას, აღზრდილის პრივილეგიად მიიჩნევდა.

მართალია, ჩვენ მიერ მოყვანილი ნ. ურბნელისეული არც ერთი მოსაზრება გიორგი ბრწყინვალის ბავშვობისდროინდელი განათლების შესახებ წყაროებს არ ეყრდნობა. მაგრამ მაინც ვფიქრობთ, რომ აღნიშნული მოსაზრებანი სავარაუდოა, და თუ საერთოდ პიროვნების ჩამოყალიბებისათვის მისივე საკუთარ ბიოგრაფიას მნიშვნელობა ენიჭება, რაშიც ექვის მიტანა ძნელია. ნ. ურბნელის ზემოხსენებულ სავარაუდო მოსაზრებებსაც გიორგი ბრწყინვალის პიროვნების შესწავლისათვის გარკვეული მნიშვნელობა აქვს.

ნ. ურბნელს კარგად აქვს გაანალიზებული თუ რა პოლიტიკურმა გარემოებებმა შეუწყო ხელი ჯერ კიდევ პატარა გიორგის პოლიტიკურ ასპარეზზე გამოსვლას. როგორც ვიციტ. 1297 წელს ყაზან-ყაენმა დავით VI დემეტრეს ძე თავისთან დაიბარა. დავითმა ყაენის სურვილი არ შეასრულა. მიუხედავად არა ერთგზის დაპირებისა, საქართველოს მეფის ურდოში ჩასვლას ვერა და ვერ ეღიბა ყაზან-ყაენი, ყაენი მიხვდა, რომ დავით VI არ აპირებდა თავისი სიტყვის ასრულებას და გადაწყვიტა მისთვის ტახტი წაერთმია. თავის მიზნის განსახორციელებლად ყაზან-ყაენმა მცირეწლოვანი გიორგი მოახლოვა ბექას და იგი გაამეფა. ნ. ურბნელის აზრით, „პირველი მეფობისას“ გიორგის არაფრის გაკეთება არ შეეძლო. თავი რომ დავანებოთ მეფის მცირეწლოვანებას, რის გამო მას არ შეეძლო ნამდვილი მეფე ყოფილიყო. საქართველო ამ დროს მეტად მძიმე მდგომარეობაში

¹ ქართლის ცხოვრება, II, გვ. 322.

იმყოფებოდა. დავით VI კი ცეცხლზე ნავთს ასხამდა. „იგი ურჩობასა და ყაენის ღალატზე ხელს არ იღებდა. ჯიბრით მონღოლებმა ორჯერ კიდევ დასწვეს და დასდაგეს უამისოდაც დარბეული და აოხრებული ქართლი“.¹

ნ. ურბნელი ვრცლად მსჯელობს დავით VI მოუსვენარი ცხოვრების შესახებ, რომელიც საესეა მონღოლთა წინააღმდეგ ბრძოლებით. თითქოს ეს საქებარი საქციელი უნდა იყოს დავით VI, თუმცა მას ნ. ურბნელი „ვიწრო კეუსა“ და საცოდავი „პოლიტიკოსის“ ეპითეტებით ნათლავს, რადგან იგი საკუთარი „ტყავის“ გადარჩენისათვის მონღოლებს თავის სამშობლოს აოხრებინებდაო.

მართალია, ნ. ურბნელს მოსწონს, რომ მთიულეთში გამაგრებულმა დავით VI მონღოლთა ლაშქარს დამარცხება აგემა და ამით მათი ავტორიტეტი შელახა, მაგრამ, ამასთან ერთად, ნ. ურბნელი გულისწუხილით აღნიშნავს, რომ გაგულისებულმა მონღოლებმა შური ქართლზე იძიესო: „მართალია, ჩვენმა მთიულებმა დაამარცხეს თავხედი და უშიშარი ნოინი, მაგრამ უფრო ცუდია, რომ ძლეული ხუტლუშმა გულის ჯავრს ქართლზედ იყრიდა. საშინელი ტანჯვა და ვაება დაადგა ქართლს“.²

ნ. ურბნელის შეხედულება დავით VI მოქმედების შესახებ საზართლიანი უნდა იყოს. მართალია, დავით VI ენერგიულად ებრძოდა მონღოლ ნოინებს და ასეთი პატარა მოწინააღმდეგის დაუძლელობა მონღოლთა ავტორიტეტს ლახავდა (რასაც იმედი უნდა ჩაესახა ქართველთათვის მონღოლთა წინააღმდეგ პერსპექტიული ბრძოლისა), მაგრამ, დავით მეექვსისათვის ეს მოულოდნელი შედეგი იყო. იგი უფრო საკუთარი თავის გადასარჩენად იბრძოდა და მისმა „პოლიტიკამ“ დიდი ზარალი მოუტანა აღმოსავლეთ საქართველოს, როგელსაც ხუთი წლის განმავლობაში ცეცხლითა და მახვილით აოხრებდნენ აჯანყებული მეფის მადევიარი მონღოლები.

ნ. ურბნელი სწორად აღნიშნავს, რომ გიორგი V მისი პირველი მეფობის დროს არავითარი პოლიტიკური როლის შესრულება არ შეეძლო. მას შემდეგ, რაც დემეტრეს უფროსი შვილთა შორის — დავით VI და ვახტანგს შორის — შუღლი ჩამოვარდა, ვახტანგი ყაენს ეახლა ილხანთა ურდოში. ყაზან-ყაენს, რა თქმა უნდა, ხელს აძლეოდა ვახტანგის უკმაყოფილება ძმის მიმართ. მას საშულება ეძლეოდა ვახტანგი დავით VI წინააღმდეგ გამოეყენებინა. ამიტომ, როგორც ნ. ურბნელი აღნიშნავს, როცა „დავითის ძმა ვახტანგ ურდოში ეახ-

¹ ნ. უ რ ბ ნ ე ლ ი, დასახ. ნაშრომი, გვ. 58.

² ი ქ ე ვ ი, გვ. 59.

ლა ყაზანს, სალამი მიართვა, მუხლ-მოდრეკით ერთგულება განუცხადა. . . ტახტი და მეფობა ვახტანგ შესამეს დაულოცეს“.¹ როცა ვახტანგ III საქართველოში ჩამოვიდა. „ამ დროიდან მოყოლებული გაურკვეველ ხანამდე მის შესახებ (ე. ი. გიორგი V შესახებ — გ. ნ.) აღარაფერი ისმოდა“.² როგორც ნ. ურბნელი აღნიშნავს. გიორგი თავისი პაპის — ბექა ჭაყელის ოჯახში დაბრუნებულა სამცხეში.³ „მკვლევართა შორის ერთიანი აზრი არ არსებობს გიორგი ბრწყინვალის ხელმეორედ (რეალურად) გამეფების თარიღის შესახებ. ვახუშტი ბაგრატიონის ცნობით, რომელიც, ივანე ჭავჭავაძის აზრით, რომელიმე კინკლოსურ ან სხვა საისტორიო წყაროს უნდა ემყარებოდეს, გიორგი V 1318 წელს გამეფდა. სოფ. დაბის (ბორჯომის ხეობაში) ეკლესიის წარწერაზე დაყრდნობით თ. ჟორდანიას თვლიდა. რომ გიორგი ბრწყინვალე 1314 წელს გამეფდა, ხოლო ვახუშტი ბაგრატიონის მიერ მოცემული თარიღი, მისივე აზრით, გიორგის შემდგომში კვლავ გამეფებას გულისხმობს. ეპითაღმწერლის ბოლო ნაწილში გიორგი VI დავითის ძე (მცირე) და გიორგი ბრწყინვალე ერთმანეთშია არეული. სრულიად არ ჩანს დასასრული დავითის ძის გიორგი VI მეფობისა“ — თ. ჟორდანიას მკვლევარია. ჯ. ოდიშელი. იგი ფიქრობს, რომ „სხვაობა ვახუშტი ბაგრატიონთან დატულ თარიღსა და დაბის ეკლესიის თარიღს შორის შეიძლება შეესაბამებოდეს სხვაობას — გიორგი ბრწყინვალის. გიორგი VI მეურვის, ფორმალურად მეფედ კურთხევისა და იმ დროს შორის. რა დროიდანაც ანგარიშობს. იგი მის მიერ სრული სამეფო ძალაუფლების ხელში აღებას გიორგი VI (მცირის) შემდეგ“.⁴ ნ. ურბნელი ვახუშტის აზრს. რომ გიორგი ბრწყინვალე ტახტზე (რეალურად — გ. ნ.) 1318 წელს ავიდაო. იზიარებს, რაც. როგორც ივ. ჭავჭავაძელიც აღნიშნავს, სწორი უნდა იყოს.⁵ ნ. ურბნელი, ეხება რა გიორგი ბრწყინვალის ტახტზე ასვლის თარიღს, დაბეჭდვებით წერს: „ეს ამბავი მოხდა 1318 წელს და ამ დროიდან მეფესაც მეფური პატივი და დიდება დაეტყო“.⁶ მართალია, როგორც ეპითაღმწერელი გვაუწყებს. ყაენმა გიორგი V „მო-

1 ნ. ურბნელი, დასახ. ნაშრომი, გვ. 5—9.

2 ივ. ჭავჭავაძის, ქართველი ერის ისტორია. ტ. III. გვ. 387.

3 ნ. ურბნელი, დასახ. ნაშრომი, გვ. 59—60.

4 ჯ. ოდიშელი, აღმოსავლეთ საქართველოს პოლიტიკური ისტორიისათვის (XIV—XVIII სს.), XIV—XVIII სს. რამდენიმე ქართული ისტორიული დოკუმენტი, თბ., 1964, გვ. 77.

5 იქვე.

6 ვახუშტი, საქართველოს ისტორია, გვ. 276.

7 ივ. ჭავჭავაძის, ქართველი ერის ისტორია. გვ. 253.

8 ნ. ურბნელი, დასახ. ნაშრომი, გვ. 63.

ცა ყოველი საქართველო და ყოველნი მთავარნი საქართველოსნი და შვილნი დავით მეფისანი, და მესხნი, შვილნი ბექასანი“¹. მაგრამ ურბნელის სამართლიანი შენიშვნით, „მიცემა და ხელთ დაპყრობა ერთსა და იმავეს არ ნიშნავდა, ჯერ საჭირო იყო სამეფოს შეკრება, მისი ნაწილების შეერთება და მერე კიდევ ყოვლის საქართველოს დამორჩილება. ყველაფერი ეს ხომ დიდ ძალასა და შრომას თხოვლობდა“².

როცა გიორგი V სამეფო ტახტზე ავიდა, აღმოსავლეთ საქართველო მძიმე ეკონომიურ კრიზისს განიცდიდა. იგი პოლიტიკურ ერთეულებად განცალკევებულ და დაქსაქსულ ქვეყანას წარმოადგენდა, რასაც ხელი შეუწყო დავით VI მიერ წარმოებულმა პოლიტიკამ ხუთი მოუსვენარი წლის განმავლობაში. აღმოსავლეთ საქართველოში ძალმომრეობა. ღალატი, ურთიერთგაუტანლობა, შუღლი და ქიშპობა ჩვეულებრივ მოვლენად იყო გადაქცეული. ასეთ პირობებში ძალიან ძნელი იყო მეფისათვის სწორი პოლიტიკური გეზის არჩევა და აქ იჩინა თავი გიორგი V სახელმწიფოებრივი მმართველობის დიდმა ნიჭმა, რისთვისაც მას მეტსახელად ბრწყინვალე შეარქვეს. გიორგი V გადაწყვიტა, რომ ილხანთა საყაენოსთან აშკარა ომის დასუსტებულ და აშლილ ქვეყანას კარგს ვერაფერს მოუტანდა. მას წინ ედგა მაგალითი. თუ რა შესძინა საქართველოს დავით VI საგარეო პოლიტიკურმა კურსმა. დავით მეექვსისა. რომლის მოქმედებამ. ნ. ურბნელის სამართლიანი თქმით, „სახე და ფერი შეუცვალა შინაურს ცხოვრებას. მთლად დაასუსტა. ხუთ წელიწადს განუწყვეტლივ სისხლი სდიოდა ერს“³.

მართალია, ირანის ილხანთა სახელმწიფოც აღარ წარმოადგენდა ძლიერსა და თავისთავად პოლიტიკურ ერთეულს, ისიც დასუსტებული და დაშლილი იყო, მაგრამ მის წინააღმდეგ აშკარა ბრძოლა ჯერ კიდევ მაინც არ იყო ხელსაყრელი საქართველოს სამეფოსათვის. ამიტომ იყო. რომ გიორგი ბრწყინვალემ მონღოლთა წინააღმდეგ ბრძოლა ფრთხილი და მშვიდობიანი პოლიტიკით დაიწყო.

ნ. ურბნელი საკმაო სიზუსტით აფასებს გიორგი ბრწყინვალის სახელმწიფოებრივ ნიჭსა და პოლიტიკურ სიტუაციას. შეგუებულ სწორ საგარეო პოლიტიკას. მისი აზრით, „გიორგი ბრწყინვალე უხვად იყო ცხებული სახელმწიფოებრივის ნიჭით. სახელმწიფო ასპარეზზედ მან შემოქმედებითი ძალა გამოიჩინა და, რასაკვირველია, საკუთარი მიმართულებაც ჰქონდა, საკუთარს სისტემას მისდევდა.

¹ ქართლის ცხოვრება, II, გვ. 325.

² ნ. ურბნელი, დსახ. შრომა, გვ. 63.

³ იქვე, გვ. 66.

ეს მიმართულება და სისტემა ორის სიტყვიერ გამოითქმის: კერძო-სიბრძნე-გონიერება და შერე მოქმედება. მეფე გარემოებას აყვირდებოდა, დროების შესაფერად იქცეოდა¹.

ექვევარეშა, რომ გიორგი ბრწყინვალემ კარგად იცოდა ილხანთა ირანში მიმდინარე საშინელი შინაბრძოლების შესახებ. ამ ბრძოლებში, ამა თუ იმ პარტიის მოთავეს აუცილებლად სჭირდებოდა საქართველოს და ასეთ შემთხვევაში საქარაკელის პოლიტიკური წონა იზრდებოდა. დიდი მნიშვნელობა ენიჭებოდა იმას, თუ ვის მხარეზე იქნებოდა საქართველოს მეფე. როგორც პროფ. ვ. გაბაშვილი აღნიშნავს, ყაენ ოლჯეითუს (1304—1317 წწ.) გარდაცვალებას შემდეგ ილხანთა ირანში ბრძოლა განსაკუთრებით გამწვავდა მომხრეებელ არისტოკრატთა და ადგილობრივ ფეოდალებს შორის. „მონღოლურ-თურქული არისტოკრატის პირველმა მიმართულებამ კვლავ გადასწონა მეორე მიმართულებას. ამ ბრძოლიდან გამარჯვებულ ამირ-ჩოფანი გამოვიდა, რომელიც ილხან აბუსაიდის დროს სახელმწიფოს ფაქტიური მმართველი შეიქმნა“².

ჩოფანს კარგად ესმოდა, თუ რა დიდი მნიშვნელობა ჰქონდა საქართველოს მეფეს იმ პოლიტიკურ ბრძოლაში, რომელიც მას მოელოდა წარმოშობით თავისი თანასწორი ფეოდალების წინააღმდეგ. რომელთაც გულზე არ ეხატათ ჩოფანის ესეოდენი აღზევება. ამ გარემოებით უნდა აიხსნას ჩოფანის განსაკუთრებული „სინაზე“ გიორგი V მიმართ. ამის გამო იყო, რომ, როცა გიორგი მასთან მივიდა, „განიხარა ჩოფან და შეიტკბო ვითარცა შეილი, და მისცა ყოველი საქართველო“³. საქართველოს მეფესაც პოლიტიკურმა აღმომ არ უმტყუნა. მან სწორად გაისივრებინა ჩოფანთან „მეგობრობის“ ყველა შედეგი, რის გამოც სწორედ ამ ძლიერსა და გავლენიან პიროვნებას მიემხრო, მისი ნდობა მოიპოვა და თავისი საშინაო პოლიტიკის გატარებაში შედარებით თავისუფალი მოქმედების საშუალება მიიღო. ასეთ ვითარებაში, რასაკვირველია, გიორგი ბრწყინვალეს მოქნილი და „დროების“ შესაფერისი პოლიტიკა უნდა ეწარმოებინა. გასაგებია, ჩოფანს იგი ხელს ვერ ჰკრავდა. მით უმეტეს, რომ მონღოლ ხელისუფლებთან კარგი ურთიერთობა თავის დრომდე გიორგი მეფეს აუცილებლად სჭირდებოდა. შემდეგ კი, როცა გიორგი ბრწყინვალემ თავისი ქვეყნის გაერთიანება და გაძლიერება მოახერხა, გონიერად ისარგებლა ილხანთა ირანის პოლი-

1 ნ. უ რ ბ ნ ე ლ ი, დასახ. ნაშრომი, გვ. 67.

2 ვ. გაბაშვილი, ილხანთა ირანი XVI ს-ის პირველ ნახევარში: ნარკვევები მახლობელი აღმოსავლეთის ისტორიიდან, 1957, გვ. 212.

3 ქართლის ცხოვრება, II, გვ. 325.

ტიკური დასუსტებით და მონღოლთა უღლის გადაგდება რეალურ საქმედ აქცია. მან „მტრის მღელვარებაზე დააფუძნა თავისი ერის მუხდრო ცხოვრება და ოდესმე მრისხანე მეტოქის დასუსტება სამშობლოს აღორძინების საძირკვლად ჩასდო“¹, სამართლიანად აღნიშნავს ნ. ურბნელი.

გიორგი მეფე სწორი პოლიტიკური გეზის შერჩევის უტყუარმა აღლომ გადააქცია ნიჭიერ სახელმწიფო მოღვაწედ. იგი პატარა საქმით იწყებდა და დიდით ამთავრებდა, მეფეს, ნ. ურბნელის აზრით, არც ვაეკაცობა აკლდა და არც შემართების უნარი, მაგრამ „სიბრძნისა და სიფრთხილის მიმყოლი მეფე ჯერ პატარა საქმეს შეუდგებოდა ხოლმე და შერე მძიმეზედ გადადიოდა. ჯერ ცოტა და შერე ბევრიო, — აი იმისის მოქმედების გეგმა“².

ნ. ურბნელს კარგად ესმის, რომ საქართველოს მეფეებს ძალიან უჭირდათ ურჩი ფეოდალების დასჯა. რადგან საქართველოს ტახტის ძლიერების მოძულე დიდ აზნაურებს მუდამ აქტიურად უჭერდა მხარს გარეშე მტერი. ამ მხრივ განსაკუთრებით გამოირჩევა მონღოლთა ბატონობის ხანა, რომლის დროსაც დაბალი წრიდან გამოსულმა მოხელეებმაც კი დიდ პოლიტიკურ აღზევებას მიაღწიეს და მეფის ხელისუფლებას ოპოზიციაში ჩაუდგნენ. გიორგი V — ეს ძლიერი და ჰკვიანი მეფე კი იძულებული იყო, „ყუენის რიდით“ დროებით აეტანა თავგასული ფეოდალების პარპაში და იგი შესაფერ დროს ელოდა. და აი, მაშინ, როცა ირანის ილხანთა სახელმწიფოში შინაური ბრძოლა ატყდა, როცა საქართველოს მეფის წინააღმდეგ მტრულად განწყობილ დიდგვაროვან ხელისუფალთ მონღოლთა დახმარების იმედი გადაეწურათ, გიორგი V უკიდურეს და გადამწყვეტ საშუალებას მიმართა: ეს ფეოდალები მან ცივის მთაზე „დარბაზობად“ მოიწვია და ურჩი თავები დააყრევინა.

ნ. ურბნელს მეფის ასეთი ღონისძიება შემადრწუნებელ ფაქტად მიიჩნია, მაგრამ იქვე დასძენს: „რას იზამს კაცი, როცა საჭიროება და სამშობლოს სარგებლობა ბევრჯელ თვით ბოროტებასაც კეთილად ქმნის“³.

გიორგი ბრწყინვალე საქართველოს გაერთიანების გეგმის განხორციელებას ძალიან ფრთხილად და დაკვირვებულად აწარმოებდა. მან, რასაკვირველია, იცოდა იმერეთის ტახტისათვის ძმათა აშლილობის ამბავი, მაგრამ საქმეში ჩარევას არ ჩქარობდა. როც იმერე-

¹ ნ. უ რ ბ ნ ე ლ ი, დასახ. ნაშრომი, გვ. 94.

² ი ქ ვ ე. გვ. 94.

³ ი ქ ვ ე. გვ. 75.

თის მეფე მიქაელი გარდაიცვალა და მან ტახტზე თავისი მცირე-წლოვანი მემკვიდრე ბაგრათი დატოვა, მაშინ კი იმერეთში გადავიდა, იქიდან ბაგრათი თან წამოიყვანა და ორშეფობასაც ბოლო მოეღო.

6. ურბნელს ძირითადად კარგად აქვს გაგებული იმერეთის სამეფოს ის პოლიტიკური სიტუაცია, რამაც გიორგი ბრწყინვალეს გაუადვილა მისი შემოერთება. იგი იმერეთის სამეფოს შესახებ წერს — „თითოეული მთავარ-ერისთავი განუდგა მეფეს, თავისი სამთავროში დამოუკიდებელი შეიქმნა და როგორც ენება, ისე განაგებდა ქვეყნის საქმეს. მეფე ვის ახსოვდა, იმას ვინღა რამედ აგდებდა... და ეს დამცირება იქამდე მივიდა, რომ როცა მიქაელ გარდაიცვალა, იმისმა შვილმა ბაგრატმა ვერ იკადრა მეფობა სხვათა შორის, დაუმორჩილებლობით მთავართა. ამგვარი მდგომარეობა სწორედ საადვილოდ ხდიდა იმერეთის შემოერთებას და გიორგი ბრწყინვალემაც ადვილად შეასრულა ეს საქმე“¹.

საქართველოს გაერთიანების პოლიტიკის გამტარებელმა მეფემ მესხეთიც თავის გავლენის ქვეშ მოაქცია. 6. ურბნელს მიაჩნია, რომ რაკი ჭაყულები ნათესავეები იყვნენ მეფისა, მესხეთის შემოერთება ამიტომ ადვილი საქმე იყო. „თვით განდიდებული სამცხე-კლარჯეთიც შეუერთდა საქართველოს და ეს მით უფრო. რომ მეფე იქ აღზრდილი იყო და ბექას მემკვიდრენი ბიძის გაძლიერებისა და დიდების წინააღმდეგნი არ შეიქმნენ“-ო² — წერს ურბნელი: რასაც, რა თქმა უნდა, ვერ გავიზიარებთ. სინამდვილეში საქმე ასე მარტივად არ წარმართულა, როგორც 6. ურბნელს ჰგონია. რა თქმა უნდა, მესხეთის მორჩილებას საქართველოს სამეფო კარის წინაშე, ჭაყულებთან გიორგი V ნათესაობით ვერ ავხსნით. მუდამ ფრთხილმა გიორგი მეფემ კარგად უწყობდა აღნიშნული სამთავროს ძლიერება, პოლიტიკურად წონა და სწორედ ამიტომ მის დესამორჩილებლად უფრო „ლოიალური“ სამშუალება იზმარა, ვიდრე შიშველი ძალა. „ძალის და ხელისუფლების ჩამორთმევის მაგიერ, 1334 წ., როდესაც მესხეთის მთავარი სარგისი გარდაიცვალა, მისი შვილი ყუარყუარე მეფემ უკვე თითონ დასვა“³ ათაბაგად, რითაც როგორც ჩანს, თავისი სურვილიცა და ძალაც გამოხატა და მესხეთის ცალკე პოლიტიკურ არსებობას ზღვარი დაუდო. საქართველოში შინაური

¹ 6. უ რ ბ ნ ე ლ ი. დასახ. ნაშრომ., გვ. 87.

² ი ქ ვ ე ი. გვ. 70.

³ ი ვ. ჭ ა ვ ა ხ ი შ ვ ი ლ ი, ქართველი ერის ისტორია, III, გვ. 263.

აშლილობისა და მშვიდობიანობის დასამყარებლად აუცილებელი იყო ქართლში ოსთა გაუთავებელი თარეშის მოსპობა.

როგორც ცნობილია, ოსების ქართლის შუაგულში შემოჭრა ჩვეულებრივ მოვლენად იქცა, რასაც დიდი ზიანი მოჰქონდა. გიორგი მეფეს კარგად ესმოდა, რომ აუცილებელი იყო ქართლს აღედგინა საზოგადოებრივი განვითარების ნორმალური პირობები. ამიტომ მან გადაუდებელ ამოცანად მიიჩნია ოსთა თარეშის მოსპობა. ნ. ურბნელის აზრით, ასეთი ღონისძიება მეფისათვის განსაკუთრებულ სიძნელეს არ წარმოადგენდა და მის განსახორციელებლად მეფეს დიდი ჯაფა და ღონე არ დასჭირებია¹, ნამდვილად კი მეფემ სწორედ რომ დიდი ჯაფა და ღონე შეაღია აღნიშნული საქმის გადაწყვეტას. როგორც „ძეგლი ერისთავთა“ მოგვითხრობს, გიორგი მეფე „მოადგა ოვსთა გორს მყოფთა, და ჰბრძოდა სამ წელ“².

ამ ცნობის სისწორეს ივ. ჯავახიშვილიც იზიარებს. იგი საგანგებოდ აღნიშნავს, რომ „ოსთა სამხედრო ძალა გორში იყო გამაგრებული, ამიტომ გორს ალყა შემოარტყა და, სამი წლის ბრძოლის შემდგომ, გორის აღება მოახერხა და ოსები იქიდან განდევნა“³. მარტო ის ფაქტი, რომ გიორგი ბრწყინვალემ სამი წელი მოანდომა გორიდან ოსების განდევნას, თავისთავად მეტყველებს მეფის „ჯაფასა“ და „შრომაზე“ ქართლის შუაგულში მშვიდობის დასამყარებლად.

ნ. ურბნელმა ყურადღება მიაქცია მონღოლების ბატონობის დროინდელ ერთ მეტად მნიშვნელოვან მოვლენას — ეკლესია-მონასტრების ქონებისა და მიწა-მამულის დატაცება-მითვისებას. ამ ფაქტს უამთაღმწერელი ხაზგასმით აღნიშნავს: „მთავართა იწყეს კელის შეხებად საყდართა და მონასტერთა, და იწყეს მიტაცება სოფელთა და აგარაკთა“. ნ. ურბნელმა ამ ფაქტს, როგორც აღნიშნეთ. ყურადღებას აქცევს, მაგრამ მოვლენის სწორ ახსნას ვერ იძლევა. მისი აზრით, სარწმუნოების დამცირებამ და ეკლესიის ავტორიტეტის შელახვამ განაპირობა ასეთი „უკეთურობა“. „სარწმუნოება ისე დამცირდა, ისე ძლიერ აეხადა პატივი და სიყვარული, რომ ეკლესიებისა და მონასტრების ძარცვას ზელი მიჰყვეს... და ვინ? მთავართა იწყეს ხელის შეხებად საყდართა და მონასტერთა“ — წერს ნ. ურბნელი.

¹ ნ. უ რ ბ ნ ე ლ ი, დასახ. ნაშრომი, გვ. 76.

² შ. შ ე ს ხ ი ა, ძეგლი ერისთავთა: მასალები საქართველოს და კავკასიის ისტორიისათვის, ნაკვ. 30, 1954, გვ. 350.

³ ივ. ჯ ა ვ ა ხ ი შ ვ ი ლ ი, ქართველი ერის ისტორია, III, გვ. 401.

ურბნელის აზრით, ეკლესიის საკუთრების ხელყოფას აგრეთვე ხელს უწყობდა მეფის ძალაუფლების დამცირება, რომ მას ძალა აღარ შესწევდა წინ აღდგომოდა მთავართა თავგასულობას და აღეკვეთა მსგავსი უმსგავსობა. ნამდვილად კი, როგორც უამთაღმწერელი აღნიშნავს, თვითონ მეფეებიც არ უკადრისობდნენ ეკლესიისათვის ოდესღაც შეწირული მამულების უკანვე წართმევას. იგი სწორედ ამ მიზეზით კიცხავს ულუ დავითს. როცა მის შესახებ წერს „უამსა სიბერისა მისისასა არა მართლად ვიდოდა წინაშე ღმრთისა, და მძლავრებისაგან თათართასა უცალო ქმნილმან, იწყო შლად საყდართა საეპისკოპოსოთა რომელი სანატრელთა მეფეთა შესაყალნი მიენიჭეს, განსცემდა. აგრეთვე მონასტერთა“¹.

როგორც ჩანს, შეწირული ადგილ-მამულების უკან გამოწირვა მთავრობის საგანგებო ღონისძიება ყოფილა. ეს განპირობებული უნდა ყოფილიყო იმითაც, რომ მონღოლთა ბატონობის პერიოდში, როცა სამეფო საღარო დაცარიელდა და თავისუფალი მიწები შემციირდა, მეფეს სხვა გზით აღარ შეეძლო თავისი ერთგული აზნაურების დაჭილდობა, თუ არა და ეკლესიის სიმდიდრის ხარჯზე. როგორც ჩანს, საქართველოს სამეფო კარს აღნიშნული ღონისძიებების გატარება აიძულებდა მძიმე ეკონომიური კრიზისი და არა ნ. ურბნელის ზემოხსენებული მოტივი. თითქოს ეკლესია-მონასტრების ქონების დატაცება-მითვისება, მამულების გამოწირვა და გასხვისება გამოწვეული ყოფილიყო სარწმუნოების „დამცირებით“ და მისთვის „პატივის“² ახდით. ერთი სიტყვით, აღნიშნული მოვლენის გაანალიზების დროს აშკარა ხდება, რომ უფრო რთულ სოციალურ-ეკონომიურ მიზეზებთან გვაქვს საქმე. ვიდრე ეს ნ. ურბნელს წარმოუდგენია.

ისიც გასათვალისწინებელია, რომ „ფეოდალური არისტოკრატია ხშირად მიმართავდა შემოსავლის გადიდების მიზნით მიწა-მამულების გაყიდვის ხერხსაც: ხოლო ფეოდალთა მიერ მამულების გაყიდვას. მამულების ე. წ. ამოძრავებას საბედისწერო შედეგები მოჰყვა“². მოსახლეობის დიდი ნაწილი უმიწოდ დარჩა და, როგორც აკად. ივ. ჭავჭავიძე აღნიშნავს, ამან განაპირობა, რომ „უმიწაწყლოდ დარჩენილი მოსახლეობისათვის მიწის დასარიგებლად წინანდელ მეფეთაგან ეკლესიისათვის შეწირული მიწები ყოფილიყო გა-

¹ ქართლის ცხოვრება, გვ. 256.

² ივ. ჭავჭავიძე, ქართველი ერის ისტორია, III, გვ. 263.

მოყენებული. საქართველოს მთავრობამ ამ საშუალებით სცადა ეკონომიური კრიზისი შეენელებინა“¹.

გიორგი ბრწყინვალე მარტო საქართველოს პოლიტიკური გაერთიანების და ქვეყანაში მშვიდობის დამყარებით არ შემოფარგლულა. საქართველოს ნორმალურად განვითარებისათვის აუცილებელი იყო მეფეს მონღოლთა ბატონობის მიერ შექმნილი კანონისა და სამართლის აღდგენისათვისაც მიექცია ყურადღება. თანამედროვე ისტორიულ ან იურიდიულ მეცნიერებას შესაძლებლობა არა აქვს მთელი სისრულით წარმოადგინოს, თუ რა ღვაწლი მიუძღვის გიორგი ბრწყინვალეს სამართლის სფეროში; მაგრამ ზოგი რამ მაინც შეიძლება გავიგოთ იმდროინდელი მოქმედი სამართლის შესახებ. ამ შესაძლებლობას ჩვენ სხვათა შორის გვიქმნის „ძეგლის დადება“ „ეს სამართლის წიგნი გიორგი ბრწყინვალისაგან მოწვეული სახელმწიფო დარბაზის საკანონმდებლო კრებისაგან არის შედგენილი და არაგვისა და ქსნის ხეობის მთიულთა თემისათვის იყო გაჩენილი“².

„ძეგლის დების“ შესავალში აღნიშნულია. რომ მეფეს თვითონ უმოგზაურია არაგვისა და ქსნის ხეობაში, საკუთარი თვალით შეუმოწმებია აღნიშნული ხეობის მცხოვრებთა მდგომარეობა და საჭიროება. აი, რა წერია „ძეგლის დადების“ შესავალში: „წარვედიო ტახტიო ჩუენით ქალაქით და შევედით სასახლესა ჩუენსა ყინვანსა და მუნით მივედით კადა-ცხაოტს და მოვახსენეთ ყოველნი მუნებურნი კვეისბერნი და პეროვანნი, და გავიგონეთ მათნი საქმენი, დაესხედით მათსა სასაქმოსა“³. „ძეგლის დადების“ შესავლიდანვე ჩანს, რომ მეფე დარიალამდე მისულა, ლომისაზე გაუვლია ცხრაზმის ხევი ჩამოუვლია და მუხრანზე გამოვლით თბილისში დაბრუნებულა⁴. თავის თვალთ ნანახისა და მოსმენილის შემდეგ სამეფო დარბაზთან ერთად ნ. ურბნელის ვარაუდით ქსნისა და არაგვის რამდენიმე ხეობისათვის სამართლის წიგნი შეუდგენია.

„ძეგლის დადების“ შესახებ პრაგმატიკული მოსაზრება არის გამოთქმული სხვადასხვა მკვლევრის მიერ. აუცილებლად აღნიშვნის ღირსია, რომ ნ. ურბნელი იყო პირველი მკვლევარი, რომელმაც საგანგებო შრომა („ძეგლის დება მეფე გიორგი ბრწყინვალესი“) მიუძღ-

¹ ივ. ჭავჭავაძის შვილი; საქართველოს ისტორია უძველესი ხანიდან ჩვენს დრომდე, თბ., 1940, გვ. 201.

² ივ. ჭავჭავაძის შვილი, ქართველი ერის ისტორია, III, გვ. 263.

³ ქართული სამართლის ძეგლები, I, ძეგლის დადება მეფეთ-მეფის გიორგის მიერ, 1963, გვ. 401; ტექსტები გამოცა, გამოკვლევა და ლექსიკონი დაურათო პროფ. ი. დოლიძემ.

⁴ იქვე.

ქენინა ოლღამ მოუწონეს ნიკოს ეს განზრახვა. ოლღამ ურჩია ნიკოს ლიზაც წაიყვანე, მსახიობია, კარგია მავისთვის, თეატრებს ნახავს და გაეცნობაო. ეს ბედიც მწეცია და 1903 წლის 4 ივნისს გავემგზავრეთ საზღვარგარეთ“-ო¹.

სხვა ადგილას ელ. ჩერქეზიშვილი წერს: „ილია საზღვარგარეთ რომ წავიდა სამკურნალოდ, ნიკოს უთხრა, კარგს საჩუქარს ჩამოგიტანო“². ვფიქრობთ, ეს ცნობები ცხადად გვიჩვენებს, რომ ნ. ურბნელი საზღვარგარეთ წასულა 1903 და არა 1900 წელს.

იმის გამო, რომ ნ. ურბნელის ლიტერატურულ-მეცნიერული მემკვიდრეობა ჯერ კიდევ არ არის სათანადოდ შესწავლილი, ზოგჯერ მის შრომებს მიაწერენ სხვებს ან, პირიქით. მაგალითისათვის ავიღოთ პროფ. ალ. ხახანაშვილის ორი გამოკვლევა: „წოდებათა ისტორია საქართველოსი“ და „იმუნიტეტი საქართველოში“, რომელიც დატულია საქართველოს სახელმწიფო მუზეუმში. როგორც ისტორიის მეცნიერებათა კანდიდატი არჩილ ბარამიძე მიუთითებს, „მუზეუმის კატალოგების მიხედვით ისინი ნ. ურბნელს მიეკუთვნებოდა, მაგრამ ხელნაწერთა შესწავლა ცხადყოფს, რომ ამ გამოკვლევათა ავტორია პროფ. ალ. ხახანაშვილი“³. აღნიშნულ გამოკვლევები შეტანილია ნ. ხიზანაშვილის შრომების სიაში. რომელიც ერთვის მისსავე წიგნს „ეთნოგრაფიულ ნაწერებს“⁴.

ალ. ხახანაშვილის წიგნის — „ბატონეობა საქართველოში რუსეთთან შეერთებამდის“ — მეორე გამოცემის წინასიტყვაობაში ვკითხულობთ: „ავტორს არ შეუცვლია თავისი მხედველობა ბატონეობის შექმნასა და განვითარებაზე. ბატონეობის ისტორიის შესავსებლად და გასაშუქებლად მან დაურთო ორი მცირედი კარი: „წოდებათა ისტორია საქართველოსი“ და „იმუნიტეტი საქართველოში“. პირველი დაბეჭდილი იყო „კვალში“ (1899 წ.) და მეორე „ცნობის ფურცელში“ (1901 წელი)⁵. ორივე ეს გამოკვლევა შეტანილია ხახანაშვილის აღნიშნულ წიგნში და, რა თქმა უნდა, ალ. ხახანაშვილის ავტორობაში ეპქის შეტანა შეუძლებელია.

1969 წელს გაზეთ „ლიტერატურულ საქართველოში“⁶ გამო-

¹ ელ. ჩერქეზიშვილი, შოგონებანი, თბ., 1941, გვ. 27.

² იქვე, გვ. 28.

³ არჩილ ბარამიძე, შედგომა უნდა გასწორდეს, გაზ. „ლიტერატურული საქართველო“, № 32, 1963.

⁴ ნ. ხიზანაშვილი, ეთნოგრაფიული ნაწერები, 1940, გვ. 173.

⁵ ა. ხახანაშვილი, ბატონეობა საქართველოში რუსეთთან შეერთებამდის (წინასიტყვაობა მეორე გამოცემისა), ქუთაისი, 1910.

⁶ ელ. აბრამიშვილი, ეკუ-ფშაველას ერთი ფსევდონიმისათვის, „ლიტერატურული საქართველო“, № 44, 1969.

ნა გიორგი ბრწყინვალის აღნიშნულ ღონისძიებას სამართლებრივ სფეროში. ნ. ურბნელის შრომა დაიბეჭდა თბილისში 1890 წელს.

„ძეგლის დაღება“, როგორც მისი წინასიტყვაობიდან ირკვევა, მხოლოდ მთიულეთის ტერიტორიის ნაწილზე ვრცელდებოდა და, რასაკვირველია, მისი ანალიზის საშუალებით არ შეიძლება განვსაზღვროთ გიორგი ბრწყინვალის დროინდელი ფეოდალური საქართველოს სამართლის განვითარების დონე, თუმცა „ამავე დროს გიორგი ბრწყინვალის სამართალი შეიცავს რამდენიმე მეტად საყურადღებო ნორმას“ (მუხ. 15, 16, 27, 45 და სხვა), რომლებიც შეიძლება დამახასიათებლად მივიჩნიოთ განვითარებული ქართული ფეოდალური სამართლის ინსტიტუტებისათვის საერთოდ¹. როცა მკვლევრები ეხებიან გიორგი ბრწყინვალის „ძეგლის დაღებას“, ბუნებრივია, მათ წინაშე ისმის კითხვა: ამოიწურება თუ არა აღნიშნული ძეგლით მეფის მოღვაწეობა სამართლის დარგში.

ნ. ურბნელს მიაჩნია, რომ გიორგი ბრწყინვალის ხანაში ქვეიქმნა სამართალი მთლიანი საქართველოსათვის, მაგრამ იგი დაიკარგა და ჩვენამდე მხოლოდ „ძეგლის დაღებამ“ მოაღწია. ნ. ურბნელი კატეგორიულად აცხადებს: „ჩვენი ისტორიისა და სჯულმდებლობის მკვლევართათვის ახლა შეუჩვეველ ქვემარტებად უნდა ჩაითვალოს, რომ ბრწყინვალე მეფემ საერთო სჯული დაუდგინა მთელს თავის სამეფოს... სამწუხაროდ, დროთა და ჟამთა ბრუნვის გამო, იგი საერთო სჯული დაიკარგა და ჭერჭერობით ვერსად უპოვნიათ“².

თავისი ასეთი განცხადების დასადასტურებლად ნ. ურბნელს აღნიშნული აქვს „ცალკე სჯული მეფეს ყოველი საქართველოსათვისაც განუჩენია. ამას, სხვათა შორის, ამტკიცებს წინასიტყვა, რომელიც მოსეს სამართალშია ჩართული და რომლისთვისაც, სამწუხაროდ, აქამდე ჭეროვანი ყურადღება არ მიუქცევიათ. წინასიტყვაობაში პირდაპირ მოხსენებულია, რომ მეფემ ისეთი სამართალი დააწესა, რომელსაც შემდეგში საქართველოს საშვივე სამეფო ჰხმარობდაო“³.

ნ. ურბნელი ცდილობს განამტკიცოს თავისი აზრი და ამისათვის კიდევ ერთი არგუმენტი მოაქვს. იგი წერს: „სხვათა შორის, ვახტანგი საკუთარ თავის სამართალში იხსენიებს ერთს საყურადღებო ამბავს — მეფემან პატრონმან გიორგიმ განაწესა, რომ შუათანა ძმასაც ერთს რასმე მისცემენ და ეს ამბავი ნათელს ჰყვენს ხსენე-

1 ი. დოლიძე, გიორგი ბრწყინვალის სამართალი, 1957, გვ. 3.

2 ნ. ურბნელი, ძეგლის დაღება ნუაყ გიორგი ბრწყინვალისი, 1890, გვ. 1.

3 ნ. ურბნელი, გიორგი ბრწყინვალე — მეფე საქართველოსი, გვ. 102.

ბულ საგანს“¹. ნ. ურბნელის მიერ მოტანილი არგუმენტები ისე რომ გავიგოთ, როგორც ეს მას ესპის, რა თქმა უნდა, მათ ექნებოდათ მნიშვნელოვანი ძალა ურბნელისეული მოსაზრების დამტკიცებისათვის. მაგრამ აკად. ი. დოლიძის მტკიცებით, მოსეს სამართლის შესავალში აღნიშნული დიდის მეფეთ-მეფის გიორგის მიერ თქმულნი სამართალნი ის საკანონმდებლო ძეგლია, რომელსაც ვახტანგის კანონთა კრებულის ხელნაწერებში სამართალი მეფის გიორგისა ეწოდება... ძეგლის დადება ადგილობრივი მნიშვნელობის ძეგლია, რომელიც შედგენილია მთიელთათვის. ამ კანონების მოქმედების ტერიტორიული ასპარეზი ზუსტად განსაზღვრულია ძეგლის შესავალში. ძეგლის დადების სამოქმედო ასპარეზი მხოლოდ მთიულეთით, არაგვის რამდენიმე ხეობით შემოიფარგლებოდა². ხოლო მ აზრის გაზიარება, თითქოს გიორგის სამართლით „სჯიდენ სამნივე ესე სამეფონი ქართლისანი“ შეუძლებელია, რადგან „ძეგლის დადება“ შექმნილი იყო ჩამორჩენილი კუთხისათვის და იგი „არ გამოდგებოდა საქართველოს სოციალურად და კულტურულად დაწინაურებულ სხვა კუთხეებისათვის“³.

რაც შეეხება ნ. ურბნელის მოსაზრებას იმის შესახებ, თითქოს ვახტანგის სამართლის 102-ე მუხლში ნათქვამი სიტყვები — „ახლა მეფემან პატრონმან გიორგიმ განაწესა, რომე შუათანა ძმებსაც ერთს რასმე მისცემენო“ — მიუთითებდეს გიორგი ბრწყინვალის მიერ მთლიანი საქართველოსათვის სამართლის შექმნის სასარგებლოდ, აკად. ი. დოლიძე არ იზიარებს. მას მიაჩნია, რომ ვახტანგის სამართლის 102-ე მუხლის სიტყვები — „ახლა მეფემან პატრონმან გიორგიმ განაწესა“ — პირდაპირ მიუთითებს, რომ აქ კანონმდებელს მხედველობაში ჰყავს მისი თანამედროვე მეფე-პატრონი გიორგი XI⁴. როგორც ჩანს, ნ. ურბნელის მიერ დამოწმებული ნაბუთები არ იძლევა საფუძველს ისეთი კატეგორიული განცხადებისათვის, თითქოს „შეურყეველ ჭეშმარიტებად უნდა ჩაითვალოს. რომ ბრწყინვალე მეფემ საერთო სჯული დაუდგინა მთელს თავის სამეფოს“⁵.

ეხებოდა რა ივ. ჭავჭავაძის მიერ გიორგი ბრწყინვალეს „სამართლის სფეროში“ მოღვაწეობის საკითხს, დიდ შეფასებას აძლევდა „ძეგლის დადებას“ და ძვირფას წყაროს უწოდებდა მას. სამართლის

1 ნ. უ რ ბ ნ ე ლ ი, გიორგი ბრწყინვალე — მეფე საქართველოსი, გვ. 103.

2 ი. დო ლ ი ძ ე, გიორგი ბრწყინვალის სამართალი, გვ. 21—22.

3 ი ქ ვ ე.

4 ი ქ ვ ე.

5 ნ. უ რ ბ ნ ე ლ ი, ძეგლის დადება მეფე გიორგი ბრწყინვალესი. გვ. 1.

სფეროში მეფის დანარჩენი ღვაწლის შესახებ იგი წერდა: „გიორგი ბრწყინვალის მთელი იმ ღვაწლის შეფასება კი, რომელიც მას ზოგადს ქართულს სამართალში მიუძღვის, მხოლოდ მომავალში იქნება შესაძლებელი, ისიც მარტო იმ შემთხვევაში. თუ რაიმე ამსათვის გამოსადეგი ახალი მასალები და სევლები აღმოჩნდა“¹.

აკად. ივ. ჯავახიშვილი საგვებით სწორი იყო. დაბეჭდვით რაიმე აზრის გამოთქმა იმის შესახებ, შეიქმნა თუ არა გიორგი ბრწყინვალის ჩანაში რაიმე სხვა სამართალი, გარდა „ძეგლის დადებისა“. შეუძლებელია სათანადო საბუთების უქონლობის გამო. მაგრამ ეფიქრობთ, ამ საკითხთან დაკავშირებით მოსაზრების გამოთქმა მაინც შეიძლება. ფეოდალურ საქართველოს რომ გიორგი ბრწყინვალემდე ჰქონდა სამართალი. ეს საუკვო არ უნდა იყოს და „ძეგლის დადების“ შესავლიდანაც აშკარად ჩანს. სადაც ნათქვამია: „და მივედით დარიალამდის და ვსცანით ესე რომელ ღმრთვე გვიგინოსანთა და სანატრელთა ჩვენთა ჩამომავლთა მეფეთაგან ამაღ არ გასჩენოდა ძეგლითა გაჩენითა და დადებოთა სისხლისა და სხუათა მრავალთა უწესოთა მიმძღვერებულთა საქმეთა“².

როგორც ვხედავთ. აქ ლაპარაკია მოიულოთ შესახებ და აღნიშნულია, რომ ჩვენი წინაპრებისაგან მხოლოდ ამით არ გასჩენოდათ სამართალიო. ბუნებრივია, იგულისხმება, რომ „დანარჩენ საქართველოს დიხსაც გაჩნდათ გიორგი ბრწყინვალის წინამორბედი მეფეებისაგან „გაჩენილი“ სამართალი. მაგრამ ყურადღება უნდა მივაქციოთ ერთ გარემოებას.

საეარაუდოა. რომ მონღოლთა ბატონობის ჩანაში ქართული სამართალი შეიბღალებოდა და მისი მოქმედების ძალა შესუსტდებოდა. „ძეგლის დადების“ შესავალშიც ჩანს. რომ კანონმდებელი ხაზს უსვამს მონღოლთა ბატონობის შედეგად დამკვიდრებულ სოციალურ სენს. რომელსაც მთაშიც კი შეუღწევი. და საგანგებოდ აღნიშნავს, მთიულეთში სუფევდა „მრავალფერი ულუსობანი“-ო და მისი აღმოფხვრა კანონის სახელით გადაუღებელი ამოცანა ყოფილა.

თუ მთაში, სადაც მონღოლებს ნაკლებად მიუწვდებოდათ ხელი, მათი ბატონობის კვალი ასეთი აშკარა იყო, ბუნებრივია. ბარში უფრო მეტად იქნებოდა გავრცელებული მახინჯი მოვლენები და მაშინ. როცა მონღოლთა ბატონობას ბოლო მოეღო. გიორგი ბრწყინვალე იზრუნებდა კანონისა და სამართლის განახლებისათვის.

სწორედ სამართლის აღდგენით და მისი სახელით შექმლო მე-

¹ ივ. ჯავახიშვილი, ქართველი ერის ისტორია, III, გვ. 264.

² ქართული სამართლის ძეგლები, I, 401.

ფეს სახელმწიფოში აღმოეფხვრა განდევნილი მტრის ბატონობა და დარჩენილი კვალი. იქნებ გიორგი ბრწყინვალემდე არსებული სამართლის განახლებას და ძველ უფლებებში აღდგენას და არა საესებით ახალი კანონმდებლობის შექმნას გულისხმობდეს (როგორც ეს ურბნელს ჰგონია) გიორგი ბრწყინვალის მისამართით ეახუშტის მიერ ნათქვამი სიტყვები „სჯული და სამოქალაქო წესი განაბრწყინვა“-ო.

საგულისხმოა, რომ აღნიშნულ სიტყვებს უშუალოდ მოსდევს „ეკლესიანი დარღვეულნი და მოონრებულნი აღაშენა. განაახლა და განანათლნა“-ო ¹.

სიმართლესთან ახლო უნდა იყოს იმის ვარაუდი, რომ მეფემ ისევე როგორც „ეკლესიანი“, განაახლა და „განაბრწყინვა“ „სჯული და სამოქალაქო წესი“ კანონი და სამართალი, რომელიც მტრის ასწლიანი ბატონობის შედეგად იყო შერყეული და დაქვეითებული. ნ. ურბნელი დიდად აფასებს „ძეგლის დადების“ ისტორიულ მნიშვნელობას და სამართლიანად აღნიშნავს, რომ თუმცა იგი საქართველოს ტერიტორიის მცირე მონაკვეთისათვის იყო გამიზნული „მაგრამ ძეგლის დება დიდის ყურადღების ღირსია. და მნიშვნელოვანი ნაშთია ძველის სჯულდებლობისა, რადგანაც ნათელს ჰფენს ჩვენის წარსულის წყვილადს და ცხოვლად გვიხატავს შორეულის სურათს“ ².

„ძეგლის დადების“ შედგენა გამოწვეული უნდა იყოს მთიულეთში შექმნილი მდგომარეობით. არაგვის ერისთავი. ხევისბერები თუ ხევის განმგებლები დაჟინებით ცდილობდნენ მთიულეთში განვითარებული ფეოდალური საქართველოს წესების შემოღება-განმტკიცებას. ბეგარისა და სალაშქრო სამსახურის სავალდებულოდ გადაქცევას, მთის მოსახლეობისათვის მეფის ხელისუფლების სასარგებლოდ. მთის მოსახლეობა კი ვერ ეგუებოდა მათთვის „უცხო“ წესებს და, ბუნებრივია, ხელისუფალთა და მოსახლეობას შორის არსებული ასეთი წინააღმდეგობა იწვევდა გამძაფრებულ ბრძოლას, რომელიც არც ისე იშვიათად მკვლევლობითა და აკლებით აღინიშნებოდა. ყველაფერი ეს კარგად ჩანს როგორც „ძეგლის დადების“ შესავლიდან, ისე მისი შინაარსიდანაც. ერთი სიტყვით, როგორც ნ. ურბნელი აღნიშნავს, „მხოლოდ საჭიროება და ცხოვრების მოთხოვნილება ჰბადავს სჯულმდებლობას. ეს საზოგადო მოვლენაა... მეფე გიორგი ბრწყინვალემაც საჭიროების გამო დასდო თავისი ძეგ-

¹ ეახუშტი, საქართველოს ისტორია, გვ. 280.

² ურბნელი, ძეგლის დება მეფე გიორგი ბრწყინვალესი, გვ. 4.

ლი: ყოლ სამართალ არ იყო-ლა აღარ იქნებოდა განაჩენ დაუდებ-
ლობაო“¹.

როგორც ცნობილია, კლასობრივი საზოგადოების დროს კანონი იცავს გაბატონებული კლასის ინტერესებს და ამ მხრივ „ძეგლის დადებაც“ არაა გამონაკლისი და იგი, რა თქმა უნდა, ნათელი გლეხებისათვის თავისუფლების დაკარგვას თუ არა, მის შეზღუდვას მაინც გულისხმობდა. ეს კარგად ესმის ნ. ურბნელს, მაგრამ მეფის პიროვნებით აღფრთოვანებული მკვლევარი გიორგი ბრწყინვალეს მისამართით წერს: „სახელოვანმა ხურთ მოძღვარმა (ასე უწოდებს ჩვენი მემკვიდრე მეფე გიორგი ბრწყინვალეს!) მართლაც და ხელოვნებით ააგო ადმინისტრაციული შენობა, რომელშიც ლაღი მთიული შეუვიწროებლად მოთავსდა თავისის ჩვეულებებით“².

უნდა ითქვას, რომ მთიელთა „ჩვეულება“, ადათები და წესები მართლაც გათვალისწინებულია „ძეგლის დადებაში“, მეფემ მთიელთა სოციალური წყობისა და ყოფის შესაფერისი სამართალი შეადგინა, მაგრამ „ლაღი მთიული“ მაინც ვერ მოათავსდებოდა მეფის მიერ აგებულ ადმინისტრაციულ შენობაში გაუქირვებლად, „შეუვიწროებლად“ — თუნდაც იმიტომ, რომ აქამდე თავისუფალი მთიელი ამიერიდან დაძახებისთანავე უნდა გამოცხადებულიყო ლაშქრობაში. წინააღმდეგ შემთხვევაში კანონით მკაცრად დაისჯებოდა. აი, რას აკანონებს „ძეგლის დადება“: „რომელიც ქუეყანა და თემი აწვივნეს ბრძანებითა ერისთავმან და განმგებელმან და ჟამიერად არ გამოვიდნენ ქუეყანამან თუ სოფელმან და ანუ ერთმან კაცმან, — და რაზომცალა კაცმან დააკლოს ლაშქრობა, ერთს წელიწადს არ შეენდოს და მამული დაეჭიროს სასეფოდ. და თვითო კარი წაეგუაროს სასეფოდ“³.

ნ. ურბნელი ეხება „ძეგლის დადების“ შედგენის დროსაც და მიაჩნია, რომ გიორგი ბრწყინვალეს აღნიშნული ძეგლი მას შემდეგ უნდა შეედგინა, როცა მან საქართველოს სამეფო პოლიტიკურად გააერთიანა, აღადგინა⁴. მართლაც, „ძეგლის დადების“ წინასიტყვაობაში პირდაპირაა ნათქვამი: „დავდევით ძეგლი — განაჩენი ესე მას ჟამსა, ოდეს შეედიოთ მთიელთა შიგან მოსავლელად ღმრთის მო-

1 ნ. უ რ ბ ნ ე ლ ი, უსახ. ნაშრომი, გვ. 4.

2 ი ქ ვ ე, გვ. 7.

3 ქართული სამართლის ანგარიში. I. სამართალ მეფის გიორგისა, გვ.

410—412.

4 ნ. უ რ ბ ნ ე ლ ი, გიორგი ბრწყინვალე — მეფე საქართველოსი, გვ. 99.

წყალბერთა ყოველგნით აუცილებლად ქონებასა შინა სამეფოაა ჩუენისასა და უცილობლად ჰყრობისა ტახტისა და სკიპტრისასა“¹.

6. ურბნელი „ძეგლის დადების“ შედგენის კონკრეტულ თარიღს არ შეხებია².

როგორც ვხედავთ, გიორგი ბრწყინვალეს „ძეგლის დადების“ დროისათვის უკვე შეეძლო საქვეყნოდ განეცხადებინა საქართველოს „უცილობლად ქონება“ და, ბუნებრივია, მეფის მტკიცე ხელისუფლება ვერ მოითმენდა თავისი ქვეყნის რომელიმე ნაწილის ურჩობას და სამეფო კარისადმი დაუმორჩილებლობას. ეს უნდა იყოს ძირითადი მიზეზი „ძეგლის დადებისა“, რომელიც აწესრიგებდა მთიულთა ცხოვრების ყოველგვარ მხარეს და კანონის სახელით აიძულებდა „ძეგლის“ გავრცელების ტერიტორიაზე მცხოვრებ მოსახლეობას დამორჩილებოდა ერთიანი, მთლიანი საქართველოს სამეფო კარის მტკიცე ხელისუფლებას. ხომ ცნობილია, რომ მთიულეები არც ისე იშვიათად არ ემორჩილებოდნენ საქართველოს სამეფო კარის განკარგულებას და თვითნებურად იქცეოდნენ ომისა და მშვიდობის დროს. ასეთ შემთხვევებს გიორგი ბრწყინვალის მეფობის ხანაშიც კი ჰქონია ადგილი. როგორც „ძეგლი ერისთავთა“ მოგვითხრობს, გორიდან ოსების განდევნის დროს განსაკუთრებით უსახელებიათ თავი ქსნის ერისთავს — ვირშელს და მის ლაშქარს, რასაც არაგველთა შური გამოუწვევია. ეს კი მათ შორის შეიარაღებული შეტაკების საბაზი გამხდარა. მიუხედავად მეფის ძის დავითის მუდარისა, ბრძოლა არ შეწყვეტილა. აი, რას მოგვითხრობს „ძეგლი ერისთავთა“: „ხოლო დავით. ძე მეფისა მუჯლთა დაუყრდა და და ლომისას მყოფნი ხატთა დაუსუენებდეს და ევედრებოდეს. რათა არა სდევნენ, ხოლო მათ არა ისმინეს, არამედ მრავლითა გონებითა მოსზახდეს და საგორავისა სიმრავლესა ჩამოჰყრიდეს“³.

როგორც პროფ. შ. მესხია აღნიშნავს, „XIV საუკუნე ქსნის საერისთავოს ჩამოყალიბების და გაფორმების საუკუნეა. ქსნის ერისთავებმა ამ დროისათვის უკვე გაიჩინეს რეზიდენცია „დარბაზოვანი“ და „თავადი ციხე“ ქვენიფლევისა, საგვარეულო მონასტერი ლარგვისისა. ე. ი. ყველაფერი ის, რაც ფეოდალურ საქართველოში დიდებული თავადის აუცილებელ ატრიბუტს წარმოადგენდა“⁴.

¹ ქართულ სამართლის ძეგლები, I, გვ. 401.

² აკად. შ. დოლიძის ვარაუდით, „ძეგლის დადება“ შედგენილი უნდა იყოს 1335 წელს (ი. დოლიძე, გიორგი ბრწყინვალის სამართალი, გვ. 15).

³ შ. მესხია, ძეგლი ერისთავთა: მსალები საქართველოსა და კავკასიის ისტორიისათვის, 1954, გვ. 351.

⁴ იქვე, გვ. 316.

ასეთ პირობებში, რა თქმა უნდა, გიორგი ბრწყინვალის მიერ საკანონმდებლო ძეგლის შედგენა, რომლის გავრცელების ტერიტორია ზემოთ აღნიშნული საერისთავოს სამბრძანებლოში შედიოდა, ბუნებრივი და აუცილებელი იყო. გიორგი ბრწყინვალემაც მთიულთა პოლიტიკური და სოციალური ცხოვრებისათვის შესაფერისი „ძეგლის დება“ შეადგენინა, რითაც განსაზღვრა მთიულთა სოციალური ურთიერთობის ნორმები და მათი ვალდებულება საქართველოს ერთიანი სახელმწიფოს წინაშე.

ერთხელ კიდევ საგანგებოდ გერნდა ხაზი გაეუსვათ იმ გარემოებას, რომ ნ. ურბნელს კარგად ესმის პიროვნების როლი ისტორიაში და ამ მხრივ იგი ჩვენი თანამედროვეობის სიმალეზე დგას. გიორგი ბრწყინვალის მოღვაწეობას ნ. ურბნელი ძალიან მაღალ შეფასებას აძლევს. მას მიაჩნია, რომ საქართველოს ისტორია ბევრი რამით არის დავალებული ამ „კურთხეული“ მეფისაგან და მონღოლთა ბატონობის ბნელით მოსილ ხანას „მხოლოდ გიორგი მეხუთე აბრწყინვალეებს და ამიტომაც ერმა ბრწყინვალე უწოდა. და განა ერის განაჩენს, სხვა ვინმე, თუ არა უღირსი და უკეთური. წუნს დასდებს“¹.

მიუხედავად გიორგი ბრწყინვალის პიროვნებით ასეთი აღფრთოვანებისა, ნ. ურბნელმა კარგად იცის, რომ პიროვნების როლი ისტორიაში განსაზღვრულია პოლიტიკური, სოციალური, ეკონომიური თუ სხვა საზოგადოებრივი მოვლენების განვითარებით. რომ პიროვნება მაშინ იმსახურებს პატივისცემას და იმოსება დიდებით. როცა გამოამჟღავნებს ნიქს ალლო აულოს შექმნილ სიტუაციას და ხელიდან არ გაუშვას შემთხვევა ხელსაყრელი მდგომარეობის გამოყენებისა.

ნ. ურბნელის მართებული გაგებით, არც ერთ დიდ ადამიანს არ შეუძლია თვითნებურად გააუქმოს ან შექმნას საზოგადოებრივი მოვლენები, თუ ამისათვის არ არსებობს აუცილებელი ისტორიული პირობები. მისი აზრით, არ შეიძლება პიროვნების ნამოქმედარ დიდ საქმეებს ჩრდილი მიადგეს იმის გამო, რომ ამ საქმეების შესრულებას ხელი შეუწყო არსებულმა ისტორიულმა სიტუაციამ. პირიქით, ამბობს ურბნელი, ვერც ერთი დიდი ადამიანი ვერ შეძლებს თავისი სურვილის განხორციელებას ასეთი სიტუაციის გარეშე. აი, რას წერს იგი გიორგი ბრწყინვალის პიროვნების, მისი ნამოღვაწარის და ხელშემწყობი მიზეზების შესახებ: „ერთი გარემოება პირველის შეხედულებით თითქოს ამცირებს მეფის ძლიერებასო. იგი ასპარეზზე

¹ ნ. უ რ ბ ნ ე ლ ი, დასახ. ნაშრომი, გვ. 117.

გამოვიდა მაშინ, როცა მონგოლების ბატონობას ფრთებზე ჩამოვარდა და, მაშასადამე, ადვილი იყო მათი შორევატ. მართალია, მარჯვე დრო ეხმარებოდა გიორგი ბრწყინვალეს და იმანაც ამიტომ ასე ადვილად შეასრულა მძიმე საქმე, მაგრამ არ უნდა დავევიწყოთ, რომ მისი წინაპარნიც უფრო უამთა ვითარების გამო ძლევდნენ ხოლმე ძლიერს გარეშე მტრებს. თუ არა მარჯვე დროს, საქართველოს არ შეეძლო განედევნა მონგოლნი, რომელთაც, აზიას გარდა, შუაგულ ევროპამდე მიიტანეს იერიში. საქმე იმაშია, რომ მეფემ ხელიდამ არ გაუშვა შემთხვევა და მტერს მხოლოდ მაშინ გაემკლავა, როცა შესაძლო იყო. ასე იქცეოდა თითოეული ჩვენი დიდებული და წარჩინებული მეფე, რომელმაც კი ძლევით შეჰმოსა სამშობლო და თვით უდიდესი დავით აღმაშენებელი ამ გზას მისდევდა და სხვას არაფერს, დროთა და უამთა ვითარებას ვერავინ წაუვა“¹.

როგორც ვხედავთ, ნ. ურბნელი ისტორიაში პიროვნების როლის მნიშვნელობის განსაზღვრისას თითქმის არ ცდება, რითაც ვერ დაიკვეხნის არა მარტო XIX საუკუნის, არამედ თანამედროვე ბურჟუაზიული ისტორიოგრაფიაც.

¹ ნ. უ რ ბ ნ ე ლ ი, დასახელებული ნაშრომი, გვ. 112—113.

დასკვნა

ნ. ურბნელი XIX საუკუნის უკანასკნელი მეოთხედის გამოჩენილი მოაზროვნეა, რომლის მოღვაწეობის ფართო დიაპაზონმა და დიდმა ნიჭმა სიცოცხლეშივე პოვა აღიარება. რაც არაერთხელ აღინიშნა იმდროინდელ მოღვაწეთა მიერ მისი შემოქმედების შეფასებისას.

ნ. ურბნელის მეცნიერული მემკვიდრეობა დღემდე ინარჩუნებული დიდ ღირებულებას საქართველოს ისტორიის, ეთნოგრაფიის, იურისპრუდენციისა, თუ ქართველი ხალხის ყოფის სხვადასხვა სფეროს მეცნიერულად შესწავლისათვის.

ჩვენი მიზანი იყო ნ. ურბნელის მეცნიერული ნააზრებისა და იდეური მემკვიდრეობის მხოლოდ ერთი უბნის შესწავლა, საკითხთა გარკვეული ნაწილის წარმოჩენა. მოცემულ პირობებში ჩვენ შესაძლებლად მივიჩნიეთ განგვეხილა ნ. ურბნელის კვლევის მეთოდები, ისტორიული კონცეფცია, საზოგადოებრივ-პოლიტიკური შეხედულებანი და, რაც მთავარია, საქართველოს ისტორიის მნიშვნელოვანი საკითხების ურბნელისეული კვლევის სიღრმე, მისი მეცნიერული მნიშვნელობა ქართული ისტორიოგრაფიის უკეთ შესწავლისათვის.

შრომის შესავალში დადგენილია ნ. ურბნელის ბიოგრაფიული ცნობების რამდენიმე დეტალი და კრიტიკულადაა განხილული მისი შემოქმედების შესახებ გამოთქმულ სხვადასხვა ავტორთა არასწორი შეხედულებანი, რაც, ბუნებრივია, ხელს უშლის ნ. ურბნელის ბიოგრაფიისა. თუ მეცნიერული მემკვიდრეობის შესწავლას.

პუბლიცისტური მოღვაწეობის დასაწყისში ნ. ურბნელი ქართულ ხალხოსნურ პოზიციებზე იდგა. შემდგომში კი მისი მსოფლმხედველობა გარკვეულად შეიცვალა.

საინტერესოა ნ. ურბნელის შეხედულება საზოგადოებრივი ცხოვრების სხვადასხვა საკითხზე.

იგი დიდ როლს აკუთვნებს სკოლას ადამიანის გონებრივი და

სულიერი ჩამოყალიბებისათვის. ადამიანის აღზრდის ქვაკუთხედად, უპირველეს ყოვლისა, ზნეობრივი პრინციპები მიაჩნია. ნ. ურბნელს სწამს, რომ საერთოსაკაცობრიო კულტურის შექმნაში ყველა ხალხს მიუძღვის წვლილი და თითოეულ ერს აქვს ეროვნული სიამაყის კანონიერი უფლება. იგი ილაშქრებს ყოველგვარი შოვინიზმის წინააღმდეგ, რადგან შოვინიზმი მას მიაჩნია საზოგადოებრივ საშუალებად.

საყურადღებოა ნ. ურბნელის შეხედულება მწერლის დანიშნულებაზე. მას სწამს, რომ შემოქმედი ცხოვრებას უნდა ასახავდეს რეალურად, საზოგადოებას იდეურ საზრდოს უნდა აწვდიდეს, ხელს უნდა უწყობდეს სოციალური, თუ სხვაგვარი უთანასწორობის წინააღმდეგ ბრძოლის სურვილის გაღრმავებას. ნ. ურბნელმა იცის, რომ ლიტერატურის პროგრესისათვის აუცილებელია ლიტერატურული კრიტიკა, რომ ყოველგვარი მეცნიერება შემოქმედებითი და ცვალებადია, როგორც ყველაფერი სამყაროში.

ნ. ურბნელი კარგად ასაბუთებს საზოგადოებრივი თაოსნობის უდიდეს მნიშვნელობას ცხოვრების უკეთ მოწყობისათვის. იგი ნათლად ხედავს კლასთა ბრძოლას საქართველოს წარსულსა და აწმყოში და იმ ბრძოლის საფუძვლად ეკონომიურ-სოციალური უთანასწორობა მიაჩნია. მას შეგნებული აქვს, რომ ერის ისტორიისათვის სოციალური ბრძოლის ფაქტს დადებითი მნიშვნელობა ენიჭება და წოდებათა შორის „მამაშვილური“ დამოკიდებულებას თეორია სულაც არ გამოხატავს ამა თუ იმ ხალხის სათნოებასა და ნიჭს.

ნ. ურბნელს სწამს, რომ ძველი და ახალი იდეების ბრძოლა შობს ახალ თაობას, რომელიც თავის იდეებით უპირისპირდება ძველ თაობას, ძველ იდეებს. ახალს კი მუდამ სიცოცხლის მეტი უნარი აქვს და ამიტომ მისი სიმპათია მუდამ ახლის მხარეზეა.

ნ. ურბნელი, მართალია, შესამჩნევად განსხვავდება ძველი სკოლის ისტორიკოსებისაგან და მიაჩნია, რომ ერის ისტორიაში უპირველესი ადგილი უნდა მიენიჭოს უბრალო ხალხის სოციალურ-ეკონომიური ცხოვრების შესწავლას, მაგრამ თავის შრომებში მან მთლიანად ვერ დააყმაცა ისტორიკოსისათვის მართლაცდა აუცილებელი ეს მოთხოვნა.

ნ. ურბნელი თავისი დროის რუსულ და ევროპულ მწერლობაში გაბატონებული სოციოლოგიური და შედარებითი სკოლის და მეთოდის მიმდევარი იყო და ამ სკოლის როგორც უარყოფითი, ისე დადებითი გავლენა აშკარად შეიმჩნევა მის შემოქმედებაში.

ნ. ურბნელმა, როგორც ისტორიკოსმა გამოამჟღავნა ისტორიუ-

ლი წყაროებისადმი კრიტიკული დამოკიდებულების შესანიშნავი უნარი. მან აღნიშნა საქართველოს ძველი ისტორიის ძირითადი წყაროს „ქართლის ცხოვრების“ ბევრი ნაკლი, რამაც, ჩვენი აზრით, თავის დროზე ხელი შეუწყო ამ შესანიშნავი ისტორიული თხზულების მეცნიერულ შესწავლა-დამუშავებას.

წყაროებზე დაყრდნობა ნ. ურბნელისათვის, როგორც ისტორიკოსისა და პუბლიცისტისათვის უცილობელი თვისებაა. ამიტომაც მისი ნაშრომები უმეტეს შემთხვევაში ნდობას იმსახურებს.

ნ. ურბნელს ისტორიის მამოძრავებელ ძალად ხალხის მასები მიაჩნია. იგი, რა თქმა უნდა, არც ცალკეული პიროვნებების როლს უარყოფს, მაგრამ პიროვნების მოქმედებას, მის წარმატებას ისტორიის ასპარეზზე პოლიტიკურ-ისტორიული მომენტით ხსნის.

ნ. ურბნელის აზრით, დიდი ისტორიული პიროვნება მას უნდა ეწოდოს, ვინც თავისი მოქმედებით ხელს უწყობს საზოგადოებრივ პროგრესს; პიროვნება კი, ვისი მოქმედებაც მიმართულია პროგრესის წინააღმდეგ, არ შეიძლება დიდი იყოს, მიუხედავად მისი თუნდაც დიდი ბუნებრივი ნიჭისა.

ნ. ურბნელს გარკვეული აზრი აქვს სამართლიანი და უსამართლო ომების შესახებ. მისი აზრით, ისტორია მართო გამარჯვებულებს არ აჯილდოებს. მას მიაჩნია, რომ გამარჯვება მხოლოდ მაშინაა ზეიმის ღირსი, როცა გამარჯვებისათვის ბრძოლის მიზანი ჰუმანური და სამართლიანია. მისი კონცეფციით დამარცხება ზოგჯერ საპატიოა და ისტორია მას შარაყანდელით მოსაყვს, გამარჯვებულს კი იგივე ისტორია კიცხავს, თუ მის მოქმედებას ბრძოლაში განაპირობებს არაჰუმანური და უსამართლო მიზნები.

ნ. ურბნელის შეხედულებები, მისი ისტორიული კონცეფცია შორს არაა რევოლუციურ-დემოკრატიული მსოფლმხედველობისაგან. მის ნაშრომებში ხშირად ვხვდებით ისტორიული მატერიალიზმის მეთოდის მომარჯვება-გამოყენებას.

მას შესანიშნავად ესმის ხალხისა და პიროვნების როლი ისტორიაში. ნ. ურბნელი თავისი იდეური მემკვიდრეობით ახლოს დგას ქართველ სამოციანელებთან, მაგრამ მას ახასიათებს აზროვნების მტკიცე ინდივიდუალობა და თავისთავადობა, რაც, ბუნებრივია, ორგინალობას ანიჭებს მის ნააზრევს.

ნ. ურბნელს მონოგრაფიაში „მეფე დავით აღმაშენებელი და მისი დრო“ დაწვრილებით აქვს განხილული. დავით აღმაშენებლის ეპოქა და მისი მოღვაწეობის ყველა მხარე. ნ. ურბნელი შეეხო დავით აღმაშენებლის ცნობილ ანდერძს, სადაც მეფე თავის უფროს შვილს დემეტრე I უბარებს, რომ მან, ე. ი. დემეტრემ სამეფო

ტახტი დაუტოვოს არა თავის შვილს, არამედ უმცროს ძმას ცვატას (ვახტანგს).

ნ. ურბნელი სამართლიანად გამოთქვამს ვაკვირვებას იმის გამო, თუ რად უნდა შეეცვალა მეშვიდობის წესი დავით აღმაშენებელს და ცდილობს ახსნას მისი ასეთი საქციელი. ჩვენი აზრით, ნ. ურბნელმა წამოაყენა ერთ-ერთი გასაზიარებელი აზრი; მისი ვარაუდით დავით აღმაშენებელს სურდა ყვიჩაღთა გულის მოგება და ამიტომ მან თავის ანდერძში ისურვა დემეტრეს შემდეგ ცვატას გამოყვება. ცვატა ხომ შვილიშვილი იყო ყვიჩაღთა ბელადის ათრაქა შარლანისძისა.

ქართულ ისტორიოგრაფიაში გაზიარებულია აზრი. რომ 1130 წელს დემეტრე I წინააღმდეგ აჯანყება მოაწყო მისმა უფროსმა შვილმა დავითმა. ჩვენი აზრით, 1130 წელს აჯანყება არ მომხდარა. იგი უფრო გვიან — 1145 წელს უნდა მომხდარიყო და ამ აჯანყების მოთავე ანდერძში მოხსენიებული ცვატა. ანუ ვახტანგი უნდა იყოს და არა დავით დემეტრეს ძე.

ნ. ურბნელი შეეხო დავით აღმაშენებლის საეკლესიო რეფორმას და თავისდროინდელი ისტორიკოსებისაგან განსხვავებით, საკლებით სწორი შეფასება მისცა მას.

როცა ნ. ურბნელი ეხება დიდგორის ომში მონაწილე ქართული სამეფო ლაშქრის ნაციონალურ შემადგენლობას და რაოდენობას, იგი სამართლიანად ემყარება მათეოს ურჰაელის ცნობას და წერს, რომ დავით აღმაშენებელმა აღნიშნულ ომში გამოიყვანა ორმოცი ათასი ქართველი, თხუთმეტი ათასი ყვიჩაღი, ხუთასი ოსი, ასი ფრანგი (და არა ათასი, როგორც მკვლევართა უმრავლესობას მიაჩნია — გ. ნ.), სულ 55600 მეომარი.

ნ. ურბნელის ეს ცნობა ყველაზე უფრო იმსახურებს ნდობას და იგი ასე უნდა იყოს შეტანილი ჩვენს სამეცნიერო. თუ სასწავლო ლიტერატურაში.

ნ. ურბნელი შეეხო საქართველოში მონღოლთა ბატონობის ხანას და გიორგი ბრწყინვალის მოღვაწეობას. ნ. ურბნელმა ძირითადად სწორად შეაფასა მონღოლთა ბატონობის უარყოფითი შედეგი, მათ მიერ დაპყრობილი ხალხების საზოგადოებრივ-პოლიტიკური განვითარების ბელზე.

როგორც ცნობილია, მონღოლები დაპყრობილ ხალხებს ბევრად ნაკლებად მრავალგვარი გადასახადით და ზოგი საბის გადასახადი უმნიშვნელოდაც გვეჩვენება. მაგ., ცხენის ნალი, თოქი, ისარი და სხვა. ნ. ურბნელი სავსებით სწორად ხსნის ამ „უცნაურობის“ მიზეზს; „ისტორიულის ასპარეზზედ გამოსვლის უმაღლე მათ სხვების დამო-

ნავება დაიწყეს, ომს მიჰყვეს ხელი, სარჩო საბაღებლად კი „ხარა-
ჯა“ და დავლა გაიხადეს... მათ არც მრეწველობა და არც სხვაგვარი
წარმოება არ მოეპოვებოდათ“¹ — სამართლიანად შენიშნავს
ნ. ურბნელი.

ნ. ურბნელი ეხება საკითხს, თუ როგორ შესძლეს მონღოლებმა
ეკონომიურად და კულტურულად მათზე გაცილებით განვითარებუ-
ლი ქვეყნები თავიანთი ბატონობის ქვეშ მოექციათ.

მას სამართლიანად მიაჩნია, რომ განვითარებული ფეოდალური
ქვეყნისათვის დამახასიათებელია შინაფეოდალური ბრძოლები, შუ-
რი, მტრობა, რაც სახელმწიფოს პოლიტიკურ სხეულს ასუსტებს.

ვერ გავიზიარებთ ნ. ურბნელის აზრს იმის შესახებ, თითქოს
მონღოლები „რაკი ერთხელეე პირობით შეეკვროდხენ ვისმე, ზავის
სიმტკიცეზე თავის გამოდება იცოდნენო“². ნ. ურბნელი ამ შემთხ-
ვევაში უამთაღმწერლის აზრს იზიარებს, რაც არ არის სწორი.

არაა მართებული ნ. ურბნელის მოსაზრება, თითქოს ქართველ-
თა „ომსა შინა სიმტკიცეს მონღოლებიც ხელავდნენ და ქართველთ-
ბა ლაშქრობის დროს მოწინავე რაზმებად ჰყვანდნენ კიდეც“. მონ-
ღოლები ასევე ექცეოდნენ დაპყრობილი ქვეყნებიდან თავიანთ არ-
მიაში გაწვეულ ყველა რაზმს. ურბნელისეული მოსაზრებით ამ ფაქ-
ტის ახსნა არ შეიძლება.

ნ. ურბნელი ხშირად არ იზიარებს უამთაღმწერლის შეხედუ-
ლებას და კრიტიკულად ეკიდება მისეულ ცნობებს, მაგრამ ყოველ-
თვის ვერ ახერხებს აღნიშნულის გაკეთებას, რაც, ბუნებრივია, უარ-
ყოფითად მოქმედებს ნ. ურბნელის მიერ მიღებულ დასკვნებზე ზო-
გიერთი საკითხის გაშუქების დროს.

ნ. ურბნელს კარგად აქვს შეგნებული გიორგი ბრწყინვალის
დამსახურება, სათანადოდ აქვს შეფასებული მისი ნიჭიერება, კარ-
გი პოლიტიკური აღლო და მისი მოღვაწეობის დადებითი შედეგე-
ბი. მან იცის, რომ სახელმწიფოებრივ სარბიელზე გიორგი ბრწყინ-
ვალის წარმატებები განაპირობა არსებულმა ისტორიულმა პირო-
ბებმა. ნ. ურბნელმა ყურადღება მიაქცია გიორგი ბრწყინვალის
მოღვაწეობას სამართლებრივ დარგში და ბევრ საინტერესო და გა-
საზიარებელ მოსაზრებასთან ერთად აღნიშნა, თითქოს გიორგი
ბრწყინვალემ მთლიანი საქართველოსთვის შექმნა „ახალი სამართა-
ლი“, რისი გაზიარებაც ასეთის არარსებობის გამო შეუძლებელია.

¹ ნ. უ რ ბ ნ ე ლ ი, ვიორგი ბრწყინვალე — მეფე საქართველოსი, ტფ.,
1889, გვ. 21.

² ი ქ ე ე, გვ. 5—6.

რაც შეეხება ჩვენამდე მოღწეულ „ძეგლის დადებას“, მისი შედგენა გამოწვეული უნდა იყოს მთიულეთში შექმნილი განსაკუთრებული მდგომარეობით. არაგვის ერისთავი თუ ხევის განმგებლები დაჯინებით ცდილობდნენ მთიულეთში განვითარებული ფეოდალური საქართველოს წესების შემოღება-განმტკიცებას, ბეგარისა და სალაშქრო სამსახურის სავალდებულოდ გადაქცევას, რაც, ბუნებრივია, ხელს აძლევდა საქართველოს სამეფო კარს და რამაც უკარნახა გიორგი ბრწყინვალეს შეექმნა „ძეგლის დება“, რომელიც გამიზნული იყო მხოლოდ მთიულეთის განსაზღვრულ ტერიტორიაზე მცხოვრები მოსახლეობისათვის.

ნ. ურბნელის, ამ შესანიშნავი მოაზროვნის შემოქმედების გარკვეული უბნის შესწავლაც, ვფიქრობთ, უფლებას გვაძლევს ვთქვათ, რომ იგი, როგორც მოაზროვნე და ისტორიკოსი, თავისი ეპოქის მოთხოვნათა დონეზე იდგა. მეტად დიდი სიმკაცრე იქნებოდა მისი მოღვაწეობა მხოლოდ თანამედროვე მოთხოვნათა თვალსაზრისით შეგვეფასებინა. ჩვენ მოკრძალებითა და პატივისცემით უნდა მოვეკიდოთ ნ. ურბნელის ნააზრევში იმ დადებითს, რაც ნამდვილად ხელს უწყობდა ეპოქის მიერ აღძრული მნიშვნელოვანი საკითხების სწორად გაშუქებას.

ვფიქრობთ, რომ ნ. ურბნელის მდიდარი მეცნიერული მემკვიდრეობის შესწავლა აუცილებელია XIX საუკუნის მეორე ნახევრის ქართული ისტორიული აზრის უკეთ გაგებისათვის.

წარმოები და ლიტერატურა

მარქსიზმ-ლენინიზმის კლასიკოსები

- ვ. ი. ლენინი, თბ., ტ. 17, მე-4 გამოცემა.
კ. მარქსი, თვრამეტი ბრიუპერი ლუი ბონაპარტისა, თბ., 1932.
კ. მარქსი, ფ. ენგელსი, რჩეული ნაწერები, ტ. II.
К. Маркс, Ф. Энгельс, Немецкая идеология, Соч., т. 3, М., 1955,

წყაროები

1. ნ. ურბნელი, მეფე დავით აღმაშენებელი და მისი დრო, ტფ., 1894.
2. ნ. ურბნელი, გიორგი ბრწყინვალე — მეფე საქართველოსი, ტფ., 1889.
3. ნ. ურბნელი, ჩვენი ცხოვრების ევოლუცია, „ივერია“, № 5, 1902.
4. ნ. ურბნელი, მესხური კილო და მისი მოსარჩლე, „ივერია“, № 205, 1898.
5. ნ. ურბნელი, გუჯრები ა. ხახანაშვილისა, „ივერია“, № 68, 1892.
6. ნ. ურბნელი, ლიტერატურული შიმოხალა, „დროება“, № 172, 1883.
7. ნ. ურბნელი, ეხლანდელი სამწერლო ენა, „ივერია“, № 166, 1888.
8. ნ. ურბნელი, კრწანისის ბრძოლა, „ივერია“, № 194, 1895.
9. ნ. ურბნელი, ქართული ენის შემოღების გამო, „დროება“, № 187, 1893.
10. ნ. ურბნელი, ეკონომია თუ აკრონომია, „დროება“, № 283, 1883.
11. ნ. ურბნელი, ძველის დაღება მეფე გიორგი ბრწყინვალესი, 1890.
12. ნ. ურბნელი, საფუძვლები სახალხო განათლებისა, „იმედი“, № 7, 1882.
13. ნ. ურბნელი, ძველი და ახალი თაობა, „დროება“, № 94, 1883.
14. ნ. ურბნელი, ჩვენი გლეხკაცობა და ახალი სამართალი, „იმედი“, № 3, 1882.
15. ნ. ურბნელი, ჩვენი საეკლესიო სჯულმდებლობა, „ძველისწერა“, „ივერია“, № 46, 1888.
16. ნ. ურბნელი, ჩვენს ლიტერატურულ კეთილსინდისიერებაზედ, „დროება“, № 99, 1883.
17. ნ. ურბნელი, უფლება და კანონი ძველ საქართველოში, „იმედი“, № 11, 1882.
18. ნ. ურბნელი, შრომა იურიდიული სიბრძნე, „დროება“, № 105, 1883.
19. ნ. ურბნელი, ხმა პროვინციიდან, „დროება“, № 166, 1883.
20. ნ. ურბნელი, ათაბაგნი ბექა და აღბულა და შათი სამართალი, ტფ., 1890.
21. ნ. ურბნელი, მგზავრის შენიშვნებიდან, „დროება“, № 129, 1883.
22. ნ. ურბნელი, ჩვენი საეკლესიო სჯულმდებლობა, „ივერია“, № 38, 1888.

23. ნ. ხიზანაშვილი, ეთნოგრაფიული ნაწერები, გ. ჩიტაის შესავალი წერილი, თბ., 1940.
24. აკად. კ. კეკელიძის სახელობის საქართველოს ხელნაწერთა ინსტიტუტი, დიმიტრი ბაქრაძის პირადი საარქივო ფონდი, № 11 (ყოფ. — 526-1).
25. პლანოკარპინი, ისტორია მონღოლებისა, რომელთაც ჩვენ თათრებს ვუწოდებთ. მასალები საქ. და კავკ. ისტორიისათვის, წ. 11, 1942.
26. თ. ყორღანია, ქრონიკები, ტ. 11, ტფ., 1897.
27. რუბრუკვისი გულილმომ, მოგზაურობა აღმოსავლეთის ქვეყნებში, მასალ. საქ. და კავკ. ისტორიისათვის, ნ. V, 1942.
28. მ. საბინინი, საქართველოს სამოთხე, ტფ., 1882.
29. ქართლის ცხოვრება, ტ. I და II, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, თბ., 1955, 1959.
30. ძველი საქართველო, I, 1909.
31. ძველი ერისთავთა, შ. მესხიას პუბლიკაცია, მასალ. საქ. და კავკ. ისტორიისათვის, ნ. 30, 1954.
32. ქართული სამართლის ძეგლები, ტექსტი გამოსცა, გამოკლევა და ლექსიკონი დაურთო ი. დოლიძემ, თბ., 1962.
33. ი. დოლიძე, გიორგი ბრწყინვალის სამართალი, თბ., 1957.
34. ქართული სამართლის ძეგლები, 1965.
35. სიბრაჟე ბლავარისა, შ. ნუცუბიძის და ს. ყაუხჩიშვილის შესავალი წერილი, თბ., 1937.
36. Всеобщая история Варлана Великого, М., 1861.
37. Рашид-эд-დინ, Сборник летописей, т. I, кн. 2, М.-Л., 1952.
38. Сборник материалов, относящихся к истории Золотой Орды, II, собранный В. Г. Тизенгаузеном, М.-Л., 1941.

მ ი ტ რ ა ტ უ რ ა

39. აბაშმაძე ვ., ნარკვევები საქართველოს პოლიტიკურ მოძღვრებათა ისტორიიდან, თბ., 1969.
40. აბრამიშვილი ე., ილია ქაქუცაძე და ნიკო ხიზანაშვილი, „მნათობი“, № 7, 1968.
41. ანთელავა ი., საზოგადოებრივ-პოლიტიკური მოძრაობა და საზოგადოებრივი აზრის ისტორიიდან საქართველოში, თბ., 1967.
42. ბერძენიშვილი ნ., საქართველოს ისტორიის საკითხები, ტ. I, თბ., 1965.
43. ბერძენიშვილი ნ., დუმბაძე მ., დონდუა ე., მელიქიშვილი გ., მესხია შ., რატიანი პ., საქართველოს ისტორია, ტ. I, თბ., 1958, 1968.
44. ბელინსკი ბ., რჩეული ფილოსოფიური თხზულებანი, თბ., 1948.
45. ბარამიძე ა., შეცდომა უნდა გასწორდეს, „ლიტერატურული საქართველო“, № 32, 1963.
46. გაბაშვილი ვ., ილხანთა ირანი XIV საუკუნის I ნახევარში, ნარკვევები მახლობელი აღმოსავლეთის ისტორიიდან, თბ., 1957.
47. გვრიტიშვილი დ., ნარკვევები საქართველოს ისტორიიდან, თბ., 1962.
48. გორგილაძე ლ., იდეოლოგიური ბრძოლის ისტორიიდან საქართველოში, თბ., 1963.

49. გორგილაძე ლ., ნაროდნიკობა საქართველოში, თსუ შრომები, XXVII, 1947.
50. გრიგოლია ვ., ახალი ქართლის ცხოვრება, თბ., 1954.
51. გრიგოლია ვ., უამთააღმწერელი და მისი თხზულების სამეცნიერო მნიშვნელობა, ქართული ისტორიოგრაფია, ტ. I, თბ., 1968.
52. დონაძე ვ., ქართველი სამოციანელები ახალი ისტორიის პრობლემების შესახებ, თბ., 1970.
53. დუმბაძე მ., ისტორიკოსი დიმიტრი ბაქრაძე, ბათუმი, 1950.
54. ვახუშტი, საქართველოს ისტორია, ნ. II, ტფ., 1885.
55. ზარდალიძე ილია გ., ვინ თქვა „ადვილ“, „ციცქარი“, № 11, 1968.
56. თამარაშვილი მ., ისტორია კათოლიკობისა ქართველთა შორის, ტფ., 1902.
57. თაყაიშვილი ე., მოგონებები, „მნათობი“, № 1, 1958.
58. კაპარაძე ი., ქართული ისტორიოგრაფიის საკითხები, თბ., 1962.
59. კეკელიძე კ., ეტიუდებუ ქართული ლიტერატურის ისტორიდან, II, თბ., 1945.
60. კეკელიძე კ., ქართული ლიტერატურის ისტორია, ტ. II, თბ., 1958.
61. კაკაბაძე ს., დავით აღმაშენებლის მემკვიდრის ვინაობა, 1913.
62. კიკვიძე ა., საქართველოს ისტორია XIX—XX სს., ტ. II, თბ., 1959.
63. კიკვიძე ა., დავით აღმაშენებელი, თბ., 1942.
64. კოკნაძე რ., უამთააღმწერლის სპარსული წყაროები, კავკასიურ-ასოლოღ-მოსაელური კრებული, II, თბ., 1962.
65. ინგოროყვა პ., გიორგი მერჩულე, თბ., 1945.
66. ლაისტი ი., საქართველოს გული, თბ., 1963.
67. ლოლაშვილი ი., არსენ ბერისა და დავით აღმაშენებლის ისტორიკოსის ვინაობისათვის, „ისტორია, საზოგადოებათმცოდნეობა და გეოგრაფია სკოლაში“, № 3, 1966.
68. ლორთქიფანიძე მ., ყეოდალური საქართველოს პოლიტიკური გაერთიანება, თბ., 1963.
69. მანსვეტაშვილი ა., მოგონებანი, თბ., 1936.
70. მესხია შ., დიდგორის ბრძოლა, თბ., 1965.
71. მესხია შ., თეიმურაზ ბატონიშვილის ცხოვრება და მოღვაწეობა, მასალები საქ. და კავკასიის ისტორიისათვის, ნ. I, 1939.
72. მესხია შ., საქალაქო კომუნა შუა-უკუნეების თბილისში, თბ., 1962.
73. შაკალათია ს., დავით აღმაშენებელი, თბ., 1944.
74. შეტრეველი რ., საქართველოს ისტორიის ზოგიერთი საკითხის დათარღ-ლებისათვის, „მნათობი“, № 6, 1970.
75. შეტრეველი რ., დავით აღმაშენებელი, თბ., 1965.
76. შვიცილია კ., თერგდალეულები და რუსეთის სამოციანი წლების რევოლუციონერი მოღვაწეები, ტ. I, თბ., 1959.
77. ნეჩკინა მ., ლეიბენგარუბი პ., სსრკ ისტორია, მე-7 კლასის სახელმძღვანელო, 1970.
78. ოდიშელი ჯ., აღმოსავლეთ საქართველოს პოლიტიკური ისტორიისათვის, XIV—XVIII სს. რამდენიმე ქართული ისტორიული დოკუმენტი, თბ., 1964.
79. სახოკია თ., ჩემი საუკუნის აღმნიშვნები, თბ., 1969.
80. სტეფანიძე ჯ., საქართველოს პოლიტიკური ურთიერთობა კავკასიის ხალხებთან XII საუკუნეში (საკანდიდატო დისერტაცია, ინახება ი. ჭავჭავაძის მემორიალში)

ვილის სახ. ისტორიის, არქეოლოგიისა და ეთნოგრაფიის ინსტიტუტში),
თბ., 1970.

81. სურგულაძე ივ., საქართველოს სახელმწიფოსა და სამართლის ისტორიისათვის, თბ., 1952.
82. ქართული ლიტერატურის ისტორია, ტ. II, აღ. ბარამაძის რედაქციით, თბ., 1966.
83. ქრონიკა, გაზეთი „მეგობარი“, № 68, 1906.
84. ყაუხჩიშვილი ს., ფორესტე ორესტე, ლიტერატურული ძიებანი, II, 1944.
85. ყიფშიძე გ., ხიზანაშვილ. და მისი სალიტერატურო მოღვაწეობა, აღმანახი, „ქართველი ერი“, № 1, 1909.
86. ჩადუნელი ე., ჟურნალ „იმედის“ საზოგადოებრივ-ეკონომიური შეხედულებანი, თბ., 1961.
87. ჩიქობავა ა., დიალექტიზმების საკითხისათვის ეფესისტყაოსანში. ენიშკის შოაშბე, II, 1938.
88. ჩეჩქეზიშვილი ე., მოგონებანი. თბ., 1741.
89. ძიძიგური შ., ქართული ენის თავდასავალი, თბ., 1969.
90. ცინცაძე ი., ძიებანი რუსეთ-საქართველოს ურთიერთობის ისტორიიდან (X — XVI სს.), თბ., 1956.
91. ცინცაძე ი., მონღოლება და მონღოლთა დაპყრობები, თბ., 1960.
92. ცინცაძე ი., აღა-მამად ხანის თავდასხმა საქართველოზე, თბ., 1969.
93. ქაეკავაძე ი., ერი და ისტორია, თხზ. სრ. კრებული, ტ. II, თბ., 1941.
94. ქაეკავაძე ი., თხზ. სრული კრ., ტ. 10.
95. ქაეკავაძე ი., დავით აღმაშენებელი, თხზ. სრ. კრებული, ტ. II, თბ., 1941.
96. ქაეკავაძე ი., პედაგოგიის საფუძვლები, ტ. II, 1941.
97. ქაეკავაძე ი., სომეხთა მეცნიერნი და ქვათა დაღადი, ტ. II, 1941.
98. ქაეკავაძე ი., თეადანზაურობის გულგრილობა სწავლა-განათლების საქმეში, ტ. II, 1941.
99. ხახანაშვილი ა., ბატონყმობა საქართველოში რუსეთთან შეერთებამდის, ტფ., 1910.
100. ხანთაძე შ., მარი ბროსე, თბ., 1966.
101. ხანთაძე შ., ნარკვევი ვეროპული ქართველოლოგიის ისტორიიდან, ქართული ისტორიოგრაფია, ტ. I, 1968.
102. ხომლედი, რჩეული ნაწერები, თბ., 1963.
103. ხუნდაძე ს., სოციალიზმის ისტორიისათვის საქართველოში, ტ. II, ტფ., 1927.
104. ხუნდაძე ტ., ნარკვევები სახალხო განათლებას ისტორიიდან საქართველოში, თბ., 1951.
105. ჭავჭავაძე ი., ქართული სამართლის ისტორია, წ. I, თბ., 1923.
106. ჭავჭავაძე ი., ძველი ქართული საისტორიო მწერლობა, თბ., 1954.
107. ჭავჭავაძე ი., ქართველი ერის ისტორია, III, თბ., 1966.
108. ჭავჭავაძე ი., მამულიშვილობა და მეცნიერება, ტფ., 1904.
109. ჭავჭავაძე ი., ქართველი ერის ისტორია, ტ. II, თბ., 1965.
110. ჭავჭავაძე ი., ძველი სომხური საისტორიო მწერლობა, თბ., 1935.
111. ჭავჭავაძე ი., საქართველოს ეკონომიური ისტორია, თბ., 1930.

112. ჭავჭავაძე შვილი მ., თბზ. სრ. კრებული. ტ. VI, თბ., 1967.
113. ჭავჭავაძე ს., გიორგი შერვაშიძე, კულტურულ-ისტორიული ნარკვევი, სოხუმი, 1946.
114. ჭავჭავაძე ს., შრომები, II, თბ., 1952.
115. ჭავჭავაძე შ., საქართველოს ისტორია, ტ. I, ტფ., 1906.
116. Владимирцов, Общественный строй монголов, Л., 1934.
117. Галстян А., Завоевание Армении монгольскими войсками, Татаро-монголы в Азии и Европе, М., 1970.
118. Гумилев Л., Понски вымышленного царства, М., 1970.
119. Гуттен Ульрих, Диалоги, публицистика, письма, М., 1959.
120. Иоселиани П., Краткая история грузинской церкви, СПб., 1843.
121. Иоселиани П., Описание города Душета, Тифлис, 1848.
122. История Монгольской Народной Республики, М., 1954.
123. История монголов по армянским источникам. под редакцией К. Патканова, СПб., 1874.
124. История СССР. т. II, М., 1966.
125. Мурзаев Э. М., История Монгольской Народной Республики, М., 1952.
126. Сандаг Ш., Образование единого Монгольского государства и Чингиз-хан. Татаро-монголы в Азии и Европе. М., 1970.
127. Тихвинский С., Татаро-монгольские завоевания в Азии и Европе, Татаро-монголы в Азии и Европе, М., 1970.

ს ა რ ა ჩ ე ბ ა

წინასიტყვაობა	3
შესავალი	8
თავი I. ნ. ურბნელის კვლევის მეთოდები. ისტორიული კონცეფცია	15
თავი II. ნ. ურბნელის საზოგადოებრივ-პოლიტიკური შეხედულებანი	11
თავი III. ნ. ურბნელი დეიოთ აღმშენებლისა და მისი დროის შესახებ	55
თავი IV. XIV საუკუნის პირველი ნახევრის ისტორიის საკითხები ნ. ურბნელის ნაშრომებში	98
დასკვნა	147
წყაროები და ლიტერატურა	153

გამომცემლობის რედაქტორი ლ. ბ ა ხ ტ ა ძ ე
ტექნიკური ი. ხ უ ც ი შ ვ ი ლ ი
კორექტორი შ. ჯ ა ნ ე ლ ი ძ ე

ხელმოწერილია დასაბეჭდად 18/IX-73
ქალაღის ფორმატი 60X90/16
ნაბეჭდი თაბახი 10
სააღრიცხვო-საგამომცემლო თაბახი 8, 8:

შეკვეთა 1046 უე 11808 ტირაჟი 2000
ფასი 1 მან. 17 კაბ.

თბილისის უნივერსიტეტის გამომცემლობა,
თბილისი, 380028, ი. ჯავჭავაძის პროსპექტი, 14.
Издательство Тбилисского университета,
Тбилиси, 380028, пр. И. Чавчавадзе, 14.

თბილისის უნივერსიტეტის სტამბა,
თბილისი, 380028, ი. ჯავჭავაძის პროსპექტი, 1.
Типография Тбилисского университета,
Тбилиси, 380028, пр. И. Чавчавадзе, 1.